

D. C.

OPERATORUM

DEPARTMENT OF THE ARMY

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK

THE UNIVERSITY OF THE STATE OF NEW YORK



Digitized by the Internet Archive
in 2017 with funding from
Getty Research Institute

D E
IMPERATORUM
CONSTANTINOPOLITANORUM
SEU INFERIORIS Aevi
VEL IMPERII
UTI VOCANT
NUMISMATIBUS
DISSERTATIO
CAROLI DU-FRESNE
D. DU-CANGE.

Gemmae mensura



Apud D. March. Alexandr. Rinuccinium Florent. V. pag. 165

ROMÆ MDCCLV.
Typis Jo: Mariæ Salvioni typographi Vaticani

Superiorum facultate.

D O M I N I C O

TIT. S. BERNARDI AD THERMAS

CARDINALI PASSIONEO

S. R. E. BIBLIOTHECARIO

BENEDICTO XIV. A BREVIBUS LITTERIS

OB GRAVISSIMA SEDIS APOSTOLICAE NEGOCIA

DIU BENE GESTA

ET APOCRISARII MUNIA

TUM APUD HELVETIORUM REM PUBL.

TUM APUD CAESAREM AUGUSTUM

OPTIME PERACTA

SUMMAM SOLERTIAE LAUDEM CONSEQUUTO

QUOD OMNIGENA ERUDITIONE

UNIVERSAEQUE HISTORIAE LITTERARIAE SCIENTIA

MIRIFICE PRAESTET

CAROLI DU-FRESNE

LUCULENTISSIMAM DISSERTATIONEM

DE NUMIS INFERIORIS Aevi

QUAM SEORSIM EXCUDI CURAVIT

JOHANNES BOTTARIUS

BIBLIOTHECAE VATICANAE PRAEFECTUS

VIRO HARUM ELEGANTiarUM AMANTISSIMO

ET AESTIMATORI OPTIMO

D. D.

D O M I N I C O

TIT. S. BERNARDI AD THERMAS

CARDINALI PASSIONE

S. R. E. BIRUCHI THECARIO

BENEDICTO XIV. A BREVIUS LITTERIS

OR. GRAVISSIMA SERIE APOSTOLICAE NEGOTIA

DIU & INCESTA

ET APOCRISARII MUNIA

TUM APUD HELVETIORUM REMPUBL.

TUM APUD CAESAREM AUGUSTUM

OPTIME PERACTA

SUMMAM SOLESTIAE LAUDIS CONSEQUUTO

QUOD OMNIGENA ERUDITIONE

UNIVERSAEQUE HISTORIAE LITTERARIAE SCIENTIAE

MIRIFICI PRAEESTET

CAROLI DUFRESNE

LUCULENTISSIMAM DISSERTATIONEM

DE NUMIS INFERIORIS Aevi

QUAM GEORGII EXCUD. CURAVIT

JOHANNES BOTTARIUS

BIBLIOTHECAE VATICANAE PRAEFECTUS

VIRO HARUM ELEGANTIAM AMANTISSIMO

ET ASSISTENTORI OPTIMO

D. D.

ERUDITO LECTORI.



Vanti jure, & merito semper facta fuerit nobilis illa Dissertatio, quam De nummis inferioris ævi in finem Glossarii ad Scriptores mediæ & infimæ Latinitatis rejecit eruditissimus Carolus Dufresnius, nemo est tam a litteris alienus, tamque in republica litteraria rudis, ac novus hospes, qui ignoret. In ea enim elucet summa, minimeque vulgaris eruditio, ac beata rerum abditarum copia, & precipua ac perampla antiquitatis cognitio. Quum autem Dufresnius ediderit hoc suum Glossarium anno 1678. confecta jam ætate, nec illud in ampliorem formam redigere potuerit, hoc præstiterunt laudatissimi Monachi sancti Mauri, qui idem Glossarium denuo in lucem protulerunt insigniter auctum anno 1733. sed hac præclarissima Dissertatione mutilum, quod egre tulerunt harum elegantiarum amatores. Nam illis necesse erat non unam, sed ambas emere magno pretio hujus Glossarii editiones; ni vel auctario, vel Dissertatione privari vellent; prima enim auctario carebat, secunda vero hac Dissertatione; quorum utrumque baud leve afferebat studiis litterarum detrimentum. Quamobrem, ut tante incommoditati succurrerem, seorsim illam typis mandare nitidissime curavi, additis nonnullis perquam brevissimis notis, quantum necessitas postulare videbatur. At si quis forte mirabitur, me non eadem forma hanc Dissertationem protulisse, qua magnitudinem æquaret Glossarii, ut eidem assui posset, sciat me id data opera fecisse; primum quia qui jam Glossarium compactum habet, nullum ei locus relictus est hanc Dissertationem, quæcunque forma ea sit, illi adnectendi; & præterea quia nil omnino ea commune habet cum eodem Glossario. Quod quum nuper sine ipsa iterum Venetiis impressum sit, qui hanc editionem vel emerunt, vel emturi sunt, gratias mihi habebunt, quod mea cura possint hac etiam præstantissima non carere Dissertatione.

REIM-

REIMPRIMATUR,

**Si videbitur Reverendissimo Patri Sac. Palatii
Apostolici Magistro.
F. M. De Rubeis Patriarcha Constantinopolitanus
Vicesgerens.**

REIMPRIMATUR.

**Fr. Augustinus Orsi Ordinis Prædicatorum Sacri
Palatii Apostolici Magister.**

INDEX CAPITUM.

- §. I. **N**ummorum C. P. necessaria cognitio. pag. 1.
- §. II. Nummi Consulares. p. 3.
- §. III. Paria Consulium expressa in nummis. p. 4.
- §. IV. Habitus Consularis. p. 5.
- §. V. Trabea. p. 6.
- §. VI. Lorum. p. 9.
- §. VII. Pallium. p. 10.
- §. VIII. Lora Consularium feminarum. p. 12.
- §. IX. Forma Pallii Pontificii. p. 13.
- §. X. Stola sacerdotum. p. 14.
- §. XI. Consulare sceptrum. p. 15.
- §. XII. Volumen, vel Mappa. p. 22.
- §. XIII. Acacia. p. 24.
- §. XIV. Nummi, in quibus equi Imperatoribus appinguntur. p. 25.
- §. XV. Nimbus. p. 26.
- §. XVI. Caesarea insignia. p. 31.
- §. XVII. Camelaucium. p. 32.
- §. XVIII. Globus Cruciger. p. 33.
- §. XIX. Globus Cruciger inter insignia Imperatorum Occidentis. p. 35.
- §. XX. Labarum. p. 37.
- §. XXI. Narthex. p. 40.
- §. XXII. De codice Evangeliorum ab Imperatoribus gestato. p. 41.
- §. XXIII. Crux in nummis. p. 42.
- §. XXIV. Christi monogramma in nummis. p. 44.
- §. XXV. De inscript. IC. XC. NIKA. p. 45.
- §. XXVI. Christi effigies in nummis. p. 46.
- §. XXVII. Nummi Zimisiani. p. 47.
- §. XXVIII. Quomodo Christus in nummis effingitur. pag. 48.
- §. XXIX. Imperatores a Deo coronati. p. 52.
- §. XXX. Deipara efficta in nummis. p. 53.
- §. XXXI. Sanctorum imagines in nummis. p. 55.
- §. XXXII. S. Gregorii imago in nummis. p. 57.
- §. XXXIII. Imperatoris titulus omifusus in nummis Byzantinis. p. 57.
- §. XXXIV. Titulus D. N. Imperatoribus, & Caesaribus tributus in nummis. p. 58.
- §. XXXV. Despotæ titulus Imperatorum. p. 59.
- §. XXXVI. Flavii prænom. p. 60.
- §. XXXVII. Titulus perpetui Augusti. p. 62.
- §. XXXVIII. Titulus Imperatoriæ, & Tribunicæ potestatis. p. 62.
- §. XXXIX. Titulus novi Constantini. p. 64.
- §. XL. Nummi votivi. p. 65.
- §. XLI. Nummus Constantini, in quo exaratum PLVR. NAT. FEL. p. 70.
- §. XLII. Vota multa. p. 71.
- §. XLIII. Acclamatio ΠΟΛΥΧΡΟΝΙΟΙ. p. 72.
- §. XLIV. Anni Imperii in nummis descripti. p. 74.
- §. XLV. Inscriptiones Græcæ, & in medio nummo. p. 74.
- §. XLVI. Nomina urbium, in quibus cusi sunt, nummis adscripta. p. 75.
- §. XLVII. De litteris CONOB. p. 76.
- §. XLVIII. Eadem litteræ in aliis nummis quam Constantinopolis cufis. p. 77.
- §. XLIX. Eadem litteræ in nummis Francis. p. 78.
- §. L. Officinæ monetariæ Orientis. p. 79.
- §. LI. Officinæ monetariæ Occidentis. p. 80.
- §. LII. Aliæ officinæ monetariæ. p. 80.
- §. LIII. Nummus Constantini M. explicatus. p. 86.
- §. LIV. Vetus inscriptio nuper detecta. p. 87.
- §. LV. Nummi alii Constantini, in quibus exaratum Francia, & Alemannia. p. 88.
- §. LVI. Nummi, in quibus valium describitur. p. 89.
- §. LVII. Sap-

VIII

- §. LVII. Sapphirus Constantis Imperatoris . p. 90.
- §. LVIII. Nummus Constantis in Britanniam transmittentis . p. 90.
- §. LIX. Nummus Julii Silvani . p. 92.
- §. LX. Nummus Bonifacii triumphum exhibens . p. 92.
- §. LXI. Nummus Plac. Valentiani; in quo expressus Petron. Maximus . p. 95.
- §. LXII. Nummus Justiniani, in quo expressus Belisarius . p. 96.
- §. LXIII. Nummus Stilichonis . p. 96.
- §. LXIV. Nummi restituti, & contorniati . p. 97.
- §. LXV. Nummus adulterinus Heraclii . p. 98.
- §. LXVI. Aedes Anastaseos expressa in nummo Heraclii . p. 100.
- §. LXVII. Imperatores Constantini, imberbes, & barbati . p. 102.
- §. LXVIII. Nummi Imp. ex Gente Palæologa . p. 103.
- §. LXVIII. Medallia Joannis, & Constantini Palæolog. . p. 106.
- §. LXIX. Nummi Helenæ nomen præferentes . p. 107.
- §. LXX. Nummi utriusque Theodosii . p. 111.
- §. LXXI. Nummi utriusque Justiniani . p. 111.
- §. LXXII. Nummi Constantini, & Constant. ex familia Heracliana . p. 113.
- §. LXXIII. Nummi Regum Gothicorum Italiæ . p. 118.
- §. LXXIV. Nummi Exarchorum Constantini Imp. Bizantini Numismatis argentei expositio . p. 152.
- Sapphirus Constantini Imp. Aug. exposita . p. 157.
- Index rerum . p. 166.
- Addenda ad Dissertationem . p. 173.
- Ravennatum . p. 119.
- §. LXXV. De characteribus barbaricis . p. 119.
- §. LXXVI. Solidus aureus . p. 120.
- §. LXXVII. Exagium . p. 121.
- §. LXXVIII. Nomisma . p. 122.
- §. LXXIX. Chrysinus . p. 123.
- §. LXXX. Hyperpyrum . p. 123.
- §. LXXXI. Talentum . p. 127.
- §. LXXXII. Byzantius . p. 127.
- §. LXXXIII. Constantinopolitani nummi . p. 128.
- §. LXXXIV. Nummi Imperatorum nominibus donati . p. 129.
- §. LXXXV. Semissis . p. 130.
- §. LXXXVI. Tremissis . p. 130.
- §. LXXXVII. Tetarteron . p. 121.
- §. LXXXVIII. Miliarenis . p. 132.
- §. LXXXIX. Ceratium . p. 136.
- XC. Follis . p. 137.
- §. XCI. Follis majoris pretii . p. 139.
- XCII. Obolus . p. 140.
- §. XCIII. Leptum, quadrans nummus . p. 140.
- §. XCIV. Assarium . p. 141.
- §. XCV. STAMENA . p. 142.
- §. XCVI. Aspri . p. 143.
- §. XCVII. Centenionales, majoranæ pecuniæ . p. 144.
- §. XCVIII. Monetæ, Cauci, Quadrata &c. dictæ . p. 144.
- §. XCIX. Scyphati . p. 145.
- §. C. ΧΑΡΑΓΜΑ ΣΤΑΤΗΡ . p. 146.
- CI. Medallia . p. 147.
- CII. Mallia nostrates . p. 149.
- CIII. Masculi . p. 150.



Jov. Veronijfs sculp.





Sapphirum Constantii forma maiore vide sis in fronte, et fine huius libri

Safir us Constantii


















ΙΣΑΗΛΕΝΧΡΙΣΤΩ.ΤΩ. ΚΩΝΣΤΑΝΤΙΝΟΣ	ΘΕΟΔΩΡΑΕΝΧΡΙΣΤΩ.ΤΩ.ΤΩ.
ΔΕΨΗΣΤΟΣΒΑΣΙΛΕΥΣ ΠΟΡΦΥΡΟΓΕΝΝΗΤΟΣ	ΟΕΨΗΣΤΗ ΒΑΣΙΛΙΣΣΑ
ΚΑΙ ΑΥΤΟΚΡΑΤΩΡ	ΚΑΙ ΑΥΤΟΚΡΑΤΟΡΙΣΣΑ
ΡΩΜΑΙΩΝ	ΡΩΜΑΙΩΝΗ ΚΩΜΗΝΗ



ΜΑΝΗΝΑ ΕΝ ΧΩ ΤΩΘ
ΠΙΘΟΒΑΣΙΛΕΥΣ ΚΑΙ
ΕΥΤΟΚΡΑΤΩΡ ΡΩΜΑΙ
ΤΩΝ ΟΠΑΔΑΙΟΛΟΓΟΣ
ΚΑΙ ΑΕΙ ΑΥΓΥΣΟΣ

ΕΛΕΝΗ ΕΝ ΧΩ
ΤΩΘΩΠΙΣΗΑΥΓΥΣΑ
ΚΑΙ ΑΥΤΟΚΡΑΤΟΡΙΣΑ
ΡΩΜΑΙΩΝ Η ΠΑΛΑΙ
ΟΛΟΓΙΝΑ


ΙΩ ΕΝ
ΧΩ ΤΩ
ΘΥΠΙΣΟΣ
ΒΑΣΙΛΕΥΣ
ΟΥΙΟΣΑΥΤ

ΘΕΟΔΩΡΟΣ
ΠΟΡΦΥΡΟΓΕΝ ΑΝΔΡΟΝΙΚΟΣ
ΝΗΤΟΣΕΥΤΥ^Η ΑΥΘΕΝΤΟΠΥ
ΧΗΣΑΕΣΠΟΤ ΛΟΣΠΑΛΑΙΟ
ΟΥΙΟΣΑΥΤΣ ΛΟΓΟΣ ΟΥΙ
ΟΣΑΥΤΣ



















D E
 IMPERATORUM
 CONSTANTINOPOLITANORUM
 S E U
 DE INFERIORIS AEVI VEL IMPERII
 UTI VOCANTUR
 NUMISMATIBUS
 DISSERTATIO.

§. I.

NUMMORUM. CP. NECESSARIA
 COGNITIO.

Etti tot viri eruditissimi, & in re nummaria antiqua peritissimi de hac liberalium disciplinarum parte copiose hactenus differuerint, ac luculentos de Numismatum figuris, & inscriptionibus ediderint Commentarios, eos tamen, quos inferioris vocant Imperii Nummos, fere omnes neglexere, maxime qui post Heraclium regnare Imperatorum Constantinopolitanorum; tum quod male formatas figuras exhibebant, insulasque, ne dicam ineptas, inscriptiones, tum etiam quod nihil in se fere contineant, quod ad arguta illa, & ingeniosa veterum numismatum ænigmata accedat. Verum quisquiliarum ejusmodi, quandoquidem postremam istam nummariam supellectilem ita indignant, doctiorum hominum studio minime videtur indigna cognitio. Licet enim exquisita illa in iis vix occurrant reconditoris eruditionis argumenta, quæ vetustiora numismata passim suppeditant, ac viris litteratis divinationum & conjecturarum præbent occasiones; insunt aliquando tamen in istis, quæ OEdipo indigeant, qui obscura, praveque quantumvis edita pandat

dat oracula, atque explicet. Fatendum deinde viliora ista numismata ad ævi, quo formati sunt, historiam conducere, ab iisque lumen interdum accendi scriptoribus Byzantinis. Horum denique notitia ex sese nullam licet contineret utilitatem, aut certe haberet nihil, quod distingere debeat liberalem & excultum litteris animum, si non magni, aliquanti tamen interest agnoscere, quorum sint Principum, & a quibus cusa & formata, quæ manibus versamus, numismata, & characterum in aversa eorum, facie vim vel percipere, vel saltem investigare; quandoquidem nihil frustra in iis positum, vel effectum licet arbitrari. Enimvero ut in antiquioribus numismatibus, præteritorum sæculorum felicem artium peritiam, ingeniorum acre iudicium, & præclaras ac sagaces ænigmatum adinventiones demiramur; ita in iis, quæ ævi sunt sequioris & labentis Imperii, artificum inscitiam, litterarum, atque mechanicarum perinde ac liberalium artium lapsum & interitum; & quod stupendum, apud gentem cui litteras & artes Orbis debet, licebit deplorare. Licebit, inquam, male formatos ac cufos nummos intueri, pessime insuper effigiatos, barbaros inductos characteres, barbaras etiam ac utraque lingua mixtas persæpe inscriptiones: nullo denique fere genio vel ingenio expressas adversarum partium, si quæ habentur, figuras. Sed hæc sunt infimæ omnino ætatis numismatum, nam ævo Constantini & qui proxime successerunt Augustorum, longe alia occurrit nummorum facies, ut qui in figuris & ænigmatum descriptionibus vix prioribus cedant. In utroque porro ejusmodi numismatum genere, quæ ad stemmarum Byzantinorum illustrationem delineari curavimus, explanando, haud inutilem forte operam nos collocaturos existimavimus, etsi quum qualemcumque divinandi præbent materiam in rebus per se obscuris, ac incertis, nobismet conjecturis indulgendi facultatem arrogaremus. Quod quidem hac ratione ita visum est aggredi, ut quæ vel omnibus, vel pluribus ævi sequioris numismatibus conveniunt, in hac dissertatione explicarentur, ut ad eorum accedentibus inspectionem expeditior sit & figuras, & characteres dignoscendi via: quæ vero cuique propria sunt, post singula Imperatorum stemmata brevioribus notis illustrarentur, in eo quod de Familiis Augustis Byzantinis confecimus opere, si tamen illud in lucem prodire contigerit. (1) Quæ igitur omnibus, vel pluribus conveniunt, aut Imperatorum effigies,

Vestes

(1) Edidit Parisiis anno 1682.

vestes nempe, & adjuncta dignitatum insignia, ac symbola spectant; aut inscriptiones ab iis, quæ in superioris ævi occurrunt nummis, diversas: vel denique nummorum ipsorum novas, & antiquis incognitas appellationes: quibus quidem observationibus quædam adjungenda duximus, quæ in nummis iisdem prolixiori indigent Commentario, tum etiam de spuriiis ac adulterinis, atque adeo de iis, quos *Contorniatos* vocant. Ita quadripartitum opus adornandum nobis incumbit.

§. II.

NUMMI CONSULARES.

A Tque ut ab Augustorum figuris initium ducat instituta disputatio, ex nummis Imperatoriis quidam Consulares appellantur; in quibus scilicet Imperatores aut Cæsares Consulari habitu effinguntur; iis quibus Consulatum gessere annis cusi: nam unicam Consulatus dignitatem tanquam Imperatoriæ Majestatis *æquivalens*, ut loquitur Libanius, semper ambierunt Augusti. Varie autem effectos cernimus: interdum enim *expressa thorace vultus imagine*, ut verbis utar Pollionis, cum stola Consulari, sceptro aquilifero in dextra, & corona radiata, quæ caput cingitur, ut sunt nummi Aurelii Probi apud Tristandum, Constantii Chlorig, cui pro lemmate, VIRTUS AUGG. & Constantini M. qui in cippo præfert, vot. xx. cususque est anno decimo, vel decimoquinto Imperii: nam hisce annis Consul fuit Constantinus. Ejusmodi etiam est nummus Crispi nobilissimi Cæsaris laurea præcincti, cum stola perinde Consulari, & sceptro aquilifero, nulla anni Consulatus nota. Ter autem Consul fuit Crispus (1), ac primo cum Licinio V. rursus cum Constantino II. denique cum Constantino III. Iis etiam fortean accensendi aliquot ex Licinianis, tametsi sceptrum non præferant. Simili denique figura exhibentur in nummis, non lusca quidem, sed plena facie, protomæ Tiberii Constantini, & Mauricii Tiberii, dextra volumen, læva sceptrum aquiligerum, Phocæ vero loco sceptri crucem (2). Philippici denique loco voluminis globum crucigerum tenentium (3). Nam etsi post Justinianum in Fastis Consules non describantur, certum est tamen longe

Liban. in Constul. Juliani:

Tom. 3.
pag. 289.

A 2

postea

(1) Crispus & Licinius ann. 318. Crispus & Constantinus II. ann. 321. Crispus & Constantinus III. ann. 324.

(2) Vide Bandurii Numismata tom. 2. p. 671.

(3) Vide Bandurium ibid. tom. 2. p. 698. in *Filepico*, seu *Philippico*.

postea hanc dignitatem obtinuisse, uti mox dicturi sumus, & ad consularem dignitatem referendos videri nummos inferioris ætatis Augustorum, in quibus Consulari habitu exhibentur.

§. III.

PARIA CONSULUM EXPRESSA
IN NUMMIS.

Interdum par Consulum *ἄντ' ἑνὶ βήματι*, ut est apud The-
mistium, seu *pro tribunali* sedentium, effictum conspicitur.
Ita in nummo Constantis Imperatoris æreo, majoris formæ, se-
det ipse Constans celsior, caput nimbo vel lumine (1) circum-
datus, cum binis Consulibus, in tribunali, in cujus basi le-
gitur hæc inscriptio, *VO T. V.* quæ arguit Felicianum, (2) &
Titianum in eo exprimi, qui Consulatum gerebant, quum Con-
stantinus M. excessit 25. Julii, quo pro Constante Augusto vo-
ta quinquennialiorum soluta sunt: aut forte Ursus & Polemium,
qui sequenti. Consules etiam Constantinum & Constantem re-
præsentat nummus alter (3) aureus, majoris perinde formæ,
pro tribunali sedentes, caputque nimbo exornatos, quibus ad-
stant figuræ duæ stolatæ, laureos ramos porrigentes, cum Chri-
sti monogrammate inter utriusque Augusti capita, & hæc
inscriptione, *GLORIA REIPUBLICAE*; nam ter simul Consu-
latum gessere, annis scilicet 339. 342. & 346. Maxime vero in-
ter Consulares insignis est nummus aureus Theodosii (4) junio-
ris, in quo Theodosius ipse in sella sedet cum Placidio Valen-
tiniano. Uterque autem habitu Consulari dextra volumen,
sinistra globum crucigerum tenet, ubi Valentinianus, ut puer
effingitur, adeo ut ad primum, quo Cæsaris, vel potius ad
secundum ejus Consulatum, quo Augusti nomen gessit, ut qui
cum globo crucigero effingatur, Imperii symbolo referri de-
beat, cum ætatis annum sextum, vel septimum vix tum attigisset.
Eorundem etiam Theodosii & Valentiniani Consulium imagi-
nes

Orat. 11. p. 254.

(1) Apud Mediobarbum in Constante Tr.
Poteft. IV. p. 480. edition. Mediol. 1730.

(2) Anno 337.

(3) Nummus Regis Galliarum. Vide Ban-
duri Numismata in CONSTATE tom. 1:
p. 349.

(4) De hoc nummo videfis Bandurium

ibid. tom. 1. p. 558. qui non unum, sed
duos profert, & ita eos describit: Impera-
tores duo sedentes a fronte cum nimbo circa
caput, dextris fertum (f. *sceptrum*) sinistris
crucem longiorem tenent, cum epigraphe
SALVS REIPUBLICAE. Vide, quæ ibi
notat Bandurius.

nes in altero ipsius Theodosii, qui hunc excipit, ni fallor habentur. Imperatorum denique paria exhibent perinde nummi Valentiniani senioris, (1) Valentis, Gratiani, Valentiniani junioris, Theodosii, Maximi Tyranni, & Victoris, non ut Consul, sed ut Imperatoriæ dignitatis consortium & collegarum; quod & indicat globus, quem iis in nummis uterque expressus Augustus dextra tenet. Nam nec Maximus, nec Victor filius Consulatum una gessere, quorum alter ut puer in nummo effingitur.

§. IV.

HABITUS CONSULARIS.

EX habitu igitur Consulari nummos Imperatorum Consulares esse deprehendimus. Non de veterum Reipublicæ Romanæ, sed de ceterioris ævi Consulorn ornatu, ac veste hic sermo est, quorum insignia a priorum Consulorn insignibus si non diversa, saltem non prorsus eadem fuisse, in confesso esse debet. Notum ex Scriptoribus priscorum Consulorn vestes fuisse togas pictas & palmatas, ac trabeas, quod pluribus docuere pridem Criticorum filii, tametsi utrumne a se invicem diversæ fuerint, non plane definiunt. Certum pariter istius nomenclaturæ indumenta etiam Consulibus sub Constantinopolitanis Imperatoribus adscribi. Sed cum veterum Consulorn imagines, sive in statuis, sive in numismatibus dignitatis istius insignium formam materiamque non ita prodant, ut res extra omnem controversiam habeatur, incertum manet an eadem fuerint quæ numismata ac diptycha Consularia representant. In iis quippe, maxime in diptychis, ubi habitus Consularis universus plene conspicitur, (2) Consules tunicis palmatis & togis pictis induti apparent, cui superfunditur fascia latior collum ambiens, cujus pars dextra strictior, a dextro humero recta circa pectus ultra genua descendit, ipsumque humerum ac brachium dextrum circumvolvens, sinistrum humerum amplectitur, explicans sese, latiorque sensim effecta, ac circa dorsum delapsa, rursus a dextro latere per umbilicum transversum agitur, & infimam sinistri brachii partem, qua manui illud con-

(1) Vide Mediobarbum in Valentiniano Senatore Trib. Pot. IV. ad anni 368.

(2) Vide Senatorem Bonarotam in Ani-

madversionibus suis eruditissimis ad tria diptycha cujus eçtÿpa extant in fine præclari ipsius operis; *De antiquis vitris*.

conjungitur, involvit, reliqua fasciæ parte retro pendula. Ita quidem in diptychis Leodiensi, (1) & Bituricensi ab Alexandro Wilthemio descriptis, quæ in Compendiensi apud Sirmondum ad Sidonium, & in numismatibus decussata tantum ad pectus cernitur, forte quod reliqua & inferior corporis pars in iis desit. Sed præstat hoc loco diptychon aliud Consulare eburneum, (tametsi cujus Consulis sit minime constet, quum nulla in eo habeatur inscriptio) ex gazophylacio Regio describere, eaque est forma ac magnitudine; tum ut habitus Consularis omnino percipiatur, tum quod quædam contineat, quæ in aliis diptychis non occurrunt. Nam Consuli utrimque adsunt figuræ muliebres habitu satis insolenti, præsertim quoad ornatum capitis, quarum quæ ad dextram est, hastam vel bacillum tenet, altera clypeo læva innititur, seu illa Minerva, vel Pallas sit, seu alia quævis Dea, quum hisce figuris virtutes designari pro certo sit, ut in Julianæ imagine, de qua mox agemus, & ut ejusce ævi pictores ac sculptores solebant, quod præterea satis docent figuræ aliquot ejusmodi in notitia Imperii Orientalis descriptæ. Consul vero ipse dextram, qua mappam seu volumen tenet, non erigit, sed in gremio demissam habet.

V. Tabell. 1.

Notit. Orient.
cap. 159.

S. V.

T R A B E A.

F Asciam istam, veterum esse latum clavum quidam censent, qui apud Sosipatrum *impurpurata vestis*, id est, ἐμπορφύρος ἐσθῆς, καὶ ὁ ἥλος appellatur, & Senatorum proprius fuit: qui trabeis aliisque vestibus attexebatur, quas περιπορφύρεος & φοινικοπορφύρεος vocat alicubi Dio, ut πλατυπόρφυρα ἱμάτια Archippus apud Pollucem: purpuræ quippe nomine limbos vestium donabant. Veteres Glossæ: Κύκλας ἡ περὶ τὴν χλαμύδα κυκλοπορφύρεα, *limbus*. alibi πορφύρα ὑφασμένη, *clavus*. Gloss. S. Benedicti cap. De vestimentis, *Clavi σημεῖα*. *Clavare πορφυ.* Senator. l. 6. ἡ δὲ σφ. Senator in formula Rectoris Provinciæ: *Chlamydis tue procul*

Sosip. l. 1. Pol.
lax. l. 7. c. 14.

Senator. l. 6.
cap. 217.

(1) Wilthemii insigne opus denuo in lucem prodibit studio eruditissimi, ac nominis claritate illustris Viri, Antonii Francisci Go-

rii, qui Florentiæ non solum, sed Italiæ totius decus merito habetur. Adornat enim Thesaurum diptychorum luculentissimum.

procul dubio clavos intende, quos scias non inaniter positos. Hinc fit, ut cum publicum agentes, purpuram cernerent, de vigore Principis semper admonerent. Septima Synodus can. 15. ἡ δὲ ἐκσημαδὴν ὑφασμάτων πεποικιλμένη ἐστὶν ἡ περὶ τοῦ ὕψους, ἡ δὲ περὶ τοῦ πλάτους. Sed clavi isti purpurei limbos vestium proprie spectant, a quibus dictæ ejusmodi vestes auroclavate, vel auroclava, ut habet vetus Interpres Juvenalis: unde recentiores Græci vocem χρυσοκλα-
 Caeikos formarunt. Verum alii fuere postmodum Senatorum & Consulum lati clavi, quorum formam ita describit Acron ad illud Horatii: *Prætextam & latum clavum*: *Latum clavum pur-*
puram dicit, quæ in pectore extenditur Senatorum. Græci τὸ κολοβίων
 vocant. Usus ejus hodie retinent Principes, iniicientes vestis a cer-
 vici ad pectus indumentum ex purpura, vel pellibus pretiosis muris
 Pontici, vel aliis, dum regio habitu prodeunt in publicum. Ubi
 nemo non videt graphice describi ac designari fasciam istam,
 Consularem, quæ ad collum convoluta, a cervice ad pectus
 descendens colobii speciem referebat: quod tunicam absque
 manicis fuisse testantur passim Scriptores. Unde apud Ammia-
 num pectoralis illa tunica sine manicis texta, cujusmodi colobion
 Acronis fuit, Regale indumentum appellatur: non quod revera
 Acronianus colobion esset tunica contexta absque manicis, ut
 diaconorum fuit: sed quod clavus, olim vestis adtextus, dein-
 de ab ea avulsus, ita ad collum & humeros circumvolveretur,
 & ad pectus deflueret, ut colobii revera speciem præberet.
 Clavos enim non modo purpuras vestium limbis adtextas voca-
 bant, sed & quasvis longiores fascias; ut *lintheorum clavos la-*
tissimos dixit Ammianus: *mappas laticlavias* Petronius Arbiter:
mantilia cocco clavata Lampridius in Alexandro Severo. Clavos
 igitur intelligit Pacatus per *purpuras Consulares*, quum, ut di-
 ximus, eæ vestis Consulari olim attexerentur, uti ea effingitur
 in nummo Augusti, quem designavit Biæus, quæ neque multum
 discrepat ab ea, qua indutus conspicitur Maximianus cum ra-
 diato stemmate in nummo argenteo, in cujus aversa facie scri-
 ptum, PAX AUGG. nisi quod revera fascia latior collum ambiens,
 & ante pectus defluens potius videtur. Atque hic quidem co-
 lobion, Consulum proprius non omnino fuit, sed Senatorum
 omnium pacificus habitus, ut docet lex 1. Cod. Th. De habitu,
 (1) quo uti oportet intra urbem. Nullus Senatorum habitum sibi
 vindi-

Ad Satyr. 6.

l. 14.

l. 16.

Biæus ad Aug.
dial. tab. 13.

(1) Colobium differre a laticlavio probat
 Gattifredus in Cod. Theodosiano ex L. XIX.

§. plane, & L. XXIII. §. ff. De aure
 argent. leg.

vindicet militarem, sed clamydis terrore deposito, quieta colorum ac penularum induat vestimenta. Tamen si Consulum colobiones purpureos fuisse, aut ex pretiosiori alio panno, par sit credere.

At cum inter vestes Consulares alia occurrat apud Scriptores posterioris ævi, quam *subarmalis* nomenclatura donant, videant eruditi, an non ipsa eadem sit fascia, sic appellata, quod sub armis, id est sub humeris, circumvolvatur petus, uti effingitur: adeo ut fuerit, quod ὠμοφόριον vocavit ætas posterior. Valerianus quippe Augustus sic Valerianum compellat apud Vopiscum: *Cape igitur tibi pro rebus gestis -- tuam togam prætextam, tunicam palmatam, togam pictam, subarmalem profundum, sellam eboratam: nam te Consulem hodie designo, &c.* Ubi cum *subarmalis* postrema ex vestibus Consularibus recensetur, admodum probabile est eam esse, quæ cæteris superfundebatur. Neque sane omnino a subarmali diversa fuit vestis illa, quam *succinctorium* nuncupabant, uti describitur ab Isidoro: *Redimiculum est, quod succinctorium, sive brachiale nuncupamus, quod dividens per cervicem, & a lateribus colli divisum, utrarumque alarum sinum ambit, atque hinc inde succingit, ut costringens latitudinem vestiatur corpus, atque conjungendo componat: hoc vulgo brachiale, quasi brachiale vocant, quamvis nunc non brachiorum, sed renum sit cingulum. Succinctorium autem vocatum, quod ut dictum est, sub brachiis ductum alarum sinum ambit, atque hinc inde succingit.* Quæ quidem *succinctorii* vel *bracilis* descriptio, si non *subarmalis* prorsus, saltem convenit *stole* Ecclesiasticæ, de qua mox agemus, descriptioni. *Subarmalem* autem, non Consulum dumtaxat, sed & aliorum magistratum pacificum fuisse habitum, & quibus ii in solemnibus Imperatorum processibus ac festis diebus utebantur, pridem alii observarunt ex Spartiano, Trebellio Pollione, & Herodiano. Sed quod Casaubonus dixit fuisse sagum, seu militarem togam sic dictam, quod sub armis fibula annecteretur, vel sub armis rejiceretur, ex Auctorum locis ab eo allatis id confici nemo, opinor, dixerit. Neque etiam forte fidem apud plerosque obtinebit, dum *profundum* appellari *subarmalem* scribit, quasi ποδῆρη, id est *talarem*, quum hoc loco vox *profundus* videatur potius colorem denotare saturum, intensiorem, & subfuscum, ita ut idem sit *subarmalis*, qui Pollioni cum *purpura maura* nuncupatur, id est, ex purpura fusca: nam

In descript.
S. Sophiæ p. 2.
v. 227.

ita Greci καθυ interdum usurpant, ut Hesychius, qui καὶ τὸ μέγα, & ὑψηλόν, καὶ μέλαν significare ait. Hac notione χλοερόν

βαθν-

βαθυκόκκον, Paulus Silentarius *viridem colorem saturum* appellat. Sic etiam βοσσὸν Græci pro *profundo*, perinde ac pro *byssō*, seu purpura usurpant, atque adeo ἀνὰ τῆς ὕστερης, ut habet idem Hefychius, sic ut *subarmalis profundus* fuerit ὑσγινόβαφης, *hysgino infectus*, ut loquitur Plinius. Quod vero *profundum* vocat Valerianus Imperator, (1) *fundatum* appellarunt Scriptores ævi inferioris: nam vocem hanc cum Tyria purpura, aut *blatta* fere semper conjungit Anastasius Bibliothecarius, uti alibi docemus. Igitur *subarmalis profundus* fuerit, nostra quidem sententia, ex Plin. Stor. nat. l. 26, c. 26.
purpura intensiore ac *satura*, atque adeo δισαφής. In Gloss.

§. VI.

L O R U M.

Sed quam hæc ætas *clavum*, vel *subarmalem*, vel alia nomenclatura dixit, fasciam illam consulare, posterior *lorum* appellavit, quod lori seu cinguli formam referret. Id enim genus esse ornamenti, quod Silvestro summo Pontifici inter alia concessum ajunt a Constantino Magno, jam persuasum habetur. p. 12.
Ita enim Anastasius Bibliothecarius, ubi de ejusdem Augusti donatione, ex codice Mazarino: *Deinde diadema, videlicet coronam capitis nostri, simulque Phrygium, necnon & superhumeralem, videlicet lorum, quod Imperiale circumdare solet collum.* Ubi Græca habent: ἅμα καὶ τὸ λῶρον, καὶ τὸ ὠμοφόρον, ὅπερ κυκλοῖ τὸν βασιλικὸν τράχηλον. Hic exclamat Laurentius Valla: *Superhumeralem ais esse lorum, nec quid sit lorum tenes. Non enim cingulum ex corio factum, quod dicitur lorum, sentis circumdari pro ornamento Caesaris collo: hinc est, quod habenas & verbera vocamus lora.* Quod si quando dicantur lora aurea, non nisi de habenis, quæ aurata collo equi, aut alterius pecudis circumdari assolent, intelligi potest, quæ te res, ut mea fert opinio, sefellit: & quum lorum circumdare collo Caesaris atque Silvestri vis, de homine, de Imperatore, de summo Pontifice equum aut asinum aut canem facis. Ita nugantur plerumque puræ Latinitatis ac veteris scientissimi, dum in inferioris ætatis Scriptorum salebras, & quisquilias incidunt. Sed indulgendum viro alioquin doctissimo, qui quid esset *bannum*, vel *lorum* in hac donatione ignorasse debuit, quum totam vitam terendis melioribus libris insumpsisset. Perperam vero *lorum* in Græco distinguitur *superhumerali*, quod unum idemque esse constat, satisque firmat Anastasius. Scio pallii usum

De Donat.
Constat.

Anastas. in
Marco .

summis aliisque Pontificibus adscribi longe ante Silvestri, atque adeo Constantini M. ætatem, quum Anastasius scribat, Marcum PP. constituisse, ut episcopus Ostiensis, qui consecrat episcopum Urbis, pallio uteretur, & ab eodem episcopo urbis Romæ consecraretur. Sed & Auctor Ceremonialis Romani, quem Christophorum Mar-

Cerem. Rom.
l. 1. sect. 10.

cellum quidam nominant, ab ipso Lino ejus usum ac originem aufpicatur. Extat porro hujusce ornamenti Imperatorii nomenclaturæ vestigium insigne apud Leonem Grammaticum in Basilio:

Leo Gram. in
Basil. p. 272.

ἐν ῥοιζῇ καὶ ἐν κανιζῇ, ἡ ἐκκλησία, ἣν ἔκτισεν ὁ βασιλεὺς, καὶ ἐκαλῶπισε κόσμῳ πολλῷ, τῷ Φωτίῳ Πατριάρχῃ, ὃ βασιλεὺς ἐν τῷ αὐτῆς κανισμῷ λῶρον φορέσαντος, καὶ χρήματα πολλὰ δόντος, Dedicatur ecclesia, quam excitavit Imperator, ornatuque plurimo decoravit, a Photio Patriarcha, Imperatore in ejus dedicatione lorum ferente, & multas pecunias erogante. Est igitur lorum, quod postea pallium dictum est, quod consulum & Imperatorum gestamen, ac habitus primum fuit. Græci ὠμοφύριων appellavere, Latini superhumeralē, quia ad humeros circumvolveretur, col-lumque ambiret: unde τὸ κυκλῶν τὸ τράχηλον ὠμοφόριον Ma-thæo Blastari, ὁ καὶ κλῶ τοῦ τὸς ὠμὸς ἐμπροσθέν τε καὶ ὀπίσθεν

Germ. Hist.
Ecl. Symeon
Thessalon: de
Templo.

ὠμβάλλει, ut habet Simeon Tessalonicensis, & σπειραχίλιον dicitur Germano Patriarchæ Constantinopolitano. Proinde ea appellatio indita consularibus ac pontificiis istis ornamentis, quod hæc ætas vestium segmenta lora appellaret, ipsasque vestes uno, duobus, tribus, aut quinque segmentis distinctas, monolores, dilores, trilores, & pentilores, ut Vopiscus: quæ uni-

Vopif. in Au-
reliano.

Achmes. c. 220

versim ἰμῶνα λῶραπα vocat Achmes.

§. VII.

PALLIUM.

Ioan. Diacon.
l. 4. cap. 84.

Simile porro consulari loro esse pallium Pontificium ultro fatebitur, qui pallii S. Gregorii Magni Papæ descriptionem apud Joannem Diaconum in ejus Vita attentius expend-rit. Ita enim effingitur, ut haud fere diversum fuisse a consu-lari loro prorsus evincatur: Pallio, inquit, mediocri, a dextro videlicet humero sub pectore super stomachum circulatim deducto: deinde sursum per sinistrum humerum post tergum deposito, cujus pars altera super eundem humerum veniens, propria rectitudine, non per medium corporis, sed ex latere pendet. Ex qua descriptione colligit

git Angelus Rocca, hanc minime convenire posse Gregorii imagini, quæ in ædícula S. Andreae Romæ conspicitur; cujusmodi etiam similes omnino Pontificum Romanorum complures effigies in sacris ejusdem civitatis ædibus haberi auctor est; in qua quidem imagine pallium Gregorii more Latino factum reperitur. Unde colligit, pallium Gregorianum ejus fuisse formæ, quæ Græcorum Pontificum fuit: *hi enim*, inquit, *pro pallio fasciam* quamdam seu zonam, latiore fane ac longiorem quam stolam, sed instar stolæ collo imponunt: dextra tamen ejus pars multo est longior, & ad terram usque defluit, cujus pars major per sinistrum humerum post tergum rejicitur, ita vero ut crux una a tergo maneat, altera ad dextram, tertia ad sinistram appareat, quarta vero ad eam pallii partem, quæ ab humero sinistro pendet. Sed & alio loco pallii materiam describit idem Joannes Diaconus: *Pallium ejus bysso candente contextum nullis* Id. c. 80. *fuisse cernitur accubiis (acubus) perforatum, sicut vetustissimis musivis, vel picturis ostenditur.* Græcorum homophorium ex lana, Ifid. l. 1. epist. 136. non ex lino contextum fuisse scribit Isidorus Pelusiota. Enimvero ad terram defluxisse patriarchale *ῥυμφόριον* satis innuit Zonaras in Copronymo, dum illud Germani patriarchæ Constantinopolitani ab Anastasio quodam inter eundum calcatum scribit. In hoc tamen differt consulare lorum in dyptichis expressum a pallio Pontificio, quod non modo collum lorum amplectatur, & ad pedes ante defluat, sed etiam a dextro latere circa umbilicum transversum agatur, lævaque manu extrema ejus ora sustentetur: pallium vero Pontificium etsi interdum ante & retro ad pedes defluit, interdum etiam pars anterior læva sustentatur Pontificis, ut videre est in veteribus tabellis Græcanicis, quas ad illustrationem Historiæ Byzantinæ pridem delineari curavimus. Pallium id genus consularis ornamenti appellatum nemo fortean mirabitur, qui consulum in diptychis lorum inspexerit, quod sat latitudinis videtur habere, præsertim ubi genua ambit, ut pallii appellatione donari potuerit; quum vestem interiorem totum fere involvat & ambiat. Et fane labente sæculo apud Græcos Byzantinos id nominis habuit: *μανδύαν* enim dixerunt Imperatorium istum ornatum, qui humeros & scapulas ambit, in *rochi* seu *rocheti* episcopalis formam, ut observat Gretzerus ad Codinum; ex quo stolæ nostratis species quædam ante defluit, ipsi *rocho* adjuncta. *Ῥῆχον* enim ad genua usque descendisse auctor est idem Codinus, quo spectant ista ex Glossario MS. Regio: *μανδύας, εἰς ὅς ἐμαῖς, ὅπερ καλεῖται λαικίον.* Leo Imp. Orac. 16. p. 273. Codin. l. 24. n. 3. Cod. 1673.

Leon. Tac.
cap. 6. n. 26.

Nisi vox postrema non *λῶρον* sed *ἐπιλωρίκιον*, sagum scilicet militare hoc loco significet, ut apud Leonem in *Tacticis*, & alios: tamen *ἐπιλωρίκιον* civilibus etiam magistratibus non semel adscribat idem Codinus.

§. VIII.

LORA CONSULARUM FEMINARUM.

L. 1. D. de Se-
nator.

Lambec. l. 2.

Comm. de Cæ-
sarea Bibl. c. 8.

Iust. Nov. 105.
c. 2.

Julian. Antec.
Const. 98.

V: Tabella 2.
Lora Imperato-
rum Occidentis.

ID quoque observatione non indignum prorsus existimo, quod non consules duntaxat, sed & *consulares feminas*, uti ab Ulpiano consulum uxores vocantur, eodem ac simili pene perinde habitu usas, quo conjuges, colligere sit ex iconismo, qui in vetustissimo Dioscoridis codice scripto habetur in bibliotheca Cæsarea, uti a Petro Lambecio ejusdem curatore doctissimo describitur: ubi *Μεγαλοψυχία* & *Φρόνις* habitu muliebri illustrissimæ Julianæ, cujus nomen ibi exaratum legitur, assident: ipsa vero, fascia illa ampliori collum & humeros amplectente, & pectus attingente, exornata conspicitur; in hoc a consulari fascia diversa, quod ista muliebris sinistro brachio non aptetur. Fasciæ colorem non distinxit idem Lambecius, contentus observasse *in medio octogono sedere in throno duabus aquilis suffulto, feminam diademate regio, vestituque partim aureo, partim caruleo, & calceis rubris, instar Imperatricis Constantinopolitanae exornatam*. Certe ex novella Justiniani consulum uxores, quæ *Κυνεκλάμπροι τὰς τῶν συνοικούντων ἀκτῖσι*: radiis maritorum coruscant, eodem quo ii *schemate*, idest, ornatu donatas licet colligere. Ubi Julianus antecessor, quod Justinianus *σχῆμα*, honorem vocat *consularia dignitatis*, & *maritales infulas*. Fuit autem Juliana, filia, ut recte conjicit idem Lambecius, Olybrii Augusti ex Valentiniani III. filia Placidia, & Areobindæ consulis uxor.

Eidem Julianæ loro propemodum simile videtur illud, quo usi sunt Occidentales Imperatores. Extat siquidem in codice Augustano libri Friderici II. Imperatoris *De arte venandi per aves rapaces*, icon ejusdem Imperatoris sedentis cum paludamento togæ superinjecto, dextra sceptrum liliatum tenentis. Supra togam vero pendet a collo fascia latior, gemmis & lapillis distincta, ad pedes, quæ balteo quodam ejusdem ferme latitudinis circa pectus constringitur, quem *fasciam pectoralem*, seu *μεσενδραν* possumus appellare, ut est in vet. Glossis. Figu-

ram

ram exhibuit Editor, qui putat esse Manfredi Regis Siciliæ, qui additamenta quædam parentis libro adjecit, hoc argumento, quod imberbis sit, cum aliæ ejusdem Imperatoris barbata, inquit, conspiciantur. Nos vero non tam Regium quam Imperatorium esse ornamentum omnino censuerimus, quamquam Regum etiam fuisse satis evincunt, quæ Petrus IV. Rex Aragonum de sui ipsius vestibus Regiis scribit: ait enim iis superflusam stolam, quæ etiam pectus ampiebat, hisce verbis L. 3. c. 16. 33.
Catalanicis: è apres una dalmatica de drap vermell historiât ab obres d'aur & ab fullatges, mas noi avia perles, ne altres obres, perço que se apparella cuytadament: & daquest drap mateich una estola, que comença en lo muscle esquerra, & traversa al costar dret, & puis es acinçta entorn, e eren igualats los caps de la estola, e un maniples, & calces del dit drap sens sabates &c.

§. I X.

FORMA PALLII PONTIFICII.

UT porro procedente tempore Pontificium pallium, apud Latinos præsertim, non fascia fuit libera ac sponte defluens, collumque circumdans, sed ad majorem sacra facientium Pontificum commoditatem ita aptata, connexa, ac confuta, ut formam suam antiquam servaret, tribus acubus vel aciculis, quas & *spinas* aut *spinulas* vocabant, casulæ defixa, in anteriori & posteriori parte, & ad humerum sinistrum; in dextra enim acus non figitur: ita a Græcis Augustis *lorum*, quod primum liberum fuit, simplexque fascia collo ac corpori circumfusa, postmodum ad majorem etiam commoditatem superiori vesti, quam, ut diximus, *μνωδύαν* seu *ῥῆχον* nuncupabant, assutum est: ita tamen ut lori veteris formam quadantenus servaret. Id sane omnino deprehendere est in Michaëlis & Manuelis Palæologi Imperatorum figuris, quas delineari curavimus; in quibus non modo nescio quis ornatus collum ambiens describitur, ex quo stolæ seu largioris fasciæ species ante defluit: umbilicum vero circumcingit fascia alia latior margaritis & lapillis adornata, cum limbo ex opere Phrygio, unionibus perinde ac lapillis pretiosis distincto, ubique fasciam ambiente, cujus pars extrema sinistro Imperatoris brachio sustentatur, ab eo, ut consulare lorum, pendula. Id genus Imperatorii ornamenti *διαδνημα* appellavit ætas posterior, quemadmodum tradit Codinus, ut quod vestes cæteras constringat.

Codin. de Off.
t. 6. n. 34.

STOLÆ SACERDOTUM.

NEquē fortean aliunde stolas suas accepere christiani sacerdotes, Regiū nempe ornamentis & indumentis donati subinde a Principibus: cum & Theodosii junioris nummi aliquot a nobis descripti Imperatorem eundem consulem simili stola ad pectus decussata repræsentent; ut & vetus tabella Græcanica, Michaëlem, & Gabrielem Archangelos, loro quidem augustali decoratos, sed ad pectus decussato, illud etiam ambiente, & ad sinistram reflexo; quomodo denique Imperator Constantino-politanus effingitur in Leonis Imperatoris Oraculis; adeo ut inde colligere liceat stolam istam aliud non esse, quam succinctorium, cujus supra meminimus. Quinetiam stola interdum nuncupatur ipsum archiepiscopale pallium, quod vulgo dicitur esse ornamentum ad modum stolæ sacerdotalis, crucibus intextum, super alia ornamenta delatum, humeros ad instar coronæ pectusque circumdans, ante dependens. Sane stola nomine pallium exerte donant Eadmerus, ubi de s. Anselmo Archiepiscopo Cantuariensi, Alexander II. PP. in epistola ad Hugonem archiepiscopum Rotomagensē, & Landolphus de S. Paulo, locis in Glossario nostro descriptis. Collum vero, perinde ac pallium, circumdat stola ad interiora descendens, inquit Stephanus Eduensis, decussatimque stringitur, ut consularis fascia, quam fortassis *ἱερὰν ζώνην* vocat Themistius, Nec scio an stola sacerdotalis, ut consularis, pectus olim amplexa sit, sinistro brachio circumfusa, uti in veteribus tabellis Græcanicis homophorium episcoporum interdum delatum observavimus, cum id testari videatur manipulus, qui sinistram sacerdotis brachium cingit, ita ut pars stolæ olim fuerit, & ab ea postea resecta, ad majorem faciæ facientium sacerdotum commoditatem. Jacobus Cardinalis de Coronatione Bonifacii VIII. PP.

..... Cubitum lævum cingitque manipulus.

Hiscē omnibus addendum insuper, diaconos, apud Græcos, stolam, quam in humero sinistro pro more recepto gestant, ut docent Chrysostomus, Euchologium Græcorum, & vetus tabella Græcanica, quam hic describi curavimus, in qua effigies est s. Stephanus, præterea Georgii Pachymeris effigies, quam ex codice MS. Augustano ejusdem historiæ descripsit Wolphius, cum communicaturi erant, *καυροειδῶς* præcingere ante & retro,

Leo Orac. 14.
16.

Silvester in
Summa.

Themist. orat.
11. extr.

Jacob. l. 2. c. 1.
Chrys. hom. de
Filio prodigo.

Euchol. p. 254.
Tabella 10.

P. 147.

tro, ita tamen ut pectus ambiat, forma haud omnino diversa ab ea, qua *lorum* gestari diximus, ut videre est in tabella, quam delineavit vir eruditissimus Jacobus Goarus.

§. XI.

CONSULARE SCEPTRUM.

DE sceptro eburneo, vel aureo, dignitatis consularis perinde in nummis symbolo, nihil est, quod hic dicamus, quum obvia sint, quæ in hanc rem conferri possunt; præstat tantum monere in consulis Anastasii sceptro, quod habetur in diptycho Leodiensi, aquilam corolla laurea ambiri & includi, cui trina virorum capita imminet. In Bituricensi aquila aliis expansis circulum vel orbem amplectitur, in quo viri, Imperatoris forte, effigies delineatur. Adde denique Imperatorum numismata consularia videri, quotquot ejusmodi sceptro in iis conspicui sunt: in quibus est medallio æreus Licinii, in gazophylacio Canonicorum Regularium s. Genovefæ Parisiensis, cum inscriptione in averfa parte, *Jovi conservatori*, in quo palmata indutus conspicitur idem Augustus. Verum desit sensim gestamen istud consulare, primusque Phocas Imperator pro sceptro aquiligero crucem assumpsit, ut ex nummis ejus docemur, in quibus consulari habitu effingitur, & cum volumine: quod cæteri fere deinceps Augusti usurpavere: tametsi postmodum idem sceptrum gestasse Philippicum Imperatorem ejus ostendant nummi.

Hic porro disquirendum videtur, an ab ejusmodi consularibus Imperatorum sceptris, an vero a Romanorum veterum militaribus aquiligeris signis, in utriusque Imperii symbolum, seu, uti vocant, armorum insignia, aquila transierit: quando etiam efficta biceps, & an revera apud Constantinopolitanos armorum seu insignium usus, saltem sub extrema tempora, obtinuerit: quum ad numismatum Byzantinorum historiam id prorsus pertineat, in quibus aquila interdum conspicitur, uti mox indicabimus. Aquilam pro regis ac supremæ dignitatis symbolo fere semper habitam palam est. Scribit Fulgentius in præliis aquilam auream in signis bellicis sibi fecisse Jovem, hincque finxisse poetas ejusce avis ministerio rapuisse Ganymedem; atque ideo fortassis Scholiastes Cæsaris Germanici ad Arati Phænomena aquilam *signum Jovis* appellavit: ut de ea longe antea dixerat Theocritus, *Οὐδὲν αἰσῖος ὄρνις Ζηνὸς πρ*

Vide P. Fabrum
ad l. 2. de Orig.
Juris, de imiter.
& al. &c.

Aquila Imperii
symbolum.
Fulgent. l. 1.
Myth. p. 133.

Cæsar Germ.
ad Arati Phæ-
nom. p. 127.

Theocrit. Id.
17. v. 72.

Μακρο Byzant.
apud Athen. l.
11.
τοῦδε

Laſtani. l. 1.

τόδε σῆμα. Ajunt porro Jovem sibi hanc potissimum avem delegisse, quod, dum adhuc in cunis esset in Creta insula, nectar eidem quotidie deferret aquila ex scopulis, ut ex oceano ambrosiam columbæ: vel, ut alii volunt, quod felici aquilæ advolantis augurio victoriam contra Titanas esset consecutus; vel sane quod aquila ζῶν βασιλικόν, animal regium sit, uti appellatur ab Æschyli Scholiaste, & supremi Imperii, quod in Jove finxere Gentiles, ut est apud Dionysium Areopagitam, symbolum fuerit (1). Hinc Clearchus Heracleensis tyrannus, quum se ab ipso Jove prodiisse populis vellet persuadere, aquilam, tanquam divinorum istorum natalium præcipuum argumentum, sibi præferri voluit. Scribunt alii Persarum Reges aquilam hastæ longiori impositam, vexilli loco, in præliis extulisse: atque inde Æschylum non alio Xerxem Persarum Regem, quam αἰτῶ nomine indigitasse. Sed & Oseas Propheta de Nabuzardano Persarum Regis (quem nudo Regis nomine semper intelligit Scriptura sacra) legato ac duce verba faciens, hunc aquilæ comparat.

Eulgent.

Id. l. 8.

Orig. c. 3.

Schol. Æschyli

li p. 61. 135.

Memnon.

Plut. l. 2.

de fort. Alex.

Justin. l. 16.

Xenoph. l. 7.

Cypri.

Philost.

in Hero.

Æsch. in

Persis p. 135.

Oseas c. 8.

Aquila Romanorum.

Dion. Halic.

l. 3.

Stevvech. ad

Veget. l. 1.

c. 23. l. 2. c. 6.

Lipſius ad Ta-

cit.

Aquilam porro a Persis accepisse Romanos, nolim pro certo statuere, quum ab ipsis reipublicæ primordiis inter præcipua supremæ dignitatis insignia semper habita sit: tradatque Dionysius Halicarnassæus, hanc a Tuscis habuisse Romanos: quibus post inita pacis fœdera Regum suorum ornatus præcipuos misere, quos inter fuit sceptrum eburneum aquila insignitum, quod Romani consules servavere deinceps, tanquam præcipuum dignitatis suæ argumentum. Atque exinde aquila in signis militaribus præcipuum etiam fuit, unicumque fere, ex quo Marius, bello contra Cimbros, cæteris, quibus hætenus usi erant in præliis Romani, abrogatis, solam aquilam retinuit, quæ quidem aurea erat, quomodo postea depicta est in Imperatorum Byzantinorum insignibus, & in sacrario perinde aureo solebat aservari.

Aquila biceps quando invec-

Lipſius in Ana-

lect: ad milit.

Rom. p. 18.

Quando vero biceps aquila invecsta fuerit, non planum est assequi, quum nec in Imperatorum vel consulum nummis, nec in cæteris rei antiquariæ monumentis uspiam occurat, præterquam in columna Trajani Romæ, in qua militis clypeo inscripta visitur. Sed priores Byzantinos Imperatores bicipitem aquilam, aut in sceptris consularibus, aut vestibus adte-

(a) Signum Jovis Olympici, quod Phidias elaboraverat manu tenebat sceptrum, cui aquila super imposita erat, ut docet Pausanias. lib. 5. cap. 12. pag. 400.

adtextam detulisse nondum advertimus. Scribit Guillelmus Apulienfis, Romanum Diogenem, eo prælio, quo a Turcis caesus est, agnitum ab iis ex aquila aurea loricae intexta, sed an bicipiti, non indicat:

*Indiciis aquila, quod plus dabat omnibus armis
Aurea conspicuum lorica innixa nitorem,
Græcorum dominus cognoscitur.*

Quidam Germanos bicipitem aquilam sibi adrogasse existimant, ex quo in clade Variana, signa Romanorum, & aquilæ duæ in eorum venire potestatem: tertia a signifero, priusquam in manus hostium veniret, in cruenta palude demersa, ut ait Florus; quas quidem binas aquilas diis patriis in lucis ii suspenderint. Ulricus Huttenus:

*Vindice ut Arminio, celeris prope rura Visurgis,
Romanas acies miro Germania motu,
Quintiliūque ducem conciderit, unde birostra
Contigerint aquila, traducti insignia regni,
Excussūque jugum, non tantum hæc tempora nossent.*

In Carmine de German. non degeneri.

Non enim biceps est aquila, (subdit Cuspinianus) ut imperium vulgus credit: sed duæ simul, quarum altera alteram expansis alis obtegit, &c. Sed hanc sententiam, cui adstipulatur Flavius Illyricus, jure exagitat Cardinalis Bellarminus, qui non duas aquilas in insignibus Imperatores gerere, sed unam divisam in duo capita, ejusque rei causam esse, quod Imperium esset inter duos Principes divisum, quorum alter in Occidente, alter in Oriente sedem habebat. Cui quidem Bellarmini sententiæ consentanea sunt, quæ habet Joannes Georgius Trissinus poëta Italicus libr. 2. de Italia a Gothis liberata:

In Cæsarib.

Bellarmin. de transl. Imper. Rom. l. 1 c. 7. §. 2.

L. 2. della Italia liberata da Goti:

*Il grande Imperio, ch' era un corpo solo,
Avea due capi: un nell' antica Roma,
Che reggeva i paesi Occidentali,
E l' altro nella nuova, che dal volgo
S' appella la città di Constantino:
Questa era capo a tutto l' Oriente;
Onde l' aquila d' oro in campo rosso,
Insegna Imperial, poi si dipinse,
E si dipinge con due teste ancora.*

Sed hæ recentiorum conjecturæ ingenii potius acumine, quam ipsa nituntur rei veritate, quum biceps aquila longe recentior videatur, præsertim apud Byzantinos; utpote quæ uniceps in insignibus gentilitiis Palæologorum Monferratenfium descripta sit, qua Imperium Constantinopolitanum designatur, deinde in effigie

Tabella 6.

effigie Constantini Palæologi, Michaëlis Imperatoris filii, quam initio hujus dissertationis describimus, pallium aquilis cum unico capite inspersum conspiciatur. Præterea in prioris Theodori Lascaris, ejusdemque Michaëlis Palæologi Imperatorum nummis, quos exhibuit Octavius Strada, si tamen genuini sunt, pulvilli quibus pedes insunt, ejusmodi aquilis insperguntur. Ita pariter in Michaëlis Palæologi Imperatoris pedibus subtrato pulvillo ad utrumque latus uniceps effingitur aquila: in Andronici vero ad sinistram duntaxat, in iis scilicet eorundem Augustorum imaginibus, quas ex codice Augustano historiæ Georgii Pachymeris Nicephoro Gregoræ præmisit Hieronymus Wolphius.

Aquila biceps
descripta in
nummis Byzan-
tinis.

Phrantz. l. 2. c.
14. p. 133.
Buliald. in Not.
ad Ducam. c. 37.

Idem tamen Octavius Strada Theodori Lascaris junioris nummum alium describit, in quo pulvillus aquilis bicipitibus exornatur; quomodo etiam effingitur a Wolphio ex eodem codice Augustano. Sed & Georgius Phranzes solennem apparatus, quo Venetiis exceptus est Joannes Palæologus Imperator, describens, ait nautarum, qui navem, qua ille vehebatur, ducebant, pileos bicipitibus aquilis fuisse exornatos: & in ipsius navigii puppi binos exaratos leones, hosque inter aquilam bicipitem effictam. Testatur denique vir eruditissimus Ismael Bulialdus etiamnum in eo palatio, quod Constantini nomen servat, complura spectari scuta cum aquila bicipiti. Sed quod in eo, quod binas hæc literas ΠΑ præfert, festum Paschatis designari putat, vix viro doctissimo assentiar, quum longe potius Palæologi nominis prima elementa videantur continere. Verum (quod omnem adimit controversiam) habemus præ manibus epistolam Demetrii Palæologi despotaæ ad Carolum VI. Francorum Regem, quam suo loco damus, cui adtextum est sigillum cereum papyro superfusum, in quo biceps aquila cum binis corollis effingitur: quæ quidem despotaæ insignia hisce verbis describuntur in MS. *Provinciali*, uti vocant, sub Carolo VII. exarato: *Le Roi Depos de Roumenie, de gueules à l'aigle d'or à deux testes abecquière & amprière de senais*. Habentur etiam in eodem codice armorum insignia Imperatoris Constantinopolitani: *Le Roy de Rommenie, de gueules à trois (leg. quatre) lettres, qu'on appelle B. d'or*. Alio loco: *L'Empereur de Costantinoble porte de gueules à quatre surcils (leg. fusils) d'or*. Describuntur etiam insignia Imperatoris Trapezuntini: *L'Empereur de Trapezonde, d'argent à quatre faices de sable, au quartier de Constantinoble*. Ex quibus primo colligitur familiarum Augustarum insignia hic describi, Palæologæ scilicet, & Comnenæ, non vero Imperii Orientalis, quæ

quæ aquila aurea bicipiti in campo rubeo constabant : deinde eos, qui nigras tres campanulas Comnenis adscribunt pro insignibus, vix fidem mereri, quum potior haberi debeat Scriptori horum Augustorum cœvo. Denique observationem meretur, quod Demetrius Palæologus non familiæ, sed Imperii insignibus usus sit: quasi aquila propriæ fuerint despotarum, quibus etiam horum vestes, pilei, ac cothurni interstinguebantur, ut auctor est Codinus. Ex his igitur videtur omnino confici, Byzantinos ævi posterioris Augustos bicipitem detulisse aquilam: usosque, perinde ac cæteras nationes, armorum insignibus. Quod ultimum firmat præterea Joannes Cantacuzenus, quo loco navalem Andronici Palæologi Imperatoris ad Chienstem expeditionem, proficiscentis apparatus commemorat: *Ἦν τε ἄμιλλα πολλὴ τοῖς τετραρχαῖς, ἐκάς τε φιλονεικῶντες πολυτελείᾳ καὶ λαμπρότητι ὡς σκευῆς τὰς ἄλλας ὑπερβάλλουσιν, καὶ τότε ἄλλα ἐξηρτύοντο ὡς τὸ μεγαλοπρεπέστερον, καὶ τὰ πληρώματα ἐκόσμησαν ἰδίους ὡς σήμοις. ἔντε ὅπλοις καὶ ἁπσίαιν. ἦσαν γὰρ ὅτι τυχόντων, ἀλλὰ ὅτι τε εὐγενῶν καὶ μεγάλα δυναμῶν.* Tum non levis hierarchis contentio incidit, dum quilibet ceteros sumptuoso splendidoque apparatu superare nititur, & cum alia magnifice instruit, tum classiariorum arma, & clypeos suis insignibus exornat; nec enim de infima plebe, sed viri nobiles, & admodum copiosi erant. Quibus quidem verbis belle describit eam majorum clypeorum seriem, quæ in navium marginibus exponi solebat, nostrisque pavese appellatur, ut ad Villharduinum olim monuimus. Quando vero insignium usus apud Byzantinos cœperit, vix definiri potest; tamen id plane constat, a Latinis hunc mutuatos, æque etiam ac Sultanos seu Saracenicis & Turcicos Principes, quorum arma ac insignia in antiquis Provincialibus exarantur.

Neque proclivius est divinare, quando Occidentales Augusti nigram aquilam pro Imperii insigni usurparunt. Quis enim supini adeo ingenii est, ut præstet fidem nuperis Scriptoribus hac de re nugas vendentibus, atque adeo ipsum Joannem Villaneum audiat, scribentem Julium Cæsarem auream detulisse, Augustum & successores nigram, tandemque Constantinum Magnum bicipitem auream in scuto rubeo detulisse? Quis eidem Villaneo, Chassaneo, & aliquot aliis assensum præbeat, nullo vade tradentibus Carolum Magnum detulisse pro insignibus scutum bipartium, parte altera dimidiata aquila nigra in campo aureo, altera liliis aureis in campo cæruleo effictis? Quis denique Miramontii frontem patiat, affirmantis hæce

Vghell in Epist.
Croton. n. 45.

De Off. c. 3.

Cantac. l. 2.
c. 11.

Aquila Occi-
dentalis Impe-
rii.

Joann. Villan.
l. 1. c. 40.

L. 4. c. 3.

Chassan. concl.
17.
Miramont. de
Cancellar. p. 29

Fauyn. le Roy
d'armes.

insignia præferre veteres tabulas Caroli Magni, Ludovici Pii, & Caroli Calvi: quasi non longe alia sint horum Augustorum cerea & aurea sigilla, in quibus ipsorum thoracidae effinguntur? Quis Andreæ Fauyno & Varennæo credat, scribentibus Carolum Magnum detulisse pro insignibus auream aquilam in campo cæruleo: nigram vero in campo aureo tum primum usurpatam ab Ottone, qui Saxonie Ducum, a quibus ortum ducebat, insignium colores servare voluerit? Aquilam sane signum & vexillum fuisse Imperii Occidentalis, Friderico I. imperante, testatur Guntherus libr. 7. Ligurini:

*At qua Casarea, signum Latiale, cohortis
Regia fulget avis, magnorum densa virorum
Agmina, ceu magni glomeravit viscera regni.*

Rigordus in
Phil. Aug. an.
1215.

At de aquila colore nigro post Saxonicos Augustos, verumne id sit, dubium facit Riordus, quo loco describit Ottonis Imperatoris in prælio Bovinensi vexillum: *Ab opposita, inquit, parte stabat Otto in medio agminis confertissimi, qui sibi pro vexillo erexerat aquilam deauratam super draconem pendentem in pertica oblonga, erecta in quadriga. Ubi draco idem valet, quod pannus oblongior, in quo depicta erat aquila aurea: nam dracones vexilla fere omnia Scriptores appellasse in Glossario docuimus; tametsi Willelmus Brito veram draconis effigiem fuisse scribat:*

L. 11.

*Erigit in carro palum, paloque draconem
Implicat, & procul hinc atque inde videri,
Hauriat ut ventos cauda tumefactus & alis,
Dentibus horrescens, rictusque patentis hiatu,
Quem superaurata volucer Jovis imminet ala,
Tota super fines, cujus nitet aurea, Solis,
Æmula, quo jactat plus se splendoris habere.*

Chr. Flandr.
c. 15.

At Chronicon Flandrense, draconis figuræ non meminit: *Il y avoit au milieu du char une attache de vingt pieds de haut, & y avoit dessus un aigle doré, de moult riche ouvrage: & avoit les aisles estendues bien longues, & reluisoit si fort, qu'à peine on le pouvoit regarder. Ex quibus sane colligi videtur posse, aquilam non intextam panno alicui, sed sculptorio opere effectam fuisse. Fatendum tamen non inde plane evinci, aquilam Occidentalium Augustorum fuisse auream in armorum insignibus, licet ejusmodi fuerit in eorum vexillis; quod maxime docet Philippus Mouskes in historia Francorum MS. de Ottonis Imp. in prælio Bovinensi clypeo:*

*Quar il porte, ce n'est pas fable,
L'escut d'or a l'aigle de fable.*

Præterea idem Chronicon Flandrense, ubi de Henrico VII. Luxemburgensi : *Et fut monté sur un grand destrier , & avoit vestu un tornicle d' or (tunicam auream) à l' aigle noir , — & un chevalier che va choit devant lui portan une lance en un bichot de sa selle : & par dessus avoit un aigle d' or , qui les ailes avoit ouvertes , & suivoit les bannieres , &c.* Sed ex hisce supra allatis patet omnino, nondum ea tempestate usurpatum ab Occidentalibus bicipitem aquilam : proindeque in controversiam vocari posse , an Jurisconsultum Marianum Socinum jure refellat Carolus Molineus, scribentem Occidentales Imperatores bipartita insignia detulisse, in quorum parte altera dimidia aquila, in altera familiæ insignia descripta erant, usque ad Sigismundum Imperatorem : qui cum Orientalium Augustorum videret inclinare potestatem, Saracenis ac Turcis undique eorum provincias invadentibus, primus aquilam integram ac bicipitem in insignibus adscripserit, quod nec facere ausus fuerat Carolus Magnus, quantumvis potens ac bellicosus, ne Græcos irritaret. Huicce Socini de Sigismundi Imperatoris aquilæ bicipitis usurpatione sententiæ favere videtur lemma adscriptum ejusdem Augusti sigillo cereo, uti describitur a Marquardo Frehero : ait enim in averſa parte circa aquilam hosce versiculos, nescio quid *μυστικῶδες* sonantes legi: *AQUILA EZECHIELIS SPONTE MISSA EST DE CÆLIS, VOLAT IPSA SINE META, QUO NEC VATES NEC PROPHETA EVOLAVIT ALTIUS.* Ex quibus fane versibus satis apparet Imperatoriam Occidentalium dignitatem, se demum imperante, ad summum decus & gloriæ culmen evectam innuere voluisse Sigismundum. Sed erudito Scriptori gratiam aliam haberemus, si an biceps ista fuerit aquila, nobis indicasset. Describit idem Freherus, sigillum aureum Caroli IV. Imp. Sigismundi parentis, adfixum diplomati, quod ille de electione Imperii exaravit, & vulgo *auream bullam* vocant; in quo Imperator coronatus sedet in throno, ad cujus latera habentur bina scuta, in quorum altero aquila, in altero leo effinguntur. Ejusdem Imperatoris simile sigillum effectum habetur apud Nicolaum Zyllesium, ubi aquila cum unico capite exhibetur, cum hac inscriptione : *CAROLUS DEI GRATIA ROMANORUM REX SEMPER AUGUSTUS ET BOHEMIÆ REX.* Verum cur nigra aquila ab Occidentalibus Augustis usurpata sit, hætenus incompertum, nisi eo colore effectam dicamus, quod is revera sit aquilæ melioris color, quam *ἄσπρον μελανόσῳ & μέλανα* vocant Græci, *valeriam* Latini, qui ideo *aquilam* nominarunt a colore subfusco, quem *aquilum* vocant, de qua quidem aquilæ specie ita cecinit Jacobus Augustus Thuanus :

Cap. 51.

Socinus in cap. Cum contingat. de foro comp.

Molin. in Conf. Par. t. 1. de Feod. n. 21.

In Not. ad bullam Sigism. post Petr. de Andlo p. 585.

In Not. ad l. 2. Petri de Andlo c. 5. V. Hoepingium in tract. de Insign. cap. 6. part. 2. Nic. Zyllesius in S. Maximino Trevir. p. 63.

Fest. Thuan? l. 1. de Re accipitr.

*Optima & ipsa æquans animis ingentibus illam
Corporis inferior quamvis sit mole, nec ungue,
Aut rostro tantum valeat, digitisve: sed ortus
Non mentita suos, animæve oblita virilis,
Accipitres collata nothos facit. Hanc quoque nostri
Valeriam dicunt, Graii Melaneëton, atrum
Quod referat nostro, pennisque, atque ungue colorem.*

Atque hic quidem longiori fortean, quam par erat, de utriusque Imperii aquila observatione sumus digressi, quam tamen haud ingratam fore, vel omnino a proposito alienam visuram iri speramus, quum & res Byzantinas quoquo modo illustret, & de Græcorum Augustorum agat insignibus, quæ subinde in familiis nostris Byzantinis effinguntur.

§: X I I.

VOLUMEN VEL MAPPA:

UT igitur unde divertit, redeat oratio, quæri sciet quid illud sit, quod consules & Imperatores gestant, dextra interdum, quandoque sinistra, chartaceo volumini simile. Id quidem non inferioris omnino ævi Augustis proprium fuit, tum in achata S. Capellæ Parisiensis, quem ære incidi curavit Trifstanus, nescio quis cum volumine effingatur: & Faustinae & Antonini Philosophi prostant nummi, quibus pro lemmate adscribitur, VOTA PUBLICA, ubi binæ stant figuræ muliebres, cum viri altera, stolata & palliata, quæ consulis videtur, tenentis dextra simile volumen: alius præterea Aurelii Veri Imperatoris, in quo duæ figuræ dexterâ jungunt, quæ videntur esse consul, sinistra volumen perinde tenentium, cum hac inscriptione, CONCORDIÆ AUGUSTOR. TRIB. P. COS. II. alius etiam Commodi Imp. cum iisdem figuris, & inscriptione, PIETATI SENATUS COS. V. PP. denique alius ejusdem Aurelii Veri, in quo Imperator, & consul dextrâ Romæ galeatâ sedenti porrigit, sinistra volumen tenens, cum epigraphe, TR. P. VII. IMP. IV. COS. II. Ejusmodi etiam volumen in vetustissimis palliatorum, vel etiam togatorum (atque adeo mulierum) imaginibus sinistra teneri, apud Velferum & Boissardum passim observare est, quos ex conjectura duumviros esse idem Velferus, tamen falso, opinatur. Exhibet præterea idem Scriptor informe aliud *ἑνδαλειον* seu mavis thoracidam, viri pariter palliati, cum hocce volumine in sinistra manu. Sed & in codice Vaticano scripto an. DC. LXXXIX. S. Petrus simi-

Apud Biazum
post Augustini
Dial. p. 43. 45.
50. 51.
Velfer, in Aug.
Vindelic. p. 116
228.
Boissard, in Antiq.
Rom. part.
3. fig. 51. 147.
part. 4. fig. 56.
57. 119. 123.
part. 5. fig. 71.
part. 6. fig. 29.
Nic. Aleman-
nus. cap. 10.
p. 86. 88.

simile volumen sinistra tenens effingitur, ut & s. Paulus in Ottonis II. sepulcro, apud Nicolaum Alemannum in dissertatione de Lateranensibus parietinis. Exinde crebrius occurrit in Byzantinorum Augustorum nummis, maxime in consulari Juliani Cæsaris, qui pro inscriptione præfert, VIRTUS CÆSARIS: nam bis Cæsar consulatum gessit, an. 356. & 357. & in nummo aureo Theodosii junioris, in quo idem Theodosius & Valentinianus III. habitu consulari effinguntur: præsertim vero in diptychis consularibus, & fere semper in Tiberii, Mauricii, Phocæ, & Leonis Isauri nummis. Id vero gestaminis mappam esse ludorum edendorum symbolum, quidam volunt. Consules enim statim atque renuntiati fuerant, populo circenses dare consueverant. Quæ quidem mappa in Bituricensi diptycho explicata, in Compendiensi & Leodiensi, & in omnibus nummis convoluta ac complicata effingitur, sic ut membraneo volumini similis feresit: in regio vero ita efficta conspicitur, ut extrema in rotunditatem quandam complicata majora cernantur, quam qua manu dextra stringuntur, ut liquido appareat fuisse quiddam tractabile. Nescio an ipsa explicata censeatur esse in eodem diptycho mappa in binis figuris, quæ sellæ lateribus adpinguntur, quarum singulæ binis manibus mappas explicatas tenent, in ludorum editionis symbolum: nisi forte eæ mappæ contineant nummorum certam quantitatem, qui efficti quodammodo conspiciuntur, ita ut ad consulum ὑπαλειας, seu missilia referri debeant. Mappam autem signum fuisse edendorum ludorum, & mappas dictos ipsos circenses apud Marcellinum Comitem, Julianum antecessorem, & Polemæum Sylviū in Laterculo notum est: unde *μυππαῖς*, in Glossis Basilicān, dicebatur is, qui projectam ab Imperatore, vel consule, aut alio magistratu mappam excipiebat, signumque gladiatoribus dabat, quem *mapparium* vocant s. Chrysostomus, auctor Chronici Alexandrini, Scyltzes, Nicetas Choniates, & alii. Quod si ita se res habet, dicendum perinde videretur a duumyris istis Augustanis, quorum ex Vellero supra meminimus, datas, ut olim a consulibus Romanis, civibus suis mappas, seu editos circenses: quod a vero absonum minime videri debet, cum amphitheatra ac circos suos habuisse nobiliores civitates constet. Sed cum sanctos Petrum & Paulum in vetustissimis picturis cum ejusmodi pariter voluminibus depictos deprehendamus, nescio (a) an ea pro mappis circensium generatim usurpari debeant.

§. XIII.

(a) Quæ in manibus Apostolorum cernuntur non utique mappæ, sed vere volumina sunt, tam in anaglyphicis, quam in

picturis cœmeteriorum, quæ volumina sæpe etiam revoluta, & explicata apparent. V. *Rome subterr. tabulæ.*

S. Chrysoſt.
Orat. de Circen.

Chr. Alex.
p. 876. Nicet.
in Alex. l. 3.
n. 2. Scylitzes.
&c.

§. XIII.

A C C A C I A.

Certe etſi primis Imperii ſæculis mappam revera fuiſſe id conſulum geſtaminis concedatur, vel etiam codicillos conſulares, quod quidam opinantur: ſeu magiſtratum omnium, qui res publicas tractabant, inſigne, quod potiffimum colligere eſt ex figuris adjunctis Notitiæ Imperii, in inſignibus quæſtoris, primicerii notariorum, Magiſtri ſcriniorum, &c. id de veterum Romanorum aliorumque ſtatuis, in quibus eadem in ſiniſtris ſymbola conſpiciuntur, dici non poteſt, quæ non chartaceorum voluminum, ſed mappularum ſeu ſudariorum complicatorum potius ſpeciem referunt. Utut ſit, longe aliud fuit extrema Græcia; ſiquidem illud idemque ſit, quod certe licet arbitrari, quamquam fortasſe in aliquo immutatum. *Acaciam* enim vocabant recentio-

Codin. de Off.
C. 6. n. 27:

res, cujus arcanum ſic prodit Codinus, ubi de Imperatore: Τὸν δὲ γε ſαυρὸν ἐν δεξιᾷ φέρει αἰΐ· ἐν δὲ τῇ ἀεσερᾷ βλάζιον κώδικι ἐοικὸς, δεδεμμένον μὲν μανδύλῃς. ὁ βλάζιον ἔχει χῶμα ἐν τῷ καλεῖται Ἀκακία, ὡς εἶπη μὲν τὸν βασιλέα παπαινὸν εἶναι ὡς θνητὸν, καὶ μὴ ἄλλ' τὸ τῆ βασιλείας ὕψος ἐπαίρειν καὶ μεγαλυνᾶν, *Crucem* in dextra ſemper portat, in ſiniſtra vero pannum ſericum codici ſimilem ligatum mantili; habetque intus terram vel arenam, & vocatur *acacia*: quaſi dicat illud, Imperatorem humilem eſſe ut mortalem, neque propter Imperii ſaſtigium efferri, neque ſe tumidum jaſtare debere. Eandem *Acaciæ* ſignificationem adſcribit

Simeon, Theſſ.

Simeon Teſſalonicenſis, qui quod χῶμα, Codinus χῆν, pulverem vocat μὲν τὸ λαβαῖν τὸν ſαυρὸν εἰς δεξιᾷ τῆ εὐσεβείας, καὶ τιτὸν ἀκακίαν, ὅτι χῆς ἐστίν, ſημαίνων τὸ φθαρτὸν τῆ ἀρχῆς, καὶ τιτὸν ὅτι τὰς παπείνωſιν, &c. *Cruce* in pietatis argumentum & *acacia* ſuſcepta, quæ pulvis eſt, Imperii fragilitatem denotans, & quæ ex ea oritur, abjectionem, &c. Hocce ſane ſchemate *acacia*

Tabella 6.

dipingitur in Michaëlis Palæologi Imperatoris effigie, quam hic damus: licet in aliis Theodori Lſcaris junioris, & ejuſdem Michaëlis, & Andronici ſenioris imaginibus, quas ex codice Auguſtano hiftoriæ Georgii Pachymeris delineari curavit Hieronimus Wolphius, in voluminis ſpeciem exhibeatur.

§. X I V.

NUMMI IN QUIBUS EQUI IMPERATORIBUS
APPINGUNTUR.

Sed cum de mappis edendorum circensium symbolo supra
 quædam præmissa sint, ad eosdem etiam circenses, ac pro-
 inde ad consulares nummos referri videntur, qui equum ipsis
 Augustis adpictum præferunt, quem habenis ii dextra prehen-
 dunt. Triflanus in Claudio existimat fortunam Imperii eo desi-
 gnari, seu potius ipsum Imperium, pro cujus symbolo equus
 semper habitus fuerit. Verum circenses datos denotari longe
 probabilius: nam & in dyptichis Leodiensi & Bituricensi equos
 dextra ductos, quos inde *dextrarios* nostri appellarunt, ad cir-
 censes ludos licet intueri, ab ipsis, a quibus edebantur, auri-
 gis distributi. Quod præter Symmachum satis innuit Capitolinus
 in Gordiano; ubi de ejus adhuc privati consulatu: *Equos Siculos*
 & *Cappadoces, permittentibus Imperatoribus, factionibus divisit, &*
per hæc populo satis carus, qui semper talibus commovetur. Et Mar-
 cellinus Comes de consulatu Justiniani: *Numerosos præterea,*
phaleratosque in circo caballos jam donatis quoque impertivit aurigis,
una duntaxat, ultimaque mappa insanienti populo denegata. Ejust-
 modi porro cum equo nummos Claudii & Numeriani Impera-
 torum exhibet idem vir eruditissimus. Alium Constantini nobi-
 lissimi Cæsaris, cusum anno votorum vicennialiorum 20. qui pro
 lemmate BEATA TRANQUILLITAS præfert; ex qua quidem inscrip-
 tione perperam Constantino Magno affictus videtur, quum Cæ-
 saream is dignitatem paulo ultra biennium tenuerit, Cæsar, quo
 pater Augustus dictus est, anno renuntiatus, ipsoque post annos
 duos & tres menses extincto, Imperator pariter appellatus: ac
 proinde vota pro vicennialibus Constantini M. Cæsaris solvi non
 potuere, qui ad ejusdem dignitatis decennium non pervenerat:
 ex quo Constantini junioris esse par est credere, in cujus num-
 mis eadem vota in cippo etiam exarata leguntur, sed cum addi-
 tione *run.* quæ in hoc abest. Neque tamen Constantinus junior
 consulatum gessit hoc Cæsareæ dignitatis votorum vicenna-
 liorum anno, qui in Christi 326. cadit, adeo ut ex hisce adpi-
 ctis equis circenses in consulatibus non semper, sed in voto-
 rum nuncupatione interdum datos liceat colligere. Idem dicen-
 dum videtur de Crispi Nobilissimi Cæsaris nummo, anno pari-
 ter votorum vicennialiorum cuso, quo consulis dignitatem etiam

Trist. tom. 3. p.
 191. 316.
 Symmach. 1.4.
 Ep. 8:
 Capitolin.
 Marcell. Com.
 p. 60.

non obtinuit. Ita denique effingitur Jovianus in medallione, quem suo loco delineamus,

§. XV.

N I M B U S.

Circulis; sanctitatis apud nos indicibus, ambiri innumus capita Imperatorum Constantii ac Constantis, & Theodosii junioris, ac Placidii Valentiniani in eorum nummis consularibus. Qui quidem circuli videntur consularis dignitatis insignibus accenseri a Mamertino in Panegyrico Maximiano dicto:

Mamert. n. 3. *Trabeæ vestra triumphales, & sella curules, & hæc obsequiorum stipatio, & fulgor, & illa lux divinum verticem claro orbe completens, vestrorum sunt ornamenta meritorum. Nam quod Latini nimbum dicunt, alii lumen appellant, ut Servius ad illud 2. Æneid. ubi de Pallade:*

Servius.

----nimbo effulgens, & Gorgone sæva.

Honor. August.
l. 1. c. 133.

Id est, inquit, nube divina: est enim fulgidum lumen, quod capita deorum tinguit. Ita etiam Honorius Augustodunensis: Lumina, quæ circa capita Sanctorum in modum circuli depinguntur, designant, quod lumine æterni splendoris coronati fruuntur. Idcirco vero secundum formam rotundi scuti pinguntur, quia divina protectione, ut scuto, nunc muniuntur. De nimbo ita rursus Servius ad illud ex 3. Æneid.

Et lunam in nimbo nox intempesta tenebat.

Id. J. 19. c. 31.

Proprie, inquit, nimbus est, qui deorum vel Imperatorum capita, quasi clara nebula nubere fingitur. Et Isidorus: Lumen, quod circa Angelorum capita pingitur, Nimbus vocatur: licet & nimbus sit densitas nubis. Sed & quod in Anastasii consulis utroque diptycho, Leodienfi scilicet & Bituricenfi, affingitur, in conchæ figuram radiatum, nimbus videtur. Ejusmodi igitur luminosis circulis capita sua ambiri Augusti voluere, iis etiam postea consulibus communicatis, ut divinitatis speciem quandam sibi assererent, quum nimbis, seu claris nubibus deos suos ita in picturis ac tabellis ambirent. Hinc tam frequens divinitatis, numinis, ac æternitatis ab iis usurpata vocabula & epitheta, quibus plenæ sunt Imperatorum Leges, locis pridem ab aliis indicatis. Verum hæc veniam aliquam merentur in Augustis, quorum adeo ampla fuit potestas, si recentiorum Imperatorum expendatur ambitio, qui hominum omnium vanissimi, ac omni facinorum genere contaminatissimi, provinciis etiam suis pene exuti, & intra Urbis mœnia, paucorumque circumjacentium oppidorum limites coerciti,

Filefac. l. 1. de
Idololatr. Po-
lit. c. 1.

San-

Sanctos sese a subditis, atque adeo ab ipsis Constantinopolitanis Patriarchis cæterisque Pontificibus compellari voluerunt, ut docemur ex Pachymere; cum eundem titulum Summo Romæ Pontifici denegarent, quod tradit idem Scriptor: contra quam Magnus ipse Constantinus, qui *Sanctum* se, vel certe *Divum*, appellari prorsus renuit, ut tradit Juvenius libr. 4. Historiæ Evangelicæ extremo:

*Hæc mihi pax Christi tribuit, pax hæc mihi sacri,
Quam fovet indulgens terræ regnator aperta,
Constantinus adest, cui gratia digna merenti;
Qui solus Regum sacri sibi nominis horret
Imponi pondus, quo justis dignior actis
Æternam capiat divina in sæcula vitam.*

Pachym: l. 6.
c. 31. l. 10.
c. 11. 29. 32.
Id. l. 9. c. 5.

Hinc formula compellationis vulgata, *δεσπότης καὶ ἀγίε*, quam observare licet non semel in Rationali Peræquatorum sub Alexio Comneno exarato, Codino, & aliis Scriptoribus Byzantinis. Jure igitur Isaacium Angelum suggillabat Fridericus I. Imperator ejus Legatos alloquens: *Dominus vester Sanctum se appellat: mirabilis est sanctitas, quæ sanctos viros, honestos, religiosos, benigne, utpote fideles, nuncios in oscula pacis exceptos, in quorum ore non est inventum mendacium, nec iniquitas, subito consuevit incarceratione, & fame ac nuditate usque ad mortem macerare. Longe faciat a nobis Deus talem sanctitatem.*

Cod. de Off.
c. 4. n. 31.
c. 8. n. 2. Ta-
gemo Patav.

Atque hæc quidem de consularis dignitatis insignibus; sed quando illa demum defierit apud Byzantinos, non omnino platum est. Illud constat, consulum ordinariorum extinctam dignitatem sub Justiniano, quam sibi solis asseruere postmodum Imperatores ipsi, qui perinde ac jam olim Vitellius, hac videntur ratione *consulis perpetui* titulum sibi adrogasse. Quod & ipse Justinianus exerte ait: *Τῷ καθ' βασιλεῖ δινηκεῖς ὑπερὶν ὑπαρχεία, πᾶσι πόλει τε καὶ δήμοις καὶ ἔθνεσι: καὶ ἐφ' ἐκάστης τῆς δοκῆς τῆς κατὰ τὸν παλαιόν τῶν παλαιῶν περιέρχεται* δὲ, *ἡνίκα αὐτὸς νεύσειεν, ἢ σολή:* Quibus quidem verbis hoc voluit Justinianus, ut vir doctissimus censet, quum perpetuum consulatum Imperator gerat, vi scilicet ipsa, quatenus omnibus civitatibus, populis, gentibusque seu provinciis, vel pro arbitrio jus reddit, vel imitatione consulum largitur munera, & subditis suis, quæ collibitum est, distribuit, stolam tamen consularem aliaque insignia Principi accedere, cum ipse annuerit. Primus autem Gordianus Imperator vestes consulares, *palmatam tunicam, & togam pictam* privatus suas fecit, ut auctor est Capitolinus. Post consulatum

Consularis dignitas quando defuit.
Grut. 239. 1.
Nov. 5.

P. Faber
Sanjorian.

Capitolin.

Procop. in
Anecdot. c. 26.

Coripp. l. 4.
Marius.
Aventic.

Novella Justin.

Chr. Alex.

Tom. 2. Ana-
lect. p. 11.

Beda l. 1. Hist.
Eccl. c. 24.

igitur Basilii junioris, qui solus magistratum iniit anno 14. Justiniani, Christi 541. nullus consul ordinarius creatus est: quod Justiniani avaritiæ adscribit Procopius: sed anni numerati sunt ab ejus consulatu hac formula: *Post Consulatum Basilii Junioris anno 1. 2. & sic deinceps usque ad 25. qui incidit in annum, quo Justinianus extinctus est. Tum enim Justinus junior consulatum iniit, cujus solemnem apparatus, & processum pluribus descripsit Corippus; & quoad vixit, hanc dignitatem sibi soli adseruit, annis ita recensitis, ut est apud Marium Aventicensem, anno 2. 3. & 4. &c. consulatus Justinii Junioris Augusti. In Chronico Alexandrino sic ejusdem recensuntur anni: Anno 1. Justinii post consulatum Justinii junioris solius, & ita deinceps usque ad annum, quo obiit. Verum adscriptæ novellis Justinii constitutionibus, tum a Scrimgero, tum a Francisco Pithœo post Julianum antecessorem editis, subscriptiones, in recensendis consulatus Justinii annis, nullatenus sibi cohærent, adeo ut mendis haud carere in plerisque liceat suspicari. De hinc idem Tiberius imperium & consulatum exceperit, e usque anni hoc modo numerantur in eodem Chronico Alexandrino: Ind. 12. Tiber. 2. post consulatum Tiberii novi Constantini iterum solius. Deinde anno secundo: Anno Tiber. 2. post consulatum Tiberii novi Constantini iterum solius. Deinde, tertium solius. Verum longe aliter anni Imperii Tiberii Augusti exarati interdum leguntur. Quippe pragmaticum ejusdem Tiberii de filiis colonorum, editum ab eodem Pithœo, datum dicitur anno octavo, & post consulatum ejus anno tertio. Præterea vetus scheda adscripta Collectaneo ex libris s Augustini ab Eugippio scripto, a viro doctissimo Joanne Mabillonio edita: Ego Petrus notarius Ecclesiæ catholicæ Neapolitanæ, ut potui, emendavi sub die iduum Decembrium, Imperatore Domino nostro Tiberio Constantinopolis Augusti anno septimo, post consulatum ejusdem Augusti anno tertio, indictione quinta decima, obsidentibus Langobardis Neapolitanam civitatem. Unde plane colligitur annos Imperii auspiciatum Tiberium a 7. Sept. ind. 8. an. 574. quo Cæsar & Imperii successor dictus est a Justino. Eo mortuo Mauricius Imperium iniit, anno Christi 582. quo consul defuit, ut est in Chronico Alexandrino: ἰνδλ. α' πρῶτος ἐνιαυτὸς ἀν' πατος, ὃ ἐν κοινῷ δόγματι ἐγράφη. Μετὰ ὑπατείαν Τιβερίου Κωνσταντίνου τῷ τῆς Δεῖας λήξεως ἔτος τετάρτῳ. Indictio prima, primus annus caruit consulibus; atque ex communi decreto scriptum est: Post consulatum divæ memoriae Tiberii Constantini anno quarto; at sequenti consulatum iniit Mauricius solus. Ex hinc, qui exceperit*

Mauri-

Mauricii anni sic numerati : *Anno 2. 3. &c. post Consulatum Mauricii Augusti solius* : atque ita deinceps usque ad 20. quo a Phoca tyranno est interemptus, qui statim consulatum cum imperio adiit. Ejus autem primus imperii annus sic in Actis publicis consignatus est : *Consule Phoca solo*. Secundus vero, *post consulatum Phoca Augusti*. At tertius sic inscribitur : *Post consulatum Phoca Augusti primum*. Deinde quartus : *Post consulatum Phoca Augusti secundum*, & sic deinceps usque ad octavum, qui inscriptus est : *Post consulatum Phoca Augusti sextum*, quo & neci datus est ab Heraclio. Sed cur primus Phocæ consulatus in tertium Imperii annum videatur rejici, cum consulatus ejusdem Imperatoris primo & secundo mentio facta fuerit, fateor me non assequi. Exin idem Heraclius Imperium auspicatus est indiictione 14. Octobr. 7. a quo quidem die ad 13. Januarii in publicis adscriptum tantum : *Anno primo Heraclii Imperatoris*. Sed postea ab eodem die ad ultimum Decembris decimæ quintæ indiictionis, additum : *Et consulatu ejusdem religiosissimi & mini nostri*. Nam licet, ait auctor Chronici Alexandrini, in publicum curru vectus non processerit, illud tamen tempus ejus consulatus adscriptum est. Annus deinde secundus Heraclii sic notatus : *Secundo post consulatum Heraclii Augusti*. Mox a 22. Januarii, quo filius Constantinus a patre dictus est Imperator indiictione 2 statutum est, ut post verba ista solemnia : *In nomine*, scriberetur, *Imperii divorum dominorum nostrorum & beneficentissimorum Flavii Heraclii piissimi anno tertio, post Consulatum ejus anno secundo & Flavii Novi Constantini a Deo protecti filii ejus anno 1. semper Augustorum, & Imperatorum*; & sic deinceps usque ad obitum Heraclii: quo etiam imp. rante, Heraclius Junior, qui & Novus Constantinus est appellatus, Januarii 1. anno Christi 617. & Heracleonas, qui & Heraclius, circa annum sexcentimum quadragesimum a patre consules renuntiati sunt, ut narrat Nicephorus Constantinopolitanus; tametsi nomine tenus, ut videtur, quum omnes Heraclii parentis anni: *Post ejus consulatum*, formulam præferant, nulla filiorum consulatus facta mentione. Mortuo igitur Heraclio, Heraclius alter qui & Constantinus nuncupatus est, vulgoque Constans vocatur a Scriptoribus, ejusdem Heraclii ex filio Heraclio juniore Novo Constantino nepos, Imperatorium titulum adeptus mense Junio Intict. 14. post patris obitum sequenti indiictione consularem dignitatem iniit. Extat enim epistola Theodori PP. ad Babolenum Bobiensem Abbatem, data quarto Nonas Maji, imperii Domini piissimi Augusti Constantini anno secundo, consulatus primo

Chr. Alex.

Synodus VIII.
Act 1.
Jus Grec.
Rom. p. 83.
in margine.
Niceph. C. P.

Vghell. t. 4.
Ital. fac.

p. 1331.
Margarinus in
Ballario.

Casim. p. 2.
Baron. anno
713. n. 6.

Othlonus l. 2.
De Vita S. Bo-
nif. c. 5.
Baron. an. 745.
n. 23.
Bullar. Casimen.
so. 2. p. 8.

In' Srenuat.
Byzant.

Vide Gloss. in
Consulatus.

primo, indictione prima. Unde colligitur consulatum inisse 1. Januarii anno imperii 2. quod mense Junio 15. indictionis inierat, quum tertius mense Junio inciperet indictione eadem prima. Exinde Acta liberatæ a dæmonio virginis an. 713. apud Baronium consulatus Anastasii, seu Artemii Imperatoris, mentionem agunt; quorum initium ita concipitur: *Imperante domino nostro piissimo perpetuo Augusto Anastasio magno Imperatore anno primo, & post consulatum ejusdem Serenitatis anno primo &c.* Concilium Romanum sub Gregorio II. PP. an. 721. celebratum dicitur, in ejus præfatione: *Imperante Domino piissimo Augusto Leone a Deo coronato magno & pacifico Imperatore anno VI. post consulatum vero ejus anno XVI. sed & Constantino Novo Imperatore ejus filio anno II. mense Aprili indictione IV.* Ubi indubie delenda littera numeralis X. tametsi in subscriptione rursus reperiatur. Copronymus mortuo Leone parente anno 741. Junii 18. consularem titulum pariter sibi adscripsit, quod præ cæteris testatur inscriptio Romanæ Synodi actæ sub Zacharia PP. anno 744. mensis Octobris 25. indict. 14. *Imperante Domino piissimo Augusto Constantino Imperatore anno 26. post consulatum ejus anno quinto.* Ubi annus Imperii numeratur ab anno, quo Imperator a patre dictus est; consulatus vero ab eo, quo in solidum Augustus est factus eo extincto. Sed consulatus copronymi notam abesse ab aliis codd. MSS. observat Baronius. Certe in epistolis ejusdem Zachariæ Pontificis consulatus annus non adscribitur, sed tantum imperii initi ab prima inauguratione, & a patris obitu, hac formula: *Imperante Domino piissimo Augusto a Deo coronato, magno Imperatore, anno 32. Imperii ejus anno 11. indictione 5.* Ita Artabafus arrepta post foci Leonis mortem suprema dignitate consul etiam dictus est, quod docet inscriptio a nobis relata in filii Nicephori elogio. Leonem vero ipsum consularem dignitatem iniisse evincunt ejus nummi, in quibus cum loro & mappa, ejusdem dignitatis insignibus effectus conspicitur: quum aliquot alii, qui eum exceperunt Augusti, non cum mappa, sed cum loro tantum effingantur: ita tamen ut incertum maneat an revera consulis titulum sibi reservarint. Hæc necessario de consulari dignitate hoc loco inferenda duximus, ut cur consularia insignia sibi adrogarint in nummis suis sequioris ævi Augusti planum fieret. (a)

§. XVI.

(a) De nimbo, cujus mentionem facit in hoc §. noster auctor, videndus omnino liber, cui titulus: *Sculpture, e pitture esstrate da' cimiterj &c.* tom. 3. pag. 88. Hoc nim-

bo ornantur capita nonnullorum heroum in Codicibus Vaticanis, qui Virgilii opera continent.

§. X V I.

CÆSAREA INSIGNIA.

QUÆ quidem hæcenus dicta sunt, Augustorum aut Cæsarum qui consulari dignitate florebant, vestes ac indumenta spectant. At cum alia Cæsareæ atque Imperatoriæ etiam Mæstatis in ævi sequioris nummis occurrant insignia, quæ vix aut raro habentur in eorum numismatibus, qui Constantinum præferunt, de iis quædam perinde videntur præmittenda. Ut autem a Cæsarum diadematis initium ducatur, ex quo a Traiano, adscito ad Imperium Hadriano, *divisa nomina Cæsarum atque Augusti, inductumque in rempublicam, uti duo seu plures summa potentia dissimiles, cognomento ac potestate dispari essent*, ut ait Aurelius Victor, ii non modo Imperatorii muricis fulgore flagrant, ut verbis utar Ammiani, sed & laurea & diademate donati sunt, quod ex eorum nummis colligitur, ubi interdum nulla fascia aut tænia caput cinguntur, ut Constantinus junior in eo, qui inscriptionem præfert: *PRINCIPI IUVENTUTIS*: interdum corona radiata, ut Constantius Chlorus in compluribus, præterea Licinius junior in altero, cui inscriptum: *VIRTUS EXERCIT.* & Constantius Constantini M. filius in aureo, cuius aversa pars typo caret. Denique Juliani Cæsaris caput, eodem, quo is postmodum Imperator usus est, diademate, duplici scilicet margaritarum linea cum lapillo ad frontem grandiori, exornatum exhibet ejusdem votorum quinquennialiorum nummus. Ex quibus prorsus evanescit viri doctissimi conjectura, qui Cæsares diademate usos negat, quod contra evincit etiam Constantini Magni nummus ab ipsomet, Trifano, & Gretzero descriptus, in quo Crispus & Constantinus junior filii cum gemmato diademate effinguntur (1). Et sane diadema Cæsaribus tribuere Zonaram, Theophanem, Manassæm, Glycam, & alios a nobis haud ita pridem est observatum ad Joinvillam, ubi plura de Imperatorum ac Regum coronis congeffimus: quod firmat præterea Eusebius. Nam quod ex Scriptoribus aliis diadema soli Augusto fastigio vindicatur, id verum omnino: quum in Augustis Imperatoriæ, in Cæsaribus Cæsareæ dignitatis symbolum haberetur.

Victor Schotti:

Lib. 15 p. 49.

Spanheim.
dissert. 8.p. 682.
Dissert. 24.Euseb. l. 1.
De Vita Constant.
stant. c. 18.

§. XVII.

(1) In museo Mediceo Florentiæ Constantini M. protome marmorea conspicitur diademate gemmato exornata.

§. XVII.

CAMELAUCIUM.

V Arias deinde diadematum species in Imperatorum Constantinopolitanorum monetis, priscis haud cognitae, intueri licet, in quibus præ ceteris illud conspicuum est, quo Constantini & successorum capita teguntur. Calyptræ enim speciem præfert, qua totum caput ambitur, vel cassidis, apice, quem *καυ* vocabant, , decoratæ: quam quidem ab ipso Constantino adinventam auctor est Polæmeus Silvius in Laterculo: *Constantinus, inquit, senior, qui Christiana religionis ministros privilegii communivit, diadema capiti suo propter resurgentes de propria capillos (pro qua re saponis ejusdem cognominis ordinata confectio est) quo constringerentur, invenit, cujus more hodie custoditur.* A Constantino igitur inductus istius diadematis usus ad posteros promanavit, non tamen ut gestatum est a Constantino, sed aliquanto diversi: quod ex illius numismatibus licet advertere, ac duobus potissimum, priore, cujus aversæ parti inscriptum: SOLI INVICTO COMITI: & altero, in quo pro lemmate est VICTORIAE LAETAE PRINCIPUM. Præterquam enim quod more cassidum, sub mento Constantinianum istud diadema alligatur, qui imminet apex, didiversus est ab eo qui postmodum eidem calyptræ superponitur in successorum Imperatorum nummis, & qua ex iis primus Constantinus Constantini M. filius conspicuus effectus est in eo numismate votivo, quod in clypeo scriptum exhibet VOT. XXX. MULT. XL. cujusmodi, qui subsequuti sunt, Augustos usos passim: testantur eorum nummi. Sed quum de hoc diademate, cæterisque fere ævi sequioris Augustorum coronis loco jam indicato copiose differuerimus, his omisissis juvat tantum monere, posteriores Augustos diademata sua fere semper cruce decorasse, cujus moris primus, ex nummis, auctor colligitur Justinus, quem secuti sunt Tiberius, Mauricius, Phocas, & cæteri, quorum crucigeros omnes pridem collegerunt Lipsius & Gretzerus.

Gretz. de Cru-
ce.

§. XVIII.

GLOBUS CRUCIGER.

SED & globos cruce perinde insignitos gestant in iisdem Imperatores christiani, quos prioris ævi Augusti nudos deferebant, quibus se dominos Orbis indicarent. *Pilam*, inquit *Isidorus*, in signo constituisse fertur *Augustus*, propter nationes sibi in cuncto Orbe subiectas, ut magis figuram Orbis ostenderet. Idipsum præterea in nummis præstitit, in quibus Orbem sive globum describi curavit: ex quo usus deinceps invaluit, ut aliquot ex iis qui subsequuti sunt. Imperatores in suis pariter monetis effingi se pariter voluerunt cum globo in dextra, quo, ut diximus, universi Orbis Imperium adeptos se denotarent: hoc enim symbolo teretem terræ figuram semper adumbrarunt. Hinc *Martianus Capella* duos globos orbes, quorum unus auro, electro alius prænitebat, dextra porrectiore corripuisse Jovem fingit, eoque habitu in deorum consistorio confedissee, quibus cæli & terræ imperium designaretur. Ita auctor est *Codinus*, stetitisse Constantinopoli Jovis ejusdem statuam, quæ globos tres dextra tenebat, quia tria, inquit, Mundi climata illius subdita dominatui indicarent. Narrat *Ammianus* *Maximiani statuam* *Cæsaris Antiochiæ*, locatam in vestibulo Regiæ, amisisse repente spheram aream formatam in speciem poli, quam gestabat. Imperatores vero, Mundi se dominos appellasse, satis declarant *Caracallæ* & *Didii Juliani* nummi, in quibus uterque globum manu gestat cum hac epigraphe, RECTOR ORBIS. Et *Constantius* in obelisci Romani inscriptione, DOMINUS MUNDI dicitur, quam quidem appellationem affectasse præ cæteris tradit *Ammianus*, scribens confestim a justitia ita declinasse intemperanter, ut *Æternitatem* meam, aliquoties subsereret ipse diclando, scribendoque propria manu Orbis totius se dominum appellaret. Sic *Juliano* in vetere inscriptione idem titulus datus legitur: & apud eundem *Ammianum*, *Valentianus Orbis terrarum dominus* appellatur a quodam *Theodosio* magistro militum. Scribit *Basilius Seleuciæ* episcopus, qui Imperatorum imagines aspiciunt, cum stupore describari chlamydem marino flore collucentem, ac diadema lapillorum lumine coruscans: tum, *χαῖρα τῷ σφαγερωδεῖ χήματι τῷ κόσμῳ τῷ κύκλῳ τοῖς δακτύλοις φέρειν νηπιζομένην*, matrem denique, quæ Orbem terrarum in modum spheræ formatum

Isid. l. 18. c. 3.

Martian. Cap. l. 1.

Codin. Orig.

Ammian. l. 25.

Bidez ad August. p. 5

Ammian. l. 15. Grut. 1086.7.

Ammian. l. 29.

Basil. Seleuc. serm. 2. p. 9.

P. 18.
Orpheus hym.
no in Jovem.

digitis gestare creditur. Ejusmodi globis in nummis effictis insunt interdum Victoriolæ, laureas coronas porrigentes Imperatori, interdum usus cruciculæ. Sed posterioris istius usus notam ante Valentiniani temporâ in iisdem vix reperire est, tametsi crucis figura variis in locis impressa post Constantinum observetur: nisi ad Constantinum aut Constantium filium referenda sit gemma, cujus ectypon extat in Daçtyliotheca MS. Ludovici Chalucii, in qua insculptus globus cruciger, cum Α. & Ω characteribus, qui DEO adscribi solent, qui, quod de Jove dixit Orpheus, est ἀρχὴ πάντων, πάντων τε τελευτῇ, & hisce aliis in circuitu, SAL. GEN. HUM. CONST. id est, ut interpretatur idem Chalucius: *Constantius salus generis humani*, quomodo in nummis indigitantur M. Lepidus, C. Cæsar, Galba, & aliquot alii; nisi hæc ad crucem referri debeant, quod idem censet, atque suadere videntur characteres, CONST. globo crucigero subjecti, quibus forte Constantiopolis intelligitur, ut in primo nummo Justinii junioris aureo, in quo pene similis effingitur figura. In hoc porro nummo aureo Valentiniani, quem descripsimus, sedet figura stolata & galeata, qua Roma fortean aut Constantinopolis adumbratur, sinistra hastam, dextra globum tenens, cui crux insitit. Exhinc crucigeros globos in utriusque Theodosii, & aliorum, qui subjecti sunt, numismatibus conspiciamus. Quin & equestris Justiniani in Augustæo posita statua similem globum sinistra continuit, ut exerte habet Procopius: ἔχει δὲ, inquit, ἕτερον ξίφος, ἕτερον δοράτιον, ἕτερον ἄλλο τι ὅπλων ἕδεν. ἀλλὰ τσαυρὸς αὐτῷ ἐπὶ τῇ πόλει ἐπίκειται, δι' ἧς δὴ τήν τε βασιλείαν καὶ τὸ τῆς πολέμου πεπορεύσθαι κράτος, non gladium, non hastam, aliudve gestat armorum genus, sed crucem globo impositam, cujus opera imperium ac belli victoriam adeptus est. Similia ferme habent Cedrenus, Suidas, Glycas, Codinus, & Georgius Pachymeres in ejusdem statuæ descriptione MS. ac Suidas quidem de globi crucigeri istius significatu hæc commentatur: καὶ τῇ μὲν ἀριστερῇ χειρὶ φέρει σφαῖραν, εὐμπεπηγὸς τῆς τσαυρὸς ἐν αὐτῇ, ὡς σημάδιον ὡς ἂν τῆς εἰς τσαυρὸν πίσεως, τῆς γῆς ἐγκρατὴς ἐκγονοί. σφαῖρα μὲν γὰρ ἡ γῆ, ἂν τὸ σφαιροειδὲς τῆς αὐτῆς σχήματος πίσις δὲ ὁ τσαυρὸς, ἂν τὸν ἐν αὐτῇ σαρκὶ ὡς θηλωθέντα θεόν Λαὸν quidem manu globum tenet, cui crux infixæ est, quæ significat ipsum propter fidem in crucem, terra Dominum factum. Globus enim is terra est propter rotundam ipsius figuram: fides vero est ipsa crux, ob incarnatum Deum illi clavus affixum.

§. XIX.

GLOBUS CRUCIGER INTER INSIGNIA
IMPERATOR. OCCIDIT.

A Bizantinis & Orientalibus Augustis transiit ad Occidentales globus iste cruciger : nam Carolus Calvus hunc sinistra gestat in ejus imagine quam delineari curavit vir clarissimus Steph. Baluzius, tamen forte necdum Imperator. Henrico II. Imperatori, ut Auctor est Glaber Rodolphus, sub annum 1013. Benedictus VIII. PP. similem globum, a se vel inventum, vel compactum obtulit : *Præcepit fabricari, inquit ille, quasi aureum pomum, atque circumdari per quadrum pretiosissimis quibusque gemmis, ac desuper auream crucem inseri. Erat autem instar speciei hujus mundanae molis, quæ videlicet in quadam rotunditate consistere perhibetur, ut dum siquidem illud respiceret Princeps terreni Imperii, foret ei documentum non aliter debere imperare vel militare in Mundo, quam ut dignus haberetur vivificæ Crucis tueri vexillo.* Neque ab his absona habet de crucigeri istius Imperatorii symboli significatu Chronicon Flandriæ vernaculum, ubi de coronatione Imperatoris Henrici Luxemburgi sub annum 1308. *Et li mirent en la main senestre une pomme de fin or, & une croix dessus, en signification que la pomme, qui estoit toute ronde, signifie le monde de quoi il estoit souverain gouverneur : & la Croix signifioit que toudis il eut la passion de nostre Seigneur en memoire.* Similia etiam tradit Gotifridus Viterbiensis, qui globum istum *pallam* appellatum scribit ; a Theutonico fortè *Paleyen*, quod orbem sonat : vel a Gallico *balle*.

Glaber. l. i.
c. ult.

Chron. Flandr.
c. 51.
V. Knyghto.
num p. 2572.
Gotefrid. Vi-
terb. in Panth.

Aureus iste globus pomum vel palla vocatur,

Vnde figuratum Mundum gestare putatur,

Quando coronatur palla ferenda datur.

Infra :

Crux superest pomo cali super insita dono, &c.

Crux & palla simul pariter connexa tenentur :

Hæc magis, illa minus parte reverenda videntur,

Hæc ferit, hæc sanat, hæc perit, illa manet.

Si mundana cupis pugno concludere regna,

Significata Crucis tibi sunt reverenter habenda :

Servulus esto Dei, qui tua sceptrā regit.

Atque hæc fuit utriusque, maxime Occidentalis Imperii Augustorum pietas, ut inter dignitatis suæ symbola crucem sibi præ-

Coquil. in Hist.
or. Contr. Vsp.
Auctor Gall.

Hist. S. Martin.
de Camp. Ho-
ved.

Walsingh. p.
196. Monstrel.

1. vol. c. 266.

Chr Petri Reg.

Arag. l. 2. c. 10.

Montaner.

c. 297.

Niver. p. 322.

Cron. in Polon.

l. 2.

Jessen in relat.

de Coronat.

Reg.

Math. Gesta

Innocent. III.

p. 134. 135.

Epist. Martini

IV. PP. tom. 5.

Hist. Franc. p.

378. 10. Merc.

Gall. p. 94.

ferri , & globum , cui crux , in quam oculos defigerent , insisteret , gestare voluerint . Narrat Conradus Uspersensis Henrico V. in Imperatorem electo tradidisse parentem *Regalia vel Imperialia insignia , crucem scilicet & lanceam , sceptrum , globum , atque coronam* . Quem quidem globum crucigerum tenendi , ac Imperatori , quum inauguratur , porrigendi , Comiti Palatino Rheni , ex bulla aurea Caroli IV. Imperatoris , munus incumbit , qui ita novum Augustum compellat : *Accipito globum sphericum , & omnes terræ nationes Romano Imperio subjecito* . Neque tamen Imperatoribus proprius ac peculiaris fuit globus inter supremæ dignitatis symbola : nam & gestasse Reges nostros , nudos tamen , testatur Roberti Regis sigillum , apud Dominicum & alios , ut Reges Angliæ Rogerus Hovedenus , Thomas Walsinghamus , & Monstrelletus . Etiam crucigeros detulisse Hierosolimitanos Reges scribit Coquillius ; Poloniæ , Cromerus ; Hungariæ , Jessenius ; & Daniæ , Hogembergus . Sed & *pomum* inter Regum Aragonensium insignia recensent Gesta Innocentii III. PP. ut & Petrus ipse Rex Aragonum in Chronico , quod de rebus a se gestis conscripsit . Sic autem describitur a Raimundo Montanerio in Historia Regum Aragonum , ubi de coronatione Alphonsi Regis : *E lo pom era d' aur , e havia al cap una flaur ab peres precioses , e sobre la flor una eren molt ricament ordonada de peres precioses* . Octavianus Sangelasius in Viridario Honoris , ait Carolum VIII. post fugatum Alphonsum , Neapolim ingressum , *comme Roy de France , de Cecille , & de Iherusalem , & qu'il fist grant triomphe & excellence en habillement Imperial nommé & appelle Auguste , & tenoit la pomme d' or ronde en sa main droite , & à l' autre main son sceptre &c* . At quum globus cruciger pro Imperatorio præsertim symbolo hætenus habitus sit , Franci nostri in Regiarum puellarum commutatione acta anno 1614. quum coronam globo crucigero in apice decoratam , Hispanici Regis armorum insignibus adpositam in Hispanorum tabernaculis conspexissent , in augusto isto commercio ulterius progredi recusarunt , donec amoveretur ; ne hocce symbolo prærogativam aliquam in Francos sibi arrogare viderentur Hispani .

g. X X.

L A B A R U M.

IN inferioris ævi præterea numismatibus vexillum militare, quod *Labarum* appellant, ab ipsis Principibus sæpe gestari ac teneri advertimus. Illud autem ita effectum est, ut pensilis pannus fimbriis aliisque ornamentis instructus, & transversario, antennæ specie ligno affixus, a suprema conti parte funiculis dependeat. Id porro etsi non omnino nuperum, & ante Constantini ævum cognitum, Labari tamen nomenclatura nonnisi apud Scriptores, qui aut ipsius ætate, aut postea floruerunt, vix cognita vel usurpata; adeo ut in dubio sit an Romanorum proprium vexillum fuerit, an vero illud ii a nationibus barbaris acceperint, quod postremum existimare prorsus licet. Nam quod aliquando in priorum Imperatorum nummis effectum occurrat, non propterea existimandum est Romanorum fuisse: sed ita in iis exhibetur, ut quibus id vexilli proprium fuit, gentes domitas fere semper denotet. Prostant tria Augusti numismata, in quorum duobus figura nuda galeata dextra Labarum, seu contum cum quadrato siparo fimbriato tenet, cum hocce lemmate, VOT SVSC PRO SAL ET RED IO M SACR. Id est: *vota suscepta, pro salute & reditu Iovi optimo maximo sacrum*. Cui nempe bini hi nummi dum Augustus bella cum Germanis gereret, de quibus actum ab eo triumphum, vel certe partam victoriam, indicat alter, in quo scuta Germanica bina (cujus modi visuntur in Vitellis Domitiani, Antonini, & aliorum monetis) decussatim cum spiculis posita, medio inter utrumque stante Labaro. Cui similis pene prostrat alter Domitiani cum inscriptione: DE GER. Neque alia exprimitur figura in Arcu triumphali Marii Avenonienensi, in quo spolia de Cimbris, Germaniæ populis effinguntur cum eorundem vexillis & scutis. Unde nuper detectum Arcum illum triumphalem, tribus portis insignem, Remis urbe Galliarum celeberrima, a quodam ex iis Augustis, qui de Germanis victorias adepti sunt, erectum par est credere: in cujus quatuor *μεσοτύλοις* conspiciuntur rotundi clypei, in quibus effectum Imperatoris caput, sed temporum injuria ita deformatum, ut cujus fuerit divinare non liceat. Supra clypeos, qui in mediis duobus intercolumniis describuntur, effecta conspiciuntur bina Labara decussatim posita, quorum hastilibus, sub siparo, affixi sunt clypeoli alii cum Imperatoris imagine. In extremis vero inter-

Apud Biazum
p. 10. 17.

Idem p. 11. 46.
Joseph. de la
Pisc.

Berg. in Histor.
Remensi.

intercolumniis, loco Labarorum describuntur bini caducei decussatim pariter positi: ex quibus satis constat erectum Arcum istum triumphalem, pace post devictos Germanos consecuta. Sed an Julii Cæsaris, uti vult Bergerius, vel Juliani Parabatæ opus sit, quod innuere videtur vir clarissimus, cujus studio illius eclypon ære incisum hoc anno prodiit, non omnino quis definiat, tametsi ex Labari figura ante Constantinianæ familiæ tempora extructum fuisse conjicere possimus, quum deinde Julianus quum Germanos debellavit, nondum Christianam Religionem ejurasset, quod perfecit demum post Constantii mortem, in Illyrico. Ledæ enim imago satis prodit erectum Arcum triumphalem ab Imperatore Gentile. At quum is recentioris, ac minus probæ sit architecturæ, proindeque Augusti & priorum Romanorum Principum Germanicis victoriis adscribi vix possit, sub quibus illa tum maxime florebat, longe potius tribuendus videtur Probo Imperatori, qui, ut auctor est Vopiscus, *cum ingenti exercitu Gallias petiit, quæ omnes occiso Posthumio, turbata fuerant, intersecto Aureliano, a Germanis possessæ, ubi tanta prælia feliciter gessit, ut a Barbaris sexaginta, per Gallias, nobilissimas reciperet civitates* (quas inter extiterit Durocotorum Remorum) *Et quum jam in nostra ripa, imo per omnes Gallias securi vagarentur, cæsis prope quadringentis millibus, qui Romanum occupaverant solum, reliquias ultra Nicrum fluvium removit, &c.* Mox subdit, *nec cessatum esse unquam pugnari, quum quotidie ad eum barbarorum capita deferrentur, jam ad singulos aureos singula, quamdiu Reguli novem ex diversis gentibus venirent, atque ad Probi pedes jacerent, quibus ille primum obsides imperavit, qui statim dati sunt, deinde frumentum, postremo etiam vaccas atque oves.* Qua quidem victoria, pace reddita, coronas aureas Probo omnes Galliæ civitates obtulere, ut ipsemet in literis ad Senatum scribit. Unde admodum vero consentaneum, ea tum tempestate a Remensibus Arcum triumphalem erectum, in quo & victoriæ de Germanis per Labarum, & pax reddita per Caduceos effingerentur. Pannonibus etiam in Hadriani nummo, &

P. 40. 46. 50. Armenis tribuitur ejusmodi vexillum in binis aliis Antonini nummis, in quibus est figura stolata ac pileata humi procumbens, & dextram lachrymabundæ instar admovens oculis cum clypeo ad genua, & Labaro juxta defixo, in quorum altero subjectum lemma, ARMEN. Præterea Sarmatis, in nummo ejusdem Antonini, cui subjecta inscriptio: DE SARMATIS. Denique in nummo altero Vitellii Gradivus effingitur, dextra hastam, sinistra Labarum tenens, cum hisce characteribus: CONSENSVS EXERCITVVM; cusus nempe videtur propter partas de Germanis

P: 47.

victorias, de quibus etiam erecta in alio ejusdem Imperatoris
 tropæa cernuntur, cum lemate: GERM. CAPT. Ex quibus li-
 cet omnino conficere Labarum non Romanorum proprium fuisse
 ab initio vexillum; sed a gentibus domitis, Germanis, vel Ar-
 meniis, quorum fuit, in victoriarum ex iis adeptarum monu-
 mentum vexillis suis hos illud adscripsisse; quum ex nummorum
 inspectione devictas provincias, armis maxime, quorum apud
 illos usus erat, denotari palam sit. Nolim porro pro vero præ-
 stare, quod scribit auctor Anonymus de Miraculis S. Bertini,
 sequiore etiam sæculo, circa scilicet tempora Caroli Calvi,
 Labari appellationem vexillis suis tribuisse Danos: *Pagani in*
antefati collis cacumine principale vexillum, quod Labarum vocari
fertur, alto stipiti pro terrore infixere. Tametsi uti Labarum effin-
 gitur, Danorum fuisse vexillum indicare videatur auctor Enco-
 mii Emmæ Reginæ: *Erat, inquit ille de Danis verba faciens,*
eis vexillum miri portenti, quod licet credam posse esse incredibile,
lector tamen, quia verum est, veræ inferam lectioni. Enimvero
dum esset simplicissimo candidissimoque intextum serico nullius figura
in eo inserta esset imago: tempore belli semper in eo videbatur cor-
vus, ac si intextus, in victoria suorum quasi hians, excutiensque,
alas, instabilisque pedibus, & suis devictis quietissimus, totoque
demissus. Eadem ferme de corvis istis habet Asserus, qui *Reasau,*
 seu *Reasan*, ut emendat Spelmanus, voce Anglofaxonica id ve-
 xillum appellatum scribit: adeout incertum maneat, an revera
 Labarum voce Danica, ea tempestate, dictum fuerit. Sed præ-
 fertim ita appellatum sub Constantino M. vexillum, in quo Chri-
 stianæ religioni initiatus, Christi monogramma describi curavit,
 quod *ⲛⲓ ⲁⲙⲱⲛ ⲧⲓⲙⲱⲥⲉⲣⲟⲛ*, ceteris pretiosius, & sanctius habe-
 ri, Imperatorem semper præcedere, a militibus adorari, & in
 præliis a fortioribus exercitus militibus ambiri & stipari præ-
 cepit, uti narrant Scriptores ecclesiastici: quos quidem mili-
 tes esse eos plerique autumant, quos *Præpositos laborum* vocat
 Codex Theodosianus, quum quod Labarum Ambrosius, Pruden-
 tius, & alii, Laborum appellent Sozomenus, Glossæ veteres apud
 Turnebum, Acta secundæ synodi Nicenæ, & Aldhelmus. Quum
 igitur Labarum vexillum barbaricum fuerit, quod indicare vi-
 dentur nummi, frustra de ejus nomenclatura hariolantur viri
 pereruditi, qui de signo hoc militari tam multa commentati
 sunt, ut iisce desquisitionibus tædeat immorari. Illud autem pas-
 sim in sequioris ætatis Imperatorum nummis cum Christi Mo-
 nogrammate licet intueri: sed & in ipsius Constantini numis-
 mate, in cujus averfa parte effingitur, cum Christi Monogram-
 mate

L. 2. c. 11. apud
Mabillonium.

Encomium

Emmæ Reg. p.
169. 170.

Asser. De re-
bus gest.

Aelfred. p. 10:
Euseb. l. 2.

Vitz. Const. c. 3.
Sozom. l. 1. c. 4.

Turneb. l. 15.
c. 16. A& Ni-

cenæ Syn. II.
Aldhel. De la-

udib. virgin.
Turneb. loco

cit. Baron. an.
312. n. 23.

Dorleani ad
Tac.

Fuller. l. 2.
Misc. sacr. c. 1:

l. 4. c. 12:
Stevvechius ad

Veget. l. 3. c. 17:
Gretz. l. 1. De

sanct. Cruc.
c. 4.

Tristana. tom. 3.
Comm. p. 484.

Jacob. Gotofr.
ad tit. Cod. De

Præp. labor. &c
Apud Baron.

mate supra sipárum, in quo quidem tres globuli describuntur: Labari vero hastile draconem premit, cum hac inscriptione: SPES PUBLICA, infra: CONS.

§. XXI.

NARTHEX.

AT quod veteres e Latinis perinde ac Byzantinis Scripto-
ribus *Labarum* vocabant, posteriores *Νάρθηκα*, seu *Ferulam* appellavere: siquidem Imperatorum idem fuit gestamen;
quod revera videtur, etsi postmodum non eadem omnino for-
ma ac figura. Labarum quippe, uti observatum supra, quadra-
tum fuit ex panno aut serico confectum, Christi insignitum mo-
nogrammate: Narthex vero ferulæ solidæ speciem prætulit, quæ
paulo longior quam latior fuit. Unde medicos quosdam *Νάρ-
θηκας* libros suos nuncupasse, monitum a nobis ad Alexiadem,
quod libri speciem ferulæ omnino referant. Ejusmodi autem Nar-
thex præclare effingitur in bulla plumbea Balduini II. Impera-
toris Constantinopolitani diplomati anni 1241. appensa: in qua
Balduinus Imperatorio habitu sedens, dextra virgam tenet, in
cujus parte superiori nescio quid quadratum oblongius eminet,
fimbria circumdatum, & ad extremos angulos globulis vel mar-
garitis exornatum. Ab inferioribus vero angulis pendent vittæ,
margaritis pariter distinctæ. Hastæ extremum claudit globulus
seu margarita grandior, cui minor insitit. Narthecem ipsum
exteriorem exornat circulus ovali figura unionibus contextus.
At in Narthecibus, qui effinguntur in nummis, apparent fere
semper in quinquuncem dispositæ margaritæ: ita ut liquido evin-
catur diu servatas Labari figuræ, seu Christi monogrammatis
reliquias. Scribit Codinus moris esse, ut quando Imperator ge-
stat stemma, dextra Crucem, sinistra *Νάρθηκα* teneat. Sy-
meon vero Theſſalonicenſis Ferulam gestari ab Imperatoribus tra-
dit in potestatis iis indultæ populos subditos castigandi symbolum:
*καὶ ἐστὶ ράβδον λαμβάνει, ἢ βαρεῖάν τινα καὶ σκληράν. ἀλλ'
ἐλαφράν καὶ μαλακὴν, ἧς τὸ παθεῖν τὸν ἐν πεινῇ, καὶ
μὴ ὀργίλον ἔσθ' ὀφθαλμικόν, μηδὲ συντελεῖν καὶ ἀφανίζειν.* In-
super etiam virgam assumit, non gravem quampiam & duram, sed
levem & mollem, ut nimirum cum mansuetudine castiget, non ve-
ro cum iracundia, aut quavis pernicie, neque aut confringat aut per-

Codin. Dé off.
c. 17. n. 37:

Symeon Theſſ.

perdat. Ita magistrorum, aut pædagogorum ferulas arbitrati sunt
sequiores Græci, quæ revera Labara exititere.

§. XXII.

DE CODICE EVANGELIORUM AB IMPERATORIBUS
GESTATO.

Prostat nummus aureus Basilii Imperatoris apud Octavium
Stradam (neque enim hunc alibi videre contigit) in quo
Evangeliorum codicem dextra, & globum crucigerum sinistra
gestat. Alium etiam aureum Constantini nomen præferentem de-
scripsit, quem Porphyrogenito adscribit, cum sit Pogonati, ut
ex averſa parte colligitur, ubi Imperator codicem perinde ſi-
nistra ad pectus gerit: tametsi nolimus omnino præstare fidem
exculptori, quum existimari possit librum putasse, qui volumen
fuit, ut in nummo Theophili aureo apud eundem describitur.
Constat tamen interdum effictos Imperatores cum Evangeliorum
codicibus, tanquam constantis in fidem Christianam animi argu-
mento. Scribit quippe Porphyrogenitus in avi vita, in quodam
magni Palatii triclinio a Basilio exædificato, quod *Καπέργιον*
appellabant, expressum opere musivo in throno sedentem Impe-
ratorem operis conditorem, & conjugem Eudociam, imperatoris
indumentis amictos, & coronis redimitos, cum communibus li-
beris, quorum masculi *πύμυς ἐπιφερόμενοι* conspiciebantur *πὰς*
θείας ἐντολὰς αἵς φοιχεῖν ἐπαδυνόντο, παρέχοντας, libros di-
vina præcepta, quibus ipsi insistere edocebantur, continentes: femi-
næ vero & ipsæ *βίβλους τινὰς* tenebant, *νόμων δείων ἐχέσας*
περιοχῶν, libros, in quibus divinarum legum argumenta descripta
erant: quasi, inquit Porphyrogenitus, in animo habuerit arti-
fex non tantum progeniem masculam, sed & femineam sacris
litteris initiatam, & divinæ sapientiæ participem esse demonstra-
re. Atque hi quidem libri non alii, opinor, erant ab Evange-
liorum codicibus, quum in iis Christi præcepta contineantur.
Narrat auctor Chronici Alexandrini, Justinianum excitata Victo-
riatorum seditione, in Circum progressum, sedisse in tribunali ge-
stantem manu sanctum Evangelium: *ἀνῆλθεν ὁ βασιλεὺς εἰς*
τὸ ἱππικὸν ἐν τῷ ἰδίῳ καθίσματι βασιλεύων τὸ ἅγιον εὐαγγέλιον.
In manus scilicet Justinianus sumpserat Evangelii codicem, quo
fortasse seditiosæ multitudini fidem faceret indultæ a se per-
peram ab ea perpetratis veniæ, tactis scilicet sacrosanctis Evan-
geliis,

Strada p. 301.
305. 298.

In Vita Basil.
cap. 58.

p. 780.

VI. Syn. aſt.
13. 14.

Apud Anaſt. in
Colleſtan. p.
123.
& Baron: an.
656.

geliis, quæ fuit ſemper apud Chriſtianos ſacramentorum formula hiſce verbis concepta : *μὴ τὰς ἀγίας γραφὰς πάντας, καὶ τὸν Θεὸν τὸν λαλήσαντα δι' αὐτῶν*, ut eſt in ſexta ſinodo, & alibi paſſim. Evangelium tamen geſtare ſolius preſbyteri fuiſſe, neque id juris habuiſſe Imperatorem contendit olim Maximus monachus in Collatione habita in ſecretario cum Principibus, ubi de Imperatore, quem ſacerdotis titulo donari non poſſe affirmabat : *Neque baptizat, neque chriſtinatis conſecutionem patrat, neque facit epiſcopos, vel preſbyteros, aut diaconos. Neque limit eccleſias, neque indicia ſacerdotii fert, ſuperhumeraſ ſcilicet & Evangelium, quemadmodum Imperii coronam & purpuram.*

ſ. X X I I I.

C R U X I N N U M M I S.

JAm vero Imperatorum Byzantinorum pietatis, ſi qua fuit in Principibus, qui ſcleribus & cædibus ſupremam hanc dignitatem fere ſemper conſequebantur, argumentum præcipuum fuit, quod Crucem, vel Chriſti monogramma nummis ſuis crebro adſcriberent : Chriſti etiam ipſius, interdum & Deiparæ, atque adeo Sanctorum imagines effingi curarent. Ac de Cruce quidem, ut aliquid dicamus, inſignis eſt nummus ille æreus Conſtantini junioris tum Cæſaris, in quo Crux grandior inter duas figuras militares, tenentes ſigna militaria, conſpicitur cum hac inſcriptione : *GLORIA EXERCITVS*. Ejusdem præterea Cæſaris alter, in quo inſcriptum : *VICTORIA AVGVSTORYM*. Et aurei alii Valentiniani ſenioris, & Valentis, qui pro lemmate præferunt : *RESTITVTOR REIPVBLICÆ*. Habetur etiam Theodoſii ſenioris alius æreus, in quo Imperator captivum ſiniſtra præmit, Cruce ad latus ejusdem Auguſti designata ; alius etiam in quo Crux ſola averſam partem occupat. Ad priorem referri poteſt, quod ſcribit Theodoritus, Theodoſium poſt inita aliquot cum Eugenio tyranno prælia, cum ſui ea intermittere ſuaderent, donec collectis novis copiis auctiorem haberet exercitum, eis intuliſſe, non eſſe committendum, ut ſalutaris Crux tantæ argueretur imbecillitatis, Herculiſque ſtatux tantum tribueretur virtutis, quum ut Crux in ſuo, ita illa in hoſtium exercitu antecederet. Occurrunt ſimiles alii, maxime ſequioris ævi, ubi paſſim in averſa parte Crux habetur ; quos inter præcipuus eſt aureus ille Olybrii Auguſti, in quo exhibetur idem Auguſtus recto vultu, cum ſtemmate gemmato & crucigero, & hiſce cha-

I. 5. c. 24.

characteribus: DN. ANICIVS OLYBRIVS AVG. In averſæ vero partis medio Crux nuda conſpicitur cum hac inſcriptione: SALVS MVNDI, infra: CONOB. Quinetiam in iconomachorum Auguſtorum nummis Crux ipſa paſſim conſpicitur, quod mirum videri non debet, quum, licet in Servatoris & Sanctorum imagines dire graſſarentur, Crucem tamen privatim & publice effingerent, colerentque; quod monuimus in noſtra Conſtantinopoli Chriſtiana, ubi de imagine Chalces. Id præterea diſerte firmat, quod habetur in epiſtola Michaëlis & Theophili Imperatorum iconomachorum ad Ludovicum Imperatorem, de Chriſtianis imagines colentibus: *Primum quidem vivificas & honorificas Cruces de ſacris templis expellebant, & in eadem loca imagines ſtatuebant, ponebantque lucernas coram eis &c.* Nam etſi falſum ſit, ejuſce ævi Chriſtianos Cruces ab ædibus ſacris abſtraxiſſe, inde ſaltem colligitur iconomachos, abdigato cæterarum imaginum cultu, Crucem coluiſſe. Obſervare eſt denique Cruces cum duplici tranſverſario ſtipite tum primum conſpici in aureo nummo Conſtantini & Irenes matris, ſi genuinus eſt, qua ſane forma effictas deinceps a Græcis ſatis declarant cum figuræ Græcanicæ veteres, tum quæ vivificæ ipſius Crucis reliquias ſervant phylacteria, uti monuit jam olim Gretzerus, atque adeo a nobis obſervatum in Tractatu de Capite ſ. Joannis Baptiſtæ. Sed cur ita Crux cum duplici tranſverſario ſtipite, majore altero, altero minore, effingeretur, non omnino conſtat: vix enim eidem Gretzero aſſentiar, qui inde eum fluxiſſe ritum putat, quod Patriarchis hacce figura præferretur, quaſi id recentioris moris non eſſet. Longe magis arridet eorum conjectura, qui Cruces iſtas duplices profluxiſſe volunt, ab iis, quæ in nummis Auguſtorum Byzantinorum deſcriptæ viſuntur, quas Imperator, & Auguſta, ſiniſtra alter, altera læva tenent, ita ut ita effictæ ſint, quaſi uterque Crucem tenuerit, Imperator quidem majorem ac cum majore tranſverſario ſtipite: Auguſta vero cum minore. Sed & triplici effictam figura Crucem Dominicam apud Græcos obſervare eſt ex pictura Græcanica, quam ex gaxophylacio RR. PP. Canonicoꝝ S. Genoveſæ Pariſienſis delineari curavimus: conſtat autem illa quatuor tabellis, in quarum una effinguntur ſancta Paraſceve, ſ. Barbara, & ſ. Marina, ſingulæ dextra Crucem tenentes, ſed diverſa, ut dixi, forma. Nam ſ. Paraſceve Crucem, ſicut vulgo dicimus *re cruciatam*, ſeu in cruciculas in in ſingulis brachiis deſinentem: ſ. Barbara Crucem cum duplici ſtipite tranſverſario: ſ. denique Marina Crucem nudam, niſi quod ſub extrema globulis exornatur. In altera vero tabella,

Baron. an. 824.

Gretz. de Cruc.
p. 1618.

Tabella XI

Tabula 10.
Vide Euchol.
Goar. p. 147.

s. Tecla & s. Æcatherina Cruces *recruciatas* perinde gestant: has inter medius stat s. Stephanus^{us} diaconi habitu, stola in sinistro humerum refusa, in qua ter vox ΑΓΙΟC scribitur.

§. XXIV.

CHRISTI MONOGRAMMA IN NUMMIS.

L. i. de Vita
Const. c. 25.
Baron.
Fr. Angelon.
P. 369.

Primasius in
Apocal. lib. 4.
c. 13:

Rosveid ad
Paulin. ep.
p. 864.

P. 5.

Du Choul.
p. 171.

IN quibusdam vero nummis sæpe Christi monogramma describitur, quod ab ipso Constantino fluxisse ostendunt ejus nummi, in quorum medio exaratur cum figuris ibidem effectis, in aureo præsertim, cui inscriptum: VICTORIA CONSTANTINI AVG. In alio vero, cassidi adscriptum visitur, quo firmatur, quod tradit Eusebius, hosce characteres κατὰ τὴν κρᾶνς detulisse Constantinum. Constat autem Christi monogramma literis majusculis Græcis P & X. invicem junctis ac implexis; quibus *compendio totum Christi nomen includitur*, ut est apud Primasium Africanum. Ex hinc mos idem in successores derivavit, qui aut in Labaro, aut in medio nummo ipso id monogramma describere. Præclarus autem ille est Constantii junioris Cæsaris æreus, in quo ipse vel Constantinus pater militari habitu stat, labarum dextra tenens, in cujus siparo descriptum Christi monogramma, Victoria a tergo subsequente, & coronam ejus capiti imponente, cum hocce lemmate: HOC SIGNO VICTOR ERIS. In medio vero nummo idem monogramma exhibet Constantii Imperatoris aureus cum A & Ω. Decentii perinde cum iisdem characteribus, & inscriptione; SALVS DD NN AVGET CÆS. ut & Joviani, sed absque inscriptione: de quorum quidem characterum A: & Ω Christi monogrammati adscriptorum vi ac significato multa alii commentati sunt: præterea Justæ Gratae Honoræ Augustæ, Severi Tyranni &c. Habetur præterea eclypon gemmæ insignis in Ludovici Chalucii Dactyliotecha MS. quæ est S. Genovesæ Parisiensis, in qua isculptum Christi monogramma, cum hisce characteribus: SALV DOMI NOST AUG LUC. Id est, ut interpretatur idem Chalucius: *Salus Domini nostri Augusti lucet*. Cui quidem eclypo, adjungenda alia nummorum Constantii & Decentii inscriptio apud Cholum, in quorum averfa facie simile visitur monogramma: SAL. DD. NN. AVGG. LVCE ET. Interdum præterea ita effectum erat Christi monogramma, ut Crucem referret, cum P transverso stipite trajiceretur. At, quod mirari subit, non ætate duntaxat Constantini M. ejusmodi Christi monogramma nosci ac describi cœpit, sed & longe antea;

antea ; cum extet gemmæ insignis ectypon in laudata Ludovici Chalucii Dactyliotheca , cui insculptum Christi monogramma , cum A. & Ω ad latera , & hisce in circuitu characteribus : SAL DO N ALEX FILI LVGE , id est : *Salus Domini nostri Alexandri filii Mammæa lucet* . Sane etsi gemmam hanc sub Alexandro Mammæa filio sculptam nolumus præstare , fieri tamen potest , ut a viro Christiano exarata fuerit , qui & ea ætate vixerit , & ad Christum pro Alexandri Imperii ac vitæ incolumitate preces fuderit , quomodo fere solebant Christiani , ut satis indicant verba s. Cypriani ad Paternum proconsulem : *Nullos alios deos novi* , inquit ille , *nisi unum & verum Deum , qui fecit celum & terram* , *Agta S. Cy-*
mare , & quæ in eis sunt omnia . Huic Deo nos Christiani deservi- *piani*
mus : hunc deprecamur diebus atque noctibus , pro nobis , & omnibus
hominibus , & pro incolumitate ipsorum Imperatorum . Sed , ut verum fatear , fucum facit vox *Domini nostri* , quæ non est omnino istius sæculi . Simile porro monogramma in nummo *Maxen-* *Magnentii vide Domini-*
tii Cæsaris observare est apud Cholium , ubi scriptum : *v o t v* *Savorgium de Monogramma*
pag 31
MVLTV VIC CÆ MAXE , i. victoria Cæsaris Maxentii . In alio
ejusdem *Maxentii* , qui pro lemmate præfert : *v o t v m v l t x* ,
idem monogramma ex P. & X. implexis conficitur , quod sane
stupendum , ut tum a Principe Christiani nominis hoste infensissimo usurpatum fuerit . Tametsi a paganis interdum notam
hanc deorum suorum imaginibus adscriptam observare sit , ut
in gemma , in qua Jovis , Apollinis , & Dianæ capita : ut *Goltzii Insul.*
Gr. Tab. 18.
in Deliorum nummis apud Goltzium , effinguntur cum Christi
monogrammate Jovis capiti imminente , & hisce characteribus :
VIVAS IN DEO F. Id est , *vivas in Deo feliciter* . Profert idem
Cholius nummum alium , in quo Christi monogramma quadruplex , vel quadrilatera forma conspicitur cum hac inscriptione : *Gretz. c. 1. 2.*
c. 38.
PAX DOM N ETR , id est , *Pax Domini nostri aterna* .

g. X X V .

DE INSCRIPT. IC. XC. NI KA.

IN quibusdam etiam inferioris maxime ævi nummis Crux mediæ nummum occupat , cum hisce ad quatuor angulos characteribus : IC XC NI KA . Descripsit Gretzerus diplomæ Fulcherii Patriarchæ Hierosolimitani & Amalrici Prioris Ecclesiæ s. Sepulcri , cui appensum fuisse testatur sigillum plumbeum , quod canonicorum ejusdem Ecclesiæ fuisse ait , in cujus uno latere

Gretzer. in
horto S. Cruc.
part. 1.

tere Crux duplex , quam patriarchalem dicimus , effingitur ; cum iisdem characteribus , IC - XC in alio vero fabrica Domi-

NI-KA

nici sepulcri cum hacce inscriptione † SANCTISSIMI SEPULCHRI. Neque propria omnino Græcis Augustis fuit ejusmodi inscriptio , quum & Reges nostri in scutis , uti vocant , aureis hancce exarari voluerint : CHRISTUS VINCIT , CHRISTUS REGNAT , CHRISTUS IMPERAT : quibus quidem verbis conceptas fuisse Laudes Carolo M. dictas Romæ , quum Imperator coronatus est a Leone PP. auctor est Radulphus de Diceto : *Christus vincit, Christus regnat, Christus imperat, Karolo Augusto a Deo coronato, magno & pacifico Imperatori Romano vita & victoria.* Sed & is fuit Crucesignatorum & aliorum clamor militaris . Prostat denique æreus , nescio cujus Imperatoris cum stemmate & globo crucigero , & longiori cruce in dextra , cum hocce lemmate : ΕΝΤΥΤΟ ΝΙΚΑ . Quod illud ipsum est , quod circa Crucem inscriptum tradunt Scriptores , quam in prælio contra Maxentium vidit Constantinus ; a quo etiam clamorem militarem suum formavere Græci Byzantini , qui in Tacticis Leonis ita conceptus legitur : Νίκη τῷ σαυρῷ , seu ut est apud Scylitzen *σαυρὸς νενίκηκε* , quod scilicet Crux a Constantino in cælo conspecta , victoriæ signum fuerit : unde νικητικὸν σημεῖον appellatur in inscriptione Græca , quæ Nicææ legitur .

Radulph. de
Diceto an. 801
Tageno Pa-
tav. p. 13.
Galfridus.
Monemuth.
lib. 2. c. 5.
Leon. Tact.
c. 12. §. 69.
& 106. Scy-
litzes p. 572.
Grut. 1060. 27.

§. XXXVI.

CHRISTI EFFIGIES IN NUMMIS.

JAM vero quod ad Christi , vel Deiparæ , & Sanctorum effigies in nummis descriptas spectat , scribit Joannes Damascenus cusa a Constantino M. numismata , in quibus Christus cum Crucis , quam in cælo viderat , figura , una facie , ipse vero in altera efficti conspiciebantur : *πρώτισον καὶ ἐξάρετον καλλιέρημα τῆς εἰς Κριστὸν τὸν ἀληθινὸν ἡμῶν Θεὸν εὐσεβεῖας ἐνχαράττει τῷ βασιλικῷ τῆς πολιτείας νομίσματι , τότε ὑπερόφανες σημεῖον τῷ Σωτηρὶ σαύρα , καὶ Θεανδρικὸν Κριστὸν χαρακτῆρα ἐν αὐτῷ μετὰ τῷ ἰδίῳ ἀνετυπώσατο . ἐνδεικνύντος τὴν τῷ ἐπὶ βασιλείᾳ αὐθεντίαν πρὸς τὴν ὀπίγειον γενομένην , &c.* Pietatis in Christum verum Deum nostrum præcipuum argumen-

Joan. Dama-
scen. in Syno-
dica ad Theo-
phil. p. 112.

tum fuit , quod imperatorio ac publico numismati salutaris Crucis , quod
in

in calo viderat signum, *Cristique Dei hominis venerandam imaginem, cum sua ipsius impresserit, quo scilicet celestis Regis præterreno majorem potentiam declararet. Neque forte alia videtur moneta illa, quam Constantino adscribit Joannes Damascenus, ab ea quam Σωτηρίκιον vocat Anonymus in Antiquitatibus Constantinopoleos, quod in ea Servator effictus esset: ἐν οἷς καὶ*

P. 99. Ed.
Combes.

χαραγὴ βασιλικὴ Κωνσταντίνου ἡ λεγομένη Σωτηρίκιος χίλια κεντιώακια, &c. At quum inter tot, qui ex Constantini supersunt nummis, nullus hætenus repertus sit, in quo Christi imago effingatur, verendum maxime ne vox Σωτηρίκιος referenda sit ad solum Crucis typum in Labaro aut alibi depictum, quem signum Christi vulgo appellasse Veteres docuimus ad Paulum Si-

lentiarium: nam & σωτήριον σταυρὸν appellabant, ut hoc etiam loco Damascenus: ut vero Synodus Trullana, *ζωοποιῶ σταυρῷ*

Syn. Trull.
c. 73.

σωτήριον. Primus autem, qui Christi imaginem in nummis suis descripserit, videtur Justinianus Rhinotmetus, cujus aureus ha-

Strada p. 265.
Chifflet. de
Lint. sepulcr.
P. 212.

betur expressus apud Stradam & Chiffletium, quem illi, ut &

Occo, perperam Justiniano Magno attribuunt: is enim in priorie facie Christum habet expressum, thorace tenus, dextra benedictionem impartientem, sinistra Evangeliorum codicem tinentem, cum inscriptione, IHS CHRISTUS REX REGNANTIUM.

In altera Justinianus ipse barbatus (quod Justiniani M. non esse evincit) cum stemmate crucigero, ac Loro, quod supra descripsimus, Cruci majori manum admovens effingitur, hisce characteribus in ora exaratis: DN IVSTINIANVS SERVVS CHRISTI. Ex hinc efficta Christi simili modo ac inscriptione cernitur effigies in nummis Basilii, & Constantini Porphyrogeniti.

§. XXVII.

NUMMI ZIMISCIANI.

IN primis vero Joannis Zimiscae pietatem commendat, quod refert Scylitzes, eum nempe præcepisse, ut in nummis & obolis Christi effingeretur imago, cum id antea neutiquam factum esset: *προσέταξε ὃ καὶ ἐν τῷ νομίσματι, ἔ ἐν τῷ ὀβόλῳ εἰκόνα ἐξχαράσσειν τοῦ Σωτῆρος, μὴ πρὸς τὸν τῆς ἡμετέρας.*

Quæ quidem extrema Scylitzæ verba ita capienda esse supra allata conficiunt, ut Joannes Zimisces solum Christum in num-

Scylitz. p. 683.

facie

facie Græca hæc characteribus Romanis exararentur : IESVS CHRISTVS BASILEVS BASILEON. ἐγράφοντο δὲ, subdit ille, καὶ γραμματεῖα Ρωμᾶνσι ἐν πατέρῳ μέρεϊ ὧδε πη διεξιόντα, ΙΗΣΟΥΣ ΧΡΙΣΤΟΣ ΒΑΣΙΛΕΥΣ ΒΑΣΙΛΕΩΝ. Proinde pro Zimisiana moneta haberi debet ; in cuius facie altera Christi protome , in altera iidem characteres visuntur. Atque ejusmodi quidem nummi jure etiam Σωτηρίοι appellari potuere , quos Græci recentiores Constantino Magno ex falso rumore , vel fortean ex imperitia adscripserunt . Sed incertum omnino an ad hos Zimisicæ nummos referri debeant complusculi alii , qui nulla quidem Imperatoris imagine conspicui, Christum, aut eadem, qua in Zimisicianis, aut etiam forma alia, atque adeo alia etiam inscriptione effectum præferunt : quos iis adjungere visum est in stemmatibus nostris Augustis Byzantinis, non quod revera Zimisicanos esse velimus asserere , sed quod commodiori vel certiori loco collocari vix poterint . Ejusmodi autem sunt, qui Christi protomen cum inscriptione ΕΜΜΑΝΟΘΑ exhibent , quum iisdem, quos Zimisiciani habent characteribus, nisi quod in horum altero Crux in medio cum gradibus depingitur . In alio describitur perinde Crux, cum hisce ad angulos literis : ΙC XC ΝΙ ΚΑ. In alterius denique, qui ΕΜΜΑΝΟΘΑ Christi figuræ adscriptum in antica , in postica regum Adorationem cum binis columbulis præfert .

Tristan. in
Antid. p. 42.

§. XXVIIII.

QUOMODO CHRISTUS IN NUMMIS EFFINGITUR .

IN istis porro nummis ita Christus effingitur , ut dextram protendat, binis extensis digitis, tanquam benedictionem impartiens, sinistra vero librum Evangelii teneat : *Divina namque majestas*, ut ait Durandus Mimatensis Episcopus, *depingitur quandoque cum libro clauso in manibus, quia nemo inventus est aperire illum, nisi Leo de tribu Juda : & quandoque cum libro aperto, ut in illo quisque legat, quod ipse est lux mundi, & via, veritas, ac vita, & liber vite*. Ita autem a Græcis depingi auctor est Allatius ; quod testatur etiam Paulus Silentarius :

Durand. l. 1.
Ration. c. 3.
n. 12.
Allat. l. 1. de
Conf. utr.
Eccl. c. 6.
n. 31.
Paul Silent.
in Desc. S. So-
phie part. 2.
v. 359.

— εἶκε δὲ δάκτυλα τείνειν
Δεξιτερῆς, ὅτε μύθον αἰζῶντα πιφάσκων.
Λαγῇ βίβλον ἔχων ζαθέων ἐπιτίσορα μύθων

Βίβλων

Βίβλων ἀπαγγέλλουσιν ὅσα χρισμῶν ἐκλή
 Ἀντὶς ἀναξ ἐπέλεσεν ὅτι χθονὶ παρὸν ἐρείδων.

Videtur autem dextra digitos protendere, velut si sermonem immortalem annuntiaret, sinistra librum tenens, sacros sermones narrantem, librum pandentem qui utili consilio Rex ipse (Christus peregit, dum in terris ageret. Interdum in tabellis Græcanicis, in apertis libri Evangelici foliis, interdum ad ipsa imaginis latera descripti visuntur characteres Græci Α & Ω designantes Christi divinitatem, & humanitatem, ut testatur idem Allatius. Sed ut plurimum cernuntur isti, I C. X C. id est, Ἰησοῦς Χριστός.

Christi vero nominis literarum contractio perantiqua est: illius siquidem meminit Clemens Alexandrinus: τὸ δὲ ἰῶτα καὶ ἥτα τῶν οὐκ ἐκ τῶν ἁγίων, ut & epistola, quæ s. Barnabæ adscribitur, qui quidem characteres numerum XVI II. conficiunt, de quo multa commentati sunt antiqui Patres & quem Valentini hæretici sectatores ad sua de mundi duratione somnia traduxerunt, ut auctor est s. Epiphanius. Sed hæc Christi nomen per I H. contractum spectant: in nummis autem ac veteribus tabellis fere semper per I C. X C. scribitur. In iis porro nummis Christus interdum stans effingitur, ut in præclaro laspide, cujus ectypon ex museo C. V. Claudii Hardii habetur in egregia illa Dactyliothecca MS. Ludovici Chalucii, in foro Ricomageni Consilarii Regii, quæ fuit Magni Peirescii, deinde V. C. Petri Segui- ni, modo vero RR. PP. Canonorum Regularium s. Genovesæ Parisiensis. In eo Christus stans ad genua, dextram protendit binis extensis digitis, sinistra librum tenens, cum hisce characteribus ad latera, Ι C Χ C Ο ΕΛΕΗΜΩΝ. In altera facie insunt hi characteres, Ⲑ ⲕⲉ ⲟⲩⲥⲟ ⲉⲓⲥ ⲥⲉ ⲉⲁⲓⲡⲓⲱⲛ ⲟⲩⲕ ⲁⲡⲟⲩⲧⲕⲁⲛⲉⲓ. Id est

Iesus Christus misericors, Christe Deus, qui in te sperat, non frustratur. In aliis nummis Christus in cathedra vel sella sedens effingitur, dextra pariter benedictionem impartiens, altera Evangelium tenens, ut est in veteri tabella Græcanica gazophylacii s. Genovesæ Parisiensis, cujus ectypon hic damus. Ita sedentem Christum effictum non uno loco annotat Anastasius in Vitis summorum Pontificum, ac in Silvestro: Fastigium argenteum, battutile, quod habet in fronte Salvatorem sedentem in sella. Et mox: Item a tergo respiciens in absida Salvatorem sedentem in throno. Neque tantum in Græcanicis, sed & in Venetorum Ducum nummis, ita expressum Christum licet intueri, cum adscriptis solitis Græcis characteribus Ι C Χ C. adeo ut Veneti Byzantinis Augustis potissimum addicti, eorum non mores duntaxat & habitus, sed

Clemens Alex.
 l. 6. Strom.
 Epist. S. Bern.
 c. 7.

Epiph. l. 1.
 adv. Hær.
 tom. 2. n. 14.

Tabella 8.

Anastas. in
 S. Silvestro.

& monetarum typos amplexi sint. Prostat enim in gazophylacio eorum RR. PP. Canoniorum Regularium s. Genovesæ Parisiensi nummus argenteus P. Ziani Ducis, qui ante annum 1200. vixit, in quo ipse ad dextram togatus & barbatus conspicitur, ad sinistram vero stat s. Marcus cum Evangelio, dextra vexillum Duci porrigens. Inscriptio hos characteres præfert P. ZIANI VENETI. S. M. Habuere etiam Serviæ Regum nummi Christi finilem^D figuram, prout expressam exhibemus in nummo Urosci & Ste-^Vphani Serviæ Regum, quem inter Gentis Paleologæ nummos retulimus, quod habitu Græcanico Principes ii conspicui in illo sint, tum quod ad ejusdem stemma omnino pertineat. Jam vero qua forma a Græcis depingeretur Christus, docet Joannes Damascenus; ait enim χαρακτηρίζομεν κατὰ οὗτοι ἀρχαῖοι

Joan. Damasc.
in Synodica ad
Theophil. Imp.
P. 114.

ἱστορικοὶ ἀναγράφουσιν αὐτῶν τὴν ἐκτύπωσιν, εὐήλικα, συνοφρυν, εὐόφθαλμον, ἐπιρρίνον, ἐλόθειζιν, ὀπίκυρον, εὐχεστοὶ θησαυδο μέλανα ἔχοντα, σιτήχραν τῇ εἰδῇ καὶ τὴν κηρώσαν ἐμφάνειον, μικροδάκτυλον, εὐήφωνον, ἡδύλογον, πρῶτον, ἡσυχον, μακρόδυσμον, ἀνεξίκακον. Depictum ea forma, qua a veteribus historicis describitur, præstanti statura, superciliis junctis ac confusis, venustis oculis, justo naso, crispa cesarie, subcurvum, elegantii colore, nigra barba, vultu coloris triticeï pro materna similitudine, longis digitis, voce sonora, dulci eloquio, lenissimum, quietum, longanimum, patientem. Ita etiam Christum effictum in Basilica s. Sophiæ Jerosolymis sua ætate testatur Antoninus Monachus: Ibique remansit imago (Christi) habens pedem pulchrum, modicum, subtilem, naturam communem, pulchrum facie, capillum subanellatum, manum formosam, digitos longos: & quantum imago designabat, cum in mundo esset, picta est, & posita in ipso pratorio. Christi capillos raros ac crispas fuisse, apud Græcos constantem fuisse opinionem, testatur præterea Theophanes:

Itiner. T. S.
Antonini Mon-

Theoph. an. 6.
Leon. M. p. 97.
& apud Suid.

φασι δὲ τινες τῶν ἱστορικῶν. ὅτι τὸ ἔλόν καὶ ὀλιγοτριχὸν ἤμας ὅτι τῷ Σωτῆρος οἰκειότερον ἐστίν. Sane in nummis non tam rari, quam promissi effinguntur. Notandum porro in ejusmodi numismatibus potiolem haberi eam partem, atque pro antica accipi debere, quæ Christi protomen præfert: quod præterquam quod id satis evincit divinæ majestatis dignitas, docent characteres ΚΕΒΟΗΘΕΙ, in nummis Alexii & Manuelis Comnenorum, in ea facie adscripti, qui, ut verum fatear, diu me torfere & ancipitem tenuere, utpote in omnibus pessime formati. Neque opinor, ab hac difficultate expediissem me, nisi succurrisset

Spanheim.
P. 730.

oppor-

opportune nummus æreus a R. P. *Du Molinet* ex eodem PP. Canonico Regularium musæo subministratus, in cujus antica protome Imperatoris crucem gestantis effingitur, in postica vero medio descripti leguntur characteres isti, etiam male formati, ΚΕΘΗΧ ΔΥΛΟ ΟΥ ΙΤΑΙΜΙΡΙ, sed ex quibus tandem conficitur, legi debere: ΚΥΡΙΕ ΒΟΗΘΕΙ ΤΩ ΔΟΥΛΩ ΣΟΥ. Reliquorum vero characterum vim nondum percepi. Neque ipse doctissimus *Salmasius* similem inscriptionem est assecutus in veteri alvei lusorii inscriptione apud *Gruterum*: Ο ΔΕ ΠΙΕΖΩΝ ΤΟΙΣ ΤΑ ΒΟΛΙΑ ΙC|XC ΚΕ ΒΟΙΘΙ ΤΟΥ ΕΓΡΑΨΑΝΤΟΣ ΑΦ ΚΑΙ ΠΙΕΖΟΝΤΕC ΙC ΤΑ ΒΟΛΙΑ ΝΙ|ΚΑ ΑΜΗΝ. Quæ verba ita constituenda putavit: ὧδε παίζοντων εἰς τὰ βόλια, Ἰησοῦς Χριστὸς νικᾷ καὶ βοηθεῖ τῶς χαίαντας, αὐτὸν, καὶ παίζοντας εἰς τὰ βόλια. Ego vero ea sic legerim: οἱδὲ παίζοντας εἰς τὰ βόλια, (λέγετε, dicite dum luditis) Ἰησοῦς Χριστὸς νικᾷ, βοηθεῖ τῶς χαίαντας αὐτὸν, καὶ παίζοντας εἰς τὰ βόλια. Utcumque sit de conjectura nostra, saltem ex his docemur, cur in altera Comnenicorum nummorum facie Imperatorum nomina tertio casu ponantur; totius enim inscriptionis sententia ita concipitur: ΚΥΡΙΕ ΒΟΗΘΕΙ ΑΛΕΞΙΩ ΔΕΣΠΟΤΗ, vel ΜΑΝΟΥΗΛ ΔΕΣΠΟΤΗ ΠΟΡΦΥΡΟΓΕΝΝΗΤΩ *Deus adjuva Alexium Despotam, vel Manuelem Despotam Porphyrogenitum*. Cui quidem inscriptioni similis quodammodo est, quæ in nummo *Heraclii* habetur, DEUS ADIUTA ROMANIS. Ita in cereis sigillis Imperatorum *Caroli M. Ludovici Pii*, & *Caroli Calvi*, inscriptiones simili sensu leguntur exarata: XRE PROTEGE CAROLUM, vel LUDOVICUM IMPERATOREM. Sed & adnotat *Scylitzes*, Græcorum clamorem militarem hisce conflatum verbis, Χριστὲ βοήθε, qui in *Leonis Tactici* unico Βοήθε concipitur. In nummis vero *Alexii z* pro *z* in voce ΑΛΕΞΙΩ poni liceat advertere, quod in antiquioribus monumentis factitatum observavit haud ita pridem eruditus *Spanheimius*. Nummum præterea alium argenteum damus, quem, quantum ex inscriptione conjicere est, *Constantini Ducæ Imperatoris* esse opinamur. Præfert enim in altera facie Christum sedentem in cathedra, cum characteribus valde attritis ΚΕ.ΟC, qui, ni fallor idem sonant quod in *Comnenianis*, ΚΥΡΙΕ ΒΟΗΘΕΙ. In altera Christus ipse stans, sinistra *Evangelii* codicem tenens, crucem porrigit Imperatori, cum hac inscriptione... STANTTO DUX. Qui vero *Ducas*, interdum Δυξ dicitur *Scylitzæ*.

Notæ ad
Alexiad.

Ad Histor.
August. p. 467.
Gruter.
1049. 1.

Scylitz. p. 78.
Leon. Tact.
c. 7. §. 74.

Spanh. diss. 2.
De præst. num.

§. XXXIX.

IMPERATORES A DEO CORONATI.

HAc igitur figura Constantinus Ducas ab ipso Christo Augustam dignitatem adeptum se testatur, a quo & coronatur una cum Eudocia conjuge Romanus Diogenes in dypticho eburneo, quod ære incidi curavimus. Sic porro etiam in tabellis depingi solitos Augustos Byzantinos testatur Joannes Eucharum Metropolita, carmine εἰς σεφανωθέντας ὑπὸ Χριστοῦ.

Joan. Euchaït.
p. 53.

Οὐ χεῖρ κραταὰ τῶς κραταῦς Δεσπότας.

Ἐξέφε Χριστός, καὶ παρέχε τὸ κράτος.

Non manus fortis fortes Imperatores,

Sed Christus coronavit, ipseque Imperium dedit.

Et mox, scribens hanc tabellam positam fuisse a monachis Sosthenitis in templo S. Michaëlis,

Οἱ γὰρ μονασαὶ τῆς Μονῆς τῆς τιμίας

Τῆ Σωφενίτε τῆδε τῷ Πρωταγγέλῳ,

Πολλῶν τυχόντες δωρεῶν καὶ πλοσίων.

Ταύτῳ ἀμοιβὴν τῆς καλοῖς εὐεργετίας

Ἀντισφέρουσιν, ἱσορῶντες εὐτέχως

Σε, Χριστέ, εὐφοντα τέτῳς ἐνθάδε.

Quippe monachi venerandi monasterii S. Michaëlis Archangeli Sosthenita, multis donati muneribus & divitiis, vicem reddunt, pingentes artificiose te, Christe, istos coronantem hoc in loco. Atque ita effingi Imperatores volebant, quo a DEO solo supremam se consecutos auctoritatem ostenderent. Facundus Hermianensis de Theodosio Magno: A sacratissimo ejus avo ter beato, & a Deo Imperii scepra sumente Theodosio &c. Inde Θεοσεπτοι à Deo coronati appellati, ut Copronymus in Zachariæ PP. Epistolis Alexius Comnenus apud Annam filiam, Manuel Comnenus apud Theorianum in Legat. & alii passim: quorum exemplo Imperatores etiam Occidentis a Deo coronati appellati. Hinc Carolo M. Imperatori acclamatum a Romanis testatur Eginhardus, Carolo Augusto a Deo coronato, magno & pacifico Imperatori vita & victoria; & in antiquissimis Litaniis ex codice Ecclesiæ Are-

Anna lib. 13.
p. 406.
Theorian.

Eginhard.
Chron. Fariens.
p. 653.

latensis N. Regi excellentissimo magno & pacifico a Deo coronato vita & victoria. Ita etiam Ludovicum Pium compellat Amalarius Fortunatus: Gloriosissime Imperator & magnificentissime, ac centies

sies invictissime, a Deo coronate, necnon & conservate & conservande. Sic alii deinceps Germaniæ Augusti compellari amaverunt. Atque eo referri debent Alexii & Manuelis Comnenorum, de quibus supra egimus, nummi aurei, in quibus manus de nube exiens eorum capitibus stemma imponit: ut scilicet Θεοῦ ἐπιφάνεια revera se indicarent: quod etiam a Regibus nostris usurpatum colligere est ex tabella Caroli Calvi, quam delineari curavit V. Cl. Stephanus Baluzius.

Crantz. in
Metropol. l. I.
c. 10. l. 7. c. 51.

In Not. ad
Capitul.

§. XXX.

DEIPARA EFFICTA IN NUMMIS.

Quantus autem erga Deiparam Augustorum Byzantinorum cultus fuerit, attigimus in Constantinopoli, cujus patrona ac tutatrix semper habita est, ex quo maxime a Constantino M. eidem est dicata. Verum præter ea, quæ in hanc rem concessimus ex Scriptoribus, Imperatorum ipsorum nummi id omnino declarant, in quorum æreis litera M cum subiecta litera A Mariam seu Deiparam indubie denotat, quam in Anastasii A Dicori perinde æreis exaratam primum licet observare, a quo ad successores mos idem profluxit. Tanta vero quorundam emicuit erga sanctissimam Virginem observantia, ut eam in nummis suis repræsentari voluerint. Habetur enim Romani Diogenis aureus, in quo ab ipsa sacratissima Deipara diadematè donatur, quod ei acceptum tulisse docet adscriptum lemma, ΘΕΟΤΟC. ΡΟΜΑΝΩ ΔΕCΠΟΤΗ ΤΩ ΔΟΓΕΝΕΙ. Id est, Θεοτόκος Ρωμανῶ δεσποτῇ. Alium ferme similem perinde æreum exhibet Octavius Strada, qui quidem, ut opinor, haud diversus est ab eo, quem ex V. C. & amicissimi D. Du Mont Senatorum Ambianensium Decani meritis gazophilacio descripsimus in Notis ad Alexiadem. Eo etiam spectat æneus alter ab eodem Strada descriptus, cujus facies una Deiparam Christum infantulum in sinu complectentem exhibet, cum solitis characteribus præpostero ordine collocatis, ϠΟ. ΙΗ, qui alias mihi imposuerat, quum scribi debuerint ϠΡ. ΘΥ. id est Μήτηρ Θεῦ. In altera vero nummi facie habentur exharati hi characteres ΘΗΚΟ ΡΟΜΑΝΩ ΔΕCΠΟΤΗ ΤΩ ΔΟΓΕΝΕΙ, ubi indubie scriptum ΘΚΕ ΒΟΗΘΕΙ, ut in nummo alio aureo ejusdem Diogenis, quem damus, & in præclara illa Nicephori Botaneiate Imperatoris iaspide, quæ olim fuit Gasparis Monconisii Liergii Lugdunensis, & a Joanne Chiffletio Canonico Tornacensi

Strada p. 318.

Strada p. 327.

cenſi juri publico eſt anno 1661. donata, in qua efficta Deipara, utraque palma ante pectus extenſa, quemadmodum etiam ſtans exhibetur in achate Orientali apud eundem Chiſſſetium, cum bina inſcriptione perpendiculari, ab altera parte ΜΗΤΗΡ, ab altera ΘΕΟΥ, perinde ac in nummo areo, quem exhibemus inter Zimifcianos, & in alio Iſaacii Angeli Imp. In iaſpide vero habentur ſoliti characteres, ΜΡ. ΘΥ. In circulo autem, qui imaginem ambit, iſti leguntur ΘΕΟ ΒΟΗΘΕΙ ΝΙΚΗΦΟΡΑ ΦΙΛΟΧΡΙΣΤΑ ΔΕΣΠΟΤΙ ΒΟΤΑΝΕΙΑΤΗ. Ubi binas priores voces non percepit vir eruditus, ut nec vim vocis ΔΕΣΠΟΤΗΣ, quæ Imperatorum ſequioris ſæculi propria fuit, quod ſupra docuimus, quum putavit ſculptam iaſpidem poſt abdicatum a Botaneiata Imperium. Nec tamen mirum ſi contracta hæcce vocabula ei impoſuere, cum male etiam exarati legantur, &, ut in Alexii & Manuelis Comnenorum nummis, quorum mox meminimus, R Latinum pro B Græco habeatur. Iaſpidem porro ut ſingulare Hiſtoriæ Byzantinæ monumentum ruriſum exhibere operæ pretium duximus. Jam vero Deiparam ita fere ſemper a Græcis depingi ſolitam, docent græcanicæ tabellæ, eaque in primis, quam ex gazophylacio Canoniorum S. Genoveſæ Pariſienſis hic damus. Interdum Chriſti effigies in ſcuto vel clypeo efficta, ab ipſa Deipara utraque manu in ſinu tenetur: ut in nummis ejuſdem Romani Diogenis & Iſaacii Angeli. Is enim apud Græcos maxime mos invaluit, ut Sanctorum imagines in clypeis, ſeu tabellis orbicularibus depingerentur, unde ἀπεικάζας ὀμφαλόεσσας vocat Paulus Silentarius, ſcuta Anaſtaſius Bibliothecarius. Extat locus inſignis apud Scylitzen in Romano Argyro de ejuſmodi Deiparæ imaginem effingendi apud Græcos more; ubi ait inventam fuiſſe in æde Blachernenſi tabellam Deiparæ Chriſtum ad pectus applicatum tenentis, quæ a Copronymo in iſtum, uſque diem per annos trecentos duraverat integra: εὐρέθη εἰκὼν ὑλογραφικὴ σανίδιον, ὅπου τῆς εἰκὼνς κρατύσεως τῆς Θεοτόκου τὸν Κύριον καὶ Θεὸν ἡμῶν, &c. Aliter tamen interdum depictam, & ut Latini ſolent, in ulnis ſcilicet Chriſtum geſtantem Deiparam, colligi videtur ex Teophane Ceramco, ſcribente in celeberrima illa D. Virginis imagine a S. Luca depicta, & quam in Οδηγῶν Monaſterio aſſervatam & cultam alibi docemus, depictam hanc ἐν ταῖς ἱεραῖς ὠλέαις ἀγκαλιζομένην τὸν Κύριον. Quomodo etiam deſcribitur a Theodoro Studita in Jambis:

In tabella 3:

Chron. Orientale p. 126.

Vide Gloſſar. noſtrum VV. Scutum. Surtaria. Scylitz. p. 729.

Homil. 20^a Theodor. Studita in Jambis apud Gretzer. de Cruce.

Θείως πορεύεις ὡς Ἐν ἀσπύργῳ βόπ Ω
 Ἐκ σὺ πωρῆλθε τῷ Νέῳ πόλῳ φανὸ Σ
 Ο τῷ Χερυβίμῳ αἶ Νος, ἡ πρὶν αἶτι Α
 Τὴν νύκτα μεῶν ἡ Ὀλης πλάνης παλα Ι
 Οὐ ἀγκαλίζῃ ἔ Μάλα ραπλὸν φερει Σ
 Κερασμένοι σῇ θεῷ Οιδῶς εἰκόν Ι
 Ως δεαπότῳ τὸ καὶ Σὸν ὄντων υἱέ Α

Apud Grætz.
 lib. de Cruce.

Id est ad verbum,

*Divine paris tanquam semine experte modo
 Ex te prodiit novi celi lumen,
 Cherubinorum laus, prius causa,
 Noctem imminuens totius erroris prisce,
 Quem ulnis tenes, & valde pictum portas,
 Mixtum tue Dei similiter imagini,
 Tanquam dominum & tuum vere filium.*

Diogeniano priori similes habentur aurei Joannis Comnenii nummi, in quibus scilicet diadema excipit a Deipara, cum hisce characteribus, *ω ΔΕΠΟΤ*, in facie vero altera effingitur Christus sedens. In altero ejusdem Augusti Deipara crucem duplicem porrigit ipsi Joanni, cum lemmate *ω ΔΕΠΟΤ* supra caput, & ad latus Deipara, *ov. mp.* In alio præterea in quo stat ipse Joannes cum narthece & globo crucigero, hisceque literis, *ω ΔΕΠΟΤ ΠΟΡΦΥΡΟΓΕ*. Averfa facies sacræ Virginis protomen fert cum utroque brachio expanso, ut in aliis perinde inter Zimisceanos, & Manuelis, Andronici Tyranni, & Isaacii Angeli, & solitis characteribus, *mp. ov.* In alio denique ejusdem Manuelis Deipara Virgo stat facie lusca, brachiis pariter erectis in precantis speciem: quasi ad Deum preces funderet pro Imperii vel urbis incolumitate.

§. XXXI.

SANCTORUM IMAGINES IN NUMMIS.

NEque Christum duntaxat aut sacram Deiparam in nummis suis expressere posteriores Augusti Constantinopolitani, sed etiam Sanctos, quos potiori cultu venerabantur. Isaacii Imperatoris binos nummos ex gazophylacio S. Genovesæ Parisiensis protulimus, utrumque ex iis quos Caucios, seu Cavos, vocant, alterum æreum, argenteum alterum, paris magnitudinis,

nis, nisi quod adrosi fere sunt characteres, qui in æreo distincte leguntur. Stant in æreo figuræ duæ, prior Isaacii, Imperatorio habitu, dextra crucem gestantis: altera Angeli cum nimbo circa caput, crucem perinde longiorem dextra prehendentis, quam is Imperatori porrigit. In nummi ora ac circulo exarati habentur minutiones isti characteres, ΙΣΑΑΚΙΟΣ ΔΕΣΠΟΤ. Supra crucem mediam, ΑΓΙΟΣ ΑΡ. Infra ad lævam Χ. ΜΙ. quibus intelligitur *Αρχάγγελος*, vel *Αρχιεράγγελος Μιχαήλ*, quem ut patronum sibi adsciverat Isaacius, ob Angeli, quod ei erat, cognomen. In convexa nummi parte Deipara sedet Christum puerulum in clypeo effictum, gremio complectens, cum characteribus solitis, ΜΡ. ΘΥ. Ejusdem fere fabricæ monetariæ est nummus aureus, quem ad Alexiadem descripsimus, præterquam quod manus de nube profecta diadema capiti Imperatoris imponit. Cætera si non instar sunt ejus quem exhibemus, cum in figuris, tum in inscriptionibus, culpa est, ni fallor, illius a quo ectypon acceperamus: nam nummum ipsum inspicere non licuit. Ensem tamen ab Angelo in eo porrigi Imperatori observatum a nobis erat in magni Peirescii, qui nummum viderat, adversariis. Unde ad id referendum videbatur, quod Scylitzes, & Zonaras scribunt, Isaacium Comnenum, quod Imperatoriam quam consecutus erat, dignitatem, non Deo, sed propriæ virtuti adscriberet, in nummis imaginem suam stricto ense insculpendam curavisse: tametsi verendum, ne qui primus ex iis id tradidit, hallucinatus sit, ac imaginem S. Georgii, quem cum diademate & stricto ense effingere solebant Græci, ut mox dicturi sumus, quæ forte expressa fuit in averso nummo, ipsius Imperatoris esse putaverit; nam & in Manuelis Comneni monetis ita effingitur. Ab hac porro expressa Isaacii Comneni, ensen tenentis, in nummis imagine, Spataphori Italici Roccellæ Marchiones, Schlafanni & Augulii Comites, olim ex Acarnania vel Dalmatia profecti, eundem Isaacium gentis suæ, ac cognominis auctorem, levi sane fundamento, profitentur. Isaacii Angeli nummus alter argenteus in concava sui facie binas pariter exhibet figuras. Prior, quæ est Imperatoris, dextra narthecem tenet; altera, quæ est Sancti alicujus, caput nimbo ornata, & sago militari induta, sinistram manum pectori admovent, & dextra narthecen Imperatori porrigit. Characteres oræ dextræ adscripti, non modo minusculi, sed & pene omnino adrosi sunt, adeo ut aliud nihil expiscari fas fuerit, nisi quod similes videntur iis, qui in æreo nummo exarantur. Ad sinistram vero, si bene conjicimus, habetur, ΑΓΙΟΣ ΑΡ. Θ. Χ. C. Cætera assequi non

Jo. Bapt. Laurus. De annulo pronubo Deiparæ.

non pōtuimus. In altera & concava nummi facie sedet, ut in priori, Deipara cum Jesu infantulo in sinu, & solitis literis *MP. ΘΥ.*

§. XXXII.

S. GEORGII IMAGO IN NUMMIS.

IN aliquot aliis Joannis & Manuelis Comnenorum nummis æreis effictum cernimus S. Georgium, quem *μεγαλομάρτυρα* vocant Græci, non tamen qua ab iis exhiberi solet specie. Hic enim *στυμὴ* sancti Martyris, uti supra diximus, describitur, nudatum ensē vel spiculum dextra, clypeum sinistra tenentis. Caput margaritarum linea seu unionibus distincto diademate, instar Imperatoris cingitur. In Manuelis nummo adscribuntur hi characteres *O*, in quo *α* minutulum includitur, quo *ἅγιος* vulgo contrahunt Græci, *ρε ρ-ριος*, id est *ἅγιος γέωργιος*. Nec multum dispar est S. Georgii figura, quam habet Constantini cujusdam *στυκαδινωῦς* sigillum apud Octavium Stradam, in quo stans habitu militari describitur, dextra spiculum tenens, sinistra clypeo cruce insignito ac humi defixo innixus, cum hisce characteribus, *ο αριος ρε*. Verum Græci a quibus immense cultus est, *ἑφιππον*, seu equitem, fere semper sanctum Georgium depingebant: quod eo habitu non semel, ut ajunt, in præliis adstitisse Græcis, ac pro iis dimicasse conspectus sit, Ita a Constantinopolitanis depictum auctores sunt Nicetas, Nicephorus, Gregoras, Codinus, & alii.

P. 361.
Nicet. in Man;
l. 6. n. 5. Gre-
goras l. 8.
Codin. de Og.
c. 6. n. 23.
Dissert. 11. ad
Joinvillam
P. 211. 212.

§. XXXIII.

IMPERATORIS TITULUS OMISSUS IN NUMMIS.
BYZANTINIS.

Dissertationis hujusce initio, inferioris ævi, seu Constantinopolitanorum Imperatorum numismata habere diximus quidpiam peculiare, quodque in superioris ætatis nummis vix reperitur, tum quoad Principum ipsorum vestes ac gestamina, tum etiam quoad inscriptiones. Ac quum de priore hac parte copiose satis, ni fallor, actum sit, ut id, quod inscriptiones spectat, eadem procedat methodo, instituti nostri ratio postulat. Ac primo quidem occurrit Spanheimii viri doctissimi observatio, a Constantinopolitanis Augustis non plane omnino,

H

quod

quod velle videtur, sed crebro omisſum in eorum nummis Imperatoris titulum, exceptis forte Juliani æreis, in quibus ſolitus illud IMP. legitur. Conſtat ſane Imperatorium hunc titulum a Julio Cæſare in nummis haud receptum, nec ab Auguſti ſucceſſoribus Tiberio, Cajo, Claudio etiam, niſi rarius in iis admiſſum, ut de Tiberio, & Claudio aſſeruit Svetonius, illos a prænomine Imperatoris abſtinuiſſe: adeout in magna nummorum copia, qui ſuperſunt eorundem Principum, vix ſemel tributum advertere ſit. Unde etiam eorum exemplo neglectum ab aliis Cæſaribus, ut Severo, Caracalla, Gallieno, & reliquis, quorum nummi frequentius eo carent prænomine.

§. XXXIV.

TITULUS DN. IMPERATORIBUS ET CAESARIBUS
TRIBUTUS IN NUMMIS.

HUjus autem loco ſucceſſere apud Conſtantinopolitanos binæ iſtæ literæ DN. ideſt, *Dominus noſter*, quæ in venerationis titulum a populis, a quibus cudebantur, videntur adſcriptæ. Priores certe Cæſares *Domini* appellari omnino reſarunt: quod de Auguſto, Tiberio, & Alexandro Severo exter Scriptores tradunt. Neque tamen omnes intra modetiæ iſtius limites ſeſe continuere, quum Plinius junior Trajanum, ad eum ſcribens, *Dominum* ſemper compellet: & apud Lampridium, Antoninus Diadumenus de Opilio Macrino Auguſto patre verba faciens, *Dominum noſtrum & Auguſtum* vocet: ac in antiquis denique inſcriptionibus, Decius Trajanus, Æmilianus, Valentinus, Gallienus, & Diocletianus, & qui eos deinceps exceperere *Domini noſtri* dicantur. Sed vix ante Marcum Aurelium Carum, ejuſmodi titulos nummis inſcriptos obſervare eſt: cujus quidem aureus proſtat cum hiſce aſſentatoriis verbis, DEO ET DOMINO CARO AUG. Similes propemodum habentur Diocletiani, in quorum altero iſta leguntur: DN. DIOCLETIANO BEATISSIMO; in alio: FELICISSIMO SEN. AUG. præterea Maximiani cum hac inſcriptione: DN. MAXIMIANO BEATISSIMO SEN. AUG. Verum in hiſce nummis tertio caſu conceptæ ejuſmodi inſcriptiones fatiſ declarant cuſos a Conſtantio Chlora & Gal. Valerio Maximiano, quos ii adoptaverant, poſt abdicatum ab utroque Imperium, quod vox SENIORI ſuadet, quo modo *Dominum & parentem noſtrum, Diocletianum ſeniorum Auguſtum* adhuc ſuperſtitem appellant Conſtantinus & Licinius in lege 2. Cod. Th. de Cenu, edita anno

Sveton.

Lamprid. in
Diadum.

Grut. 273. 5.

7. 274. 2. 275.

3. 4. 279. 1. & c.

Occo p. 508.

Occo p. 515.

519. 522. 523.

Occo p. 535.

536. 543. 544.

545.

Baron. an. 324.

num. 62.

Occo p. 540.

545. 551. 556.

Grut. 281. 1.

282. 4. 284.

6. 7. 8.

1086. 2.

Grut. 284. 1.

287. 4.

no 313. vel certe post eorum excessum, quum istorum aliquot nummorum aversa pars: QUIES, REQUIES OPT. MERIT. vulgo præferat; quæ quidem inscriptio, ut in ipsius etiam Constantii nummis, mortuum Augustum omnino significat: Lateres figlinos descripsit Baronius ex basilica Vaticana veteri, in quibus exaratum legitur: DN. CONSTANTINUS AUG. In aliis Constantini & Licinii nummis binæ istæ literæ DN in secundo casu exaratæ leguntur: DN CONSTANTINI AUG. ita ut subintelligatur vox, *moneta*. In aliis Romuli, Licinii, Constantini junioris, Constantis, & subsequentium Imperatorum in primo. Delatos eisdem honoris titulos Cæsaribus ipsis probant nummi Crispi, Licinii junioris, Constantii, Decentii, Juliani, & aliorum. Sed & ipsis Imperatricibus, maxime vero Helenæ Constantii uxori, Constantini M. matri attributos arguunt inscriptiones veteres, quarum altera, quæ Romæ legitur, hæc præfert: DOMINAE NOSTRAE FL. IUL. HELENÆ, &c. In nummo Constantini filii *Ἰουλιανῶν* continente exhibetur illa cum hisce characteribus DN. MR. idest, *Domina nostra mater*, ut quidam interpretantur. In æreo, quem delineari curavimus, pro DN. omnino habetur VN. idest, forte, *venerabilis*; quo quidem titulo donatur in veteri inscriptione Neapolitana: PIISSIMAE. AC. VENERABILI. DOMINAE. NOSTRAE. HELENÆ. AUGUSTAE MATRI DOMINI. NOSTRI. VICTORIS. SEMPER. AUGUSTI. CONSTANTINI. ET AVIAE. DOMINORUM NOSTRORUM. BEATISSIMORUM. CÆSARUM. ORDO. ET. POPULUS. NEAPOLITANUS. Tradit auctor Chronici Alexandrini Gratianum Augustum Valeriam Severam matrem, quam Marinam vocat, *Δέσποιναν*, seu *Dominam* appellasse. In alia denique inscriptione Maria Honorii Augusti conjux eodem donatur titulo: DOMINO. NOSTRO. HONORIO. DOMINA. NOSTRA. MARIA. Carolum præterea Magnum, ut & summos Romanos Pontifices eundem sibi arrogasse, probant veteres aliquot inscriptiones apud Nicolaum Alemannum in Dissertatione de Lateranensibus parietinis.

284. 2.

Chron. Alcx;

p. 702. 704.

p. 42. 43. 119

§. XXXV.

DESPOTAE TITULUS IMPP.

UT porro *Domini*, voce Latina, priores Byzantini Imperatores, ita & posteriores, *Δεσποταί*, Græco idiomate, quum Latinum tunc exolevisset penitus adpellari voluerunt, sicque in nummis inscribi. Habetur autem Nicephori & Stauracii,

in cujus facie altera effingitur ipse Nicephorus cum hac inscriptione : ΝΙΚΗΦΟΡΟΣ ΒΑΣΙΛΕΥ , in averſa vero Stauracius , cum lemmate : ΣΤΑΥΡΑΚΙΣ ΔΕΣΠΟΤ. quaſi ea ætate Δεσπότης appellatio Βασιλέως ; ſeu Imperatoris appellationi ceſſerit : & Stauracius , licet εἰς βασιλέα a Patriarcha Tarafio in Sophia-næ Eccleſiæ ambone coronatus fuerit , patre ſuperſtite , eo titulo ipſo parente dignitate ſe inferioreſtari voluerit . At aliquot ex ſubſequentibus Auguſtis ſe in nummis Δεσπότης inſcripſerunt , ut Conſtantineus , vel Michael Ducas , Nicephorus Botaniates , Romanus Diogenes , Alexius , Joannes & Manuel Comneni , Iſaacius Angelus , Alexius Angelus , & qui poſtea imperarunt Auguſti , qui hacce nomenclatura a ſubditis vulgo etiam ita compellabantur , cum adjectione Sanctitatis , hac ratione Δεσπότης μὲν ἅγιος . Quinetiam ex iis quidam eundem titulum honoris cauſa proximioribus affinibus communicarunt , primuſque ni fallor , Michael Ducas avunculo , ut eſt apud Zonaram : quæ quidem honorifica appellatio in præcipuam Palatii dignitatem poſtea tranſiit , quod alias adnotavimus .

In Not. ad
Cinnam. p. 468

§. XXXVI.

FLAVII PRÆNOMEN.

POſt expreſſas hæc DN literas , hæc FL. fere ſemper ſubſequentur , quibus indicatur Flavii prænomen , quod ſequioris ævi Imperatores affectaſſe , ſibiſque adſervuiſſe eorum nummiſatis declarant . Ac gens quidem Flavia , Romanorum ſtante republica , vix cognita fuit . Veſpaſianus vero , ejuſque liberi Titus & Domitianus ex ea orti , Imperatoriam adepti dignitatem , ſplendorem familiæ ſuæ perinde ac famam conciliavere : cui non modicum dedit incrementum Claudius Imperator , qui ab ea genus arceſſebat . Huic enim prænomen Flavii attribuit Pollio , qui vitam illius deſcripſit , ut & vetuſ inſcriptio a Panviniorelata : IMP. CÆS. FL. CLAUDIO. PIO. FELICI. &c. Illud porro etſi in Claudii nummiſ nequaquam legatur , ab eo ad Conſtantii Chlorig , Claudii ex fratre neptis filii , tranſiſſe familiam conſtat . Unde idem Scriptor de Claudio verba faciens : Ille , inquit , velut ſuturorum memor , gentes Flavias , quæ Veſpaſiani & Titi , nolo autem dicere Domitiani , fuerant , propagavit . Iſtius igitur affinitatis jure Conſtantii nomen cum Flavii prænomine licet obſervare in antiquiſ inſcriptionibus , & aliquot illius nummiſ.

Atque

Svet. in Veſp.
cap. I.
Pollio in
Claudio .

Atque inde non in ejusdem gentis duntaxat, sed & in cæteros ferme Augustos Byzantinos, tanquam Imperatoriæ dignitatis decus, traductum docent stemmata nostra Byzantina. Nam, ut Constantino Magno Constantii filio, proprium quodammodo fuerit, satis innuit Aurelius Victor, scribens: *Urbis sanum atque Basilicam Flavii (Constantini) meritis Patres sacrasse, & per Africam Sacerdotium decretum Flaviæ genti*. Primus porro Jovianus post extinctam Constantii Chlorig & Constantini M. familiam id prænominis sibi arrogasse ostendunt ejus nummi, quod ab eorum successoribus deinceps factitatum. Quin & ipse Autharitus Longobardorum Rex, quo familiæ suæ lumen accenderet, Flavii etiam affectavit prænomen, quod fecere postmodum pariter, qui eum in ista dignitate exceperunt, ipsique adeo, utrorumque exemplo, Gothici Hispaniæ Reges, quod a Recaredo primo factitatum volunt quidam in Concilio Toletano III. ubi Flavii prænomen ei attributum legitur. Nec Romanorum Augustis duntaxat, aut Regibus Longobardorum, vel Gothorum id prænominis proprium fuit, sed & a summis in republica viris, Consulibus nempe, Prætoribus, Præsidibus, & Viris clarissimis & Patriciis, ævo ipsius Constantini, usurpatum docent Fasti consulares, veteres Inscriptiones, & diptycha Leodiense, Bituricense, & Compendiense, in quibus Philoxenus & Anastasius consules ordinarii Flavii prænomine donantur, adeo ut templo Flaviæ gentis, quod effectum cernitur in Titi nummo, recte conveniat ex eventu adscripta epigraphe, *ÆTERNITATI FLAVIORUM*, in quo etiam ludens Martialis, simili pene sententia hæc de gente Flavia vaticinatus est:

Manebit altum Flaviæ gentis decus

Cum sole & astris, cumque luce Romana.

Hocce tamen Flaviæ gentis templum a Domitiano excitatum, tradit Svetonius. Atque id forte causæ fuit, cur scripserit Casaubonus Vespasianum & Titum, qui in Censura sua amplissimos ordines variis bellis exhaustos suppleverant, & honestissimos quosque ex Italicis & provincialibus allegant, eosdem communi Flaviarum gentium nomine appellari voluisse, easdemque gentes Flavias propagasse Claudium, atque in earum numerum novos Patricios adscivisse, quasi jam tum prævidisset deferendum Imperium uni ex illis gentibus orto. Verum hanc viri doctissimi sententiam merito suggillat Salmasius, quum ante Constantini tempora nemo ex supremis Imperii magistratibus vel Palatinis Proceribus Flavii nomen usurpasse legatur: quod circa ea tempora viris Patriciis ab Imperatoribus indultum par est

Aurel: Victor:

Paul. Warnefr.

l. 3. De gest.

Long. c. 16.

Bullar: Casin:

to. 2. p. 1. &c.

Regino ann.

517.

Baron. ann.

744. n. 41.

Bivarius in

Chr. Maxim:

p. 73.

Chifflet. in

Vindic.

Hisp. p. 350.

Grut. 1076. 2.

1023. 1. 531.

4. 412. 3. 282.

4. 1079. 14.

175. 5. 406. 1.

1053. 10.

1076. 2. 1054.

8. 192. 12.

392. 3.

Apud Biazum;

p. 30.

Mart. lib. 9.

ep. 2.

Sveton. in Domit.

Jus Gr. Rom.
p. 77: 83.
Novellæ
Leonis Imp.
p. 430. edit.
Scrimger.
Wadding.
an. 1233. n. 10.

est credere. Quando vero honorifica ista tandem *Flaviorum* nomenclatura ab Augustis deserit usurpari, haud omnino constat. Hac certe non modo donantur Heraclius & Constantinus filius, sed & Leo Philosophus in eorum Novellis: ita ut post hæc viguisse aliquandiu liceat colligere. At quod Strada id prænominis ex Comnenis ac Angelis Imperatoribus attribuit, atque adeo in posteriorum Imperatorum nummis descriptum fingit, non indubitata fidem apud plerisque obtinet: tametsi constet apud Waddingum ex MS. Cencii Camerarii Vaticanæ bibliothecæ illud tribui Joanni Duce Imperatori sub an. MCC XXXIII.

§. XXXVII.

TITULUS PERPETUI AUGUSTI.

Ceteri Imperatorum Byzantinorum, maxime qui ante Leonem M. imperarunt, in nummis tituli, ab iis, quos priores in suis adscribunt Augusti, vix discrepant. At tum primum advertimus pro hocce titulo: PIUS FELIX AUGUSTUS, qui per PP. solet efferri, hunc, PERPETUUS AUGUSTUS, poni, qui interdum & crebrius per duplex PP. scribitur, in ejusdem Leonis aureis, qui hanc inscriptionem præferunt, DN. LEO. PERP. AUG. ut & in Zenonis Basilisci & Phocæ: quæ in Anastasii, Justinii, Justiniani, Tiberii, Heracli, & aliquot aliorum, per duplex PP. contrahitur. Enimvero Perpetuitatis titulus in inscriptionibus & numismatibus paulo recentioris est ævi. In inscriptione ad Urbinum, Constantius & Maximianus PERPETUI CAESARES, in alia, Romæ ad Arcum Septimii Severi, Valentinianus PERPETUUS AC FELIX SEMPER AUGUSTUS: in alia, circa Brixiam, idem Valentinianus, Valens, & Gratianus, PERPETUI PII FELICES SEMPER AUGUSTI dicuntur. Apud Marium Mercatorem, ejus *Commonitorium* dicitur oblatum piissimo Principi Theodosio *semper augusto*.

Grut. 161. 3.
285. 8.
1086. 8.

Marius
Mercat.

§. XXXVIII.

TITULUS IMPERATORIÆ, ET TRIBUNICIÆ POTESTATIS.

Neque omnino videntur abrogatæ solennes eæ in priorum Imperatorum numismatibus & inscriptionibus epigraphæ, quæ Imperatoriæ, vel Tribuniciæ, aut Consularis dignitatis ex-
ctos

hos titulos denotant . Dedimus enim aureum Valentiniani se-
 nioris , in cujus averſa facie figura ſtolata ac galeata ſedet , cum
 hiſce characteribus : IMP XXXII COS XVII PP. Proſtant inſcri- Grut. 283. 1.
3. 285. 1. 2. 3.
4. 160. 4.
182. 13.
Spanheim.
diſſ. 8. p. 690.
 ptiones veteres ; in quibus Conſtantine M. PONT. MAX. TRIB. POT.
 COS. III. PP. indigitatur : in alia vero : PONT. MAX. TRI. P. XXIII.
 IMP. XXII. PP. Julianus P. M. IMP. VII. CONSS. III. Valenti-
 nianus idem ſenior & Valens , PONTIF. MAXIMUS. TRIB. POT.
 VII. IMP. VI. CONS. II. Gratianus denique in eadem . ut & in
 alia inſcriptione , perinde : PONTIF. MAXIMUS. TRIB. POT. III.
 IMP. II. CONS. PRIMUM . Atque hanc inſcriptionum formulam Dio lib. 60.
 a militum acclamationibus manare pridem viri docti observa-
 runt , rerum ſcilicet præclare geſtarum , vel inſcriptionum bel-
 licarum ab ipſiſmet Imperatoribus , aut ab eorum legatis ſuſce-
 ptarum numero : cum , ut ait Dio , ſemel tantum uno de bello
 id nomen liceret adſumere . Pontificis vero Maximi titulum in
 nummis etiam ſibi adrogare Conſtantinum M. arguit ille a Zozimus
lib. 4. p. 761.
37.
 Spanheimio deſcriptus , in quo hi characteres exharati conſpi-
 ciuntur : PMTRPPP COS IIII PROCOS. Ubi , quare proconſularem
 dignitatem vel titulum ſibi adrogarint Imperatores , diſputat
 idem vir doctiſſimus . Cur autem Pontifices Maximi , Imperato-
 res Chriſtiani interdum appellari voluerint , notum ex Zozimo ,
 qui tradit non modo Latii Reges , ſed & Romanorum Impera-
 tores hoſce titulos ſibi adrogare , quos neque etiam primo ex Lib. 12. cap. 3.
 Chriſtianiſ reſpuerint Auguſti Conſtantine M. Valentinianus &
 Valens , quibus ex ritu veteri pontificium habitum a gentilibus
 Pontificibus delatum & acceptum ait , ſed reſuſcitatum a Gratiano :
ἀδελφὸν ἔχοντα Χρυſτιανὸν τὸ ὄνομα exiſtimanti : vel quod de Leo-
 ne M. Imperatore dixit Facundus Hermianenſis Epiſcopus , quia
 noverat , quod poſt adventum domini gentiles tantum Principes Impe-
 rium ſimul ſacerdotiumque tenuerunt , iudicavit non decere *Princi-* Amian.
lib. 25.
pem Chriſtianum , quod fuit aliquanto gentiliū . Jam vero cur Va-
 lentinianus Conſul decimum ſeptimum inſcribatur , nemo , opinor ,
 attigit , quum ſemel hanc dignitatem cum filio inierit , adeo ut
 dicendum ſit , hæc in longioris vitæ ac Imperii vota fuiſſe
 adſcripta .

TITULUS NOVI CONSTANTINI.

ATque hæc quidem appellationes Augustis omnibus fuere communes; at ex iis aliæ præ cæteris quosdam spectarunt, ut fuit illa *Novi Constantini*, quæ Tiberio, & Heraclio, Heraclii Imperatoris filio, potissimum in nummis adscribitur, voce tamen *Novi* expuncta, propter numismatum exiguitatem. Quippe Justinus junior morbo correptus adoptatum Tiberium Cæsarem creavit, & Νέον Κωνσταντίνον, *Novum Constantinum* appellavit, ut est in Chronico Alexandrino; ubi interdum, suppressa priori voce, nude *Tiberius Constantinus*, quo modo etiam in nummis ejusdem Augusti dicitur. Eadem perinde nomenclatura donatus est a patre Heraclio Imperatore, Heraclius primogenitus; dictus enim *Heraclius Novus Constantinus*, non *junior*, uti habet Interpres: quem errorem erravit etiam in Tiberio; quod præ cæteris arguit subscriptio Novellæ Heraclii, quæ data legitur VIII. Kalend. Majas CP. *Dominorum nostrorum piissimorum Perpet. Augg. Heraclii anno VIII. & Heraclii novi Constantini filii ipsius anno VII.* ut & subscriptio diplomatis Honorii PP. apud Ughellum in Episcopis Bobiensibus. Neque tamen Tiberio & Heraclio peculiaris fuit hæc appellatio, nisi quod cognominis vice proprie videatur iis indita, Tiberio quidem a Justino profocero, Heraclio vero juniore a parente, quum hanc cæteri fere ambierint Augusti. Marciano enim Augusto *Novo Constantino* non semel acclamatum legimus in concilio Calchedonensi act. 4. & 6. Justino in synodo sub Hormisda, Justiniano in concilio sub Menna act. 5. Constantino Pogonato in VI. synodo act. 8. & Constantino filio Irenes in VII. synodo act. 7. Quinetiam postremi Imperatores honorificam istam appellationem affectarunt, quod de Michaelē Palæologo testatur inscriptio in æde Deiparæ Peribleptæ Constantinopoli, quam profert Leunclavius, firmatque Georgius Pachymeres. Sed & Constantinopolitani ex Francica gente Imperatores videntur appellationem eandem usurpasse, quod præ cæteris docet Innocentius III. Pontifex, qui Balduinum Flandrensem *Constantinum Imperatorem* nude vocat, in epistola ad Namurcensem Comitem: *Præterea*, inquit, *presentibus vobis litteris innotescat, quod postquam illustri memoria Constantinus Imperator sub hostili custodia diem clausit extremum, carissimus in Christo filius noster Henricus, germanus ipsius Constantini frater,*

Impe-

Chr. Alex.
p. 862. 864.

Jus Gr. Rom.
p. 83.

Vghell. tom. 4.
p. 1325.

Concil. Cal-
ched. &c.
Leuncl. in
Pand. Turc.
n. 51.
Pachym. l. 4.
c. 21. l. 13.
c. 23.
Innocent. III.
l. 9. epist. 47.

Imperator illustris , ab universo exercitu Latinorum unanimiter & concorditer fuit in apicem Imperii sublimatus . Nisi forte mendum sit , legendumque Constantinopolitanus .

§. XL.

NUMMI VOTIVI.

EX Imperatoriis deinde nummis , Votivi vulgo appellantur, qui Vota publica nuncupata , suscepta , & soluta pro salute Principis in inscriptionibus suis præferunt , vel quod iis, quibus suscepta sunt annis cusi ac formati sint . Atque hi quidem licet ævi inferioris nummorum , seu Constantinopolitanorum Imperatorum non omnino proprii fuerint , habent tamen , qui ab iis cusi sunt , quiddam peculiare , quod in superioris ætatis Principum nummis non occurrit . Quod quidem ut legenti planum fiat , lubet Votorum istorum originem ab ipsis primordiis summam repetere . Scribit Dio , Augusto , quum primum decennium exivisset , aliud quinquennium , atque eo circumacto , rursum aliud Dio l. 55; quinquennium , post decennium , ac eo finito aliud item decretum fuisse , ut continuatis decenniis per totam vitam , summam Imperii obtinuerit : eamque ob causam posteriores quoque Imperatores , licet non ad certum tempus , sed ad vitam Imperium esset eis delatum , id deinceps observasse , ut singulis decenniis festum pro ejus renovatione agerent , quod etiam hodie fit , inquit ille . Ad quintum autem decennium Augusto oblatum ac decretum scribit idem Dio . Exhinc cæteri deinceps Augusti , exactis decenniis , principatum sibi confirmari senatusconsulto non petierunt , quum id non inviti retinerent , ut Augustus , sed ultro sibi assererent , quod de Tiberio idem Scriptor commemorat , & ex eo Xiphilinus , qui subdit *πανήγυρδα* , quam *δεκαετῆς πανήγυριον* vocat Eusebius , exacto decennio celebrasse . Ita post-Xiphilinus.
Euseb. in Orat.
de Laud. Const. modum , eodem Dione auctore , Severus Imperator Imperii exacto decennio congiaria & annonas militibus distribuit , & populo Circenses dedit . Ex hoc igitur recepto more decennialia singulis decenniis celebrata constat , quod præterea firmat Trebellius Pollio in Gallieno Salonino . Sed postmodum obtinuit ,Trebell. Pollio ut Vota publica pro decennialibus feliciter auspicandis & incundis ederentur cujusque decenniis initio , quod ex nummis potissimum Antonini Pii colligimus , quorum alii , PRIMI DECENNALES , alii SECUNDI DECENNALES præierunt , alii : VOTA. SOL. DECEN. II. alii denique , VOTA SUSCEP. DECENN. III. Ita tria decennialia inita ab Antonino Pio , qui annos 24. tantum imperavit .

Occo p. 257.

264

Du Choul

p. 156.

Erizzo p. 452.

Id. p. 335.

336. 429.

430. 415.

Du Chou

p. 253.

Chalucius

p. 56.

Petrus Faber

ad tit. 2.

de Orig. Iur.

p. 674.

Symm. l. 10.

tp. 26.

Euseb. l. 8.

c. 12. 26.

Id. l. 1. de Vita

Const. c. 41. 1.

3. c. 21.

ravit. In gemma, quam habet dactyliothea MS. Ludovici Chalucii, extat figura sacrificantis specie, cum hisce characteribus, VOTA SVSC. VICE. Id est, *Vota suscepta Vicennialiorum*. In aliis perinde nummis Antonini Philosophi leguntur: PRIMI DECENNALES, & VOTA SVSC. DECENN. & VOTA. SOL. DECENN. In nummis Commodi: VOTA DECENN. SVSC. In nummis denique Helvii Pertinacis, qui vix menses quatuor imperavit: VOT. DECENNAL. & in Pupieni Maximi, cujus Imperium haud biennii fuit, VOTIS DECENNALIBVS, quæ totidem habentur in Severi Alexandri, & Julii Philippi monetis. Profert Choliuss nummum alium Diocletiani, qui vigesimum Imperii annum vix excessit, in quo scriptum VOT. XXX. s. Habetur in ejusdem Chalucii Dactyliothea eçtypon gemmæ, cui insculptum: VOT. XXX. s. DI. Id est, *Vota tricennialiorum suscepta Diocletianus*. Præterea gemmæ aliud eçtypon, quæ hosce characteres præfert: MAXI. VOT. XXX. P. Id est, *Maximianus, vota Tricennialiorum publica*. Ex quibus perspicuum fit Vota decennialia vel decennialiorum suscepta cujusque decennii initio. Alii præterea nummi nude præferunt, VOTA PVBLICA. ut Lucillæ L. Veri uxoris, Hadriani, Septimii Severi, Caracallæ, Getæ, Macrini, Elagabali, & aliorum: in quibus omnibus sacrificium fere semper effingitur, quod vota ejusmodi pro salute Principis & Imperii felicitate, cum sacrificiis initio cujusque lustris aut decennii exsolverentur, ut monemus in nostra Constantinopoli, ubi de tribunali novendecim accubituum agimus. Atque hæc quidem obtinere priusquam religionem Christianam essent amplexi Imperatores, a quibus, abrogatis in Votis publicis sacrificiis, reliquæ solennitates servatæ sunt, vel novæ excogitatæ, in quibus illa fuit, ut offerrentur Imperatoribus ex more a magistratibus munera, certa nempe aureorum solidorum quantitas ab ipsis Principibus definita. Extat eam in rem insignis epistola Symmachi ad Valentinianum juniorem, in qua ait Valentiniano & Valenti ob decennium minorem summam decretam: Gratianum, cum tertium lustrum ævi Imperialis exigeret, parciori munificentia honoratum; eidem denique Valentiniano mille sexcentas auri libras decennialibus Imperii fastis devotum ordinem promississe, urbanis ponderibus conferendas, id est, trutine largioris examine. In hac etiam decennialiorum celebritate edebantur circenses, eximebantur rei de carceribus, agebantur Deo gratiarum actiones, & distribuebantur pecuniæ per civitates, ut testatur Eusebius. Sed quæ singulis decenniis concipiebantur Vota, postea singulis quinquenniis sunt exoluta, quod indicat loco laudato Symmachus. Indeque Quinquennialium aut Quinquennialiorum Votorum inscrip-

ptiones in nummis manarunt, ita ut Quinquennialium vel Quinquennialiorum Vota primo initæ dignitatis anno celebrata censerī debeant, Decennialiorum post exactum quinquennium, vel ipso quinto exeunte anno, Quindecennialiorum exeunte decennio, Vicennialiorum exeunte decimo-quinto dignitatis anno, & ita deinceps. Alia enim sunt *Vicennialiorum Vota concepta*, alia *edita Vicennalia*. Edebantur quippe Vicennalia anno vigesimo Imperii, Vicennialiorum Vota anno decimo, aut decimo-quinto. Verbi gratia, Constantinus Magnus Vicennalia Romæ edidit ipso Constantino VII. & Constantino Cæsare Coss. qui fuit Imperii vigesimus annus, Christi 326. ut est apud Eusebium, Idacium, & Austorem Chronici Alexandrini: Vota vero Vicennialiorum acta Imperii decimo-quinto, quod innuit Nazarius in Paneyrico ipsi Constantino dicto: *Quintum decimum annum maximus Princeps salutaris Imperii degit, sed auguramur jam Vicennalia; & venturi fidem superiorum felicitate sancimus*. Cumque eo anno agerentur Quinquennalia Licinii junioris, Crispi & Constantini junioris, qui Cæsarum dignitate cohonestati fuerant Kal. Mart. Sabino & Rufino Coss. anno Christi 316. hæc subdit: *Quinquennalia beatissimorum Cæsarum occupatos in gaudiis habent, sed in destinatis decenniis jam vota properantia & spes volucres constiterunt, horum dehinc compotes propagabimus optabilis boni seriem*. Atque horum quidem una simulque Cæsarum Vota nuncupata crebro advertere est in eorum nummis, in quibus legitur: VOT. X. aut XX. CAESARVM NOSTRORVM; etsi interdum sua cuique vota inscripta, ut in nummo Constantini junioris: VOTA VICENNALIORVM; & in nummis Crispi, in quibus pro lemmate est: BEATA TRANQUILLITAS, & VIRTUS EXERCITVS, & VICTORIAE LAETAE PRINCIPVM, in cippo, clypeo, & labaro descriptum legitur, VOT. XX. quæ quidem Vicennialiorum Crispi vota, utpote exacta in ejusdem decennialibus; cadebant in Vicennalia Constantini patris: quod indicat Porphyrius in Panegyrico, eidem Augusto in ipsis Vicennialibus dicto, in quo dum metro ludit, in medio paginæ corpore, minio hosce characteres depinxit: AVG. XX. CAE. X. Id est *Constantini Augusti Vicennalia Cæsaris Decennalia*. Ac de Crispo quidem:

-----Tu carmina prome

Vate Deo digna: aut si quod perferet audens
Majus opus nectens, mens tota mole subibit,
Spe pinget carmen, pangat si coepta Camena,
Compleat & versu variata Decennia picto,
Ore secunda vocens sub certo limite metri.

Ubi secunda Vota Crispi, sunt Vota Vicennialiorum, de quibus alio loco:

Euseb. Idac.
Chr. Alex:
Nazar. Paneg.

Prophyr! Pa-
neg.

*Sancte pater, rector Superum, Vicennia lata
Augusto, & decies crescant solennia natis.*

Et de Constantini Vicennialibus:

-----Te tanto in carmine Musa,

Et tua descriptis pingit Vicennia metris.

Mox de votis Tricennialiorum:

-----Sacris da, Constantine, serena

Tempora, summe pio Tricennia suscipe voto.

Quæ quidem Constantini Tricennialiorum Vota concepta leguntur in nummo aureo, clypeo, quem tenet Victoria, inscripta: **VOT. XXX.** ubi pro lemmate: **VICTORIA CONSTANTINI AVG.** Ad quam Constantini eo anno victoriam respexit idem poeta:

Augusto victore juvat rata reddere vota.

At quum nullam hoc anno victoriam ab hostibus adeptus Constantinus legatur, eam forte nummus iste spectaverit, quam paulo ante fuso Licinio retulerat anno Chr. 325. cum inde gloriosam *Victoris* appellationem postmodum ambierit, ut testatur Eusebius, quamque nomini suo fere semper præposuit, ut est apud eundem Scriptorem, Auctorem Chronici Alexandrini, & alios. Nisi referri debeat ad victoriam illam, quam se consecutum gloriabatur eo anno 326. quo Vicennalia acta sunt, contra Ecclesiæ hostem, postquam episcopos in concilio Niceno invicem dissidentes in concordiam revocasset, ut auctor est idem Eusebius, adeo ut *victoriam Constantini*, ut suam ac propriam in nummis inscribi voluerit. Ex prædictis etiam patet Crispum post edita Cæsareæ dignitatis Decennalia, quæ in Kl. Martias in Vicennialibus Constantini patris cadebant, ab eo sublatum. Tricennalia porro Constantinopoli edidit idem Constantinus 8. Kal. Aug. anno Imperii trigesimo, ut est apud Idacium & auctorem Chronici Alexandrini: in quorum quidem celebratione panegyricum Constantino ex more dixit Eusebius Cæsariensis, qui ejus Historiæ subjicitur, ut ipsemet testatur. Constantius vero filius Romæ Vicennalia celebravit ipso Constantio IX. & Juliano Cæsare II. Coss. anno scilicet Imperii vigesimo, Christi 367: Ita denique Arcadius anno Imperii quinto, Valentiniano III. & Eutropio Coss. anno Christi 387. *Quinquennalia propria cum Theodosio Augusto patre suo editionibus ludisque celebrasse dicitur* 17. Kal. Febr. apud Idacium & Marcellinum Comitem. Sic etiam Theodosius junior Quinquennalia, apud Auctorem Chronici Alexandrini: Decennalia apud eundem Marcellinum, eodemque anno Honorius Decennalia: Tricennalia idem Honorius: Tricennalia perinde Theodosius anno trigesimo Imperii, Christi

Euseb. l. 2. de Vita
Const. c. 19. l. 3
c. 58. Idem l. 2
c. 45. 47.

Euseb. l. 3. c. 14

Euseb. de Vita
Const. l. 4. c. 46

Chron. Alex-
andr.

Christi 430. ediderunt. Idem denique Theodosius, apud Marcellinum, anno Christi 439. *octava*, & anno 444. *nona Quinquennalia edidit*. Quæ quidem, ut singulis lustris edita Quinquennalia, ita eorum nuncupata vota cujusque lustris initio, vel potius anno proxime ante exactum lustrum, prorsus evincunt nummi aliquot ut ille Constantini junioris Cæsaris, in quo inscriptum *x* in clypeo cum lemmate ROMÆ AETERNÆ, nisi Decennialiorum v aut Quindecennialiorum Vota intelligantur: alii Valentis & Gratiani, vot. xv. mult. xx. Præterea ex Nazarii Panegyrico videtur posse colligi eum in Quinquennialiorum celebritate dictum fuisse; ut Incerti Panegyricum Maximiniano & Constantino dictum, eo quo idem Constantinus Augustus appellatus est anno, proinde in Quinquennialiorum Votorum nuncupatione. Nam Constantino, quem *orientem* Imperatorem vocat, dictum insinuans ob *Latinitiam* publicam, qua ei Cæsari additum nomen Imperii & ob celestium nuptiarum festa tum celebrata, subdit: *Huic voto propria nunc debetur oratio, quod semel factum, futurum est sempiternum*. Et infra: *Restat, ut ipsa illa que separatim de virtutibus vestris locutus sum, sicut huic voto congruit, in sermonis finem jungam*. Erant igitur isti panegyrici publica populorum Vota, quorum edendorum gratia deligebantur oratores disertis, qui in Principum laudes excurrerent, & felicia lustra vel Decennalia eis adprecarentur, ut in Nazarii laudato Panegyrici loco vidimus, Votis ipsis in nummis relatis, cum ipsa interdum Felicitatis adprecatione, ut in inscriptione veteri, VOTIS. VICENNALIB. FELICITER. Et in alia in clypeo exarata, apud Boissardum, CAESARUM DECENNALIA FELICITER. In alia apud Gruterum: VOTA FELICISSIMA OB REDITUM NUMERI. In nummo æreo Licinii junioris Cæsaris in corona laurea: vot. x. fel. xx. & in aureo Constantis medallione, in quo exaratum: FELICIA DECENNALIA, & in clypeo, vot. x. mult. xx. ubi felicia Decennalia edita anno decimo, quo Vicennialiorum vota nuncupata. Neque hic edendorum Panegyricorum in dignitatum natalibus mos proprius Imperatoribus fuit: quum & in episcoporum Cathedræ, seu initii episcopatus natalibus, editi complures legantur apud Gregorium Nazianzenum, Nyssenum, Chrysostomum, Augustinum, Ennodium, Chrysologum, & alios, ut pridem annotatum a viris doctis.

Nazarius:

Gruter. 223.

46. 6.

Boissard. lib. 1.

Rosveid. ad

Paulini ep. 16.

Boland. ad 18.

Januar.

Sirmond. ad

Ennod. &c.

NUMMUS CONSTANTINI, IN QUO EXARATUM,
PLUR. NAT. FEL.

AD has felicitatis adprecationes & vota pertinet etiam inscriptio illa, quæ exarata legitur in Constantini M. Cæsaris nummo : PLUR. NAT. FEL. Id est, *Plures natales felices*. Is autem, si bene auguror, tum primum cusus videtur, quum Nobilissimi Cæsaris dignitatem consecutus est a Maximiano Augusto & focero. Ejusmodi enim dignitatum, quæ ad Imperatorium fastigium veluti gradus erant, dies natales celebrabantur ab omnibus, & fastis inscribebantur. Quod potissimum deprehendere licet ex Kalendaris Philocali, & Hermatii, & Laterculo Silvii, in quibus natales Imperatorum & Cæsarum describuntur, suis quique locis adnotati. In iis porro Constantini Magni natales tres adscripti leguntur; primus III. Kal. Martii, alter pridie Non. April. tertius denique VIII. Kal. Aug. Ac primus quidem & tertius *dies Augustorum* spectant, qui vel lucis auspicia, vel ortus Imperii protulerunt, ut loquitur lex 2. Cod. Th. de Feriis. Prior igitur ad *Genuinum*, uti vocatur a Silvio, & in lege 17. Cod. Theod. de Proxim. Comit. &c. *Natalem* Constantini pertinet, quo nempe est in lucem editus: alter quo Cæsar, tertius ad eum quo, Augustus creatus est. Cæsarem dictum Victor. in Epit: Constantinum statim postquam Constantius pater Augustus est renuntiatus, tradit exerte Aurelius Victor. Constantius vero supremam adeptus est dignitatem Kal. April. Diocletiano IX. & Maximiano VIII. Coss. ut est apud Idacium. Quo quidem mense Cæsar etiam dictus Constantinus, qui eodem auctore, *levatus est Augustus* VIII. Kal. Aug. qui proinde dies natalis est Constantini *purpure*, ut loquitur Silvius, ubi de natali Imperii Valentiniani: de quo quidem hæc habet Eumenius in Panegyrico eidem Constantino dicto: *Quamvis igitur ille FELICISSIMUS dies proxima religione celebratus, Imperii tui natalis habeatur, &c.* Constantinus igitur Cæsar dictus est prid. Non. April. cujus dignitatis natalis sic describitur ab eodem Silvio: *Prid. (Non. April.) natalis Constantini. Circenses*. Unde colligitur, ut & ex aliis hujusmodi Kalendariorum locis, hisce Natalibus editos quotannis ludos circenses. Plures igitur optantur Constantino *natales felices*, id est, ut quo modo Cæsar jam & Nobilissimus dictus est, ita & deinceps Augustus renuntietur, istiusque novæ ac supremæ dignitatis *Natalis* Fastis perinde adscribatur.

Nata-

Natalium vero appellatione donatos dies, quibus qui in dignitate quadam inauguratur, alibi pluribus docemus. Ad hæc etiam vota, adprecationes, vel potius publicas populorum acclamationes referri potest inscriptio illa Græca, barbarisque characteribus in medio nummo æreo Theophili Imperatoris exarata, cujus geminum aureum habet Octavius Strada, ΤΕΟΦΙΛΕ ΑΥΓΟΥΣΤΕ ΤΥ ΝΙΚΑΣ, idest *Theophile Auguste, tu vincas*, ubi ΝΙΚΑΣ, pro ΝΙΚΑ.

Stradap. 297.

§. XLII.

VOTA MULTA.

Obtinuit deinde, ut non felicia duntaxat, sed & multa voverentur Decennalia, ut in Constantini M. nummo, in quo descriptum legitur: VOTIS MVLTIS. X. & in alio: VOTIS V MVLTIS X rursus in alio, X. MVLT. XX. Hinc crebræ ejusmodi fluxere formulæ ac inscriptiones in subsequentium Imperatorum nummis, quum populi vota sua ad solam Quinquenniorum aut Decenniorum felicitatem nollent coercere, & si non pro æternitate, saltem pro vitæ & Imperii diuturnitate, Vota sua nuncuparent. Quo spectant ista Nazarii: *Verum quid agimus vicens aut tricens annis circumscribendo, quæ jam æterna sentimus? Ampliora sunt merita Principum, quam optata Votorum, quinimo in inensum felicitis cursus Imperii, nec humanorum terminos curent, qui semper divina meditentur.* Et ista Corippi de Laudibus Justinii:

Hinc vester primus feliciter excipit annus,

Corippi l. 4.

Votaque PLVRA tuis celebret Nova Roma triumphis.

Interdum denique ita populorum concipiebantur Vota, ut sicut Quinquennalia, sic Decennalia feliciter exigerentur, hisce characteribus in nummis designata: SIC. X. SIC. XX. & SIC. XXX. quam quidem Votorum concipiendorum formulam in Constantii & Constantis fratris nummis tantum advertimus. Maxime vero, ac ut plurimum Vota ista edebantur de decennio in decennium, uti supra observatum, quod etiam Byzantinorum Augustorum nummi docent, in quibus passim exaratum legitur: VOT. X. MVLT. XX. VOT. MVLT. XXX. &c. Extant præterea bini Licinii Imperatoris nummi, in quibus scriptum: VOT. XX. qui quidem annum dominationis fere post decimum quartum cusus est, ut ait Victor, nisi dicamus cufos ineunte quindecennio. Desiere tandem adscribi nummis ejusmodi Vota post extinctam Theodosii familiam: tametsi in Majoriani numismate legimus, nulla Quinquennalio-

Sidon. Carmel. 13.

naliorum aut Decennialiorum mentione, VOTIS MVLTIS: quo spectant ista Sidonii ad eundem Majorianum:

*Sic te Sidonio recocta fuco,
Multos purpura vestiatur per annos.
Sic lustro Imperii perennis acto,
Quinquennialia fastibus dicuntur.*

Et in alio argenteo Justiniani: VOT MVLTHTI, quibus vocibus felicitatem, vel diuturnitatem Imperii adprecabantur: ut hacce FLOREAS, vel FLVREAS Baduelæ Italiæ Regi, in ejus nummis. Cui quidem similis est illa, quæ adscripta legitur Philocali Kalendario: VALENTINE FLOREAS IN DEO. VALENTINE VIVAS FLOREAS. VALENTINE VIVAS GAVDEAS. Istiusmodi adprecationis formulam, usurpat Sospater Carisius in epist. ad filium, Grammaticæ præfixa, quam sic claudit, *Valeas floreas, vigeasque ævo longissimo, Fili, patri tuo carissime.* Utitur etiam non semel Alcuinus. Et HRabanus Maurus ad Gregorium IV. PP.

Epist. 68. 74.
91. 112. Poem.
182.

*Vt valeas, vigeas sanus, & prospera captes,
Hic & in æternum regna superna metas.*

§. XLIII.

ACCLAMATIO ΠΟΛΥΧΡΟΝΙΟΥ.

ATque inde fortean in diuturnioris etiam vitæ & Imperii votum, acclamatum Principibus Byzantinis, πολυχρόνιον, seu *Multos annos*, quod tamen non nuperum: quo spectat inscriptio illa in nummo aureo Constantini Copronymi: C LEON PA MVΛΘ, idest, ut interpretor, *Constantinus Leoni Perpetuo Augusto multos annos.* In alio litera θ. deest. Qui quidem nummus, ut & hoc obiter adnotemus, cusus videtur quo Leonem filium corona ac diademate donavit Constantinus Copronymus, die festo Pentecostes anno 750. In antica enim facie Constantinus ipse Imperatorio habitu effingitur, cum iis quos descripsimus characteribus. In nummi vero facie altera effinguntur iidem Constantinus & Leo, quorum nomina exhibent characteres Græci, CONSTANTINOS S. LEON O NEOS. Ubi quum Leo Copronymi

Ado in Chron. filius δ Νεός dicatur, ut *Minor*, Adoni Viennensi, qui revera infans erat, non video cur *Major* dicatur in subscriptione Bullæ Stephani III. PP. quem alii II. nominant, pro monasterio Sandionysiano, quam post Doubletum & Sirmondum descripsit vir eruditissimus Jonnes Mabillonius, unaque cum eo in archivio ejusdem monasterii in ipsis phyliris exaratam inspeximus non semel.

semel, quidquid dicat vir doctissimus, quæ sic habet: *Datum quarto Kal. Martias, imperante domno piissimo Augusto Constantino a DEO coronato magno Imperatore, anno decimo octavo Imperii ejus, sed & Leone majore ejus filio anno quarto, indictione decima. Quæ*

Daniel Papé-
broch. in Pro-
py. eo ad tom 2.
April. n. 12. 9.

quidem adscripta temporis nota, nescio an non mendo careat. Quum enim Constantinus Copronymus Imperium inierit post parentis obitum 18. Junii ind. 9. ann. Chr. 741. non potuit decimus octavus Imperii annus incidere in indictionem decimam 14. Kal. Martias, qui hoc anno 757. & hoc mense erat tantum decimus sextus. Neque id referri potest ad annum, quo a patre Copronymus renuntiatus est Imperator, qui fuit 720. ipso Paschatis die 25. Martii. Deinde cum Leo filius natus 25. Januarii anno 750. ind. 3. & sequenti anno 751. die Pentecostes festo, qui incidit in 5. Junii, ab Anastasio Patriarcha diademate donatus fuerit, ut habet diserte Theophanes, hoc anno 757.

14. Kal. Mart. Leonis Junioris Imperii annus erat sextus, necdum finitus. Fatendum tamen huicce subscriptioni, alterius epistolæ Pauli II. PP. quæ extat apud Rubeum in Historia Ravennensi, subscriptionem convenire: sic enim clauditur: *Dat. Non. Febr. Imp. Domino piissimo Augusto Constantino a Deo coronato magno Imp. anno * XL. & pacis ejus anno XX. sed & Leone, Majore ejus filio anno VII. indictione XII. ubi pro XL. & pacis legendum videtur XX. & post Coss. (id est Consulatum) ejus anno XX. &c. quæ quidem indictio in annum 759. cadit. Nodum,*

Hieron. Ru-
bens lib. 5. ini-
tio, & in Con-
cil.

solvent alii. De hac porro πολυχρονία formula ita s. Augustinus: *Exhibes aliquam solennitatem amicis, audis ibi & bene optantibus tibi, Multos annos vivas. Et Leo III. PP. Reversus est, ad murum civitatis Constantinopolitanae, & coepit cum eis foris muros vocibus magnis laudare (εὐφημεῖν) ac dicere, Constantinum magnum Imperatorem Multos annos. Synodus VIII. Εὐθὺς γὰρ ὁ κα-*

S. Aug. de
Verb. Domini
serm. 39. c. 3.
Leo III. Ep. 4.

δοσιώδης Νότης εἶπε, Πολλὰ ἔτει τῷ Βασιλέων. Denique

Syn. VIII.
act. 1.

Theophylactus Bulgariensis: Προσκυνεῖ μὲν ἴσως ὁ πολίτης, καὶ μεγαλύνει, καὶ εὐφημεῖ, καὶ ᾠδοῦσιν ἡμερῶν ἀγαθὰ καὶ τῷ κρείττονος. Sed hæc vulgata & obvia; subdam tantum quæ de ejusmodi adprecationibus Imperatoribus & Patriarchis in ecclesia fieri solitis habet codex scriptus Bibliothecæ Regiæ: *Ὅπως πολυχρονίζῃ τῷ Βασιλεὺς καὶ τὸν Πατριάρχην ἐν τῇ μεγάλῃ Παρασκευῇ. Πολυχρόνιον ποιήσας ὁ Θεὸς τὴν κραταίαν καὶ ἀγίαν βασιλείαν αὐτῶν εἰς πολλὰ ἔτη. Πολυχρόνιον ποιήσας ὁ Θεὸς τὴν θεοσεβήν, θεοπροβλήν, θεοδοξαστον κραταίαν καὶ*

Teoph. Inlit.
Reg. part. 2.
c. 14.
Cod. 2023.

ἀγίαν βασιλείαν αὐτῶν εἰς πολλὰ ἔτη . Τὸν δεαυότιω καὶ
 Ἀρχιερέα ἡμῶν Κύριε φυλάτῃς εἰς πολλὰ ἔτη , Δέσποτα .
 Τεῖς εἰς τὴν τράπεζαν λέλεχται ἔως , Εἰς τὸ Πολυχρόνιον
 ζωῇ , εἰρήνῃ , ὑγιείᾳ . εὐόδωσον , καὶ κατ' ἐχθρὸς νικῶν τῶν
 κραταῶν καὶ ἀγίων ἡμῶν αὐθεντῶν καὶ Βασιλέων εἰς τὸ πολυ-
 χρόνιον ζωῇ , ὑγιείᾳ καὶ σωτηρίᾳ τοῦ παναγιοτάτου ἡμῶν δε-
 αυότου τοῦ οἰκουμενικοῦ Πατριάρχου , &c.

§. XLIV.

ANNI IMPERII IN NUMMIS DESCRIPTI:

AD nummorum præterea Byzantinorum inscriptiones per-
 tinent adscripti in iis Augustorum, quorum sunt, Impe-
 rii anni, quod usurpatum in æreis Justinī Thracis, Justiniani,
 Justinī Junioris, Tiberii, Mauricii, Phocæ, Heraclii, & aliquot
 aliorum, observare est: neque enim in aureis & argenteis ulli
 reperiuntur exarati. Scribuntur autem characteribus Romanis.
 Errare enim constat Alemannum, qui in nummis Justinī & alio-
 rum, & Græcum ὀπίσημον, sex denotans scribi putavit, quum
 sit V barbarum, seu ut a Græco-barbaris tum effingi solebat,
 quod ex similibus nummorum inscriptionibus cuivis licet colli-
 gere. Quidam etiam indictionem præferunt, ut ille æreus Ma-
 uricii, in quo sub I litera, vel columna crucigera, exaratum,
 IND. II. Cum autem imperaverit Mauricius a decimo tertio
 Augusti indictione 15. anno Chr. 582. interfectusque fuerit a
 Phoca 27. Novemb. anno 602. indict. 6. eusam hanc monetam
 sequitur anno 583. vel 599. quibus incœptæ Kal. Septembri-
 bus indictiones secundæ, eo regnante. Alius habetur perinde
 æreus Heraclii, & Constantini, cui adscriptum INDICT. XI II. quæ
 quidem indictio cadit in annum Chr. 625. & 640. Imperavit
 enim Heraclius ab anno 610. usque ad annum 641.

§. XLV.

INSCRIPTIONES GRAECAE, ET IN MEDIO NUMMO.

ENim vero vel inde colligitur Latinas literas diu Constan-
 tinopoli cultas, quod Imperatorum, qui in media vivebant
 Græcia, & inter Græce loquentes conversabantur, Latinas in-
 scri-

Spanheim.
 p. 861.
 Aleman. in
 Not. ad Pro-
 cop. p. 42. 1.
 Edit.

scriptiones præferant, usque ad Basilii Macedonis tempora, quibus tum primum Græce conspiciuntur, characteribus Latinis interdum etiam pro Græcis adhibitis. Sed & animadversionem aliquam exigit, quod in folis fere Basilii Macedonis, & ex ejus familia Augustorum numismatibus, pars averfa, Imperatorum, quorum perinde sunt, nomina & titulos nulla adjuncta figura, in medio nummo contineat, quod in aliis factitarum nondum advertimus: quorum quidem titulorum vice, Joannes Zimisces hosce describi voluit, IESVS XRISTVS BASILEVS BASILEON, ut alibi observamus.

§. XLVI.

NOMINA URBIVM IN QUIBUS CUSI SUNT,
NUMMIS ADSCRIPTA.

JAm vero, ut quod ad ejusmodi sequioris ævi numismatum inscriptiones spectat, absolvamus, adscriptos inferiori eorum posticæ parti characteres, urbium, in quibus cusa fuere signantes nomina, tum primum in iis advertere licet: quum ante Maximianum & Diocletianum, vel Probum vix id usurpatum observetur. Quos quidem characteres videtur intellexisse Auctor Queroli, ubi de solido: *Etiam hic distantia queritur in auro, vultus, ætas, & color, nobilitas, literatura, PATRIA, gravitas, &c.* Erat autem in universo Imperio officinarum monetariarum definitus numerus, quum alibi excudi monetæ vetarentur: quod a Constantino M. exerte statuitur: *ut in monetis tantum nostris* Cedr. in Theod. 1. 3. Cod: Th. de Fals. monet. L. 1. eod. tit. *audendæ pecuniæ studium frequentetur.* Officinæ istæ, *Monetæ publicæ & fiscales* appellantur, habebantque suos officiales, de quibus attigimus quædam ad Joinvillam. Quum autem sub Constantino & successoribus bipertitum esset Imperium, Orientemque & Occidentem contineret, statæ erant & definitæ in Oriente monetariæ officinæ in quibusdam civitatibus: quarum præcipua fuit Constantinopolitana, ex quo scilicet a Constantino Byzantium instauratum fuit. Monetam in duodecima regione statuit vetus ejusdem urbis Descriptio: sed in dubium vocat Gyllius, officinane fuerit monetaria, an vero templum Junoni Monetæ sacrum. Sane vix est probabile sub Theodosio Juniore, seu, ut alii volunt, Honorio, sub quo exarata dicitur, stetisse in urbe Christiana fana Deorum Gentilium, quæ tanto studio evertenda in aliis curarat Constantinus.

Vet. Urb. Descript.

§. XLVII.

DE LITTERIS.

Varie autem monetam Constantinopolitanam designant nummi: interdum enim per nudum c. interdum per tres hos characteres con. interdum per hos quatuor cons. interdum denique, & ut plurimum, per hosce CONOB. & KONOB. quæ quidem notæ in nummis ipsius Constantini Magni, a quo urbs ipsa Constantinopolis condita est, & statuta in ea publica moneta, conspici incipiunt. Licet porro in eo ferme consentiant eruditi omnes, per istud CONOB. Constantinopolitanam monetam designari; de characterum tamen vi ac significato haud omnino hi conveniunt: Ac primum, jure Cedreni explodunt sententiam, scribentis in Theodosio has literas quinque descriptas *Ϟ ΝΙΣ ΝΙΚΑΙΟΙΣ*, id est, in nummorum parte postica, in qua effingi solent Victoriarum imagines, aut vox VICTORIA exarari, hæcce verba significare, *civitates omnes nostræ obediunt venerationi*: quasi vero, ut cætera absurda omittantur, vox *Venerationi*, per B scriberetur apud Latinos, quia apud Græcos recentiores Βῆτα & V Latinum idem sonant. Legerat enim fortassean apud auctores, qui de Notis scripserunt, OB *obediens* denotare. Etsi autem in confesso sit apud omnes, tribus prioribus literis urbis nomen efferri, de duabus aliis haud similiter constat. Primus autem Antonius Augustinus dixit auri qualitatem hisce designari, quod istius ævi Scriptores *obryzum*, appellant, idest costum, examinatissimum, ac purissimum; ita ut CONOB. Constantinopoli *obryzum* vel *obryzatium*, vel denique *Constantinopolitanum obryzum* denotet: quæ quidem sententia utcunque potest firmari ex iis, qui de Notis scripsere. Quippe apud Magnonem & Paulum Diaconum, OB *obryziacum* sonat; ut COMOB. *Comitia obryziaca*, seu, ut habet Papias, *obrydiaca*, quod idem est: nam & *obrydium*, pro *obryzo* legitur in Glossario Arabico Latino. At cum ipsis Constantini M. nummis duntaxat argenteis ac æreis hæc literæ inscriptæ conspiciantur, omnino conficitur in iis *obryzum* haud posse intelligi, cum de auro tantum usurpetur, de cujus vocis etymo ac notione multa commentatus est Salmasius. Plerique igitur, fermeque omnes Scriptores eo concessere, Ortelius scilicet, Occo, Gretzerus, Tristhanus, Chiiffetius, & alii, ut hisce characteribus CONOB.

Constantin-

Notæ Juris editæ cum vet. Gram-p. 1679.

Ant. Aug. Dial. 7. p. 223. In l. de Vfur. & alibi.

Ottel. Occo p. 966. Gretz. tom. 1. de Cruce l. 2. c. 56. Tristhan. to. 3. p. 503. Chiiffet. in Anast. Plautus.

Constantinopoli obfignatum, ut COMOB. *Constantinopoli moneta obfignata*, designari exiftimarent: quomodo etiam in Trevirensibus monetis, vox *obfignata*, fcripta reperitur, TROB. TROBC. TROBS. TROBT. TROS. & in Aquileienfi Theodofii M. AQOB. in Leonis M. Theffalonicenfi, THCOB. quæ in aliis nufquam occurrit. Vix tamen, ut dicatur quod res eft, vocem *obfignare* alia notatione ufurpatam reperire eft, quam pro σφραγίζαν, vel ὁπισφραγίζαν, & κατασφραγίζαν, ut eft in Gloffis Græco-Latinis. Nam etfi *pecuniam obfignatam* dixerit Cicero, pecuniam figillo obfignatam intellexit.

Salmaf. de
Modo ufur.
cap. 11.
Cic. orat. pro
Cluentio.

§. XLVIII.

AEADEM LITERÆ IN ALIIS NUMMIS QUAM
CONSTANTINOPOLI CUSIS.

AT scrupulum injicit viro in re nummaria fat perito, apud Rudolphum Capellum, quod in nummis aliquot Imperatorum vel Tyrannorum Occidentis eadem literæ con. aut comob. exarentur: verbi gratia in nummis Honorii, Attali, Joannis, Aviti, Jovini, Petronii Maximi, Eugenii, Majoriani, Romuli, Nepotis, Anthemii, Severi, & aliorum, quos nemo fanus Constantinopoli cufos dixerit: fiquidem, aut qui partito ac divifo ultro Imperio Romæ potestatis fuæ & Occidentalis Imperii fedem statuerant: aut qui in Gallis vel in Italia, alibive tyrannidem invaferant, proindeque nummos fuos in civitate, cui non modo imperabant, fed quæ etiam adverfas interdum partes tueretur, fuo nomine excudiffe dici non poffunt. Id etfi in confeffo fit, fententiam tamen fupra allatam, quæ pro indubitata haberi debet, nullo modo labefactat. De Auguftis quippe Romanis, qui cum Constantinopolitanis, partitis ultro Imperii provinciis, Romæ fedem fixerant, illud licet augurari, amborum in utraque urbe cufa promifcue numismata, ad mutue confenfionis, concordia, ac etiam benevolentia argumentum. De Tyrannis vero ita exiftimari poteft, quod quum totius Imperii provinciarum, atque adeo urbis metropoleos fe effe compotes populis vellent perfuadere: vel quod is tum invaluiſſet ufus, ut characteres iſti pro Imperatoriarum monetarum præcipua nota haberentur, ne quid ſibi videretur ad ſupremæ dignitatis ſym-bola deſuiſſe, his etiam inſigniiſſe ſuas monetas.

Rudolph:
Capell.

EAEDEM LITERAE IN NUMMIS FRANCICIS.

NEque enim Imperatores Romani duntaxat, aut augustæ dignitatis inuasores, sed & quidam e Francicis primæ stirpis Regibus idem conob. suis perinde nummis aureis adscribere, quo, ut olim censuimus, venerationem quandam *Mundi Dominis* impertirent, eoque facto dignitate longe se iis inferiores ultro agnoscerent: quæ etiam fuit Petri Seguini, viri hac in rei literariæ parte scientissimi, sententia. Is enim dum de commentationibus, quas super Francicis nostris nummis, qui hosce characteres præferunt, a nobis prolatae sunt in 23. Dissertatione ad Joinvillam, invicem verba faceremus, conjecturam de iis allatam probare se omnino affirmabat. Primas autem in iis tenet præclarus ille aureus Theodeberti Austrasiæ, seu Francorum Regis, Justiniano M. imperante cusus, quem in ea Dissertatione quam multis pro virili explicare conati sumus. Ejusmodi etiam est aureus alter, quem nescio quo fundamento Childeberto I. Regi adscribit Buteroüs, nisi quod Lugduni cusus arguat Doccionis monetarii nomen, quod in altero, quem profert, rursus reperitur, cum hisce characteribus LUGDUNO FIT, eique civitati tum imperarit Childebertus. Habet autem nummus iste Regis Francici pessime effigiatam imaginem, cum monetarii Doccionis nomine: in altera vero parte crucem cum hisce characteribus, VICTORIA AUGUSTOR & sub cruce, CONOB. Ejusdem, id est, Francicæ ac pessimæ fabricæ, est nummus alius perinde aureus a Paulo Petavio senatore Parisiensi descriptus in veterum numismatum gnomismate, in cujus utraque facie, VICTORIA AUG. exaratur, nullo certo indicio, cui debeat adscribi Principi. Verum quod allatam supra sententiam videtur aliquantum labefactare, nummus aureus est, qui Childericii II. & Chlotarii III. fratrum nomina præfert, cum characteribus CONOB. cruci subiectis. Quum enim sub annum 670. uterque vixerit, hac sane tempestate Reges nostros cum Imperatoribus Constantinopolitanis strictis adeo foederibus devinctos, ut in eorum honorem nummos suos formarint, vix probari posse haud ægre concedi debet: præsertim quum jam dilabi inciperet Augustorum potestas, Saracenis Imperii provincias invadentibus ac usurpantibus. Unde quod supra de Romani, vel Constantinopolitani Imperii Tyrannis observatum, dici etiam potest de Francicis nostris

Petav. in
Gnomism. p. 13.

nostris Regibus, monetas suas, ut majorem iis conciliarent auctoritatem & usum, præcipuis Imperatorum Constantinopolitanorum symbolis ac characteribus insigniisse: quum alias *aurum Gallicum minore æstimatione taxaretur*, ut est in Majoriani Novella. Quomodo vero ea ætate Principes nostri erga Byzantinos Augustos, ita proceres Francici, quibus cudendæ monetæ jus fuit, sese gessere erga Reges ipsos, monetis suis cum regiæ monetæ symbolis, pondere ac forma, sed deteriori materia cufis, quo qui intra dominationis limites earum usus coerceretur, in totius regni partes sese diffunderet, quæ regiæ monetæ erat prærogativa. Hinc crebræ super procerum usurpatione Regum nostrorum querelæ, ad ipsos etiam summos Pontifices delatæ, quo anathemate ipso inhiheretur: quum *ex similitudinibus imaginum destruerentur, turbarentur ac vilificarentur monetæ*, ut habet Fridericus II. Imperator in diplomate anni 1220. apud Willelmum Hedam.

vv. Heda p.
333. 1.
Edit. Tom. I. 1.
Spicil. Acher.
p. 392.

§. L.

ALIAE OFFICINAE MONETARIAE ORIENTIS.

Quod vero ad cæteras Orientis urbes pertinet, in quibus erant Officinæ monetariæ, has inter *Alexandriam* recenset Ammianus; *Antiochiam* Lampridius; *Cyzicum* Sozomenus, & ex eo Nicephorus, qui complures in hac urbe tradunt extitisse monetarios, qui *ὡς τὴν τέχνην ἡχολογῶν τῷ νομίσματι*. Alexandrinam monetam præ ceteris spectat numerus ille æreus Justiniani, in cujus averfa facie I. & B. inter Christi monogramma describuntur, cum subjectis hisce characteribus ΑΛΕΝ qui Alexandriæ cufum denotat, ubi major Ecclesia dicata erat Joanni Baptistæ, qui per I. & B. indicatur. Ex quo enim Serapidis fanum a Christianis eversum est, Theodosio imperante, in ecclesiam Arcadio cognominem reformatum fuit, ut ait Sozomenus, [id est, *Arcadiana* dicta est] sancto Præcurfori sacram, cujus reliquiæ in hanc ædem, vel certe Alexandriam illatæ postea anno quarto ejusdem Arcadii. Sed incertum an diversa fuerit ab *παραγώνῳ τῷ ἀγίῳ Ἰωάννῳ ἐν Ἀλεξανδρείᾳ*, quod anno Leonis M. octavo extractum narrat Theophanes. Hujus porro Alexandrinæ ædis s. Præcurfori dicatæ mentio est apud alios Scriptores laudatos in Dissertatione nostra de Capite ejusdem s. Joannis Baptistæ.

Ammian. l. 22.
Lampr. in Se-
ver.
Sozom. l. 5.
c. 14. Nic. l.
10. c. 20.
Sozom. l. 7. c.
15. Evagr. l. 3.
c. 12.
Rufin. l. 2. Hi-
stor. Eccl. c. 27.

Theoph. v.
Valeſium ad
Evagrium l. 3.
c. 12.

§. LI.

§. L I.

OFFICINAE MONETARIAE OCCIDENTIS.

Notit. Imp.
Tristan. to. 3.
p. 284.
L. 10. C. Th.
de Murileg.

AT in ea Imperii parte, quæ Occidentis appellatione innouit, sex extitere potissimum fabricæ monetariæ, ut docet Notitia Imperii; *Sciscæ* scilicet in Pannonia, de qua urbe copiose egit Trifstanus; *Aquilejæ*, & *Romæ* in Italia; *Lugduni*, *Arelate*, & *Treueris* in Gallis: quæ quidem ita distributæ erant, ut tres intra Præfecti Prætorio Galliarum jurisdictionis limites essent. Romæ monetam semper extitisse notius est, quam ut firmari debeat. Ad Aquilejensem referendam quidam putant Gratiani, Valentiniani & Theodosii Constitutionem, qua poena statuitur in monetarum opifices, qui se extraneis matrimonio jungebant. Occurrunt plures nummi, in quibus SIS. & SISC. describitur, quod ad Sisciam referri debere omnes putant. In Gallicis monetis prima recensetur Lugdunensis in Notitia Imperii. Hujus mentio est in nummo æreo Juliani Imperatoris a nobis descripto, in quo exaratum sub bove in eo efficto, LUGDUNENSIS IDEST, in *Lugdunensi officina signata*, vel *Lugdunensis officina signavit*. Complures habentur, in quibus Arelatenfis moneta variis characteribus denotatur. Treverensem vero memorat Trebellius Pollio: *Cusi sunt*, inquit, *ejus* (Victoriæ) *nummi arei, aurei & argentei, quorum hodieque forma extat apud Treveres*. Ejusdem etiam mentio habetur in veteri inscriptione, ubi *moneta Treverica* nuncupatur. Infiniti propemodum prostant nummi, qui hujusce fabricæ characteres exhibent, quod pridem observatum ab Ortelio.

Pollio in Vi-
storia.
Grut. 493. 3.

Ortel. Itiner
p. 64.

§. L I I.

ALIAE OFFICINAE MONETARIAE.

VErum præter recensitas monetas publicas, seu monetarias officinas, alias extitisse non minus celebres, stante etiam ac imperante Constantiniana familia, ex nummis colligitur; quas inter extitere Thessalonicensis, Chartaginensis, Sirmienfis, & Cyzicena. Ad Carthaginensem pertinere, vel certe ad monetam Africæ referri potest lex 3. Cod. Th. de Falsa moneta, quæ ad Tertullum PC. Africæ scribitur. Labente deinceps Imperio, Nicææ, & Nicomediæ in Bithynia monetæ publicæ extitere, de

de quibus intelligenda perinde Constantini Constitutio ad Bithynos l. 1. eodem Cod. de Murilegulis. Conjicit denique Velfer fabricam monetariam extitisse Augustæ Vindelicorum, ex hisce characteribus, qui Victoris Imperatoris nummo inscribuntur, AVPS, quos quidem ita interpretatur: *Augusta Vindelicorum pecunia signata*. Pari etiam argumento *Ambiani* cūsum præclarum illum Magnentiinum æreum dicere licet, qui in averſa facie Christi monogramma præfert, cum hac inscriptione, SALVS DD NN. AVG ET CAES. & infra, AMB. nam & in Galliis regnaſſe in conſeſſo eſt ex Scriptoribus omnibus. Ita in nummis Magni Maximi Tyranni, & filii Victoris, MDPS. *Mediolani pecuniam ſignatam*, interpretari haud abſonum a vero fuerit: nam Maximus Italiam obtinebat, quum a Theodoſio fuſus eſt, ac proinde Mediolanum. Eadem etiam literæ occurrunt in nummis Arcadii & Honorii. Deſſere porro ejuſmodi officinarum monetariarum nomina monetis Imperatoriis adſcribi, poſt Michaëlem Theophili filium. Atque ut adſcriptæ ſingulis numiſmatibus earundem officinarum notæ facilius a quibuſvis percipiantur, viſum eſt characteres ipſos cum eorum vi ac notione, quantum conjicere licuit, hocce loco ſubjicere ſecundum ordinem literarum.

Velfer. l. 7.
Ret. Vindel.
p. 159.

Eutrop. Oroſ.
&c.

- AAEΞ. *Alexandria*. in nummo Juſtiniani.
- AMB. forte *Ambiani*, Magnentii.
- AMID. Conſtantini M.
- ANT. *Antiochia*. Conſtantini M. Juliani.
- ANTA. *Antiochia*. A. annus 1. Imp. vel nota monetarii. Juliani. Eudoxiæ.
- ANTB. *Antiochia*, ubi B. annus eſt Imperii ſecundus, vel potius nota monetarii. Honorii, Heraclii.
- ANTΓ. *Antiochia*. Γ. annus 3. Imperii, vel nota monetarii. Valentiniani, Theodoſii, Arcadii.
- ANTE. *Antiochia*. E. annus 5. Imperii, vel nota monetarii. Valentiniani.
- ANTH. *Antiochia*. Valentiniani. H. nota monetarii, vel annus 8. Imp.
- ANTP. *Antiochia*. P. nota monetarii, vel *Antiochia percuffa*. Valentiniani, Valentis, Honorii.
- ANTS. *Antiochia ſignata*. Arcadii.
- APLC. *percuffa Lugduni*. (1) Magnentii.
- AQ. *Aquilejæ* Conſtantini M. Conſtantii, &c.
- AQOB. *Aquilejæ obſignata*. Theodoſii M.
- AQPS. *Aquilejæ pecunia ſignata*, vel *percuffa, ſignata*. Gratiani, & Valentiniani junioris.

L

Aqs.

(1) A, nota monetarii, vel anni primi.

- AQS. *Aquilejæ signata*, Constantini jun. & Constantis.
 AQT. *Aquilejæ percussa*, ubi T. pro P. perperam sæpe scribitur.
 Constantini M. Constantini jun.
 ASIS. *Siscia*. Constantini M. Licinii, Crispi &c.
 ATR. *Treveris*. Crispi, ubi A. ut & in præcedenti videtur esse
 nota monetarii.
 BI. Constantii Chlorig.
 BTR. *Treveris*. Crispi. B. nota monetarii.
 BSIS. *Siscia*. Vetrantonionis. In aliis PSIS id est, *percussa Siscia*,
 habetur. B. nota est monet.
 C. Constantii Chlorig.
 CAR. *Carthagine*. Justiniani.
 CR. Procopii.
 CLG. *Cusa Lugduni*. Constantii.
 COM. *Constantinopolitana moneta*. Theodosii.
 COMOB. *Constantinopoli moneta obsignata*. Arcadii, Jovini, Pla-
 cid. Valentiniani, Majoriani, Severi.
 CON. *Constantinopoli*. Constantini M. Joviniani, Valentis, Theo-
 dosii, Anastasii.
 CONOB. *Constantinopoli obsignata*. Hannibaliani, Valentiniani,
 Theodosii, &c.
 CONA. *Constantinopoli* Mauricii.
 CONF. *Constantinopoli*. Phocæ.
 CONE. *Constantinopoli*. Phocæ. ubi A. F. & E. notæ sunt mo-
 netariorum (1).
 CONS. *Constantinopoli*. Constantini M. Constantii.
 CONSA. *Constantinopoli*, vel *Constantinopoli signata*. A nota mone-
 tarii. Juliani.
 CONSF. *Constantinopoli*. r. nota monetarii Arcadii.
 CONSH. *Constantinopoli*. h. nota monet. Honorii.
 CONST. *Constantinopoli*. Constantii, Constantis, Valentis. Vide
 Novellas Scrimgeri p. 427. 428.
 CONSPR. *Constantinopoli*. r. nota monet. Juliani. Vide Nov. Ju-
 stini apud Pithœum. p. 241.
 CONSP. *Constantinopoli*. Valentiniani.
 D. Constantii Chlorig.
 EI. Constantii Chlorig.
 HERACL. *Heracleæ*. Juliani.
 KAR. *Karthagine*. Justiniani.
 KART. *Karthagine*. Justiniani.
 KE. *Karthagine*. Constantii.
 KA. *Karthagine*. Constantini junioris:

KONOB.

(1) Forte hæc erat hujus nummi epigraphæ: CONA FE.

- KONOB. *Constantinopoli obsignata*. Constantini M.
 KONS. *Constantinopoli*. A. nota monet. Constantii.
 KONS. *Constantinopoli*. Constantii Juliani.
 KRTC. *Karthagine signata*. ubi C. pro S. Mauricii.
 KRTS. *Karthagine signata*. Constantini Pogonati.
 KYZ. *Cyzici*. Constantini Chlorig, Iustini, Mauricii, Phocæ.
 KYZB. *Cyzici*. B. nota monet. Phocæ.
 LUG. *Lugduni*. Constantii, Juliani, Iulii Nepotis.
 LUGD. *Lugduni*. Gratiani, Valentiniani jun.
 LUGPS. *Lugduni pecunia signata*, vel *percussa*, *signata*. Valentiniani, Eugenii.
 MDPS. *Mediolani pecunia signata*. Maximi, Victoris, Arcadii, Honorii.
 MKV. *Moneta Karthaginensis*. V. nota monet. Constantini M. Licinii.
 MHR. Constantis.
 MNLB. *Moneta nova Lugduni cusa*. B. nota monetarii. Constantini M.
 MOSTQ. *Moneta signata Treveris*. Q. nota monet. nisi T. pro A. exaratum sit, ita ut *Aquileja signata* intelligatur. Constantini M. Licinii.
 MOSTR. *Moneta signata Treveris*. Constantini Chlorig.
 N. Constantini M.
 NHTA. ... Licinii.
 NIC. *Nicomedia*. Anastasii.
 NIKO. *Nicomedia*. non Nicopoli, ut vult Alemannus. Iustini, Mauricii.
 NOS. Constantii Chlorig.
 PAQ. *percussa Aquileja*. Constantini M.
 PAR. *percussa Arelate*. Constantii.
 PARL. *percussa Arelate*. Constantini M. Licinii, Constantii.
 PCON. *percussa Constantinopoli*. Constantii.
 PCONST. *percussa Constantinopoli*. Juliani.
 PERP. *pecunia Roma percussa*. Constantini M.
 PL. *percussa Lugduni*. Crispi.
 PLG. & PLC. *percussa Lugduni*. Constantii Chlorig.
 PK. *percussa Karthagine*. Iustiniani.
 PLM. *percussa Lugduni*. M. nota monetarii. Constantini M.
 PLN. *percussa Lugduni*. N. nota monet. Constantii Chlorig.
 PR. *percussa Roma* Constantii Chlorig, Constantini M. Licinii, Constantii.
 PROM. *percussa Roma*. Constantii.
 PS. *percussa Siscia*. Licinii.

- PSIS. *percussa Siscia*. Crispi, Vetrantonis.
 PTR. *percussa Treveris*. Constantii Chlorig, &c.
 QA. pro AQ. *Aquileja*. Constantini jun.
 R. *Roma*. Constantini M. Constantii, Juliani.
 RA. *Ravenna*. Heraclii.
 RAV. *Ravenna*. Heraclii, Constantini.
 RB. *Roma*. Constantii. Forte B. pro P. *percussa*.
 RE. Theodosii.
 RM. *Roma*. Honorii, Severi.
 RO. *Roma*. Gratiani.
 ROM. *Roma*. Iustini, Mauricii, Heraclii.
 ROMB. *Roma percussa*. B. pro P. Aviti.
 ROMA. Joviani, Iustiniani.
 ROPS. *Roma pecunia signata*. Honorii.
 RP. *Roma percussa*. Constantii Chlorig, Const. M.
 RPS. *Roma pecunia signata*. Magnentii.
 RS. *Roma signata*. Licinii, Nepotiani.
 RSLC. *pecunia signata Lugduni*, ubi R. pro P. Juliani.
 RT. *Roma percussa*, ubi T. pro P. Constantii.
 RVPS. *Ravenna pecunia signata*. Honorii, Joannis.
 S. *Siscia*. Constantini M.
 SA. *Signata Antiochie*. Licinii.
 SANB. *signata Antiochie*. B. nota monet. vel annus 2. Imperii Martiniani.
 S. ARL. *signata Arelate*. Constantini M.
 SAR. *signata Arelate*. Magnentii, Helenæ.
 SC. *signata Constantinopoli*. Arcadii.
 SCON. *signata Constantinopoli*. Constantii.
 SCONS. *signata Constantinopoli*. Juliani.
 SE. *Siscia*. Constantii.
 SIR. *Sirmii*. Constantini M. Licinii.
 SIRM. *Sirmii*. Constantini jun. Joviniani.
 SIS. *Siscia*. Constantini M. Licinii, Constantii, Constantis.
 SISPB. *Siscia percussa*. Z. nota monet.
 SISCP. *Siscia percussa*. Gratiani.
 SMK. *signata moneta Karthagine*. Licinii jun.
 SMKA. *signata moneta Karthagine*. Licinii jun.
 SMKE. *signata moneta Karthagine*. Constantini junioris. E. nota monet. Licinii.
 SMK. *signata moneta Karthagine*. Helenæ.
 SMKE. *signata moneta Karthagine*. E. nota monet. Arcadii.
 SMA. *signata moneta Antiochie*. Juliani.

- SMAQ.** *signata moneta Aquileja*. Constantii, Gratiani, Arcadii.
- SMAN** *signata moneta Antiochia*, vel *sacra moneta Antiochena*. Constantini Magni, Constantii.
- SMANF.** *signata moneta Antiochia*. f. nota monet. vel an. 3. Imperii Theodosii.
- SMANT.** *signata moneta Antiochia*. Constantii.
- SMANTS.** *signata moneta Antiochia*, vel *sacra moneta Antiochia signata*. Const. M.
- SMANS.** *Sacra moneta Antiochia signata*, vel *signata moneta Antiochia*. S. nota monetarii.
- SMANR.** *signata moneta Antiochia*. R. nota monet. Constantini M.
- SMANTE.** *signata moneta Antiochia*. E. nota monet. Constantii.
- SMAT.** *signata moneta Antiochia*. T. nota monet. Constantini M.
- SMAB.** *signata moneta Antiochia*. B. nota monet. Constantini M.
- SMN.** *sacra moneta nova*; Martiniani, Theodosii.
- SMNF.** *Sacra moneta nova*. f. nota monet. Licinii jun.
- SMNC.** *signata moneta nova Constantinopoli*. Constantini M.
- SMNKAB.** *signata moneta Karthagine*. B. nota monet. Theodosii.
- SMNS.** *Sacra moneta nova signata*. Constantii.
- SMNM.** *Sacra*, vel *signata moneta nova*. M. nota forte monetarii. Crispi.
- SMRB.** *signata moneta Romæ*. B. nota monet. Gratiani.
- SMRP.** *sacra moneta Romæ percussa*. Valentis.
- SMISIC.** *signata moneta Siscia*. Valentis.
- SMRQ.** ubi R. pro A. *signata moneta Aquileja*. Constantini, Valentiniani.
- SMTA.** *signata moneta* Theodosii.
- SMTES.** *signata moneta Theffalonica*. Valentiniani.
- SMTR.** *signata moneta Treveris*. Maximi.
- SMTRS.** *Sacra moneta Treveris signata*, vel *signata moneta Treveris*. Constantii.
- SMTS.** *signata moneta Treveris*. Constantini M. Valentiniani.
- SMTSE.** *sacra moneta Treveris signata*, vel *signata moneta Theffalonica*. Delmatii.
- ST.** *signata Treveris*. Constantii Chlorig, Constantini M. &c.
- STR.** *signata Treveris*. Constantini M. &c.
- TAR.** pro PAR. *percussa Arelata*. Crispi.
- TCON.** pro PCON. *percussa Constantinopoli*. Juliani, Gratiani, Valentiniani junioris.
- TEC.** *Theffalonica*. Iustini.
- TES.** *Theffalonica*. Constantii, Constantis, Helenæ, Phocæ.
- TESA.** *Theffalonica*. Arcadii.

TH. *Thessalonica*. Constantii.

THEU. *Thessalonica urbe*. Justiniani, Tiberii, Mauricii.

THEUP. *Thessalonica urbe percussa*. Justiniani, Justiniani, Tiberii, Mauricii.

TI. forte *Treveris*. Constantini M.

TR. *Treveris*. Constantii.

TRMS. *Treveris moneta signata*. Jovini.

TRO. *Treveris obsignata*. Theodorii, Constantini M. Constantii.

TROB. *Treveris obsignata*. Valentiniani junioris.

TROEC. *Treveris obsignata*. Valentiniani junioris.

TROBS. *Treveris obsignata*. Constantini M. Constantini junioris.

TROBT. *Treveris obsignata*. T. (1) Valentiniani, Gratiani.

TROS. *Treveris obsignata*. Constantini M.

TRP. *Treveris percussa*. Helenæ.

TRPS. *Treveris pecunia signata*. Valentiniani, Gratiani, Valentiniani jun.

TRS. *Treveris signata*. Constantini M. Constantini jun.

TS. *Treveris signata*. Licinii.

TSE. *Treveris signata*. E. nota monet. Constantis.

TSR. *Treveris signata*. R. nota monet. Constantini jun.

TT. pro Pt. *percussa Treveris*. Constantini M.

XMTA. Theodosii.

§. L I I I.

NUMMUS CONSTANTINI M. EXPLICATUS.

Diximus hujusce Dissertationis initio in nummis, quos delineamus, familiæ præsertim Constantinianæ, præclaræ haberi interdum ænigmata, quæ ad horum temperum historiam illustrandam non minime conducant, nosque ex iis aliqua, quæ paulo fusioris sunt commentarii, in specimen delibaturos: reliquis, si quas exposcent, brevibus notulis alio loco explicandis: deinde acturos de adulterinis, vel etiam incertis inferioris ævi numismatibus, ut nihil relinquatur intactum, quod ad hujusce rei nummarie partis notitiam videatur pertinere. Ac primus quidem occurrit Constantini M. Augusti nummus, qui in averfa parte Constantinum equestrem exhibet cum hoc lemmate, GLORIA EXERCITVS GALRICANI. Cusis autem Treveris videtur, quum Constantinus post Maxentium devictum in Galliam reversus in ea urbe aliquandiu constitit anno 313. ut ex aliquot Codicis Theodosiani constitutionibus celligitur, & in inferior-

L. 3. C. Th. de
Annon. l. 1. de
Exact.
Zozim. l. 2.
p. 677.
Increti Paneg.
c. 21.

(1) Forte deficit: T. nota monetarii.

feriorem Germaniam transiit ob repentinos in Gallia motus, quos *exercitus Gallicani*, cujus gloria ibi prædicatur, ope compescuit.

§. L I V.

VETUS INSCRIPTIO NUPER DETECTA.

Atque hujus quidem nummi Constantinianæi lemmatis occasione veterem inscriptionem hic lubet proponere, quæ nuper detecta in ecclesia monasterii ss. Achii & Acheoli, Ordinis Canonicorum Regularium s. Augustini ad Ambianum, exercitus Gallicani, ni fallor, meminit, novumque & hætenus inauditum numen a Gallis, seu potius Belgis nostris, ex iis quæ πατρώσι θεοῖς dicuntur, *localiter*, ut verbo utar Ammiani, cultum indicat, quo locupletari potest viri docti Jacobi Sponii libellus De ignotis atque obscuris quibusdam Diis. Sic autem illa concipitur:

PRO SALUTE ET
VICTORIA EXX G
APOLLINI ET VER
IVGODVMNO
TRIBUNALIA DVA
SETVBOGIVS ESUGGI

F. D. S. D.

Crebra est in nummis inscriptio, VIRTUS EXERCITVS, GLORIA EXERCITVS: at SALVS EXERCITVS, rarius habetur, tametsi in nummo Posthumi occurrat. Sic porro hoc loco legendum arbitror: *Pro salute exercitus Gallicani*, vel *exercituum Gallia*: siquidem geminata litera xx pluralem arguat, ut in nummis, in quibus exaratum, DEBELLATORI GENTT BARBARR. *Verjugodumni* numinis a Gallis culti, quod hic Apollini adjungitur, nulla, quod sciam, apud Veteres memoria. Utrique autem *tribunalia dua* (sic pro *duo* usurpatum ab antiquis, ex Quintiliano & aliis docuimus) *Setubogius Esuggi filius de suo dedit*. Ubi *tribunalia* videntur esse stylobatæ, in quibus Apollinis & Verjugodumni statuæ consistebant. Ita vetus inscriptio tribunalia diis erecta declarat: NVMINI. AVGVSTOR. DEO. VOLIANO. M. GEMEL. SECVNDVS. ET. C. SEDATVS. FLORVS. ACTOR. VICANOR. PORTENS. TRIBVNAL. CVM. LOCIS. EX. STIPE. CONLATA. POSVERVNT. Huc etiam forte spectat alia: P. AELIVS. VALERIANVS. HOC. VAS. DISOMVM. SIBI. ET. FELICITATI, POSVIT. ET TRIBVNAL. EX. PERMISSV.

MISSV. PONTIF. PERFECIT. In qua quidem postrema inscriptione: *Tribunal perfectum ex permisso pontificis*, vel *pontificum* dicitur, quod e re sacra esset diis *tribunalia* erigere, quæ in hac, quam edimus, bina videntur, suo proinde unicuique numini adscripto, ita ut non dii *σύμβωμοι*, seu *σώθρονι*, ut est in

Boissard. par. 6. veteri inscriptione apud Boissardum, dici potuerint, licet *σύνναοι* fig. 78. Salmast. utpote erectis in uno eodemque templo binis tribunalibus: ad inscript. Herod. pag. 12. tametsi aliquando *σύνναοι* & *σύμβωμοι* una simulque erant, ut Sponius de Diis dii illi, quorum mentio est in veteri inscriptione in insula Delo ignot. pag. 87. nuper reperta.

§. L V.

NUMMI ALII CONSTANTINI, IN QUIBUS
EXARATUM FRANCIA ET ALEMANNIA.

BInos exinde damus Alemanniæ & Franciæ debellatarum a Constantino indices nummos aureos. Superatos autem ac profligatos a Constantino Francos, passim personant historiæ: sed vix antiquius ac illustrius monumentum reperire est, in quo regionis, ubi sedes fixere, appellatio describatur: tum enim eam Germaniæ partem incolebant, quæ est Rheno contermina, atque adeo Cattorum provinciam. Unde vetus Juvenalis interpres, *Cattos gentem Germanorum, seu Francorum* fuisse ait. Et Hieronymus, quæ *apud historicos Germania*, suo ævo *Franciam* vocatam auctor est, quam *Francorum regionem* alibi vocat: unde *Germanicum & Francum*, gentem eandem esse volunt veteres Glossæ ex Bibliotheca regia: *Γερμανικὸς, Φράγκας*. Franciam etiam dixit Julianus, ut & Claudianus. Sed & sæculis posterioribus id nominis mansit Franconiæ, quam tum incolebant, quam *Franciam* nude vocat Monachus Sangallensis. Quæ quidem appellatio tum Galliæ nostræ indita, quum Franci transmissio Rheno provincias Gallicas infederunt. Tum enim *Francia* appellata est, quo quidem nomine primus usus videtur Gregorius Magnus, vetere nihilominus primæ eorum fedi remanente nomenclatura, quæ ad novæ Franciæ discrimen, *Antiqua, Magna, Ulterior, & Orientalis* dicta: quum Gallia nostra *Francia Occidentalis, Citerior, Gallicana, Latina, ac Romana* vocaretur. Alter perinde aureus nummus ex gaza illustrissimi Colberti, eodem habitu, quo *Franciam* prior, devictam Alemanniam præiert: ex quo tandem conficit Cl. Spanheimius

Alema-

Vet. interpr.
Juven. sat. 4.
Hieron. in vita
S. Hilarii.
Chron. an. 327.
Cod. 2052.
Julian. or. 1.
Claudian. in 1.
Conf. Scilic. l. 1.
Mon. Sangall.
l. 1. c. 25. l. 2.
c. 16.
Greg. M. l. 6.
ep. 33.
Vide Gloss.
In Germ. antiq.
l. 3. c. 4.

Alemanos, non *Almannos* appellatas eas gentes, de quorum sedibus pluribus differuit Philippus Cluverius.

§. L V I.

NUMMI IN QUIBUS VALLUM DESCRIBITUR.

B Inis Constantinianeis aureis tres alii ærei succedunt nummi, Licinii, Constantini, & Constantini junioris Augustorum præferentes nomina, nova, & quæ in antiquioribus haud reperitur, figura conspicui: habentur enim in iis quatuor cantherii, quatuor aliis oppositi, in quorum superiori divaricatione insistit Imperator cum hac inscriptione: VIRT. EXERC. Iis porro *vallum* Romanorum describi putant ex quarto Varronis de lingua Latina: *Vallum*, inquit, *vel quod ea varicare nemo possit, vel quod singula ibi extrema bacilla furcillata habent figuram litteræ V.* quam sane quaqua versum in nummo expressam cernere est. *Vallos* autem Romani appellabant stipites ac cippos, quibus castra muniebantur, non acutos modo, sed bifurcos. Nam ut est apud Suidam, Græci vallo ac aggeri conficiendo eos vallos feligere solebant, in quibus circumcirca multi magnique rami enati essent, Romani autem qui *δύο κεράτας ἢ τρεῖς ἔχουσιν*, qui *bicornes* essent aut *tricornes*, quomodo *bifurcos* aut *trium*, aut *quon plurimum quatuor ramorum vallos* fuisse ait Livius. Virgilius:

Exacuunt alii vallos, furcasque bicornes.

Et alibi:

Quadrifidasque fudes, & acuto robore vallos.

Vallum, ait Servius, dicitur ipsa munitio: valli vero fustes sunt, quibus *vallum* munitur. Willelmus Brito in vocabul. M. S. *Val-* Servius ad 9.
lus, li, est palus sic dictus, quod sit validus. Unde *vallum* dici- Antid.
tur concatenatio palorum circa turrin. Unde scribitur in Conciso:

Est vallus palus circa turrin peracutus,

Mutua vallorum connexio sit tibi vallum.

Rursum:

Vinetus, vallus, sed vallum convenit urbi.

S. Hieronymus: Nonne melius est brevi tempore demicare, ferre *vallum*, arma sumere, lassessere sub lorica, & postea gaudere victo- Epist. 22.
rem, quam impatientia unius horæ servire perpetuo. Ut vero di- Casar. l. 7.
sponerentur valli, belle explicat Cæsar: Truncis arborum, aut de Bello Gall.
admodum firmis ramis abscissis, atque horum dolabratis, atque præ- c. 73.
acutis cacuminibus, perpetuæ fossæ quinos pedes altæ ducebantur.

M

Huc

Huc illi stipites demissi, & ab infimo revincti, ne revelli possent, ab ramis eminebant. Quini erant ordines conjuncti inter se atque implicati, quo qui intraverant, se ipsis acutissimis vallis induebant. Hos cippos appellabant. Ante hos obliquis ordinibus in quincuncem dispositis, scrobes in trium altitudinem pedum fodiebantur, paulatim angustiore ad summum fastigio. Huc teretes stipites feminis crassitudine ab summo præacuti præusti demittebantur, ita ut non amplius quatuor digitis ex terra emerent. Lubet etiam hoc loco valli descriptionem ex ecclesiastica Bedæ historia subnectere: Murus de lapidibus, vallum vero, quo ad repellendam vim hostium castra muniuntur, sit de cespitibus, quibus circumcisit e terra, velut murus extruitur altus super terram, ita ut inante sit fossa, de qua levati sunt cespites, supra quam fules de lignis fortissimis præfiguntur. Quod vero exhiberi ajunt in summo vallo militem, qui corollam vallarem tenet, fane in tribus istis, quos damus, & manibus versavimus, vallares istæ minime habentur coronæ, sed Imperator ipse paludatus globum sinistra tenens, dextram vero prætendens effingitur, tanquam castrorum ac valli præses, vel etiam pater. Certe matres castrorum Augustas passim nominatas docent veteres inscriptiones, & Scriptores.

Capitol:
Pollio. Gruter.

§. L V I I.

SAPPHIRUS CONSTANTII IMP.

Constantii Imperatoris Constantini filii nummis, eximiam gemmam, quæ ejusdem Augusti Xiphianam venationem exhibet, subdidimus, quod ad ejus spectet historiam: cujus quidem interpretationem Marquardi Freheri, cui debetur, huicce Dissertationi, quod in pauca folia contracta rarior sit, subjecimus.

§. L V I I I.

NUMMUS CONSTANTIS IN BRITANNIAM
TRANSMITTENTIS.

QUI deinde primus inter Constantis nummos prodit, inscriptione perinde ac typo raritatem præfert: est enim ex iis, quos medalliones vocant. In hujus facie antica Constans Imperator, in postica idem Augustus militari habitu exhibetur, parmam læva tenens, dextra hastam, quam in militem in aquas detrusum intorquet: nisi figura illa nuda aquis immersa

immerſa Oceanum ipſum repræſentet, qui expanſis ulnis Conſtantem in Britanniam tranſmittentem ultro excipiat. Victoria cum palma & lancea præ manibus proræ inſiſtente, ſignisque militariſus ad puppim defixis, quibus ſubſequens intelligitur exercitus, cum hiſce characteribus, ſupra: BONONIA infra: OCEANEN. vel OCEANUS, nam extremæ literæ aliquatenus detritæ: quibus quidem Bononia ad Oceanum in Morinis innuitur, ad Italicæ diſcrimen, aut illius, quam ad Dravum fluvium ſtatuunt Geographi; quomodo non ſemel expreſſa urbium nomina in nummis haud ita pridem obſervavit vir ſingularis eruditionis Spanheimius, qui & iſtum inſpexerat in cimeliarchio regio, in quo quidem numiſmate trajectum Conſtantis in Britanniam deſignari in conſeſſo eſt. Conſtans quippe devictis Francis Conſtantio IV. & Conſtante Coſſ. uti teſtantur Socrates, Sozomenus, Hieronymus, Idatius, & alii, ſequente anno Chriſti 343. Placido & Romulo Coſſ. ſæva hieme in Britanniam trajecit adverſus Scotos & Piſtos, ut innuere videtur Ammianus, vel ut Libanius, quo rebellionem ibi enatam comprimeret. Quam Conſtantis in Britanniam trajectionem attingit etiam Julius Firmicus libro De errore prophanarum religionum, ad Conſtantem ipſum ſcribens: *Post excidia templorum in majus Dei eſtis virtute proceſſi: vicifſis hoſtes, propagatiſ Imperium; & ut virtutibus veſtris gloria major accederet, mutato ac contempto temporum ordine, hieme, quod necdum factum eſt aliquando, nec fiet, tumentes ac ſævientes undas calcaſtis Oceani: ſub remis veſtris incogniti jam nobis pene maris unda contremuit, & inſperatam Imperatoris faciem Britannus expavit.* Annum vero, & initæ iſtius in Britannos expeditionis tempus indicat omnino ſubſcriptio legis 5. cod. Th. de extraord. quæ data dicitur VIII. Kal. Febr. Bononia, Placido & Romulo Coſſ. Ex qua recte collegit Jacobus Gothofredus perperam Conſtantium præferre ejus auctorem, licet poſt Sigonium contra ſentiat Triſtanus, qui hunc nummum non viderat: adeo ut vel inde firmetur quod Firmicus & Ammianus tradunt, ſæva hieme initam expeditionem. Sed & obſervationem expoſcit, quod ait idem Firmicus, *ſub remis Conſtantis undam contremuiſſe*, ſic ut navigiis remis inſtructis Oceanus enavigatus, quod ſecus fere ac hodie, dicatur; quod navis, cui Conſtans inſiſtit, in nummo deſcripta præterea declarat. Id etiam firmat Cæſar tranſitum ſuum in Britanniam commemorans: *Tum rurfus aſtus commutationem ſecutus remis contendit, ut eam partem inſulæ caperet, qua optimum eſſe egreſſum*

Spanheim.
diſt. 9.

Socrat. l. 2.
c. 10. Sozom.
Hieron. Idac.
&c.
Ammian.
l. 20. init.
Libanius in
Bafil.
l. Firmic.

Triſtan. to. 3.
p. 620.

Cæſar l. 5. de
Bello Gall.
c. 8.

§. LIX.

NUMMUS JULII SILVANI.

Ferron. in
Consuet.
Burdigal.
l. 2. p. 248
Golz. Thes.

ATque hic præclarus Constantis nummus admonet, ut alterum, cujus meminit Arnoldus Ferronus, describamus, Julii Silvani, qui Gallo Cæsare a Constantio occiso Imperator in Gallia dictus, 28. Imperii die a legionibus, a quibus præsidium speraverat, peremptus est. Licet enim nulla Silvani nomine insignita numismata proferant antiquarii, quodque a Goltizio refertur cum hac inscriptione DN. FL. SILVANUS. P. F. AUG. incertæ fidei videatur Tristano, ob prænomen Flavii, quod sibi arrogasse Silvanum vix probabile esse censet, Constantiniæ familiæ proprium, ipsa adhuc supersite; testatur tamen Ferronus effossa Burdigalæ ejusdem aliquot, sed quæ non ita describit, ut planum sit, qui fuerint eorum typi: *Nuper, inquit, apud nos inventa vetera numismata, &c. ----- Sed & alia inventa numismata Silvani cum Constantis Cæsaris majore imagine: nam & hunc verisimile est Aquitania præfuisse. Nam quum apud Gallias postea Imperium affectaret, intra triginta dies extinctum legimus. Ex quibus quidem videtur Ferronus existimasse cufos ejusmodi nummos Constante ipso supersite, in honorem forte Silvani, qui in Galliis exercitibus præerat, quum & ipse Gallus esset, Boniti perinde Galli ducis filius; uti non semel ab Imperatoribus factitatum constat. Nam si Augusti titulo in iis donaretur, non dixisset postea Imperium in Galliis arripuisse, nisi hæc Aquitaniæ præfecturam spectent. Quod si in iis Silvanus Augustus nuncuparetur, existimari posset, quum sibi a Constantio metuens, purpuram induisset, patrocínio sese tutari voluisse Constantis extincti, cui supersititi copiarum dux militaverat, ita ut formata ejus in nummis imagine, & Augusti ejusdem & peractæ sub eo militiæ memoria revocata, militum animos magis sibi conciliaret.*

§. LX.

NUMMUS BONIFACII TRIUMPHUM EXHIBENS.

PRÆ cæteris autem numismatibus, maxime post ævum Constantini, quæ magnorum virorum, vel fortissimorum dum honori quodammodo dicata, ab ipsis Augustis cusa sunt, non

non contemnendæ perinde raritatis est Placidii Valentiniani æreus medallio, quem ex Regio thesauro depromptum in eo opere exhibemus, in cujus antica facie idem conspicitur Augustus cum diademate lapillis, ac margaritis contexto, incisusque ad vultus latus ramus palmeus. Aversa autem Bonifacium triumphantis specie exhibet: quadrigæ enim insidet ille, militari habitu: *ἐξερπύων τε δαίρηνος ἀναδυσάμενος, καὶ κλάδον κρατῆς*, non ἐν τῇ δεξιᾷ ut triumphantem describit Zonaras, sed in sinistra; qua præterea, ut est apud Valerium Maximum, *triumphalis currus habenas retinet*: dextra vero una cum corona laurea flagellum tenet. Currus ipse quo vehitur, & quem quatuor trahunt equi, juxta illud Nasonis.

Zonar. tom. 2
p. 31:

Val. Max. l. 4:
c. 4. n. 5.

Quatuor in niveis aureis ibis equis,

Ovid. 1. de
Arte amand:

ἐς πύργου ὡς ἐρπεὺς τροπὸν, instar turris rotunda confectus cernitur, uti triumphantium currum repræsentat idem Zonaras. In inferiori nummi parte quatuor describuntur monogrammata. Jam vero Bonifacius, quem ut *virum bellicis artibus præclarum* prædicat Prosper Aquitanus, *ὑψηλότερον* vocat Olympiodorus tum primum inclaruit, quum Ataülphus Gothus Massiliam, celeberrimam in Galliis urbem, intercipere tentavit. Ejus enim consilio acriter obstitit Bonifacius, a quo vulneratus Ataülphus, vix salvus in sua se tentoria recepit, Massiliensibus Bonifacium liberatorem suum extollentibus ac prædicantibus, quod quidem gestum antequam Ataülpho nupta esset Placidia. At extinctis ipso Ataülpho, & Constantio Augusto Placidia conjugibus, eidem Augustæ, quum a fratre Honorio Constantinopolim relegata est, solus pene fidem servans, ex Africa, cui Prætor præerat, pecuniam submisit: obsequia sua impendit, nihilque non egit, ut non intermissam, si non amissam, recuperaret illa Augustam dignitatem. Erat Bonifacius, inquit Olympiodorus, vir heroicus, qui cum multis sæpe gentibus barbaris strenue pugnavit, paucis interdum copiis adhibitis, interdum pluribus, nonnunquam vero & singulari certamine: atque, ut verbo absolvam, qui Africam a barbaris, variisque nationibus provinciam hanc incurstantibus liberavit. A Placidia deinde, quæ tum Augustam receperat appellationem, ex Africa in Hispanias evocatus anno 422. ut Castino Magistro militum contra Vandalos bellum gerenti adesset: Castino socium habere dedignante, in Africam est reversus: quod *Reipublica multorum laborum & malorum sequentium initium fuit*, ait Prosper. Aëtius quippe Bonifacium, quo cum occultas fovebat similitates, cuique invidebat, ut potestatis suæ

Prosop. Chr.
Olymp. apud
Phot. p. 186.

Olymp. p. 295

Idac. p. 16.
Prosper.

poten-

Prosper:

Ioanand. p. 57.
113.Procop. lib. 1.
Vand. c. 3.

Theoph. p. 80.

Idac. p. 19.
Marcell. p. 13.
Prosp. p. 205:

potentiori æmulo, ad Placidiam detulit, quasi Africam omnem sibi asserere cogitaret: addiditque verum deprehendi posse, si Romam accieretur. Præmiserat interim Aëtius arcanas ad Bonifacium literas, per quas significabat insidiari sibi Imperatoris matrem, & eripere vitam velle. Quum igitur accitus Bonifacius venire renuisset, missi sunt Mavortius, Galbio, & Saonecis duces, qui bello cum Bonifacio contenderent: quibus cæsis, suffectus est Sigiswltus Comes. Gesta hæc anno 427. qua tum tempestate evocati ex Hispaniis a Bonifacio in auxilium Vandali in Africam trajecerunt, e qua non nisi sub Justiniano exacti sunt. Aëtii interea dolo patefacto, Bonifacius a Placida in Italiam revocatur. Venit ille, benigneque exceptus, & Magistri militum dignitate, qua tum potiebatur Aëtius, donatus est anno 432. Scribit Procopius, & ex eo Theophanes, Bonifacium, priusquam in Italiam reverteretur, precibus ac promissis amplissimis Vandalos, ut ex Africa decederent, frustra persuadere conatum; cum recusantibus bello contendisse, & ab iis semel ac iterum bello superatum, ac demum auxilia conquisturum, in Italiam trajecisse. Ingens exinde bellum inter Bonifacium reducem & Aëtium gestum est, initoque prælio, Aëtius Bonifacium secum congregientem vulneravit illæsus, qui tertio post mense ex vulnere, quo sauciatus fuerat, interiit. Insigne illud est, quod refert Marcellinus Comes, Bonifacium morientem, Pelagiam uxorem suam, valde locupletem, nulli alteri, nisi Aëtio, ut nuberet, exhortatum. Hæc necessario præmittenda fuere, ut non modo quis esset Bonifacius in medallione effictus, agnosceremus, sed etiam quando nummus idem cusus est a Valentiniano, quod dubio procul post Bonifacii ex Africa reditum, & quum Magister militum dictus est, factum existimare licet; non quod ante hæc tempora nullam aliam bellicam expeditionem susceperit, aut victoriam adeptus sit, ex quibus decerni eidem potuerit triumphus, quod prædicta refellunt: sed quod a Valentiniano ætate paululum provectiori cusus videatur medallio, qui antea excudi non potuit, quum antequam idem Valentinianus Augustus dictus esset a Theodosio juniore anno 425. inter Placidiam Augustam & Bonifacium bella intercederent, quæ circa annum 422. cœpta, non nisi decennio post sunt sopita; qua tempestate, reverso Bonifacio, Valentinianus, qui tum ætatis, quem in nummo præfert, annum decimum tertium attigerat; seu potius mater Placidia, virum de republica bene meritum, victoriis celeberrimum, innocentem, & per calumniam falso delatum, sibi demereri volens, hocce honoris & benevolentiae symbo-

symbolo exornavit. Sed quid denotent subiecta monogrammata, quorum tum primum, ni fallor, usus in nummis, fateor mihi prorſus ignotum, neque ipſe forte Apollo divinet. Similem nummum, ſed aureum, deſcripſit Octavius Strada, in hoc ab æreo noſtro diverſum, quod in aureo Bonifacii caput radiis cinctum appareat, curruſque non ab equis, ſed a cervis trahatur, quo modo Helagabalum *proceſſiſſe in publicum quatuor cervis junctis ingentibus*, ſcribit Lampridius: & in Aureliani Auguſti triumpho currum extitiſſe *quatuor cervis junctum, qui fuiſſe dicebatur Regis Gothorum*, Vopifcus: niſi quod cornua eſſe exiſtimavit Strada palmæ fuerint equorum capitibus affixæ, ut in aliis conſpiciuntur, maxime Neronis, qui Euthymium præfert in averſa facie, & in eo, quem in Honorio deſcripſimus, qui: PAN-
NONI NIKΑ, pro inſcriptione præfert. Severus in Episto-
la ad Salvium: *Scimus enim palmigeros biſuges, ubi e circo receſſerint, quietiſſime ſtabulari. Illos non jugis formido, non ambigua palmæ ſollicitant, ſed demum pacatis adfixi præſepibus, timere jam neſciunt hortatorem &c.* Cervos autem ejuſmodi *πλατυκέρωτας*, palmatos vocat Julius Capitolinus in Gordiano, quorum ſcilicet cornua natura finxit in palmas. Monogrammata non omnino eadem ſunt, quæ in æreo, quæ ob nummi fortean exiguitatem haud bene expreſſit monetarius, aut minus percepit Strada.

Vopifc. in Aureliano.
Biauo ac Ant.
Aug. p. 20.
Tom. 5. Spicil.
leg. Acheriani
p. 535.

Capitol.
Plin. l. 11. c. 37

§. L X I.

NUMMUS PLAC. VALENTINIANI, IN QUO
EXPRESSUS PETRON. MAXIMUS.

NON minoris raritatis eſt ejuſdem Placidii Valentiniani prægrandis nummus alter æreus, quem ad Sidonium laudat Sirmondus, cujuſ antica facies Valentiniani vultum exhibet, cum ſolita inſcriptione: DN. PLA. VALENTINIANVS. P. F. AVG. altera Petronium Maximum, ſenatorio, ſeu potius conſulari habitu in ſella ſedentem, volumen dextra, læva ſcipionem cum aquila tenentem, nomine hinc inde adſcripto: PETRONIVS MAXIMVS V. C. cons. quo quidem numſmate Petronium Maximum conſulem ſimili pene honore, quo Bonifacium proſecutus eſt Valentinianus, quam ille accepti beneficii gratiam male tandem rependit. Eo autem imperante bis dignitatem hanc obierat Maximus, ac primum anno 433. cum Theodoſio: iterum decennio poſt, cum Paterno: unde Tironi Proſpero in Chronico Pithœano, *vir dicitur gemini Conſulatus, & Patriciæ dignitatis*. Ad alterutrum igitur referendus præclarus hic medallio, & fortean ad poſtremum.

Lib. 3. Ep. 125

§. LXII.

NUMMUS JUSTINIANI, IN QUO EXPRESSUS
BELISARIUS.

Bonifaciano suppar propemodum est, quod Petri Gyllii olim fuit, numisma, *in cuius uno latere sculptus erat*, inquit ille, *Justinianus Belisarium excipiens triumphantem; in altero, Belisarii imago, cum hoc elogio: GLORIA ROMANORVM BELISARIVS. Effictus* scilicet fuit in eo numismate Justinianus, quo modo fere tessellato seu musivo opere, in chalces, quæ palatii Constantinopolitani vestibulum fuit, camera ac fornice, ut auctor est Procopius. Ibi enim, ut is Scriptor refert, Belisarius ad Imperatorem redux cum exercitu integro exuvias ipsi offerebat, reges ac regna, & quidquid inter homines excellebat. In medio itabant Imperator & Theodora Augusta, ea uterque specie, ut summam lætitiæ præ se ferrent, & festo victoriam celebrarent, capitis suppliciterque accedentibus Vandalorum Gothorumque regibus insignem, circumstantibus senatoribus, festumque agentibus. Ita autem Belisarium in Circo excepit Justinianus, ut idem Procopius commemorat. In istis porro Justinianeis numismatibus aureis perinde ac argenteis effictum volunt Belisarium Cedrenus, Glycas, & Constantinus Manasses, *ὀπλίτῳ ῥομφαίᾳ ἐπασσμένον*, *armatum cum gladio stricto*.

Gyll. lib. 2. de
Topograph.
CP. c. 12.
Procop. l. 1. de
Æd. c. 10.
Id. l. 2. Vand
c. 9.

Cedren. Glyc.
Manass.

§. LXIII.

NUMMUS STILICHONIS.

ADjungine iis, quæ modo descripsimus in virorum de Republica bene meritorum honorem cufis numismatibus, Stilichonis nummi debeant, dubium facit Philostorgius, scribens inter alia affectatæ ab eo tyrannidis argumenta illud fuisse, quod ausus etiam sit nummos cudere, sola forma ab Imperatoriis discrepantes: *ἔτω δὲ κατάφωρον, καὶ ἀδεᾶ τὴν τυραννίδα παρσενεγκῆν τὴν Σπελίχωνα, ὡς καὶ νομίσμα, μορφῆς λεπυρῆς μόνῃς, κόψασθαι*: Ita aperte & confidenter tyrannidem affectasse Stilichonem, ut etiam numisma, sola forma excepta, cuderet. Quæ de aureo nummo capienda suadet vox *νομίσμα*, solidis aureis ab ejusce ævi Scriptoribus tribui solita. Voce vero *μορφῇ* habitus

Philostorg.
l. 12. c. 1. n. 2.

Impe-

Imperatorius intelligitur, quem *venerabilem formam* vocat lex 6. Cod. Theodos. de Indulgentiis criminum. Verum ab Honorio ejusmodi Stilichonis soceri nummos in rerum præclare gestarum monumentum cufos longe probabilius, quum Stilichoni suo nomine aliunde formandi occasio deesset, ac prætextus: ejusque rei in viris quantumlibet auctoritate apud Imperatores pollentibus factitata nullum fere hæcenus habeatur exemplum.

§. L X I V.

NUMMI RESTITUTI ET CONTORNIATI.

Longe alterius generis sunt nummi aliquot, ad virorum illustrium, qui prioribus sæculis vixerant, revocandam memoriam cusi ab Imperatoribus, quorum alii inde *Revocati*, alii *Contorniati*, ab Antiquariis appellantur. Prioris generis multo plures habentur ab ipsomet Augusto, & successoribus cusi, de quibus hic non est sermo: posterioris vero tum primum occurrunt post Constantini M. ævum, atque adeo circa Honorii tempora, in quibus primas tenet æreus ille medallio, in cujus antica parte idem Augustus *majori habitu faciei* effingitur, ut loquitur Constantinus M. in quadam Constitutione, cum hac inscriptione: *HONORIO AUGUSTO*; in postica expressus conspicitur vir triumphantis specie, laurea caput cinctus, dextra flagellum, sinistra palmam tenens, curro quadrijugo vectus, cum inscriptione: *EUTYMI NICA*, ita ut pene geminus sit alterius medallionis, qui a Nerone primum cufus est, in quo altera facie ipse effingitur, cum inscriptione: *IMP. NERO CÆSAR AVG. P. M.* in altera, vir eodem habitu, quo supra, curru perinde quadrijugo vectus, cujus equi palmis ad capita insigniuntur, cum hisce characteribus, *EUTYMI*. Qui quidem eximius est Olympiæ victor *Euthymius* seu *Euthymus Pycta* Locrensis, de quo Plinius hæc ait: *Consecratus est vivus sentiensque ejusdem oraculi jussu, & Jovis deorum summi astipulatu, Euthymus pycta, semper Olympiæ victor, & semel victus*. Euthymii istius insignis pugilis meminit præterea Ælianus: hujus autem memoriam revocavit Nero, quod ille quadantenus inter certaminum Deos Præsides haberetur, utpote consecratus, quo modo fere Olympionicæ omnes apud Ethnicos pro Diis habebantur, ut auctor est Joannes Chrysostomus, ipseque Nero Circi certamina plus æquo amaret. non vero, uti conjicit Constantius Landus, quod aurigationi impensius studuerit, ut de eo testatur Suetonius. Non enim Euthymius auriga, sed pugil, seu, ut a Plinio vocatur, *pycta*, qua etiam voce, eadem notione,

N

utun-

Spaneim. diff. r.
e. 44. L. i. Cod.
Th. Si quis fo.
lidi circ. &c.
Occo pag. 134.
Bæus pag. 20.
Constant. Lan.
dus de Veter.
Numism. p. 70.
Plin l. 7. c. 47.
Ælian. l. 7.
Var. c. 47.
S. Joan. Chrys.
hom. 66. ad pop.
Antioch.
Petr. Faber l. 2.
Agon. c. 10. 11.
12. 25.
Francisc. Ange.
lon. in Hist. Aug.
pag. 113.

utuntur Seneca & Tertullianus. Curru vero vehitur, quemadmodum Hieronicæ consueverant deduci coronati per medium stadium, triumphantium ac ovariantium specie, palmam deferentes, quæ eorum propria erat. Neronianum Euthymii medallionem revocavit seu recudit Trajanus Imperator, in cujus facie altera ipse effingitur cum hac inscriptione: TRAIANUS P. F. AVG. in altera simili habitu Euthymius, nisi quod flagellum dextra tenet, quum in Neroniano spiculum; sed perperam eidem tribuatur; præterea in Neroniano binæ laureæ invicem colligatæ subsint curru, diductæ in latitudinem. In Trajaniano perinde inscribitur, EUTHYMIUS. Trajanianum servat Gazophylacium Regium. Neronianum denique, & Trajanianum revocavit etiam, uti diximus, Honorius Imperator. sed Honorianus in inscriptione differt ab aliis, quum hæc verba partim exesa præferat, EUTIMI NICA. Quæ quidem eadem ferme sunt, quæ præcones efferre solebant, quum quis victor existeret in certaminibus, ut apud Laertium: Νικᾷ Διεξιππος, & apud Xiphilinum in Nerone: Νέρων Κᾶσαρ νικᾷ τὸν δὲ τὸν ἀγῶνα. Inde fluxit familiaris apud Græcos Christianos formula: IC. XC. NIKA, & apud Latinos, CHRISTUS VINCIT, CHRISTUS REGNAT, CHRISTUS IMPERAT, cum ij victorias soli Deo adscriberent: ut & rursus illa Græcorum, post devictum a Constantino, virtute Crucis, quam in cælo, vel in somnis, uti vult Lactantius, vid erat, Maxentium, *σαυρὸς νενίκηκε*, de qua egimus. Hinc etiam fortean acclamationes populares ad Imperatorem in Circis, ΝΙΚΑ, *vince*, aqua famosa illa seditio sub Justiniano nomen accepit quod esset τὸ σωθῆναι.

Petr. Faber. Agonist. l. 2. c. 13. Diog. Laert. l. 6. in Diog. Synop. Dio. & Xiphil. in Nerone: Evagr. l. 4. *μὴ τῆς δῆμιον, tesseram factionum*, ut auctor est Evagrius. c. 13.

§. LXV.

NUMMUS ADULTERINUS HERAKLII.

EXactis, quæ dicenda erant de *Contorniatis* nummis, operæ pretium videtur de Byzantinorum Augustorum adulterinis quibusdam ac spuriiis sermonem facere, quos rei nummarie periti in suam suppellestem etiam admittunt, non quod revera ipsorum Principum, quorum effigies repræsentant, esse existiment, sed quod saltem antiquioris sint ævi, & aliquid contineant in se dignum observatione. In iis eminet præ cæteris major medallio Heraclii, cujus ectypon varie describere Lipsius, Octavius Strada, Patinus, Jacobus Oisellius, & alii. Habetur is aureus ac pulcherrimus in gazophylacio Regio, ejus qua exhibui-

hibuimus magnitudinis , adeptæ ab eo Crucis a Persis , ac in urbem Regiam relatæ historiam referens : de qua breviter hoc loco videntur refricanda , quæ in hanc rem habent Auctores , ut facilius non tam quod verum aut adulterinum subolet numisma , deprehendatur , quam inventoris consilium ac animus . Ajunt igitur beatam Helenam inventis in Hierosolymitana urbe vivificis lignis , horum partem cum clavis , quibus Christi corpus confixum est , misisse ad Constantinum filium : alteram Macario Hierosolimitano patriarchæ auro inclusam servandam commendasse . Ita Theophanes anno 21. Constantini. Hierosolymis vero a Sarbaro , & Persis captis anno 5. Heracli , sublata etiam vivifica ligna , & abducta sunt in Persidem cum ipso Zacharia patriarcha . Verum haud multo post , Syroe Persarum Rege post Chosrois patris necem , cum Heraclio foedus ineunte , institit potissimum Heraclius , ut vivifica ligna , quæ Hierosolymis in Persidem transtulerat Sarbarus , sibi redderentur : quod ultro pollicitus est Syroes , si uspiam possent inveniri : Extinctis interea ipso Syroe , Chaboe , Hormisda , & Hormisdæ filio , Persarum Regibus , Sarbarus regnum Persicum , Heraclio adjuvante , adeptus , pace cum Romanis constituta , Ægyptum atque Orientem omnem Imperatori restituit : qui dum adhuc in Perside moraretur , ea uti erant quum primum capta sunt , obsignata secum deferens , Hierosolymam perrexit , & Modesto patriarchæ , ejusque clero monstravit . Ab iis vero integra adhuc sigilla deprehensa sunt , intellectumque sanctissima hæc ligna neque prophanis ac polluris manibus attrectata , neque ab illis omnino conspecta , eoque nomine actæ Deo gratiæ , & laudes persolutæ . Tum patriarcha clavem , quæ apud se remanserat , domo deferens , adorantibus universis , loculum aperuit . Post hæc erecta illic Cruce , Imperator eam illico Byzantium remisit : cui cum Litaniis ex Blacherniano Deiparæ templo obviam processit Sergius patriarcha , & ad Sophianam ecclesiam deducens , ibidem illam sustulit Indictione 2. anno Christi 629. qui est decimus nonus Heraclii . Paulo post vero Heraclius ipse domum rediens , urbem ingressus est , curru vectus , quem elephanti quatuor trahebant , cum fausta omnium acclamatione , festis diebus ob victoriam celebratis . Hæc ferme Nicephorus Patriarcha Constantinopolitanus in Heraclii Vita .

Theoph.

Niceph. CP.
in Brev.

Theophanes autem in tota hac narratione Nicephoro haud usquequaque consentit . Quippe , eo auctore , Heraclius anno Imperii decimo octavo , confecto Persico bello , quod per annos sex duraverat , inito cum Persis foedere , septimo demum in

urbem reversus , ab omnibus cum gaudio , & tripudiis exceptus est . Anno vero subsequenti , vere ineunte , urbe profectus , venit Hierosolymam , & venerandis ac vivificis secum delatis lignis , grates Deo persolvit . Cumque in Syria usque ad vigesimum quartum Imperii annum , qui est Christi 635. difficilimis bellis incubuisset , rebus quasi desperatis , venerandis iisdem secum inde asportatis lignis , Constantinopolim recessit . Ex Nicephoro igitur illata in urbem vivifica Crux anno decimo nono Heraclii , quo Sarbarus Regnum Persicum invasit . At quum paulo post tradat Heraclium in urbem reversum , videtur prorsus indicare missam vivificam Crucem paulo antequam ex Oriente reverteretur , ubi totos fere sex annos secundo exegerat . Ita quod ait acta indictione secunda , referenda videntur ad annum , quo Crux recepta est a Persis , non quo relata est in urbem . Proinde ex Theophane , Heraclius sacra secum in urbem ligna asportavit . Quod si ita est , intelligi posset expressus in hoc numismate Heraclii triumphus , quum Constantinopolim rediit . At cum tradat Nicephorus remissam Crucem ab Heraclio in Oriente adhuc degente , exceptamque a Sergio patriarcha , Heraclium vero aliquanto post curru vectum , quem quatuor trahebant elephanti , urbem ingressum , videtur potius expressus in nummo triumphus apparatus referri debere ad solemnem Heraclii in urbem Hierosolymitanam ingressum ; quum scilicet acceptam a Persis vivificam Crucem in eam intulit , uti Nicephorus commemorat : quum præterea non elephanti , sed quadrigis instructo curru effectus hic exhibeatur .

§. L X V I.

ÆDES ANASTASEOS EXPRESSA IN
NUMMO HERACLII.

NEc scio an adpensæ ad trabem tres lampades templum ipsum , quod a B. Helena Hierosolymis Anastaseos nomenclatura excitatum , & in eo reconditam vivificam Crucem tradit Theophanes , non indicent . Nam in ædibus sacris appendebantur trabibus auro , argento , vel ære obductis , vel iis imponebantur luminaria , sive ædium parietibus essent infixæ , sive ex se libere , & a fornice catenulis aut funiculis pensiles . Itaque porro de iis ædium sacrarum trabibus Leo Ostiensis : *Trabem quoque nihilominus fusilem ex ære cum candelabris numero quinquaginta , in quibus utique totidem cerei per festivitates præcipuas ponerentur ,*

nerentur, lampadibus subter in areis uncis ex eadem trabe triginta sex dependentibus. Quæ videlicet area trabes areis aque brachiis ac manibus sustentata, trabi lignea, quam pulcherrime sculpsit, & auro colorumque fucis interim fecerat Desiderius exornari, commissæ est. Agunt præterea de ejusmodi trabibus Petrus Diaconus Ca-

finensis, Hariulphus, Chronicon Ainenſe, Bromptonus, & alii. Quod si ita se res habet, iique lychnuchi ædem *Ἀναστάσεως* reſerunt, ij fortean fuerint ad Christi ſepulchrum appenſi, quos ſabbato ſancto divinus accendebat ignis ſub horam veſperſtinam, ſiquidem *σωτήρ* iſtud *Ἰαῦμα*, uti ejusmodi miracula vocat

Anna Comnena, ea tempeſtate obtinuerit, de quo tam conſtans eſt apud Scriptores, qui deinceps floruerunt, teſtimonium, ut mirum ſit viros eruditos, quæ de hac re ab iis proferuntur, in controverſiam revocare. Primus ſane qui ejus meminerit, videtur fuiſſe Bernardus Monachus qui vixit an. 870. (ut teſtatur Willelmus Malmesburienſis) in Itinerario Hieroſolymitano edito a viro doctiſſimo Joanne Mabillonio, qui rem ut *conſuetum* prorsus miraculum commemorat, adeo ut incertum ſit, quando cœperit, & an ante tempora Saracenorum fuerit, inquit idem Malmesburienſis. Sed & perinde quando deſierit, minimè conſtat, cum tantum ex Chronico Andrenſi anno 1177. adhuc hac tempeſtate viſum colligere ſit. Septem autem lampadas ibi ap-

penſas fuiſſe teſtatur Glaber Rodulſus: at Anonymus de Locis ſanctis ad triginta ſex pendendiſſe ſcribit. Affervatam porro vivificam Crucem in æde Reſurrectionis longe ante Heraclium palam eſt: cum non modo *ἐκκλησία αἰθὺς σταυρῶν* inde dicatur auctori Chronici Alexandrini, ſed & qui Crucem in ea ſervabat preſbyter, *Cuſtos Crucis* dicatur Victori Tunnenſi in Chronico, *σταυροφύλαξ* Theophani, qui Joanni Moſcho *σκευοφύλαξ τῆς ἀγίας*

Ἀναστάσεως. Quod ſane muneris obibat, Francis noſtris Hieroſolymitanum regnum obtinentibus, *Cuſtodis ſanctæ ſcilicet Crucis* titulo inſignis, ejusdem Eccleſiæ Canonici, particulæ ſcilicet ejusdem ſalutaris ligni, quæ in ea æde affervabatur. Heraclius igitur recepta a Perſis Cruce, hanc in Anaſtaſi recondidit, donec Conſtantinopolim relata eſt. Ita ſi Heraclii adventus in urbem Hieroſolymitanam hic deſcribitur, per lampadas in eo numiſmate expreſſas videtur innui ipſa Anaſtaſis, in quam illata ſunt vivifica ligna: contra, ſi ejusdem Auguſti adventus in urbem regiam eſſingitur, extracta ex eadem Anaſtaſi innuuntur: quam quidem ædem ſacram a Modeſto patriarcha reædificatam eodem imperante Heraclio tradit antiſtes Tyrius.

Petr. Diacon.
l. 4. c. 73.
Hariulph. l. 2.
c. 10. l. 3. c. 2.
Chr. Atin.
an. 1061.
Brompton:
aſi. 19.
VV. Nothi.
Cap. 10.
Tom. 4. ſſ.
Ord. S. Be.
ned.

Vide Gloſſ.
in Crux.
Glaber. l. 4.
c. 6.
Anonymi: de
Loc. ſſ. c. 1.
Chr. Alex. in
Conſtant. M.
Victor Tunn. in
Anaſtaſ. Theoph.
p. 134.
Io. Moſch. c.
48. 49.
Gretzer. de
Cruce p. 1584.

VV. Tyrius
l. 1. c. 4.

IMPERATORES CONSTANTINOPOLITANI
IMBERBES, BARBATI.

JAM vero barba, quæ lata, & promissa Heraclio hic tribuitur, haud multum discrepat ab ea quam præferunt genuini ejus nummi, nisi quod in isto paulo promissior, contra quam tradit Cedrenus, scribens Heraclium, priusquam adeptus esset Imperatoriam dignitatem, barbam latam atque promissam nutritivisse, sed Imperatorem factum, comam totondisse, & barbam, quomodo, inquit, Imperatores solent. Ejus verba sunt: Οὕτως ὁ Ηράκλειος ἦν τῶν ἡλικιᾶν μεσῆλιξ, εὐοθενῆς, εὐσεβέος. εὐόφθαλμος, ὀλίγον ὑπόγλαυκος, ξανθὸς τῶν τρίχα, λευκὸς τῶν χροιάν, ἔχωντε πῶγωνα παλατῶ, καὶ παρὰ μῆκος ἐκκρεμῆ. ὁπνίκα δὲ παρὰ τὸ τὴ βασιλείας ἦλθεν ἀξίωμα, εὐδὲως ἐκείρατο τῶν κόμην καὶ τὸ θῆριον τῷ βασιλικῷ ἡνίκατι. Fuit Heraclius statura mediocri, robustus, firmo pectore, oculis elegantibus, ac non nihil castis, fulvo crine, albus, barba lata atque proluxa. Sed Imperator factus extemplo comam totondit, ac mentum rasit, qui est Imperatorum habitus. Quibus quidem verbis innuere videtur Cedrenus solos Imperatores barbam decessorum more rasitasse, cæteros verò Græcos nutritivisse. Et sane ante Heraclium barbam rasisse Imperatores, testantur passim nummi, ipseque auctor Chronici Alexandrini, quo loco Justinianum describit, quem mentum rasum, ὥς οἱ Ρωμαῖοι, habuisse ait. Verum ab Heraclii temporibus, moris fuit Orientalibus tam Græcis quam aliis nationibus, ut habet Antistes Tyrius, barbas tanta cura, & omni sollicitudine nutrire, pro summoque probro & majori, quæ irrogari potuerit unquam ignominia reputare, si vel unus pilus quocumque casu sibi de barba cum injuria detraberetur. Subdit deinde, barbam ea diligentia conservasse Græcos, tamquam argumentum viri, vultus gloriam, hominis præcipuam auctoritatem: a quo eadem hausit verba Jacobus de Vitriaco. Characteres cum Græci, tum Latini non iidem omnino sunt in ejusdem numismatis ætypis, quæ ab aliis describuntur, tametsi haud multum diverſi. Sed negotium facessit plerisque vix mala exarata ΑΘΛΘΕΤΗC. Quidam enim ut Lipsius legendum putaverunt ΑΘΓΘΕΤΗC; alii, ΝΟΜΘΕΤΗC. Ego vero ΑΓΑΝΘΕΤΗC malim, quo vocabulo recentiores Græci ac Latini, ἀγωνιστὴν, pugilem, vel

Cedren. an. 1.
Heracl.
Chron. Alex.
p. 800.
VV: Tyrius
l. 11. c. 11.
Nicet. in Isaac.
l. 1. n. 10.

Iac. de Virriaco
lib. 1. c. 74.

In Gloss.

vel *præliatorem* indigitabant, ut alibi observamus. Neque in hac voce duntaxat mendum occurrit: nam & voces $\text{C}\text{I}\text{A}\text{H}\text{P}\text{A}\text{C}$. [ubi A . pro A .] & $\text{P}\text{P}\text{A}\text{A}\text{C}$ [ubi T . pro T . proclivi utrobique mendo habentur] perperam exarantur. Jam vero numisma istud non ejus esse antiquitatis, quam Cuspinianus ei adscribit, satis, opinor, ex prælibatis colligitur; quod præterea Imperatoris habitus, & Augustis Byzantinis prorsus insolens diadema arguit; Inscriptiones deinde Græce, ac Latinae ex Sacris fere haustæ Literis mixtim exaratæ; lux etiam illa, quæ Heraclii vultui affunditur, omnino indicant recentioris esse scalpitoris alicujus inventum, qui divinæ Crucis triumphum exprimere voluerit. Sic porro legendi sunt Græci characteres, ac in antica quidem, $\text{H}\text{P}\text{A}\text{K}\text{A}\text{E}\text{I}\text{O}\text{C}$. EN. XN . TO . ON . $\text{P}\text{I}\text{C}\text{T}\text{O}\text{C}$. $\text{B}\text{A}\text{C}\text{I}\text{L}\text{E}\text{V}\text{S}$. KAI . AYT $\text{O}\text{K}\text{P}\acute{\alpha}\text{T}\omega\text{P}$, $\text{P}\text{O}\mu\acute{\alpha}\nu$. $\text{N}\text{I}\text{K}\text{H}\text{T}\text{H}\text{C}$. KAI $\text{A}\text{Γ}\text{Ω}\text{N}\text{O}\text{Θ}\text{E}\text{T}\text{H}\text{C}$. AEI . $\text{A}\text{Y}\text{T}\text{O}\text{Y}\text{C}\text{T}\text{O}\text{C}$. In postica vero, $\text{A}\text{O}\text{Ξ}\text{A}$. EN. $\text{Y}\text{Y}\text{I}\text{C}\text{T}\text{O}\text{I}\text{C}$. XN . TO . $\text{Θ}\text{E}\text{O}$. OTI . $\text{Δ}\text{I}\text{E}\text{P}\text{P}\text{A}\text{Ξ}\text{E}$. $\text{C}\text{I}\text{A}\text{H}\text{P}\text{I}\text{C}$. $\text{P}\text{Y}\text{A}\text{A}\text{C}$. KAI . $\text{H}\text{A}\text{E}\text{Y}\text{Θ}\text{E}\text{P}\text{Ω}\text{C}\text{E}$ ‡. [i. $\text{C}\alpha\upsilon\text{p}\acute{o}\nu$.] $\text{A}\text{Γ}\text{I}\text{O}\text{N}$ $\text{B}\text{A}\text{C}\text{I}\text{L}\text{E}\text{V}\text{S}$. $\text{H}\text{P}\text{A}\text{K}\text{A}\text{E}\text{I}\text{O}\text{S}$. In Lipsiano æreo exarati præterea leguntur hi characteres Græci ad occiput Heraclii, $\text{A}\text{Γ}\text{I}\text{O}\text{A}\text{I}\text{N}\text{I}\text{C}$. qui nihil sonant.

§. L X V I I I.

NUMMI IMPP. EX GENTE PALÆOLOGA.

INter adulterinos nummos, binos etiam ex gente Palæologa exarari curavimus, alterum Joannis, alterum Constantini ultimi Imperatoris Constantinopolitani, quos rei monetariæ antiquæ studiosi in numismatum Augustorum serie vulgo reponunt, quod indubitatae fere fidei post Angelos vix reperiantur. Nescio enim an pro genuinis haberi debeant Theodori Lascaris, & Andronici Palæologi aurei, qui ab Octavio Strada describuntur, quos vix crediderim fuisse tam elegantis formæ ac exhibentur. Utcumque sit de rei veritate, donec suppetant alii, etiam eos hic, & in nostro de Familiis Augustis Byzantinis opere repræsentamus. Mirum sane videri debet, quod extremi istius sæculi, quod nostris proximum fuit, Imperatorum Byzantinorum nummi, atque adeo ex Lascarica, Palæologa, vel Cantacuzena gente vix occurrant: nam Theodori Lascaris, quos ibi damus, nummi, ex eodem Strada descripti sunt, penes quem fides erit. Atque id accidisse ex eo prorsus existimare licet, quod ut pessime formati neglecti fuerint ab Antiquariis,

Pachym. l. 12.
c. 8.

quariis, vel quod a Turcis in proprias monetas conversi : nisi forte quidam ex iis, quos Joanni, & Manueli Comnenis adscripsimus, Palæologorum fuerint ejusdem nomenclaturæ Imperatorum : vel, quod longe potius existimaverim, quia postremi isti Constantinopolitani Augusti in monetis suis effigies suas, ac sua nomina non semper descripserint, proindeque eorum fuerint plerique, quos inter Zimisceanos exhibuimus. Michaëlis Palæologi nummorum aureorum meminit Georgius Pachymeres, aitque, recepta a Latinis Constantinopoli, in postica facie, ejusdem urbis figuram effingi curasse, metalli probitate detrita. Sic ille, ubi de Andronico seniore : Ἀλλὰ καὶ τὸ νόμισμα ἄξιόν τι καὶ χρείαν ἐκίδνηλέετο, ὡρότερον μὲν γὰρ ὅπῃ Ἰωάννης τῷ Δέκῃ, τὸ δέμοιρον τῷ παλάντῃ τῶ νομισμάτων, χρυσὸς ἦν ἁπεφθός. ὕστερον δὲ ὅπῃ Μιχαήλ, ἡ πόλεως ἀλώσεως, ἄξιόν τι καὶ πότε κατ' ἀνάγκην δόσεις, καὶ μᾶλλον πρὸς Ἰταλούς, μεταρράφατο μὲν τῶ παλάντων σημείων, τῆς Πόλεως χαραττομένης ὅπισθεν. Καθυφίετο δὲ καὶ ὡρακεράζον τὸ ἐκ χρυσοῦ νομιστόμῳ, ὡς πεντήκοντα πρὸς θ. τὰ εἰκοσιπέντα γίνεσθαι. Μεταμαζάντος δ' ἐκείνου, ὡρότερον μὲν εἰς δεκατέσσερα πρὸς δέκα. νῦν δὲ, ἀλλὰ καὶ ἐφ' ἡμισείας τὸ ἁπεφθός καταμίγνυται. Sed & moneta ob ejus pecuniam, adulterata est. Prius enim sub Joanne Duca, nummi dimidium ex puro auro cocto seu obryzo erat. Postea vero Michaël, capta urbe, ut haberet unde largitiones necessarias, Italici præsertim, faceret, immutatis notis veteribus, urbis figuram in postica facie expressit, detrita interim metalli bonitate, eo usque ut e viginti quatuor partibus aurei solidi, auri dumtaxat puri novem essent, quindecim mixture sequioris. Post Michaëlis mortem, primo quidem decem partes auri puri ad vitiosas quatuordecim adjectæ sint : nunc vero ad dimidiam purum aurum miscetur. Quæ porro hic dicuntur de urbis figura in nummis Michaëlis efficta, pene nos impulere, ut ejus esse existimaremus nummum æreum, in quo Imperator cum Cruce, & globo in altera facie, in altera vero urbis porta triplex, suis turribus, & pinnaculis instructa visitur, cum adscripta subtus hac epigraphe, VICTORIA, in receptæ urbis, atque adeo Francorum ab ea expulsoꝝ symbolum. Sed erunt fortasse, qui quo Augustus ille cingitur diadema vix esse putent istius, quo Michaël vixit ætatis. Prostat alius Andronici Imperatoris aureus prægrandis, in quo urbs Constantinopolis, muris suis circumducta exhibetur, Deipara pallium expandente, ac brachia super

per eam porrigente, tanquam urbis tutatrice ac *πολιεύχῳ*. In altera, coram eadem beatissima Virgine in genua proeumbit Imperator, supra cujus caput inscriptum: *ΑΝΔΡΟΝΙΚΟΣ ΒΑΣΙΛΕΥΣ*, quæ quidem urbis expressa figura suadere potest esse Andronici senioris Palæologi, ita ut parentis monetarum figuras in suis etiam servarit: quod suadere imprimis potest Andronici in Deiparam cultus eximius, qui, ut tradit Pachymeres, post debellatum Alexium Philantropenum, in monasterium Hodegorum venit, & coram sacra Deiparæ imagine, toto fere corpore prostratus, adeptæ victoriæ gratias egit. Sed quum nummus iste sit ex iis, quos caucios vocant, cujusmodi cusi habentur ex familia Comnena Augustorum; Andronico Comneno tyranno, interim dum lux alia effulgeat, adscripsimus. Scribit denique Raimundus Montanerius in Historia Catalanica regum Aragon. Rogerium Florum Magnum Ducem ab Andronico seniore, cui quum Catalanis militabat, dictum, rogasse Imperatorem, ut militibus suis stipendia persolveret, eumque monetam cudi curasse probitate longe imminutam, quæ instar erat ducatorum Venetorum, argenteorum scilicet, quorum pretium erat octo denariorum Barcinonenfium: præterea minutiozem aliam monetam, quæ trium denariorum erat, quamque perperam *Vincilions* appellatam ait, manifesto errore, pro *Miliarifison*. Ejus verba sunt: *E com aquesta pau so feyta, lo Megaduch dix a l'Emperador, que donas paga a la companya, e l'Emperador dix que faria & seu batre moneda en manera de ducat Venetia, que val. 8. diners Barceloneses cascu. E axi ell seu ne fer, que havien nom Vincilions, e non valia tres diners la hu: e volch que correguessen per lo preu daquells qui vaben 8. diners, e mana & cascu que prenguessen dells Grechs cavall, o mul, o mula, o viandes, o altres coses que haguessen ops, e que pagassen de quella moneda, e aso seu par mal vici, ço es que entras hoy, e mala vohentat entre los pobles e la host: que tantost que ell bach son enteniment de totes les guerres, volgra quels Franchs fossent tots morts, e fossen fora del Imperi.* Verum etsi hodie vix ulla obvia sint postremorum Imperatorum, ex gente præsertim Palæologa, numismata, quibus monetariæ supellestilis studioforum ἀρχεῖα locupletentur, damnum istud quodammodo refarciunt, quæ supersunt eorum figuræ, ex quibus habitum Imperatorium horum temporum, qui describitur a Codino, & aliis, licet percipere. Quas inter præ cæteris insignes haberi debent Michaelis Palæologi, Theodoræ Augustæ uxoris, & Constantini Porphyrogeniti filii imagines, quæ Constantinopoli in Deiparæ *αὐτὴν* æde sacra conspi-

Pachym: lib.
9. cap. 13.

Cap. 210.

Leunclavius
in Pand.
Terc. c. 51.

Tabella VI.
Nicet in Alex.
l: 1. n. 3. Ad
Niceph Gregor
Edit. Basil. an.
1562.

ciuntur, quas delineari curavimus. In qua quidem tabella Theodora effingitur cum *τυμπανίῳ* in capite, margaritis, & lapillis distincto, uti Euphrosyne Augusta Alexii Angeli Imperatoris uxor apud Nicetam Choniatem. Habetur alia haud ab-
 Tabella VII.
 simili ejusdem Michaëlis Imperatoris effigies descripta ab Hieronymo Wolphio ex codice MS. Augustanæ bibliothecæ Historiæ Georgii Pachymeris, cui diadema capiti impositum non omnino ejusdem est formæ, qua in ea imagine a nobis descripta cernitur: sed & quod *acaciam* vocant, voluminis speciem plane refert. Aliam præterea tabellam damus Manuelis Palæologi & Helenæ Augustæ uxoris, ut & Joannis, Theodori, & Andronici filiorum effigies continentem, ex MS. codice Operum Dionysii Areopagitæ, quem idem Manuel ad monasterium s. Dionysii in Francia, ubi asservatur, per Manuelem Chrysoloram Legatum suum misit anno 1408. uti præfert eidem imagini subdita, hicque descripta epigraphe, quam, ut & ipsas effigies, beneficio viri humanissimi perinde ac doctissimi Joannis Mabillonii sumus consecuti: Τὸ παρὸν βιβλίον ἀπετάλη πρὸς τὴν ὑψηλοτάτην Βασιλέως καὶ Αυτοκράτορος Ῥωμῶν κυρῆς Μανηήλ τῆ Παλαολόγου, εἰς τὸ μοναστήριον τῆς ἁγίας Διονυσίας τῆς ἐν Παρυψίῳ τῆς Φραγκίας ἢ Γαλατίας ἀπὸ τοῦ Κωνσταντινουπόλεως. δι' ἐμῆς Μανηήλ τῆς Χρῦσολωρᾶς πεμφθέντος πρέσβεως πρὸς τὴν εἰρηνικῆς Βασιλείας. ἔτι δ' ἀπὸ κτίσεως κόσμου ἑξακισχίλιτος ἑννεακισίος καὶ ἑκατομμύριον σαρκώσεως ὃ τῆς Κυρίας, χιλίος τεσσαρακισίος καὶ ὀγδὼν. Οὗτος τις φημὲν Βασιλεὺς, ἦλθε πρότερον εἰς τὸ Παρυψίον πρὸς ἐτῶν τεσσαράων.

§. LXVIII.

MEDALLIÆ JOANNIS ET CONSTANTINI PALÆOLOG.

S Puris igitur nummis, ut diximus, nummum accensemus, qui revera non est nummus, Joannis Palæologi Manuelis filii, exaratum in medallionis formam a (1) Victore Pisano; cujusmodi complures alios sculptor ille egregius suæ ætatis, atque etiam priorum sæculorum illustrium virorum imagines simili figura delineavit. Hanc autem Joannis, quam ex æreo Illustrissimi Comititis Joannis de Lazara Patavini, Marchionis Nicolai filii damus, sic commendat Paulus Jovius in epistola Italica, ad Cosmum Ducem Florentinum, apud Georgium Vasarium:

Oltra

(1) *Andrea Pisano* legendum omnino.

Oltra questo ho ancora una bellissima medaglia di Giovanni Paleologo Imperadore di Costantinopoli, con quel bizzarro capello alla Grecanica, che solevano portare gl' Imperadori, & fu fatta da esso Pisano in Fiorenza al tempo del concilio d' Eugenio, ove si trovò il prefato Imperadore, che ha per riverfo la Croce di Cristo sostenuta da due mani, verbigratia dalla Latina, & dalla Greca.

Georgius Vassarius in Vit. Pic.

Nummum denique æreum expressimus Constantini Palæologi ultimi Imperatoris ex musæo ejusdem, cujus meminimus, Comititis, super quo, ut spurio, multa multi commentati sunt, atque in iis Josephus Scaliger, & Jacobus Gretzerus. Scilicet differtationem, quod in paucis foliis exarata rarior sit, nostræ subjecimus, omiſſa Gretzeriana, quod in spissioribus de Cruce commentariis omnibus obvia sit.

Tabella IV.

§. L X I X.

NUMMI HELENÆ NOMEN PRÆFERENTES.

Porro inter nummos, quos exhibemus, vel qui in antiquarium pinacothecis prostant, habentur aliquot, non incertæ quidem fidei, sed qui dubium præferant, quibus sint adscribendi, seu propter male formatas, detritas, vel denique contractas inscriptiones, vel interdum, quod nullam præferant, cujusmodi sunt non pauci ex inferioris omnino ævi nummis. Interdum etiam alii occurrunt, in quibus, quum bini aut plures ejusdem nominis se se offerant Augusti, vel Augustæ, incertum manet utri debeant adscribi, in quibus maxime sunt Heleniani. Quum enim Helenæ Augustæ nummi præferentes nomen ac titulos in eruditorum virorum gazophylaciis servantur complures, atque adeo in regio octo ærei, non unius omnino figuræ vel ornatus, ac inscriptionis, vix tamen constans est inter studiosos ejusce suppellectilis nummariæ indagatores, cui debeant adscribi, matrine Constantini Magni, vel Juliani Parabatæ, vel etiam Crispi, si quæpiam fuit, conjugii. Matrem Helenam Augustam renuntiata, ejusque effigie cufos a Constantino filio aureos nummos testantur Eusebius, Sozomenus, Nicephorus, & Theophanes, qui monetam *ὡς Βασιλίδι* attribuisse ajunt. Ejusmodi autem Helenianos aureos Romæ anno 1398. repertos auctor est Thomas Walsinghamus: *Sub hoc anno, inquit, Romæ repertus est thesaurus Helenæ matris Constantini Imperatoris, sub quodam pariete ruinoso. Ipsa vero moneta aurea signata fuit imaginibus dictæ domine, habens in circulo nomen ejus*

Euseb. l. 3. de

Vita Constant.

c. 46.

Sozom. l. 2.

c. 1. Niceph.

l. 8. c. 31.

Teoph. an. 20:

Const. Walsing.

p. 356.

Fleta l. 2. c. 12.

6.1 c. 79 §. 10.

Vid. Relat. de

monte Libano.

*scriptum: & valuit una petra xx. sol. de nostra moneta. Cum quo thesauro postea Papa fecit readificari Capitolium & Castellum S. Angeli. Est autem petra, ponderis Anglicani species, constans duodecim libris, ut libra quindecim uncii: quæ quidem petra vulgo in lanipendiis etiamnum usurpatur. Enimvero aurei cujuslibet Helenæ nummi rariores sunt æreis, quorum perinde, ut diximus, inscriptiones, atque etiam capitis ornatus diversitatem quandam arguunt. Ac binorum quidem, qui hosce characteres præferunt: FL. HELENA AVGVSTA, in averſa vero facie: SECVRITAS REIPVBLICAE, prior nitidissimus Helenæ caput exhibet tectum nescio qua calyptra desuper reticulata, & in cassidis modum protensa, quæ aures ipsas ac capillos tegit, præterquam eos, qui fronti superfunduntur. Ubi fortasse *mitra*, vel *mitella*, quas *crispantes* vocat S. Hieronymus, quibus *vertex artabatur innoxius*, exprimuntur, vel *turriti alienis capillis vertices*, de quibus idem Scriptor, & Tertullianus hisce verbis: *Affigitis præterea nescio quas enormitates sutilium atque textilium capillamentorum, nunc in galeri modum quasi vaginam capitis, & operculum verticis, nunc in cervicem retro suggestum*. Alter Helenam prodit duplici unionum linea caput cinctam, crinibus ad aurem contractis ac collectis, crispatis aliis fronti imminentibus, uti ferme omnes alii; ita tamen ut superior capitis pars tecta perinde videatur. In tertio, qui pro lemmate habet: FL. HELENA AVGVSTA, & in postica: PROVIDENTIAE AVGG. Helenæ capitis pars superior tota reticulo videtur tecta, quod limbulo unionum linea exornato continetur: sic ut ad sinciput, & ad aures crinibus subsit limbulus, iis tantum circa frontem crispatis & annulatis extantibus. Aliorum trium nummorum Helenæ nomen præferentium varius itidem in capite & capillis ornatus. His vulgo pro inscriptione est in antica facie: FL. IVL. HELENÆ AVG. in postica vero: PAX PVBLICA. Ac prior quidem nescio quam diadematis speciem præfert, quæ ad sinciput latior, ad aures vero, ubi capilli in orbem contrahuntur, arctior caput stringit: ita tamen, ut qua latior est, extra caput promineat, uti solent laureæ corollæ in Augustorum nummis, crispatis crinibus frontem adornantibus. Diadema autem seu limbulus, nisi capillorum contextus vel *σφαῖρα*, uti vocat Naumachius, seu, uti dicimus, *trecia* sit, unionum ferto in medio discernitur. Neque multum diversus est alter, nisi quod limbulus, qui, ut & prior, ad sinciput in duplex cornu evadit, rarioribus margaritis videtur distinctus. In tertio denique, cujusmodi binos alios servat gazophylacium Regium, Helenæ caput*

Epist. 10. 23.
ad. Epist. 7.
Tertull. lib. de
Cultu femin.

caput latiori diademate unionibus & lapillis distincto stringitur, capillis ad aurem contractis, & ad frontem crispatis eminentibus. Præter istos Helenæ nummos, alium aureum titulo & capitis ornatu prorsus diversum exhibent Octavius Strada, Tristanus, & Chiffletius: is enim Helenam repræsentat absque ullo capitis ornatu, capillis tantum ad occiput collectis & nodatis, cum hac inscriptione: FL. HELENA MAX. seu, ut habet Strada: HELENA MAX. ut Chiffletius denique: HELENA FL. MAX. nisi legatur: FL. MAX. HELENA. In averſa parte stella conspicitur. Ex hac igitur inscriptionum & habitus seu capitis ornatu diversitate tres Helenas confecit idem Chiffletius, quibus totidem istiusmodi nummorum species adscribit: ac eos quidem in quibus SECVRITAS describitur, Helenæ Constantini matri tribuit: alterum Helenæ Maximæ Crispi uxori: eos denique qui Flaviæ Juliæ Helenæ nomen præferunt, Helenæ Juliani Imperatoris conjugii: atque id quidem levioris quantumlibet momenti argumentis stabilire nititur. At Wilthemius, quem Chiffletius Juliani uxori tribuit, Constantini matri adscribit, quod, ut ait, in nummi parte averſa Crux efficta conspicitur. Is est quem ex Helenianis quartum delineari curavimus, cuiusmodi asservatur æreus in gazophylacio Regio, in quo quidem æreo ita Crux efficta conspicitur, ut rectus stipes paulo versus figuram curvetur. Et sane si revera Crux est, Juliani uxori haud potest adscribi, quæ ut conjux, Deorum cultui addicta, Iſidis etiam effigie in nummis suis expressa conspicitur, ut cenſet Tristanus. Ita nummi, quos idem Scriptor, quem etiam secuti sumus in descriptione nummorum Constantii Chlorig, Helenæ matri attribuit, neptis fuerint, seu Juliani uxoris. Nam & titulorum diversitas, diversarum Augustarum nummos esse arguit. Ac titulorum quidem in eo varietas deprehenditur, quod priores tres nummi, FL. HELENAM AVGVSTAM, tres alii, FL. IVL. HELENAM, aureus denique Tristani & aliorum, FL. HELENAM MAX. appellent: etsi ex veterum nummorum inspectione satis constet, variatos interdum Augustorum titulos, ita ut validum omnino ex hoc minime conficiatur argumentum. At in tribus posterioribus primo observare est Helenam Juliæ prænomine donari, quo modo in inscriptionibus Helena Constantini mater: deinde inscriptionem secundo aut tertio casu poni, ita ut si cum secundo, monetæ nomen subintelligatur: si cum tertio, in Helenæ matris honorem cusos a filio Constantino nummos liceat suspicari: cui præterea, PAX PVBLICA, adscripta cenſeri potest, quod ea procurante, Ecclesiæ Christianæ, damnata in Nicæno concili-

Strada, Tristanus tom. 3. Chiffletius in Anast.

Wilthemius in Icon. Const. M. & Helena.

Græter.

concilio Ariana hæresi, pax revera reddita sit. Nam & anno 20. Constantini, quo illa a filio Augusta appellata dicitur a Theophane, Nicænam synodum celebratam constat. Sed & non minime sententiam hanc firmant expressa in nummis istis diademata, quum coronatam a filio Constantino matrem Helenam tradat idem Theophanes, Augustam renuntiatam Eusebius & alii. Nam in sexto nummo lapillis & margaritis distinctum diadema prorsus effingi videtur, nisi quod vittis caret. Sed quod dubium in hisce conjecturis ingerit, illud est potissimum, quod in omnibus ferme, iisque præsertim, qui nitidiores sunt, Augusta effingatur junior ac formosa, quod in Helenam matrem vix quadrat, quæ anno vicesimo Constantini, quum Augusta dicta est, & cusi ejus nomine sunt nummi, si Theophanem audimus, tum ætate provectior erat. De Flavia Helena Maxima, & an illa Crispi uxor fuerit, non minor est difficultas, quam attigimus in Crispi elogio. Utcumque sit de nummis istis Helenianis, quos una omnes Constantini Magni familiæ subjecimus, ut cuique liceat inspicienti, quod arriserit, statuere; id constat ex iis inditam a vulgo *Sanctarum Helenarum* appellationem omnibus ferme numismatibus Augustorum Constantinopolitanorum ævi inferioris, maximeque iis, quos ejusmodi rerum studiosi propter male formatos characteres, aut vultus ipsos, vel quod nihil exquisitum contineant, solent aspernari. Quod inde fortean originem habuit, quod non Helenæ duntaxat, ut divis adscriptæ imagines, sed & crucigeros omnes nummos sacri phylacterii, aut encolpii vice ad collum quilibet appenderet: unde nummorum ejusmodi plerosque videmus perforatos: quod quidem etiam ante Constantinum obtinuisse observare est ex iis, quæ in Anastasii Chiffletius annotavit, tamen id potissimum tum primum profluxisse censendum sit ex nummis Helenæ Romæ in ejus thesauro inventis, quæ fortassis summus Pontifex, ut feminæ de Ecclesia bene meritæ, distribuerit. Harum vero Sanctæ Helenæ monetarum vim mire commendat Bosius, aitque præsens esse remedium adversus comitiale morbum.

Chifflet. in Anast.
p. 269. 275.
276.

Bosius l. 15: de
Sign. Eccl. fig.
68. c. 12.

§. L X X.

NUMMI UTRIUSQUE THEODOSII.

QUI Theodosii nomen præferunt & titulos nummi, Seniori ne, an Juniori adscribi debeant, non perinde planum est definire; quum in iis vultuum delineatio non adeo sit exacta, præscorum nempe monetariorum intercedente tum peritia ac arte, ut utrius sit, liceat advertere. In iis tamen bini sunt aurei, quorum alter: SALVS REIPVBLICAE, alter: VOT. XXX. MVLT. XXXX. qui indubitate Junioris sunt: quum prior par consulum referat, ipsius Theodosii & Valentiniani, uti supra observatum, alter nonnisi Juniori attribui queat, quum Senior anno Imperii sexto-decimo obierit, ac proinde vicennialia non attigerit, quæ hic describuntur per vota tricennialiorum. Cum vero bini isti nummi Theodosii protomen cum casside, spiculo, ac clypeo præferant, haud inani fortasse, tametsi vix prorsus certa conjectura, similis figuræ nummos Juniori; cæteros in quibus figura lusca exprimitur Augustus, Seniori adscripsimus.

§. L X X I.

NUMMI UTRIUSQUE JUSTINI.

NEque minor est difficultas in discernendis utriusque Justini, Senioris scilicet seu Thracis, & Junioris, qui & Curopalata vulgo appellatur, nummis. Eos qui Imperatorem plena facie exhibent cum camelaucio, clypeo, spiculo, vel globo, Seniori adscripsimus, quod cum satis sint bene expressi aut formati, non ea nobis viderentur ætate cusi, qua barbaries in Orbem Romanum inuenta est, maxime ævo Justiniani & Justinii nepotis, quod præ ceteris evincunt eorum nummi pessime effigati, siquidem Justinii Junioris sint, quos ei adfinximus, lusca plerique facie, sed levi, fateor, conjectura: quum in iis, qui plena facie sunt, extet æreus, qui cusus annotatur Constantinopoli anno decimo Imperii, quem vix attigit, cum anno nono, mense secundo, extinctum prodatur Marcellinus Comes, tametsi cusus dici potest decimo ineunte Imperii. Qui vero Justinii Imperatoris nomina, eumque una cum uxore Augusta in eadem sella sedentem præferunt, indubitanter Juniori attribuimus,

buimus, quum in iis sint, qui annum Imperii, quo cusi sunt, duodecimum adscriptum habeant, adeo ut inde firmari possit annus Imperii Iustini Junioris, quo excessit, de quo controversia est apud veteres Scriptores. Ex eo etiam abunde docemur errare quosdam, tradentes in hisce nummis Iustinum Seniore & Justinianum exhiberi, quum Justinianus Cæsar sub annum Iustini sextum, Augustus vero mensibus quatuor ante ejusdem obitum renunciatus sit, ac proinde collega Imperii exhiberi non potuerit anno secundo Imperii avunculi, uti præferunt ii nummi: qui præterea Seniori non possunt adscribi, quum Euphemiam Augustam superstitē Justino Seniore conjuge extinctam palam sit ex Scriptoribus. Deinde in his nummis uxor Imperatori adjungitur anno Imperii duodecimo, quem non attigit Senior, sed Junior, cui Sophia uxor superstes fuit. Feminam esse, quæ Justino adjungitur (nam in plerisque adeo sunt attritæ ac evanidæ effigies, ut certum aliquid super hac re elici vix queat) ostendit diversitas gestaminis: nam Iustinus globum crucigerum dextra gerit, Imperatrix vero Crucem oblongiorem sceptri vice, non vero ramum aureum margaritis & unionibus distinctum, quomodo deferre solitas Augustas senescente Græcia tradit Codinus. Nam qui ex Octaviano Sada proferuntur ab Alemanno, male a scalptore descripti sunt, quum & in iis Iustinus barbatus, & quæ adjungitur effigies veluti adolescentis effingantur: priori Crux, alteri virga in dextra, utrique vero in sinistra globus tribuantur: quum Justinianus, quem exhiberi putat idem Scriptor, non adolescens, sed plena jam ætate & Cæsar & Augustus dictus sit: ita ut quos Alemanno inspiciendos præbuit Sada, non diversi sint ab iis nummi, quos adscriptimus Justino Juniori. Verum longe major est difficultas in enotandis aliquot aliis æreis, quos hisce subjunximus, hac tantummodo fulti ratione, quod ejusce ætatis videantur, quum ex characteribus, qui in iis describuntur, licet in quibusdam sat perspicuis, vix quicquam divinari possit. In iis vero bini effinguntur Imperatores; vel saltem Imperator, cui adsidet Augusta conjux; nam facies in omnibus (octo vidimus) ac vestes fere evanidæ sunt, uterque simili diademate conspicui globum crucigerum in medio sustentant; altero dextra, altero sinistra bacillum seu sceptrum gestantibus. Omnes pene Theffalonicæ cusi characteres anomalos repræsentant, quidam hosce male formatos, VTLVT--TSP-- AVC. quidam ASS--VNV V, alii--ACVSC. alii--OSTAN. alii denique--ALOGNO. in postica autem horum facie anni Imperii adscribuntur IIIV. IIIII. VI. & VII. adeo ut Iusti-

Vide Scenium
Iustini.

Cod. de off. c.
17. n. 25.
Alemanno ad
Procop. p. 42.
44. I. edit.

Justino Seniori & Justiniano adscribi vix debeant, quum Justinianus, ut diximus, anno Justini 6. aut 7. Cæsar dictus sit ab avunculo, uti testatur Victor Tunnenfis: *Post Consulatum II. Justini & Apionis, Justinus Augustus Justinianum nepotem suum ad Senatorum supplicationem invitatus Cæsarem facit.* Incidit autem Consulatus Justini secundus in annum 524 quo Julii 9. Imperii annum septimum inibat: unde conficitur anno ejus quinto, Justinianum ut avunculi collegam in nummis effingi non potuisse. Sed de hisce nævis lector ac inspector ipse per nos liceat decernat. Iis præterea nummis duos aut tres alios æreos subjunximus, Justinoque adscripsimus, nulla alia ferme conjectura, quam quod Imperatorem & Imperatricem exhibeant cum hisce characteribus DN IV---AAΓ. & hisce, infra eandem effigies, VITA. in averfa vero facie K. cum hisce, ANNO VIII. KAR. Unde colligitur Karthagine cufum fuisse, ac proinde saltem ante an. 698. quo in Saracenorum potestatem venit Carthago, Leontio imperante: nisi per IV. Justinianus Rhinotmetus intelligatur, antequam a Leontio Imperio deturbatus fuisset. Tertium nullis characteribus insignem, altera facie Imperatorem, altera Augustam exhibentem, quod eorundem videantur ac priores, pariter subdidimus, ut liceat cuique perinde de iis judicium statuere.

§. L X X I I.

NUMMI CONSTANTINI ET CONSTANT. EX FAMILIA HERACLIANA.

SED præ cæteris jure negotium faceffunt Baronio, Gretzerō, aliisque in re nummaria peritis viris numismata aurea & argentea, quæ CONSTANTINI ET CONSTANT. nomina præferunt, æreaque alia ejusdem typi nullis characteribus insignita, non una tamen omnia figurâ, sed diversa. Ac primum quidem ex iis, quæ delineari curavimus, æreis, altera facie, Imperatoris cum promissa satis barba protomen exhibet: altera columnam, vel literam I. cum hisce characteribus: ANNO I. qui cufum, anno Imperii primo declarant. Bina ejusdem typi servat gazo-phylacium Sangenoveseanum. Tria exinde alia aurea habentur in regio, in quorum antica facie duorum pariter Imperatorum sunt *εἰσακτα*, quorum prior cum promissa & lata barba, alter barbæ primam lanuginem indutus visitur cum hisce characteribus, qui in quibusdam ex iis adeo minusculi & pessime

P

forma-

formati, ut puncta potius dixeris, quam literarum apices, DN CONSTANTINI s (alii habent ET) CONSTANTIC. In averſa parte Crux habetur gradibus inſiſtens, cum inſcriptione male pariter exarata: VICTORIA AVGVST: & CONOB. Ejuſdem ferme typi binos aureos regios, & argenteum unum gazophylacii s. Genoveſæ damus: niſi quod Imperatoris *pogonati* diademati crucigero additur nescio quæ calyptræ ſpecies, *camelaucium* forte, cum hiſce characteribus: DN. CONSTANT. In poſtica Crux altior globo inſiſtit, ad cujus latera bini Imperatores cum globis crucigeris ſtant, prior altior barbam, non tamen promiſſam induſtus: alter ut puerulus effinguntur cum hiſce characteribus: VICTORIA AVGVST. CONOB. ita ut in hocce nummo quatuor a ſe invicem diverſos Imperatores effectos par ſit credere. Argenteum præterea delineamus, qui eſt ejusdem gazophylacii Sangenoveſani, in cujus antica idem cum barba promiſſa Imperatoris vultus, & cum ſimili, cujus mox meminimus, calyptra, ac globo crucigero, & hiſce in circuitu characteribus peſſime deſcriptis: VICTORIA AVGVST. In poſtica tres ſtant Imperatores cum ſtemmatibus & globis crucigeris; medius altior cum barba, non tamen promiſſa, qui ad dextram eſt, ut puerulus, qui vero ad ſiniſtram, medio altitudine cedens: infra, CONOB. Diverſi alium aureum typi exhibemus, in quo tres conſiſtunt Imperatores, medius, & altior cum promiſſa barba; qui ad dextram eſt ut puer: qui ad ſiniſtram, ut adoleſcens effecti. In averſa facie Crux inſiſtens gradibus effingitur cum eadem ſemper inſcriptione: VICTORIA AVGVST. CONOB. Ejuſdem typi proſtat alter æreus, præterquam quod in averſa facie annus Imperii viceſimus deſcribitur, & Ravennæ cuſus innuitur. Damus præterea æreos alios nullo conſpicuos lemmate, quorum facies altera, Imperatoris cum barba promiſſa *μεγαλου*, altera literam majuſculam M. cum tribus, ad latera & caput literæ, Imperatorum *ενδραγίος*. Delineari denique curavimus nummum æreum, in cujus latere altero Imperator iſte pogonatus, militari habitu, ſpiculum tenet cum Imperatore alio tunicato ad ſiniſtram ſtante: in altero annus xxi. deſignatur, quo cuſus Conſtantinopoli. In alio perinde æreo ejusdem Ravennæ cuſo, barbatus idem Imperator captivum pede dextro proculcat. Atque hi omnes & ſimilis pene typi peſſime omnino effigati ſunt nummi, quos tamenſi alicujus ex Heracliana familia Imperatoris ex numiſmaturum iſtius ævi collatione eſſe pro certo haberi debeat, cui tamen adſcribendi non plane conſtat. Quum enim

enim is Constantinus dicatur, pluresque in eadem Heraclii gente occurrant hac nomenclatura Augusti, vix tamen ex iis aliquis reperitur, cui & typi & Augustorum una ac simul imperantium, qui in iis effinguntur, numerus, ut & adscriptæ denique Imperii annorum notæ conveniant. Nam ut numismatis auctor retegatur, necesse est, ut demus aliquem Constantinum, qui anno Imperii primo ejus fuerit ætatis, ut barbam induisse sat promissam dicendus sit, uti exhibetur in primo numismate; in quo quum solus appareat & unicus, tunc temporis Imperii collegam non habuisse colligitur. Necesse est præterea, ut is Constantinus binos habuerit postea Augustæ dignitatis collegas sat adultos, utpote pogonatos sub extremos Imperii annos, quos ad vicesimum secundum produxisse quædam ex iis satis declarant, quum alia annos xv. xvii. xx. & xxi. præferant. Nec scio, uti mox observatum, an in aliquot ex iis nummis interdum quatuor diversi effecti sint Augusti, qui una imperaverint, quod ex argenteo potissimum, in quo ejus, qui medius stat inter binos alios, barba non tam promissa, ac est illius, qui in antica describitur. Denique ut cujus sit istiusmodi nummi plene doceamur, necesse est, ut aut filium, qui ut puerulus interdum effingitur, aut fratrem collegam *Constantem*, aut certe *Constantinum* is habuerit: nam quum alterius istius Augusti nomen haud omnino exaratum sit, incertum manet *Constans* ne, an vero *Constantinus* appellatus fuerit. Enimvero, ut expendamus, cui ex Heracliana familia possint adscribi, primum quidem Heraclio juniore, qui & *Constantinus* nuncupatur in parentis Heraclii nummis, & apud Scriptores, uti monemus infra, tribui non possunt; siquidem is diebus centum & tribus post patris excessum tantum regnavit, licet ab eo Imperator dictus & coronatus anno Christi 613. annos 28. & dimidium imperasse dicatur. Quamvis enim filium habuerit *Constantem*, præterquam quod superstiti patre, ejus solius nomine ac effigie nulli formati nummi, anno Imperii primo barbam induisse dici non potest, qui in cunis existens diademate donatus est. Heraclius porro junioris filius, cui & *Constantini*, quum Imperator est appellatus, nomen a populo impositum dicitur, & quem a Scrip- toribus aliquot *Constantem* appellari monemus, revera annos regnavit viginti-septem: adeo ut vicesimus secundus Imperii annus in nummis istis descriptus convenire eidem queat. Deinde *Constantinum* Pogonatum filium habuit, præterea Heraclium & Tiberium liberos alios, quos fortean corona superstes donaverit, & in nummis secum effingi voluerit. At cum Imperator

Joel .

dictus est anno 641. vix ætatis decimum exceſſerat, utpote natus anno 630. atque ita primo Imperii anno barbatus exhiberi non potuit. Neque vero quomodo Constantino prioris filio convenire poſſint eadem numiſmata, omnino percipere licet. Favet ſane promiſſa barba, a qua is cognomen accepit: favet quod ætate maturior Imperium capeſſivit. Nam imberbem in Siciliam patris necem ulturum proſectum ajunt, inde barbatus reverſum, Πωγωνάτης adeptum cognomen. Favet, quod Heraclium & Tiberium fratres, vel quod filios duos habuerit, Juſtinianum Rhinotmetum, & Heraclium. Sed obſtat, quod imberbis dicatur fuiſſe primo Imperii anno, quo is Conſtantine aut Conſtantis nomine filios aut fratres habuerit. Quis igitur ita felix, ut nodos iſtos intricatos ſolvat. Sane Pogonati parenti magis convenirent ejuſmodi nummi, niſi obſtaret annus Imperii primus in iis adſcriptus, in quibus plena jam ætate barbatus apparet, quum & Conſtantinum filium habuerit, Imperii fortean collegam, etſi hac de re ſileant Scriptores: præterea *Heraclium* & *Tiberium*, quos ſaltem poſt patris exceſſum Imperatores appellari voluiſſe plebem tradunt Hiſtorici, quod fortasſe etiam hac dignitate donati fuiſſent patre adhuc ſuperſtite: ut proinde in nummorum aureorum facie antica *Conſtantinum*, qui & *Conſtans* dictus, cum filio *Conſtantino* Pogonato: in averſa vero *Heraclium* & *Tiberium* effictos par ſit credere. Quid denique ſi nummus, qui primum Imperii annum designat, eidem Pogonato attribuat, cæteris Conſtantino parenti adſcriptis, ut uterque barbatus promiſſam induerit? Sed quum in hiſce difficultatibus fateamur ultro nos cum doctioribus cæcutire, aliis quibus otium erit, & felicior aura aſpiraverit, has examinandas relinquimus; ut Conſtanti tamen potius, quam Pogonato filio ejuſmodi nummos pogonatos attribuerimus, id potiſſimum cauſæ fuit, quod ex iis, qui Conſtantine nudum nomen præſerunt, tres ejuſdem typi æreos fervet gazophylacium ſ. Genoveſæ Pariſienſis, in quorum adverſa parte ſubſcriptæ hæ leguntur literæ: CRTS. quas ſic interpretari licet, ut in Mauricii numiſmate, *Carthagine ſignata*: quod quidem ſi ita ſe res habet, nummi iſti Conſtantiniani Copronymo non poſſunt adſcribi, quum antea, Leontio ſcilicet imperante, Carthago in Saraceniſis veniſſet poteſtatem: longe minus etiam Porphyrogenito Leonis Philoſophi filio, cujus præterea nummorum facies diverſa prorsus fuit.

Hoc

Hoc porro loco observare licet numismata Imperatorum, ex Heracliana maxime familia, quæ tria capita præferunt, ^{Nunismata} τρικέφαλα appellari in artis notariæ formularum ^{τρικέφαλα.} Coñmentario, qui τύπος τέχνης τῆς γραμματέων inscribitur, servaturque in bibliotheca Regia, ex quo sequentia excerpfit Salmasius: καὶ ^{L. de modo} κατεβλήθησαν ἀπὸ τῆς σῶν χειρῶν εἰς τὰς χεῖρας μὴ πόσα ^{usur. p. 342.} νομίσματα τρικέφαλα. Ubi, quæ hic τρικέφαλα, deinceps ὑπέρπυρα dicuntur: unde monetas aureas fuisse licet conjicere. Neque forte alia fuere τρικέφαλα, quæ in die sancto Paschatis a Patriarcha Constantinopolitano dabantur, ut habet Balsamon; ait quippe diebus Catecheseon post Dominicam τῆς τελεῶς, θυμιάματα, seu incensa, ἀντὶ ρογῶν & βαίῶν, in festo Palmarum, seu τῆς βαίῶν, cereos & Cruces, rursus magna feria quarta, cereos & incensa; denique in festo Paschatis ἀπασμός & τρικέφαλα dari. Quo loco Meursius ^{Allat. de Do-} τρικέφαλα, nescio quid die Paschatis in signum lætitiæ ob resurrectionem Dei trini populo dari solitum a Patriarcha interpretatur. ^{min. & Hebd.} Leo Allatius, qui Balsamonis verba refert, de vocis significato prorsus filet. Sed cum rogam, quæ in hebdomade τῆς ἀπὸ κρεω pro more exhibebatur, in magnæ feriæ tertiæ anniversariam, rogam rejectam fuisse scribat idem Balsamon, quod ex rogaliis se didicisse ait, seu libris in quibus nomina scripta erant eorum, quibus erogabantur roga, videtur vero simile Balsamonis ætate rogas easdem distributas die Paschatis, atque adeo τρυκέφαλα, idest, nummos aureos. Ἀπασμός autem hoc loco oscula interpretatur Allatius, sed vereor ne ἀπασμός idem sit cum roga, quo modo salutaticum & salutes dixit Latinorum inferior ætas, ut suo loco docemus: id sane suadere videntur Glossæ Gr. Lat. ἀπασμός, Salutatio, amplexus, rogatura. Ubi pro rogatura legendum fortean, roga, thura, nempe donativum, & θυμιάμα, seu salutatio cum incenso. Neque enim apud Balsamonem, per τρικέφαλον, tricipitem, seu trifulcum cereum, quem Græci τρικέρον vocant, intelligi velimus asserere, quem εἰς δόξαν & τύπον τῆς ἀγίας τριάδος formatum scribit Symeon Thessalonicensis, quum hac notione ^{Symeon. Thess.} vox ista neutiquam reperiatur usurpata. Ut igitur olim Tri- ^{p. 223. Grecz.} cipitinam Triumvirorum collegium appellavit Varro, quod ^{in Horto S.} eorum capita in una eademque nummi facie exarata essent: ^{Cruc. part. 4.} ^{c. 21. Goar. ad} ^{Euchol.} ita

ita Byzantini numismata tribus Imperatorum capitibus insignia τρικέφαλα nuncuparunt.

§. LXXIII.

NUMMI REGUM GOTHICORUM ITALIAE.

AT cur Gothicorum Regum Italiae, qui sub Anastasio, utroque Justino, & Justiniano floruerunt, nummos, qui supersunt, aut quos videre contigit, eorundem Augustorum nummis, in laudato nostro opere subjecerimus, juvat Lectorem admonere. Ea vero potissimum causa fuit, quod horum plerique Augustorum effigies & nomina praeferant, in averſa vero parte Regum istorum exarata nomina & titulos, quod, ut non ita pridem monuimus ad Joinvillam, Byzantinis Principibus quodammodo obnoxii, hac Italiam conditione possiderent, ut ipsos tanquam supremos dominos agnoscerent, monetamque eorum imagine cuderent, nominibus suis iisdem tantummodo inscriptis. Ejusmodi igitur sunt, qui Anastasii, Justini, & Justiniani effigies & nomina praeferunt cum horum Regum nominibus: atque adeo, ni fallor, ærei complures, Justini solius imagine & nomine insignes (qui ideo forte Seniori, non Juniori adscribi debuerant) qui in averſa parte monogrammata minuscula *RD.* aut similia habent: quod ex eo potissimum colligere licet, quod in nummi, qui Justini effigiem & nomen præfert, parte postica, circa idem monogramma, describatur hoc lemma: *INVICTA ROMA*, quod qui eorundem Regum nomina & imagines repræsentant, similem habeant inscriptionem, quum iisdem Augustis imperantibus, Roma Gothicis Regibus pareret jam ab ipso Honorio, sub quo in Alarici & Gothorum potestatem venit, a Belisario ad Romanum Imperium tandem revocata, Justino Cos. ind. 3. Gothicorum Italiae Regum monetarum meminit additamentum secundum Burgundionum: *De monetis solidorum precipuus custodire, ut omne aurum, quodcunque pensaverit, accipiat, præter quatuor tantum monetas Valentiniani, Genavenſis, & Gothium, qui a tempore Alarici Regis aderati sunt, & Ardaricanos. Quod si quisque præter istas quatuor monetas aurum pensatum non acceperit, quod vendere volebat, non accepto pretio perdat. Ubi monetæ Gothium pro Gothorum dicuntur. At pro Ardaricanos, editio Tiliana Ardarica annos præfert. Ardaricanos vero non alios esse existimare licet ab Alaricanis, & forte ita legendum. Alarici autem nummos aliquot exhibuimus. Genavenſis autem*

mone-

Dissert. 23.
p. 280.

Marius Aventic

4. 6.

moneta hoc loco appellatur, quæ Regum Burgundionum fuit, & in urbe Genevenſi cudebatur, nam Geneva Regum Burgundiarum fedes fuit, ut colligitur ex Fredegario. Denique nummi Valentiniani iidem ſunt, quos Gundebadus in præſatione ad legem Burgundionum *Romanos* vocat.

ſ. 7.
Fredeg. Epit.
c. 18. 34.

ſ. LXXIV.

NUMMI EXARCHORUM RAVENNATUM.

DElineavimus denique nummos alios aliquot æreos Ravennenses, quos Ravennæ Exarchorum eſſe, vel certe ab iis cuſos exiſtimamus, ac proinde Mauricianis ſubjecimus, quo imperante Exarchi iſti potiſſimum floruerunt. In horum plerique imago pectoralis effingitur feminæ, caput corona murali exornatæ, cum hac inſcriptione: FELIX RAVENNA. In poſtica, ejuſdem urbis monogramma deſcribitur, R. ſcilicet cui A implexum eſt & E. In aliis aquila cum alis expanſis conſpici-
tur, Imperii Romani ſignum fortean effingens.

ſ. LXXV.

DE CHARACTERIBUS BARBARICIS.

JAM vero priuſquam partem hanc de numiſmatibus Byzantinis abſolvamus, præſtat de immutata characterum forma, & quando barbaries in iis inducta fuerit, aliquid obiter obſervare. Inclinate enim Imperio ex quadratis & uncialibus literis, quæ olim obtinuerant, abolitæ aliquot, & viciffim novæ ſubrogatæ barbaricæ, quas incertum an a Gothiſ, barbariſque aliis nationibus acceperint cum Græci tum Latini: an vero ſcalptorum aut ſcriptorum vitio, collabente priſtina liberalium cæterarumque artium ſolertia, ſenſim id inductum exiſtimari debeat. Atque hæ maxime in nummiſ Imperatoris Juſtiniani conſpici incipiunt: ſub quo, & Imperatoribus, qui eum deinceps exceperunt, effuſi undique barbari Romanum omne Imperium pervaſerunt. Tum quippe novi hi characteres in eorundem Auguſtorum obſervantur nummiſ barbarica quadam efficti forma, & hætenus minime viſa: idque præſertim licet intueri in characteribus Latinis, B. D. E. M. N. T. V. qui ſemper nova & inſolenti, imo barbara figura efformantur, adeo ut non immerito Michaël Μεδωνης Imperator in epiſtola ad Nicolaum

Nicolai I. PP.
Epist. 7:

Pag. 379.

laum I. PP. Linguam Latinam, *Barbaram & Scythicam* appellasse videri debeat, quam Græci ipsi, illius fere penitus ignari, perinde ac insignis elegantiae, omnino deturparant. Neque apud Byzantinos dumtaxat obtinuit hæcce scribendi ratio, sed & apud Gothicos in Italia Reges, atque adeo apud Gallos seu Francos nostros, quod ex Regum Franciæ monetis, veteribusque monumentis colligitur: sic ut Claudius Buterous ex variis, quos in iis observarat, characteribus, novum inde alphabetum sibi conficiendum putaverit. Sed nihil, si non artium omnium, certe monetariæ præsertim, postremis hisce sæculis, interitum tantum arguit, quam pessime in nummis Augustorum, aliisque formatæ effigies, rudi adeo stylo, ut virorumne sint, an feminarum, non proclive sit conjicere. Quinetiam in plerisque characteres ipsi, qui in circulis describuntur, punctorum potius, quam literarum speciem præferunt, ita ut sæpe nobis divinandum fuerit, ut aliquid expiscaremur, quod sane non sine labore, adhibitaque simili typi nummorum collatione exegimus: unde si alicubi a nobis erratum est in male adscriptis auctoribus suis numismatibus, ab ejusmodi quisquiliarum amatoribus veniam nos facile consecuturos confidimus.

§. LXXVI.

SOLIDUS AUREUS.

EX quatuor dissertationis hujus partibus, tribus hætenus exactis, quarta & postrema superest de monetarum Byzantinarum propriis appellationibus; de quibus quum quædam etiam attigerint, qui de numismatibus scripserunt, in iis, quæ obvia, vel ab aliis dicta sunt, ita versari nobis visum est, ut ea levi calamo perstringamus, reliqua majori cum disquisitione investigaturi. Monetarum igitur aliæ majores, aliæ minores; aliæ denique aureæ, aliæ argenteæ, aliæ æræ: harum etiam interdum non una forma. Atque ut ab aureis ordiamur, *solidum* appellarunt, aureum nummum, nova nomenclatura, quum ante Diocletiani tempora vix receptam observaverit Josephus Scaliger: ita ut incertum sit an Lampridius, qui Constantini M. ævo vixit, quum in Alexandro Severo hac voce usus est pro aureo, ut sui sæculi vocem usurparit. Serius etiam receptam innuit Isidorus, scribens *solidum apud Latinos alio nomine sextulam dici, quod de iis sex uncie compleantur, hincque vulgus aureum solidum vocare*. Vetus Agrimenfor: *Veteres solidum, qui*

Scaliger de re
nummaria p.
92. 53.
Ibid. l. 14.
Orig. c. 24.
Pag. 332.
L. 1. C. Th:
Si quis solidi

num:

nunc Aureus dicitur, nuncupabant. Sane Constantinum ipsum, & qui proxime succedere, ita *solidum* accepisse docent eorum Constitutiones. Auctor Queroli, loco supra laudato, ut cæteros omittam: *Quid tam simile quam solidus solido? Etiam hic distantia queritur in auro, vultus, ætas, & color, nobilitas, literatura, patria, gravitas, atque ad scriptulos queritur in auro plus quam in homine.* Solidus autem Constantinianus fuit quaternorum scripulorum, ita ut septem uncias appenderit. Unde conficitur octoginta quatuor solidos in libram auri tum computatos, ut argenti libram veterem apud Plinium & Celsum. At postea Valentinianus Senior aucto jam auri pretio septuaginta duos solidos in libram auri accepto ferri voluit: quæ quidem libra *Occidua* appellatur in actis S. Marcellini PP. & in synodo Sueffana, locis a Baronio, Scaligero, & aliis indicatis, quorum de vocis *Occidua* nomenclatura variæ sunt sententiæ, quas expendit sua etiam producta, Jacobus Gotofredus.

circul. l. 1. de ponder. l. 1. de falsa moneta l. 2. de conlat. ær. &c. D. l. 1. de ponderat. Plin. l. 33. c. 9. Celsus Epist. ad Nabal. & l. 5: c. 17. L. 13. eod. Cod. de Susceptor.

Baron. an. 302.

§. LXXVII.

EXAGIUM.

Solidi porro *exagium*, seu pondus, inter Honorii nummorum typos in nostro de stemmatibus Byzantinis opere ex gazophilacio RR. PP. Canonico. Regular. S. Genovesæ Paris. delineari curavimus, ejusdem Augusti nomine, & exagii appellatione inscriptum. Est autem *exagium* certæ ponderationis genus, inquit Cujacius. Hinc in Glossis Græco-Latinis pro quavis pensatione sumitur: *ἐξαγιον, pensatio*. Et *ἐξαγιαζω, exa-mino, perpendo*. SVB EXAGIO PECORA VENDERE, in veteri inscriptione. Cassianus: *Sive illa quorum pondus ac pretium ærugo vanitatis arrodens exagio seniorum adequari non finit*. Et Zeno Veronensis: *Habetis aginam, exagium facite, quemadmodum vultis ponderate*. Ab exagio formata vox *exagella*, pro legitima & ad trutinam examinata parte hæreditatis apud Ennodium, & *exegellario* titulo relinquere vel possidere, id est, pensatò & æquato, in regula Magistri. Ad exagium vero solidi pertinet novella Theodosii Junioris & Valentiniani de pretio solidi: *De ponderibus quoque, ut fraus penitus amputetur, a nobis aguntur exagia, quæ sub interminatione superius comprehensa sine fraude debeant custodiri*. Atque ea sunt exagia solidorum, quibus inscripta erant Augustorum nomina, ut in Honorii exagio. Inde postmodum invaluit, ut id vocabuli pro ipso solidi pondere

Grut. 647. 6.

Cassian. coll. 1. c. 22.

Zeno serm. ad Neoph. 6.

Ennod. in vita B. Epiphani. Ep. Ticin.

Reg. Magistr. c. 91.

Zonar.

Saladin. de ponderib.

Poeta MS.

Constant. Afric.

in lib. de mor-

bor. curat.

Alciat. l. 2.

Pater. c. 33.

But. in nummis

Francie.

usurpatum fuerit, quia solidus sexta pars uncie fuerit: ut apud Zonaram scribentem, Nicephorum Phocam Imperatorem monetam imminuisse, quum haecenus quodvis numisma, id est, solidus aureus, exagium penderet, μέχρη ἐκείνῃ, παντὶ νομίσματι ἐξαγίῃ σαθρὸν ἔλκοντος. Exagium igitur usurpatum pro solido, seu solidi pondere: ex quo Saladinus libro De ponderibus, solidum solo nomine differre ab exagio ait, ut & poeta inferioris ævi in Glossario laudatus; atque hac notione passim occurrit apud Constantinum Africanum medicum, qui sub Alexio Comneno vixit. Exagii etiam crebra est mentio apud Anonymum De ponderibus Nicandro subjectum: ubi εἰς ἀγίον scribitur, voce contracta ex ε', quæ ἐξ significat, & ἀγίον, licet non ab ἐξ deducatur, quod pridem ab aliis animadversum. Hujus porro quod Honorii nomen præfert, & magni Peirescii, postea V. C. Achilles Harlæi Regii in supremo Senatu Parisiensi Procuratoris fuit, nunc est RR. PP. Canonorum S. Genovesæ Parisiensis, & grana ex nostris.... appendit. Ejus figuram jam ante delineari curaverat Buteorûs.

§. LXXVIII.

N O M I S M A.

Isid. l. 14.

Orig. c. 24.

Philostr. l. 1.

de vita Apoll.

c. 11.

Prudent. Greg.

Tur. l. 4. Hist.

c. 33-37. Anon.

l. 4. de Mirac.

S. Ben. c. 26.

Aimoin. ser. de

S. Bened. l. 1.

cod.

Th. de falsa

moneta, &c.

Quod vero solidum Latini sequioris ævi, Græci perinde recentiores νόμισμα appellarunt, cujus quidem vocis varias notiones acute, ut solet, expendit Scaliger in posthumo de re nummaria libro. Quod enim Latinis pecuniæ signatæ nomine intelligitur, id Græcis νόμισμα dictum. Isidorus de solido: Ipse quoque numisma vocatur, pro eo quod nominibus Principum effigiebusque signatur. Unde postmodum etiam pro forma, charactere, ac typo nummi usurpatum, ut ex Philostrato, & aliis passim constat. Prudentius:

En Cæsar agnoscit suum

Numisma nummis inditum.

Concilium Francofordiense an. 794. cap. 5. de Denariis: Si autem nominis nostri nomisma habent, & mero sint argento &c. Sed crebrius pro aureo, ut in hac Constantini Constitutione: Quicunque adulterina fecerit nomismata, poenam pro discretionem sexus & conditionis sue diversitate sustineat. Gregorius Turonensis: Dantes multa numismatis aurei millia pro redemptione sua. Ita etiam

etiam passim Græci Byzantini, Philostorgius, Auctor Chronici Alexandrini, Theophanes, Leo Imp. Nicetas, Pachymeres, & alii sine numero.

§. LXXIX.

C H R Y S I N U S.

Solidos deinde istos aureos χρυσίνους appellarunt iidem Græci recentiores. Glossæ Gr. Lat. χρῆσινος, *solidus*. Phavorinus: τὸ δὲ χρῆσινος μόνον αἰὲ λέγεται, καὶ δηλοῖ νόμισμα τῷ χρυσῷ. Ita Constantinus Manasses: χρῆσινον & νόμισμα confundit:

Χρυσίνους γὰρ ὁ μέδιμνος ἀπεμπολεῖτο.

Et mox:

Δώδεκα γὰρ τὸ χρῆσινον τὸ νόμισμα μεδίμνων

Ἐκέλευσεν ἀντάξιον εἶναι τοῖς σιτωνῶσι.

Qua etiam notione vocem hanc usurpant synodus Calchedonenfis, Synesius, Palladius in vita Chrysostomi, Dosithæus, Leo Philos. Imp. Anna Comnena, Zonaras, Nicetas, Cinnamus, & alii. Leunclavius: *Chrysin Græcis a chryso dicuntur, ut ab auro nobis aurei: quod imitati Turci, suos sive ducatos, quod nomen a Venetorum Ducibus profectum arbitror, sive Sultani nos, ab altum vocavere Altum ler*. Inde formata vox ἡμιχρῆσινος, pro semisse aureo apud Michaëlem Apostolium.

§. LXXX.

H Y P E R P Y R U M.

U^T porro a χρυσῷ, χρυσίνους, ita ab obryzo, quod ὑπερ-
πυρον vocabant, eadem nomenclatura aureos sive solidos dixerunt: est enim grammaticis ὑπερπυρος, *supra modum igni excalesfactus*, quod obryzo potissimum adscribitur. *Aurum coctum* vulgo in Cod. Theodosiano, & apud Scriptores appellatur, quod ἀπεφθός χρυσός Themistio & scholiasti Thucydidis dicitur: ἐξάπεφθός, Simocattæ, nisi legendum sit ἐξάπεφθός, *aurum sexies coctum, seu recoctum*, Anastasio Bibliothecario αντιπεφθον: ita enim legendum in Leone III. uti in

Syn. Chalc.
Act. 12. Synes.
Ep. 129.
Pallad. Ed. VC:
Emer. Bigotti
p. 51. Dosith.
l. 3. Leo in
Tact. c. 8. §. 15
Anna l. 11. &c.
Leuncl. in Pand
n. 18. Mich.
Apost. Ep. 56:

H. Steph. l. 1.
C. Th. de pon-
der. l. unde
auri publ. pæ-
sec.

Glossario nostro monuimus: *Fecit aquamanus antipempto deauratas paria duo*, ut apud Rainerum De inventione reliquiarum SS. Eutychetis & Acutii apud Ughellum: *Crucem Domini ex auro purissimo fecit admirabili artificio compactam, quod splandoclastum & antipeuton vocabatur*. Ubi *splandoclastum* vox hybrida videtur, composita nempe ex *splendor*, Latina, & κλαστός fractus, ut sit aurum ductile in laminas tenuatum: nam in Glossis veteribus MSS. Regiis, *obryzum* definitur *splendor auri*: ex qua quidem definitione ὑπέρπυρον appellari etiam potuit, quasi ὑπέρπυρρον, aurum eximie rutilum: nam obryzi color πυρρὸς dicitur apud veterem Scriptorem De Urinis: εἴτα τέταχται ὑπέρπυρρον Κελτικῶ χρυσῶ εἰκότος καὶ μετ' αὐτὸ τὸ πυρρὸν ὀβρυζῶ εἰκασμένον χρυσῶ. Ubi aurum Gallicum, quod minore aestimatione taxatum ait Novella Majoriani, & colore pallidiore fuit, obryzo, quod rutilum est, opponitur. S. Hieronymus ait ista Efsaiæ: *Pretiosior erit vir auro, & homo mundo obryzo*, Aquilam interpretatum esse obryzum, πυρρὸν, quod coloris optimi atque sanguinei est. S. Audoenus in vita S. Eligii episcopi Noviomenfis: *Cum omnis census in unum collectus Regi pararetur ferendus, ac vellet domesticus simul & monetarius adhuc aurum ipsam fornacis coctione purgare, ut, juxta ritum, purissimum & rutilum Aula Regis præsenteretur metallum, &c.* Charta Karlomanni Regis apud Beslium in Regibus Aquitaniæ: *Trecentorum solidorum auri ad purum excocti se noverit poena mulctandum*. Neque aliud videtur χρυσίον πεπυρωμένον ἐκ πυρὸς, in Joannis Apocalypsi. E contra aurum, quod e metallis eruitur, ἀτόματος, & ἄπυρος χρυσοῦς dicitur Agatcharidæ. Ὑπερπύρων autem nomenclaturæ ante primam Francorum nostrorum in Syriam expeditionem mentionem fieri nondum advertimus. Ab iis enim ad hæc sacra bella profecturis, Constantinopolim adeuntibus, vel in Syria ipsa cum Græcis pacta agentibus, aut commercia, tum primum hyperperorum auditum nomen, quod Græci idiomatis ignari varie depravatum extulere. Tudebodo quippe purparati dicuntur: *Et vendebant unius aselli onus octo purpuratis, qui appretiati erant centum viginti denariorum solidis*. Eadem habet Baldricus. Sed & Guibertus byzantios purpuratos aureos fuisse omnino testatur: *Ut asini unius ex frumento sarcina octo eorum byzanteorum pretio distraberetur, quos ibidem purpuratos vocitant, qui centum viginti nummorum solidis aestimabantur*. At ὑπερπύρων apud Græcos nomen paulo serius occurrit, apud

Theo-

Tudebod. l. 2.
p. 787.

Baldr. p. 103.
Guibert. l. 4.
c. 5.

Theorianum scilicet, qui Manuele imperante vixit, scholiastem Harmenopuli, Codinum, & aliquot alios. Willelmus Tyrius vocem Græcam retinuit: *Viginti duo millia hyperpyrorum, & tria millia marcarum argenti examinatissimi dicebatur esse largitus*. Hanc etiam ita reddidit S. Antoninus. At postmodum invaluit, ut *hyperperum* diceretur. Idem antistes Tyrius paulo supra: *Dotis autem quantitas erat in centum millibus hyperperorum iusti ponderis, &c.* *Yperperum* absque aspiratione dixerunt Innocentius III. Thomas Archidiaconus Salonenfis, Vincen-
tius Belvacensis, & aliquot chartæ, quæ descriptæ leguntur apud Guichenonum in Bibliotheca Sebusiana, & in probationibus historiæ nostræ Gallo Byzantinæ: *Ysperos* denique, *Yperperos*, & *Perpera*, pactum initum inter Michaëlem Palæologum & Genuenses, quod nos ibidem perinde descripsimus, in quo interdum duplici PP. designatur hæc moneta. Nam extremis hisce sæculis usus invaluerat, ut non jam *hyperpera*, sed *perpera* ejusmodi monetæ appellarentur. Ita enim hæc vox scripta reperitur apud eundem Innocentium III. Rogerum Hoveden-
dum, Guntherum in Historia Constantinopolitana, Joannem Lucium in Historia Dalmatica, & alios. Atque inde Franci nostri *perpre* dixerunt. Albericus de Gotofredo Villharduino Achajæ Principe: *Ex quo Rex Joannes venerat ad partes illas, mittebat quolibet anno ducenta viginti millia perpres ad conducendos auxilios*. Occurrit passim in tabulis idiomate Gallico conscriptis, ut *perperi* apud Matthæum Villaneum. Ex qua corrupta nomenclatione nostri Franci Hierosolymitani *purpuratos* formarunt, quum *perpres* tum appellarentur eæ monetæ, voce haud multum abludente, a *porpre*, uti ea ætate, *purpuram* dicebant. Hyperperos autem aureos fuisse docet præterea pactum inter Michaëlem Palæologum & Genuenses initum: *Yperperos aureos & Turchisfaros*. Et charta Balduini II. Imperatoris Constantinopolitani ann. 1248. *Comme nos aions emprunté des marcheans vint & quatre mille perpres de or de droit pois de Constantinoble, &c.* Unde a Guiberto cum byzantiis confunduntur. De hyperpyrorum pretio egere etiam supra laudati Scriptores, Tudebodus, Baldricus, & Guibertus, qui singula hyperpyra valuisse tradunt viginti solidis denariorum. Et Hugo Plagon in versione Gallica MS. Willelmi Tyrii ait hyperpyrum valuisse septem solidis Parisiensium: *L'Empereur dit, qu'il lui donnoit en mariage cent mille perpres d'or. C'est une monnoie de Constantinople, une perpre valoit bien sept sols de Paris. Pardeffus dit que li envoiroit dix mille perpres pour*
les

Theorian. in
Legat. Scho-
liast. Harm.
Cod. de Orig.
p. 72. de Off.
c. n. 22.
VV. Tyr. l. 18.
c. 22.
S. Anton. tom.
3. tit. 19. c. 8.
6. 3.
Innoc. III. l. 13.
Ep. 36. Thom.
Arch. c. 35.
Vinc. Belvac.
l. 31. cap. 75.
143. l. 32. c. 16.
289.
Bibl. Sebus. p.
199.
Hist. Gallo-By-
zant. p. 2. 10.
12. 13.
Innoc. III. l. 13.
Ep. 155. 159.
162.
Hov. p. 593.
Gunth. c. 18.
Joan. Luc. p.
471. 472.
Alberic. MS.
an. 1236.
Math. Villan.
l. 7. c. 73.

Gunth. c. 8. l.
31. c. 143.
Scalig. de re
num. p. 63.

les despens & la feste des noces. Scribit Guntherus hyperpyrum monetam fuisse auream, pretii unius fertonis: *Per totum annum ad quatuordecim dies fisco regio persolvebat nummum aureum, qui perpre vocari solet, ferdoni, id est, quarta parti marca æquivalens*. Vincentius Belvacensis ait quadringenta hyperperorum millia confecisse quinquaginta septem millia marcarum argenti: *Terra Soldani valebat ei quotidie 400. millia iperperi, idest 57. millia marcas argenti*. Verum ut hæc omnia de hyperpyrorum pretio, de quo quædam attigit Scaliger, concilientur & comparentur, majoris esset otii, quum præsertim ejus diversitas ut plurimum ex vilitate vel augmento metalli secundum tempora

Schol. Harmē-
nop. l. i. tit. 15
§. 3.

oriatur. Hyperpyrum porro nota ι' designari apud Armenopuli scholiastem pridem observatum ab eodem Scaligero, quæ etiam νόμισμα designari in rationali peræquatorum, quod MS. ex bibliotheca Regia legimus, censet Salmasius: quod certe vel ex eo liquet, quod septuaginta duo ι' dicantur libram conficere, auri scilicet, uti de libra occidua supra diximus:

Loredan. in
Hist. Cypr. l. i.
& 7. p. 8. 369.

τὰ ὀβ' ἢ ποιεῖσι λίτραν μίαν, --- τὰ ς' ἢ ποιεῖσι λίτραν μίαν, καὶ ἢ κβ' -- τὸ ἥμισυ τ' ἢ ὅτι τ' λίτρας μέρος ἑμὲν".

Ibidem præterea nomisma seu solidus aureus dicitur conficere duodecim milliarienses argenteos: Τὰ δ' μιλλιαρήσια ὀφέλεις λογαριάζειν δώδεκα τῶν ἢ ἐν πάσῃ δημοσίᾳ ἀπατήσῃ.

Ab ejusce vero monetæ speciei pensitatione dicti olim *perpyrarii* quidam liberæ conditionis homines in regno Cyprio Lusiniarum, quod Regi quindecim hyperpyra quotannis pensitare tenerentur. Verum addit Porcacchius hyperpyra ejusmodi, valoris fuisse marcelli argentei Veneti, cui consentit Leunclavius ex relatione cujusdam Athenienensis. Quod si ita se res habet, confectaneum videtur, hyperpyra ista Cypria argentea, non aurea fuisse. Tandem ex supra dictis doceri potest vir eruditus, unde dicta sint perpera, in cujus vocis origine non minime hallucinatur (1).

Porcacch. de
Insul. Leuncl.
Pand.

§. LXXXI.

(1) Forte hic designatur P. Bertet, qui a *perperio* hanc vocem derivat. Hallucinatur etiam Menagius in Etymologico Italo in V.

Perpero, qui eam a *perpero* idest malo descendere autumat.

§. LXXXI.

T A L E N T U M.

Talentum pro libra Annam Comnenam & Scriptores Latini nos ætatis inferioris, Theophanem vero anno nono Nicephori generalis, pro centenario, seu centum libris dixisse, docuimus ad Alexiadem, & in Glossario: sed & pro numismate, seu nummo aureo, usurpatum testatur Hesychius: *Τὸ δὲ λεπτόν ἐξαχιχίλιοσόν ταλάντη, ὃ ἐστὶ νόμισμα*. Atque sic videtur accepisse idem Theophanes anno primo Michaëlis Curopalatae, quo loco scribit Michaëlem militum provincialium, qui bello Bulgarico perierant, uxoribus concessisse *πάντε τάλαντα χρυσίς*, quum vix probabile sit de centenariis auri hæc intelligenda.

§. LXXXII.

B Y Z A N T I U S.

Aureos istos Imperatorum Constantinopolitanorum, Latini Scriptores fere semper *byzantium* nomine donant, Græcis ipsis prorsus incognito: ex quo mirari contigit, unde nostri vocem inusitatam, nec ævo suo receptam usurparint, quum Byzantium ab ipsius Constantini ætate urbs ista desierit appellari. Baldricus Dolensis, Willelmus Malmesburiensis, & Guntherus *byzantios*, a Byzantio seu Constantinopoli non denominatos duntaxat, sed & nummos aureos fuisse consentiunt. Hinc *byzantæi aurei* apud Tudebodum, & *visanti aurei*, in Capitulari Radelchisi principis Beneventani *byzantini aurei* apud Lambertum Ardensensem, ut cæteros omittam. Charta Joannis Anthonii Patritii Ducis Amalphitanorum apud Ughellum: *Insuper componere debeat illa persona, in cujus manibus hæc charta pervenerit, auri solidos quingentos byzantios*. Alia Sikelgaitæ Roberti Guiscardi uxoris ann. 6. ducatus Amalphitæ, ind. 2. *Componat in superscriptum episcopium auri solidos byzantios sexcentos*. Rursum alia anni 1128. *Tum componere pars infidelis ad partem, quæ firma steterit, auri solidos centum byzanteos*. Ita passim *libræ bysantææ*. Charta Athanasii archiepiscopi Neapolitani circa annum 937. *Componat vobis pœna nomine auri libras duodecim byzanteas*. Charta denique Guillelmi episcopi Nolani an. 1123.

Insu-

Baldric. l. 1.
Histo. Hier.
VV. Malmesb.
l. 4.
Gunther. Hist.
C. P. c. 15.
Tudebod. l. 4.
Capit. Radel.
c. 20: 27.
Lamb. Ard.
p. 163.
Ughel. tom. 7.
p. 394. 395.
405. Id. tom. 6.
p. 127. 298.
Diff. 20. ad
Joinvill. Ughel
tom. 7. p. 60.

Insuper componat vobis — auri libras decem byzanteas. Ad Saracenicās deinde & Turcicas monetas transit byzantium nomen: quos ad Græcanicorum nummorum discrimen, *Saracenos byzantios* appellant plerique Scriptorum mediæ ætatis, uti alias docuimus. Neque tantum aureis monetis id vocabuli attributum, sed & argenteis, præsertim in Cyprio Lusitanorum regno. Extat apud laudatum Ughellum diploma Gregorii IX. PP. in quo hæc habentur: *Byzantium alborum mille & nonaginta duorum percipiendorum in redditibus civitatis Paphensis & territorio ejus. Byzantios bonæ plateæ*, id est, probi argenti, habet charta Bermundi de s. Martino Majoricensis an. 1232. qua scilicet Nunoni Sancii vendit aliquot alquerias pro mille & quingentis byzantiis bonæ plateæ. Unde colligitur præterea ejusmodi byzantios monetam fuisse Maurorum Principum Hispanicorum. Hinc etiam percipere possunt heraldicæ scientiæ studiosi, cur in armorum insignibus globuli aurei & argentei *byzantium* denentur appellatione, quum qui alterius sunt coloris, *tortelli* dicantur, quia videlicet nummos aureos & argenteos exhibent, quos *bezans* vulgo nos ipsi appellamus (1).

§. LXXXIII.

CONSTANTINOPOLITANI NUMMI.

Quos denique byzantios plerique, ut diximus, vocant, interdum *solidos Constantinopolitanos* nuncupari in veteribus tabulis, quas passim profert Ughellus, observare est. Amatus Salernitanus episcopus anno 1. Gaimarii Principis ind. 3. circa annum 990. *Si taliter omnia supra dicta non impleverimus, --- componere obligavimus & meos successores vobis vestrisque heredibus --- quatuor millia solidos Constantinopolitanos, &c.* Ita certe hoc loco habetur: verum, ne quid dissimulem, in plerisque chartis, quas laudat aut describit Ughellus, vox *Constantinopolitani solidi* contracta fere semper legitur. Alia ejusdem Amati ind. 5. *Obligavi me --- 500. auri solidos Constantin.* Alia Gisulphi Principis Salernitani an. 17. Principatus indict. 14. *Componat ipsi patruo & nepotibus eorum 50. aureos Constant.* In aliis *Constantini solidi* nuncupari videntur. Charta Petri episcopi Salernitani circa an. 882. *Obligamus nos & successores nostros ad componen-*

Ughell. tom. 7.
p. 509. tom. 7.
p. 511. Ibid.
p. 504. 509.
511. tom. 6.
p. 844. tom. 8.
p. 302. 714.
718. tom. 7.
p. 501.

(1) Itali vero *bisante* illum appellarunt, de quo videtis Menagium in Etymologico Italo.

ponendum vobis --- mille aureos Constantinos. Unde dubium relinquitur, fuerint ne ex monetæ Constantini alicujus Imperatoris. Charta Joannis Barenfis archiepiscopi exarata Constantino simulque cum eo regnante Romano Porphyrogenito filio ejus, anno quarto ejusdem Constantini, mense Januario, indictione ultima: *Vobis obligamus pœnam comprehendi centum Constantini solidos*. Alia Pandulphi Comitis montis Oderisii an. 1027. *Obligat se & successores suos ad observantiam sub pœna mille solidorum Constantini*: Sed quum omnia pene, quæ descripsit Ughellus vetera diplomata exscriptorum, vel typographorum fortassis incuria, de qua is non semel queritur, cum omni accuratatione minime edita constet, admodum probabile est, exscriptores eisdem aut typographos literam *i.* ad *Constantin.* quo Constantinopolitani solidi designabantur, adjecisse, quum existimarent aureos illos esse Constantini alicujus Imperatoris.

Tom. 7. p. 978.
T. m. 6. p. 844.

§. LXXXIV.

NUMMI IMPERATORUM NOMINIBUS DONATI.

Licet tamen fateri aureos byzantios, eorum, quorum erant Imperatorum, vel imagines præferebant, nominibus sæpe donatos a Scriptoribus. Nam *ρῶμανάτους* appellatos Romani Diogenis numinos testatur Anna Comnena, *romanatos* nostris, chartæ veteres Latinæ, quas ad ejus Alexiadem laudamus. Falco Beneventanus an. 1130. *Hortum suum vendiderat sexaginta romanatos*. Et anno 1131. *Monet, ut illi sexaginta romanatos redderet*. Bulla Alexandri III. PP. an. 1179. apud Ughellum: *Quadráginta & octo romanatos de paradiso, & de altari tantum, quod 24. unciarum auri compleat*. Ita *constantinatos*, Constantini Ducæ, *micthalatos*, Michaëlis Ducæ, *manuelatos* denique Manuelis Comneni Imperatoris nummos in veteri instrumento, & *manlat*, voce contracta vocari apud Arnoldum Lubecensem ibidem annotavimus, & in Glossario.

Anna l. 3. Alex.
p. 93. Falco Benev.
an. 1130.
1131.
Ughell. in
Arch. Benev.
Notæ ad Alex.
p. 322. 401.

§. LXXXV.

S E M I S S I S .

Theoph. in
Maur. an. 18.

JAM vero, ut ad solidi partes, aliasque minutiores, vel minoris pretii monetas descendamus, quemadmodum *semissem*, dimidium solidum Latini, ita Græci Byzantini *ήμισιόν* eadem notione sæpenumero usurpant. Theophanes ait, Chaganum dixisse Romanos captivos redditurum se, si *κατὰ ψυχῶν*, idest, *in singula capita* unum νόμισμα daretur. Mauricio id abnuente, petiisse Chaganum saltem *ἀνὰ ήμισυς λαβῆν μὲν ψυχῶν*. Rationale peræquorum sub Alexio Comneno exaratum: Τὸ αὐτὸ νόμισμα, ἥτοι μονάς, δύο ήμίσεια ἀποτελεῖ. πέντε γὰρ καὶ τὸ ήμισιὸν ἀπὸ τῆς δύο ἐξέρχεται λέγονται. Ita sane: nam vox *semissis* quibufvis monetis etiam convenit, argenteis nempe & æreis, perinde ac aureis, utpote pars dimidia cujusvis nummi. Hinc in aliquot æreis infimæ ætatis, in quibus nullum Imperatoris adscriptum est nomen, in averfa parte, circa literam majusculam M. legitur ΕΜΙΧΗΣ, qui quidem characteres *semissem* æræ alterius monetæ esse indicant.

§. LXXXVI.

T R E M I S S I S .

Isidor. l. 14.
c. 24.

Cujac. ad l. 12.
Cod.

Casaub. ad
Lampr.

Salmaf. de mo-
do usur.

Concil. Carth.
IV. l. 2.

C. de Erog. mi-
lit. ann. l. 16.

Cod. de Castr.
pec. l. 12. l. 4.

C. Th. de milit.
vest. l. 2. ne

Comit. &c.
Lex Rip. tit. 23.

Greg. M. l. 9.
Ep. 29.

UT porro *semissis* est dimidius solidus, ita *tremissis* tertia pars solidi dicitur, ut est apud Isidorum, ubi de solido: *Hunc, ut diximus, vulgus aureum vocat, cujus tertiam partem ideo dixerunt tremissem, eo quod solidum faciat termisus*; ubi insulsum etymnon. Atque hujus quidem monetæ speciei mentionem tantum fieri apud mediæ ætatis Scriptores, pridem observatum a Cujacio, Casaubono, Salmasio, & aliis. Lampridius auctor est ab Alexandro Severo primum aureos tremisses cufos: *Tuncque primum tremisses aureorum formati sunt*. Exhinc occurrunt passim *tremisses* apud inferiores avi Scriptores, ac præsertim in concilio Carthaginensi IV. in Codice Theodosiano & Justiniano, in legibus barbaricis antiquis, maxime in ripuaria, ubi *tremissis* dicitur constare quatuor denariis, quia solidus est duodecim denariorum: præterea apud Gregorium M. Paulum Warnefridum, Leonem Oitensem, & alios non semel.

Hinc

Hinc τριμίσιον dixerunt Theophanes & Leo Grammaticus: ex quibus trimisum confecit Anastasius Bibliothecarius. *Trientem* vero aureum apud Pollionem in Claudio, idem esse quod *tremissis* dicitur, pridem alii adnotarunt, quod & firmat Gregorius Turon. *Ad domum suam reuersus, vidit ante pedes suos aureum in similitudinem trientis: quo assumpto, pensatoque, unius solidi appensus est pondere.*

Paul. V. Varnef.
l. 5. c. 39. Leo
Oft. 1. 2. c. 8.
Theoph. p. 374
Leo Gram.
p. 504.
Anastaf. in S.
Silvestro & in
hist. de exil. S.
Martini.
Lib. 4. de mi-
rac. S. Martini.
c. 39.

§. LXXXVII.

T E T A R T E R O N .

TRadunt Scylites & Zonaras, Nicephorum Phocam Imperatorem monetas suas pondere imminuisse: & quum ad ea usque tempora nummus omnis *exagium* penderet, idest *solidum*, uti hanc vocem accipi supra docuimus, τετρατηρόν inuenisse, statuisseque, ut tributa graviores darentur, largitiones vero ac impensæ mutilato ac leviori numismate fierent. Ex quibus redactum solidi pondus, ad quartam partem quidam, quomodo *quartarios* vocat Lampridius: alii *solidum quarta legitimi ponderis* parte imminutum volunt. Cui postremæ sententiæ favere videntur veteres tabulæ Constantinopoli scriptæ anno 1064. proinde annis 450. post Phocæ interitum, apud Ughellum: *Hic in urbe Constantinopoli obiit D. Joannes Cajetanus, ----- & dimisit in vestro episcopo sol. 3. & sol. 5. ad s. Erasmo desore, ----- totī sunt solidi 35. tetartaron.* Ubi moneta ista solidus dicitur cum adjectione *tetartaron*, ad discrimen aureorum solidorum, legitimi ponderis, qui nude *solidi* ibi appellantur, quorum octo efficere dicuntur 35. *solidos tetartaronum*: unde patet ejusmodi monetæ solidum quartam esse partem aliorum solidorum, aut paulo plus: nam si *tetartaron* fuit solidus quarta parte tantum constans, triginta duo solidum legitimi ponderis confecissent. Quod autem τετρατηρόν Græci, contractius Scriptores, qui expeditionum Hierosolymitanarum historiam literis mandarunt, *tartarones* vocant. Albertus Aquensis: *Imperator ----- ducentos byzantios aureos sibi dari jussit: de moneta vero, quæ dicitur tartaron, modium unum exercitui illius erogavit: & alio loco: Per singulas hebdomadas quatuor viri aureis byzantiis onerati, cum decem modis monetæ tartaron, de domo Imperatoris Duci mittebantur, quibus milites sustentari possent.* Istiusmodi monetæ idem alibi meminit, satisque innuit prorsus diversam fuisse ab aureis

Scylitz. p. 658.
Zonar. p. 162.
Lamprid. in A-
lexand. Severo
Ughell. tom. 5.
p. 1505.
Albert. Aq. l. 1.
c. 16. l. 2. c. 16.
l. 8. c. 26.
Falch. l. 1. c. 4.
Order. Vital.
l. 10. p. 791.
792.
Nov. Justin.
105. c. 3.

& byzantiis nummis, seu solidis, quod firmat etiam Fulcherius Carnotensis, exerte scribens *tartarones* æreos fuisse: *Justit Imperator de auro suo & argento, atque palliis, proceribus nostris dari, & peditibus quoque fecit de nummis suis aneis, quos vocant tartarones.* Neque nomenclatura alia donantur nummi isti ærei ab Orderico Vitali: *Tartarones* quippe quadratos ex cupro nummos *Thracæ* vocitant, de quibus in *Thracia* seu *Bithynia* provinciales mercimonia sua, sicut *philippis* aut *byzantiis* actitant. Erant igitur *tartarones* ex monetarum illarum genere, quas *τετραγώνες* vocat novella Justiniani; cujusmodi, inquit Scaliger, sunt argentei nummuli, quos Græci *ἄσπρος* vocant, idest *albos*. Certe apud *Tartaros* vigere etiamnum istius appellationis memoriam, quod fortassis monetæ istæ minutiores e Græcia in commerciis eo transierint, testari videtur *Josephus Barbarus* in Itinerario ad *Tanaïm*: siquidem *tetarti* idem sit, quod *tetarteri*, quod prorsus licet existimare. Ita porro ille sub an. 1436. *Neque hoc prætereundum videtur (quum mentionem nummi, quomodo Tartarico idiomate proferatur, hætenus fecerim) tetarti propriè Albus dicitur, & per hunc colorem, nummum Tartari argenteum, qui alias albus est, intelligunt. Græci etiam aspros suos albos vocant, Turci Akejen habent, album nobis quoque, & zagathiteng album item nominant. Nec multum refert, quod tetarti Tartarici argentei sint, perinde ac aspri & albi Græcorum aut Turcorum, quum tetarteri, aut tetartera Græcorum ex ære fuerint, quandoquidem id appellationis minutioribus monetis quibusvis tributum omnino pro certo sit.*

Joseph. Barb.
p. 453.

§. LXXXVIII.

MILIARENSIS.

ENimvero constabat solidus, seu aureus byzantius duodecim miliarenfibus argenteis. *Miliarensis* autem duobus ceratiis: ceratium denique duodecim follibus æreis, de quibus sigillatim dicendum. Inter augustorum Byzantinorum *τὰ λεπτά*, seu minutiores nummorum species, fuit illa argentea, quam *miliarensium* appellatione vulgo indigitant Scriptores: Græci vero *μiliaρίσιον* & *μιλιαρήσιον* vocitant. Fuit autem *miliarensis*, nomismatis pars duodecima. Glossæ Basilicæ: *νόμισμα λαμβάνει μιλιαρήσια β'.* & *Suidas*, *μiliaρίσιον*, τὸ

Glossa Basil.

Suid. Schol. Basil.
fil. l. 25.
Cod. 1024.

τῷ νομίσματι δώδεκατον, uti restituunt viri docti, pro δέκατον. Constabat etiam miliarenfis duobus ceratiis, ceratium vero duodecim follibus: Scholiastes Basilicōn: ἐν κεράλιον φόλλις εἰς δώδεκα, ἥτοι μιλιαρήσις ἡμισύ. Et vetus rationale pæquatorum, quod παλαὰ λογαεικὴ inscribitur in codice Regio: Ἔως ὥδε ὀφείλεις ἀπαγεῖν δικέρατον καὶ μόνον. ἀπὸ δὲ τῷ ἡμισέως καὶ ἕκτα ἥτοι τῷ διμοίρῃ τῷ ἐνὸς χαράγματος ἰί, ὀφείλεις ἀπαγεῖν καὶ ἑξάφολλον καὶ χαράγματος, λογαεάζειν ὃ δώδεκα μιλιαρήσια τῷ νομίσματι, ἥτοι τὸ μιλιαρήσιον ἔχεν φόλλις καὶ κατὰ τὴν παλαιὰν παράδοσιν τῷ Αυγέστῃ Κασάρῳ. Duobus etiam ceratiis valuisse miliarensem omnino indicat Cedrenus, scribens Chaganum postulasse ab Imperatore pro singulis captivis quatuor ceratia, quæ duos, inquit, miliarenfes conficiebant. Scholiastes Basilicōn loco laudato. Τὰ ὅν ἐν κεράλιον εἰς νομίσματος ἡμισύ. τὸ γὰρ ἀκέραιον νόμισμα ἔχει μιλιαρήσια δώδεκα, ἥτοι κεράλιον καὶ. Quod etiam firmatur a Theophane scribente, Leonem Isaurum lege sancxisse, ut in murorum urbis, qui terræ motu collapsi erant, reparationis sumptus singuli ex incolis *miliarensem* pensitarent: καὶ ἀπαγεῖσιν εἰς κανόνα μὴ ὀλοκοτίνην τὸ μιλιαρήσιον. Mox addit ab eo deinceps tempore exsolvi solitam pro murorum refectiōe duorum ceratiorum pensitationem: Ἐντεῦθεν ὅν ἐπεκράτισεν ἡ συνήθεια δίδειν τὰ δύο κέραλα τοῖς διοικηταῖς. Quæ quidem pensatio δικέρατον dicitur Cedreno, Zonaræ, Manassæ, Glycæ, & aliis. At quærent viri docti, quid sit ὀλοκοτίνην apud Theophanem loco laudato, & isto Theodoriti in Hist. Eccl. ὁ βασιλεὺς ἀπέστειλε πεντακοσίους ὀλοκοτίνους εἰς αὐτῶν δαπάνας, ubi vetus lectio χρυσίνους habet, quam sane vocem firmat Cedrenus, qui præfert hoc loco: Προσετάξαμεν τοῖς διοικηταῖς τῶν θεμάτων ἀπαγεῖν εἰς τὸ κανόνα καὶ νόμισμα μιλιαρήσιον ἐν. Ita ὀλοκοτίνην, vel ὀλοκοτίνος idem erit ac νόμισμα, *solidus*, uti redditur ab Epiphanio Scholastico, vel *nummus argenteus*, ut ab Anastasio in Historia ecclesiastica, incerto licet etymo. Sed & idem fuit miliarenfis cum argenteo. Rationale: Ἰστέον ὅτι δώδεκα μιλιαρήσια, ἢ δώδεκα ἀργυρα, τῷ νομίσματι λογαεάζοντι εἰς σεκρετον τῷ Γενικῷ. τὸ γὰρ μιλιαρήσιον ἀντὶ ἀργυρῶ λογί-

Cedren. an. 18.
Mauric.

Theoph. p. 345.
Cedr. p. 458.

Theodorit. l. 2.
c. 16.

Simoc. l. 15.
c. 14.
Theop. Cedr.
Porph. de adm.
Imp. c. 43.
Leo Gram.
p. 480.
Achm. &c.
Cedr. p. 168.
Gloss. Basil.
Anon. de mirac.
S. Anast. Persæ
c. 1.

Epiph. l. de
ponder.
Scalig. p. 55.
Gloss. Basil.
p. 72.
Petav. ad Epiph.

λογίζεσθαι, τὸ δ' ἄργυρον ἀντὶ μιλιαρισίων. Μιλιαρισίων vero mentio primum videtur facta sub Honorio, quum *scrinium a miliarenfibus* sub dispositione Comitum Largitionum statuatur in Notitia utriusque Imperii, ejusdem Augusti ævo edita: dein sub Justiniano, qui horum meminit in novella 105. mox sub Mauricio apud Simocattam: sub Heraclio apud Theophanem & Cedrenum anno ejus duodecimo: sub aliis demum apud Porphyrogenitum libro De administrando Imperio, Leonem Grammaticum in Leone Philosopho, Achmetem, & alios. Cedrenus ἀπὸ τῆς μιλιτίας, ἥτοι στρατίας, a militia deducit, quod scilicet ea monetæ specie militum stipendia exsolverentur, cui sententiæ consentanea habent Glossæ Basilicæ: Ἐστὶ δ' ἕτερος φόλλις σιωμαγόµητος ὃς ἀργυρίων λεπτῶν τὰς στρατιώταις διδοµένων καὶ ἀπὸ τῆς μιλιαρισίων καλεσµένων. Sed quod subdit Cedrenus, Scipionem pecuniæ inopia laborantem, dum bella Romanos inter & Annibalem exardescabant, ejus usum adinvenisse, vix fidem meretur; quum miliarenfium demum nomen auditum fuerit post instauratum a Constantino Byzantium. Neque ab hac Cedreni sententia abludit Epiphanius, scribens miliarefium apud Romanos esse στρατιωτικὸν δόµα, militare stipendium, seu ut habent Glossæ Basilicæ, στρατιωτικὸν δῶρον. At his adversatur Josephus Scaliger, hoc potissimum nixus fundamento, quod si a militia vox hæc deduceretur, non *miliarenfis*, sed *militarenfis* hæc moneta nuncupari debuerit. Verum objectioni Scaligerianæ id præsertim opponi potest, quod Græci Byzantini *μιλίς* appellabant, quos Latini *milites*; quod ex Porphyrogenito & Anna Comnena præsertim colligitur, qui quos Latini Magistros militum, unico vocabulo *μαίετρομιλίς* appellant, uti ad Alexiadem monuimus. Sed ut incertum esse etymon istud fatendum est, ita videant eruditi an majoris sit fidei illud, quod proferunt Glossæ Basilicæ, *miliarefis* scilicet sic nuncupata, quod libræ auri millesimam partem conficiant, quovis nomifmate duodecim miliarenfibus constante: Μιλιάρησιον, τὸ χίλιοσθὸν ἢ χερσὶς λίτρας. μίλε γὰρ οἱ Ῥωμαῖοι πὰ χίλια καλεῖσθαι, καὶ ἔτω κατεκερµάτωσε τὸ πόσον ἢ λίτρας, ἵνα δὲ αὐτὸ σώζηται πὰ χίλια μιλιάρησια, ὥστε καὶ νοµίσματα λαγχάνει μιλιάρησια ἰδ'. Sed pro ἰδ' legendum prorsus ἰβ': supra enim diximus nomifima constituisse duodecim miliarenfibus. Certe huic sententiæ vox *miliarenfis* non repugnat, quum *miliarensem porticum*, quæ

quæ Romæ in hortis Salustianis extitit, appellet Vopiscus, quam millenariam Suetonius. Istius etiam monetæ usus transit in Italiam; quippe apud Ughellum in Archiepiscopis Brundusinis, descriptum legitur diploma Rogerii Siciliæ Regis anni 1133, ex quo hæc sunt: *Concedimus præfato monasterio in terra nostra Misani villanos 80. demanios nostros, qui reddant singulis annis in duabus datis centum quadraginta michalatos, & centum miliarenses.* Ubi *michalati* perinde sunt Michaelis Ducæ Imperatoris nomismata, seu solidi aurei, ut supra innuimus. Neque aliunde provinciales nostri suos millarenses acceperunt: nam quod suspicatur Scaliger a quodam Muley Rais Arabum Principe, & in Hispania regnante denominatos, & ex Hispania in Galliam in vestros, refutatione non eget; quandoquidem an in rerum natura Princeps ille unquam fuerit, se nescire ultro fatetur. Millarensum vero Massiliensium mentionem in veteribus tabulis fieri comperio. Pactum initum inter Carolum Comitem Provinciæ & Massilienses art. 20. *De prædictis monetis, quæ fiunt in Massilia, habeat Dominus Comes duodecim denarios Massiliensium minorum tantum pro marcha argenti fini, ----- & eodem modo intelligitur de moneta millarensum.* Horum etiam meminit diploma aliud, quo Berengerus Fredolus Magalonenfis episcopus Monspeliensibus cudendæ monetæ millarenfis dictæ facultatem, concedit, ad legem decem denariorum, in toto episcopatu & Comitatu, &c. Extat præterea diploma aliud Guillelmi Gerundensis Sacristæ an. 1268. in quo miliarensum mentio fit: *Ita tamen quod de miliarenfi a nobis, & D. Infante Jacobo nobis concessio habendo de quolibet maidino salis ad opus murorum construendorum, &c.* Sed an a miliarensibus minutiones apud nos monetæ, quas *liards* appellamus, nomen & originem ducant, uti vult Pithœus, major est difficultas: quum existiment alii ita vocitatam monetam Regum Angliæ, in Aquitanix Ducatu ab iis cusam: atque adeo contendant haud diversam a moneta aurea, quam *nobilem rosatum* vulgo dicimus, & quam regestum, quod Briffonis vocant, testatur pendere quatuor denarios & sex grana. Addunt præterea Edwardum III. Angliæ Regem primum id genus monetæ fabricasse, quod etiam scribit Seldenus: idque nominis monetæ ejusmodi datum, *les hardis*, seu ut tum efferebant, *li hardis*, deinde *liards*, quod in ea Rex manuensem nudatum tenens effingitur. Pulinus tradit, *liardorum* istorum alios fuisse aureos, alios argenteos, alios denique ex materia argento & ære conflata, quam *billonem* dicimus: appellationemque istam, quam certis quibusdam æreis monetis vulgo

Vopiscus in Aureliano. Sueton. in Nerone c. 31. Ughell. tom. 9. p. 45.

Apud Sarnarth. in Episcop. Monspel: n. 31.

Pithœus ad leg. Salic. tit. 1.

Selden. l. 2. de Mariclauso c. 25.

D. Poulin. au Traité de Monnoies de France.

vulgo tribuimus, ab ea monetæ Anglicæ specie deductam. Diploma quoddam anni 1400. pro monetis confundit *les hardis* & *les liards de France*, pro tribus denariis; in quo etiam mentio fit *des hardis morlans* pro duobus denariis & obolo. *Milreis* aureos Lusitanicos a miliarenfibus quidam etiam deducunt, vel certe eorum appellationem: quos Henischius ideo censet appellatos, quod mille *rasis* constituerint: *rasum* autem esse quintam partem ait *cruciferi*, sive unum obolum cum duabus quintis, quum 40. *rafi* regalem conficiant. Vel ex his saltem conficitur viri doctissimi evanescere conjecturam, qui monetam dicunt etiam *les ardis*, Gothicam esse credidit, atque inde *panes sordidos*, *ardintenses* dictos in codice Theodosiano, quod singuli venirent singulis *ardinis*, idest, quadrantibus, quo modo Tolofates etiamnum quartam partem assis vocant: adeout verba hæc, *qui nunc dicuntur Sardinenses*, vel, uti legit, *ardinienses*, Aniano interpreti adscribat.

Henisch. lib. de
assep. 217.
Samuel Petitus
l. 2. obser. c. 11.
L. 5. Cod.
Th. de Annon:
civic.

§. LXXXIX.

CERATIUM. (1)

UT solidus duodecim miliarenfibus argenteis, ita miliarenfis constabat duobus ceratiis perinde argenteis. *Cerati-um* vero duodecim follibus æreis, ut est in legibus georgicis, & apud Cedrenum anno vicesimo quarto Leonis Isauri: & si eundem Cedrenum audimus, ab ipsius Numæ temporibus id genus monetæ obtinuit. Duo præterea *ceratia* miliarem confecisse, atque inde *δικέραιον* dici Scriptoribus, mox innuimus, quod firmat idem Cedrenus anno decimo-octavo Mauricii, qui quatuor *ceratia* duos miliarenfes confecisse scribit: & Theophanes anno octavo Nicephori Generalis, qui unica voce *τετρακέραιον* dixit, quod Epiphanio *τετράδραχμον* dicitur, sexta scilicet solidi pars; siquidem *drachma* idem est quod *ceratium*, pars nempe vicesima quarta solidi. Proinde *τετρακέραιος* semissis fuit moneta illa argentea, qua Heraclius *rogas* suas seu largitiones fecisse scribit autor Chronici Alexandrini, anno illius quinto:

LL. Georgicæ
tit. 2. §. 1.
Cedren. p. 458.
Cedren. p. 399.
Theoph. p. 412

(1) Hinc *cracia* moneta argentea Florentiæ, cusa minimi pretii inter argenteas.

quinto: Τὸ τῷ ἔτι γέγονεν ἀπὸ νόμου νόμισμα ἑξαγράμμων ἀργυρῶν, καὶ βασιλικῇ ρόγῃ δι' αὐτῶν γηγόνασι, καὶ κτ' τὸ ἡμῖν δ' ἀρχαϊότητος. Hoc anno numisma ex lege cufum est argenteum sex scripulorum, & largitiones eo genere nummi factæ, ad semissem veteris moris. Ubi perperam interpres ἑξαγράμμων, senis literis insignitum reddidit: est enim γράμμα idem quod scripulus, vel scriptulus, unde forte Greci nomen formarunt, quasi a voce scribere vox scriptulus ducatur, quod punctis olim, seu γραμμαῖς notarentur nummi, quæ eorum pondera designarent. Isidorus: Scripulus sex siliquarum (1) pondere constat. Hic apud Græcos gramma vocatur. Glossæ Gr. Lat. γράμμα ὁ σαδμὸς, scripulum. Glossæ Lat. Gr. Semuncia γράμματα δώδεκα. Ita apud Hesychium σατήρ dicitur esse τετράγραμμος, ut apud Cleopatram in tractatu De ponderibus: τὸ δινάειον ἔχειν γράμματα δ'. Quamquam apud Hesychium legendum τετράδραχμος censet Scaliger; quod firmat idem Cleopatraz liber, in quo ὁ σατήρ ἔχειν δραχμὰς δ', & τετράδραχμον vocari dicitur. Apud medicos, & cæteros Scriptores ceratium est ponderis species, de quo præter Isidorum, & auctorem De ponderibus, qui Nicandro subjicitur, copiose egit Pisanus.

Ibid. l. 1. c. 24.

Ibid. l. 16. c. 24.
Pisan. l. 3. de
numism. c. 1.
& 2.

§. XC.

FOLLIS.

Follium autem ut monetæ minutioris crebra mentio est apud Scriptores, etiam aliquot, qui Constantini ævum præcesserunt, Lampridium, S. Augustinum, Evodium Uzatensem, & alios, adeo ut non omnino damnandus videatur auctor rationalis peræquatorum, qui ejusmodi monetis pretium inditum ab Augusto Cæsare scribit. Et certe Casaubonus & Salmasius ab ipsis Hebræis vel Chaldæis etymon perinde ac usum arcessunt. Ex quo explodit idem Salmasius Epiphanium, qui *follem* per βαλάνιον reddit: tamen si annotetur in veteribus Glossis MSS. nummos folles dici a sacculo, quo conduntur. Certe sacculus follis exerte appellatur apud Fredegarium Scholasticum cap. 18. cujus lemma est, *de Aureliano qui follem perdidit*, qui in ipso contextu pera dicitur. Follium vero alii erant argentei, alii ærei. Follem argenteum τετράδραχμον vocat Epipha-

Lampr: in Elagab. S. Aug. l. 22. de Civ. Dei c. 8. l. 3. Contra Crescon c. 29. ferm. 40. in nov. Evod. l. 1. de mir. S. Steph. c. 14. Casaub. ad Lamprid. Salmas. l. de usur. c. 11. extr. Franciscus in Elencho Ceropetaviano p. 45. & seqq.

S

nius.

(1) Siliqua, quod forma, & figura corniculum referat dicta est Græce: Κεραιῶν

unde, ut dixi, Florentinæ monetæ *craxia* nomen processisse arbitror.

In Epit. c. 18.
 Marcell. Com.
 Falco Beneven.
 an. 1140 Hip.
 pocr. l. de visu
 Procop. in
 Anecd.
 Theoph. Cedr.
 p. 458.
 Zon. Vita S.
 Auxent. n. 7.
 Hermenop. in
 Georg. tit. 2.
 §. 1. & 10.
 Grut. 810. 10.
 L. 3. de veter.
 L. 3. de pistor.

nus. Unde idem fuerit quod *περακέραιον*, quod perinde quatuor dragmis constitit. De æreis hic agimus, quo modo intelliguntur a plerisque Scriptorum Byzantinorum. Glossæ Græco-Latinæ: *φόλλης*, *as*. *Folles aris* dixit Lampridius; *follerales* Marcellinus Comes, seu *folles*, ut præter Sirmondi editio, quasi folles æreos: *Nummis* quos Romani *teruncianos* vocant, *Græci folles*, *Anastasius* suo nomine figuratis placabilem plebi *commutationem* distraxit. Lectionem Sirmondi firmat Falco Beneventanus, ubi de Rogerio Rege Siciliæ: *Induxit etiam tres folles æreos, romesnam unam appretiatos*. Græcam porro vocis originem esse hic indicat Marcellinus, scilicet a *φολίς*, *φολίδος*, *squama*: nam & *φολίδα τῷ χαλκῷ* dixit Hippocrates, quod scilicet *folles* instar squamæ æris essent. Atque ita nonnulli ex Scriptoribus Græcis cum unico *λ* habent, ut Procopius: *Ἀγκοσίς οὐβόλης, ἔς φόλλας καλῶσιν*. Sic denique Theophanes, & Cedrenus anno vicesimo quarto Anastasii, iidem & Zonaras anno perinde vicesimo quarto Leonis Isauri, auctor vitæ S. Auxentii, Glossæ Basilicæ, Moschopolus, & alii. *Φόλλας* dixit Harmenopulus, a *φόλη*, uti appellatur ab Epiphanio. *Φόλλω* dixit etiam Cedrenus anno septimo Justinii Thracis: cæteri *follem* habent. Vetus inscriptio: IS. TVM. INFERET. POENAE. NOMINE. REIP. FOLLES. MILLE. Sic non semel in Codice Theodosiano. Chronicon Alexandrinum anno decimo sexto Heraclii: *ὁ γὰρ λεχθεὶς ὁ Σισμὸς γ' φόλλων περιασκομῆς τῷ Ἰωάννῃ, αὐτὸς ἢ φόλλων αὐτὸ ἡβελήθη ποιῆσαι*: quippe *Joannes iste Sismus cum offula tribus follibus distraheretur, ipse rem eo deducere conabatur, uti octo follibus id fieret*. Alibi *φόλλας* habet. Sed missis reliquis Scriptoribus, lubet tantum observare, quingentos folles æreos conficere libram argenti ex L. 3. Cod. Th. de pistoribus, quæ definit primam præturam expendere viginti quinque millia follium, & quinquaginta libras argenti: secundam viginti millia follium & quadraginta libras argenti: tertiam denique quindecim millia follium, & triginta libras argenti. Quos vero *senos folles*, quibus libra porcine carnis æstimatur, vocat lex tertia eodem Codice de suariis, *ἐξάφολον* appellat auctor rationalis peræquatorum, quo loco ait ita nuncupatam additionem factam *Dicerato* a Leone Isauro: *ἤδη ὁ γινώσκων ὅτι π' ἐξάφολον περιθήκη ἐργονὲ Δείοντος ἔσται*, a qua quidem superindictione ejusmodi tributum unico

unico vocabulo ibidem non semel *δικερατοεξαφόλλον* appellatum. Apud Hispanos habetur moneta minutior, quam *follluz* nomenclatura donant, & valere *coronato* seu *coronado*, esseque tertiam partem *blanca* scribit Sebastianus Cobarruias. Sed quod addit vocem esse Arabicam, vix ei assentiar, nisi Arabes a Romanis acceperint, eamque ad Hispanos transfuderint.

§. X C I.

FOLLIS MAJORIS PRÆTII.

ERant præterea folles alii majoris pretii, quam ii de quibus egimus. Tradit Zosimus Constantinum M. describi ^{Zozim. l. 2.} jussisse magnatum possessiones, iisque tributum imposuisse quod ^{p. 699.} *follem* nominavit, ^{Symmach. l. 10} τέλος ὀπιτιδεῖς, ὡς τινὶ φόλλιον αὐτὸν ἐπέ- ^{ep. 60.} *δικεν ὄνομα*. Hinc *follem senatorium* vocat novella Majoriani de indulgentiis debitorum. Neque tamen unus, sed duo pensitabantur a senatoribus folles, ex lege 2. Cod. Th. de senatoribus, & l. 1. de prætoribus. Cujusmodi autem esset *senatorius* iste *census*, uti appellatur a Symmacho, docet vir illustris Hesychius Milesius Historiarum libro sexto in glossis Basilicon. Ait enim pro modo facultatum eam fuisse senatoriam pensitationem, quam *follem* etiam appellatam innuit, qui variis constitit quantitatis: a duabus enim auri libris ad octo processisse secundum dignitatis ac facultatum rationem: ἅτι δὲ καὶ ἕτερος φόλλις ἀμφότερος ἔχων ποσότητας, ἀπὸ γὰρ δύο χρυσίς λιβῶν ἀρχόμενος, εἰς ὅκτω πωγῆς καὶ τὴν ἀξίαν καὶ τὴν εὐπορίαν τῶν ἀπαγεγεμένων. Addit deinde primæ dignitatis viros octo auri libras, secundæ quatuor, tertiæ denique duas pensitasse. Ex quibus primo percipimus, quod ait Zosimus *follem* propria nomenclatura appellatum senatoriam istam pensitationem, quam qui implere non valebant, saltem solidos præstare jubebantur, ex lege 4. Cod. Th. de senatoribus, &c. Sed & ex Hesychii verbis videtur follis iste idem fuisse cum libra auri. Nam lex secunda dicto titulo de senatoribus, præcipit duorum follium manere cunctos (senatores) indiscretam possessionem, etiamsi possessionem forte non habeant. Hesychius vero cum *follem* dicit esse censum hominum locupletum, qui a duabus auri libris ad octo progrediebatur, habita facultatum ratione, consequi videtur, binos istos folles esse binas auri libras Hesychii.

Proinde hac notione *folles* intelligendi in L. 2. & 3. quorum appellat. non recip. L. 1. de prætoribus, & L. 1. de mensis oleariis, in Codice eodem Theodosiano. Et sane glossæ Basilicæ exerte dicunt *follem* esse *σαθμόν*, seu libram vel pondus, quod appendit denarios 250. hoc est, libras 82. & 6. uncias, denario computato pro una libra & tredecim uncis.

§. XCII.

O B O L U S.

O Bolos eisdem esse cum follibus æreis auctor est Procopius in Anecdotis, quo loco scribit auri staterem, seu nomisma cum decem & ducentis obolis commutatum a nummulariis. Unde de follibus intelligendus videtur Scylitzes, quum ait Joannem Tzimiscen Imperatorem statuisse, ut ἐν τῷ νομίσματι εἴ ἐν τῷ ὀβολῷ Servatoris insculperetur imago, idest in aureis, ac æreis, minutioribusque nummis. Memorat ibidem Procopius quendam Petrum Barsymen Syrum ἐπὶ τῷ χαλκῷ βαπέζης καθήμενον, ob τὴν πρὸς τοὺς ὀβολοὺς κλοπὴν famosum, qui quidem ex iis erat, quos collybistas, nummularios, & collectarios vocabant, Zonaras τὰς πρὸς λεπτὰ νομίσματα πωλλύντας, qui vendebant nummos, seu solidos aureos minutulis monetis permutabant, de quibus nummorum venditoribus agit Codex Theodosianus L. un. si quis circul. L. 1. & 2. si quis pecunia conflaverit, & L. 1. de ponderat.

Suid. in
ὀβολός

p. 111. 1. ed.
Scyl. p. 689.
Zon. ad Syn.
Trull.

§. XCIII.

LEPTUM QUADRANS NUMMUS.

Folles igitur ærei & oboli monetis minutioribus accensentur. At Hesychius τάλαντον, idest solidum dividit in λεπτὰ νῆμυς, κοδράντας, αὐτάερα. Λεπτόν apud Lucam, ὀβυλὸν interpretatur Chrysostomus: Δαψιλῆς καὶ φιλόζημος ἢ ἐν τῷ δύο λεπτῶν ἐλεημοσύνη, τρεῖς ἐν τῷ δύο ὀβολῶν. Hesychius ait λεπτόν esse ἑκακχιλιοσὸν τάλαντα, ὅστις νόμισμα ἐν, idemque esse quod κοδράντης, ἢ τὸ τέταρτον τὸ φόλλεως. alibi κοδράντιω esse scribit λεπτὰ δύο, ex Evangelista :

Lucas c. 22.
Chrysost. Marc.
22. p. 59.

τὰ δ' δύο λεπτά κοδράντης εἷς, ἥγυν νευμμία τρία. Unde conficit Scaliger solidum dividi εἰς κοδράντας 6000. εἰς λεπτά 12000. εἰς νευμμία 18000. Et fane τὰ λεπτά per νευμμία numerari docet rationale peræquatorum, in quo χαλκῶν νευμμίων crebra mentio occurrit. Ibi enim Alexius Imperator statuit ἀπὸ χαλκῶν νευμμίων ἀπαίτῃσθαι τὰ λεπτά πληρία τῆς τελευτῆς δηνωσίων, per æreos nummulos exigi minutos calculos, qui in tributis penduntur: & καὶ αὐτοὶ ἔλαττα νευμμία ἐπὶ τῆς πωσάριων μιλιαρησίων τῇ νομίσματι, ὥστε χρεωστῆντα ἡμισὺ νομίσματος διδόναι μιλιαρῆσια β' νευμίων χαλκῶν. Ita νευμίων est minutissima moneta ærea, uti nummus usurpatur in Codice Theodosiano, & in Novella Theodosii & Valentiniiani: *Ne unquam intra septem millia nummorum solidus distrabatur, emptus e collectario septem millibus ducentis*. Et in Glossis MSS. Regiis, νευμμιος, τὸ νευμίων exponitur. Quod vero νευμίων alii, Hefychius interdum νόμισμα vocat, quum scilicet ait quadrantem νομίσματα τετὰ confecisse: Ab ejusmodi nummis dictum fortassis *dinum-mium vœctigal*, quod urbis Alexandrinæ singuli cives ad urbis onera pendebant: quemadmodum in Glossis Lat. Gr. *binio*, δίνευμμα esse dicitur.

L. r. de medios
L. de pretio
panis Ostiens.
novella The-
od. 25.
L. 2. Cod. Th.
de Alexi pleb.
primat.

§. XCIV.

A S S A R I U M.

Assarium, præterea idem esse quod λεπτόν, auctor est Hefychius: ἀσάριον καὶ λεπτόν ἐν εἰσιν, ἥγυν δεκαχιλιοςτὸν παλάντη, quo loco λεπτόν cum quadrante confundit, qui est sexmillesima pars solidi, quo modo alibi etiam usurpat. Glossæ veteres ἀσάριον, νευμμίων vertunt. Ita Suidæ ἀσάριον, ὀβολοί, νομίσματα, & τάλαντα idem sonant, vel certe pro λεπτοῖς, seu minutioribus monetis confunduntur. Et in Glossis Græco-Latinis ἀσάριον, as esse dicitur, minimus nempe æris nummus, cum de numerata in ære pecunia agitur, ut observat Cujacius. Sed & de vocis notione ac monetæ valore non sibi constant Græculi isti: quippe in Glossis Regiis MSS. ἀσάριον exponitur πεντηνέμιον, ἢ δεκανέμιον, ita ut *assarium* confe-

Hefychi:

Cujac. l. 7. Obs.
c. 33. Cod. 930

confecerit quinque vel decem *νμία* ærea, vel certe appende-
rit: nam *ἀσάειον* pro pondere usurpat Cleopatra De ponderi-
bus, ubi *πεξάσασρον Ἰπαικόν* unicam vocari ait. Apud Mar-
cellum Empiricum De ponderibus & mensuris, *tetrassarius se-*
munica est: unde colligitur assen unciae quadrantem habuisse.

§. XCV.

ΣΤΑΜΕΝΑ.

Quod vero ad vocem *στάμενα* pertinet, a Græculis infimi
ævi pro minutiore moneta usurpatam, videtur illa esse
quam Odo de Diogilo *stammam* vocat, proclivi men-
do, pro *staminam*, uti in Glossario monuimus. Is enim Ludo-
l. 3. de profect. vici VII. Francorum Regis per urbem Constantinopolitanam
transitum enarrans, ait a Francis nostris, quum ad Græcorum
terrâs accessissent, *monetas cupreas*, seu *æreas*, & *stammâs* tum
primum visas: *Hic primo* (in Græcia) *cupream monetam & stam-*
mas offendimus, & pro una earum quinque denarios, & pro duo-
decim solidis *marcam tristes dabamus*. Rursum alio loco: *Ante*
palatium, vel etiam in tentoriis habebamus congruum, si duraret,
concombium, minus quam duobus denariis *stammam unam*, & ea-
rum triginta tres solidos propter *marcam*. De vocis etymo non
constat: nolim enim præstare ita nuncupatas, quod ex stanno
ære fortean mixto conflatae fuerint: nam *στάμνον* Græci, ut
Latini, recentiores *stammum* & *stagnum* appellant, quod veteres
stannum. *Nummi stagnæi* habentur in Pandectis Florentinis, de
quibus Cujacius. Scio aliam arcessi originem voci *στάμενα* ab
Salmasio, quæ nescio an perinde ab omnibus probetur. Ait
quippe τῷ ἱσταμένῳ voce, proprie significari, quæ fœnore dan-
tur: ἱσταῖς enim esse fœnore accipere: præterea Pollucem pro
pecunia numerata etiam ἱστάμενα vocem usurpassê hoc loco:
πέντε χρυσῷ στατήρες μνᾶν ἐδύναντο· οἱ γὰρ ἐν τοῖς ἱσταμένοις τῷ
μνᾶς τὸ πεμπλὸν στατήρα ὀνομάζουσι. Sed alii ἐν ἱσταμένοις,
in appensis rectius opinor vertunt.

Glossar. Meursi.
Odo de Diogil.
l. 3. de profect.
Lud. VII. in
Or. libr. 4.

Cujac. l. II.
Obfer. c. 1.
Salmas. l. de
usur. p. 581.
685.
Pollux l. 9. c. 6.

§. XCVI.

§. X C V I.

A S P R I.

INter monetas minores argenteas occurrunt etiam eæ, quas *aspros*, vel *aspra* vocant Græci recentiores, cum qua collybistæ, seu *cambitores*, majorem tam argenteam quam auream commutare solent. Unde denarium *asprum* reddunt Glossæ Græco-Latinæ: *σηνάειον*, *λευκόν*, *asprum*: ubi *λευκόν* idem valet quod *album*, & quod *asprum*. Quo spectant ista Hesychii: *λεπταλέον* • *ἰχνὸν* *λεπτόν*. *λεπτάς καὶ παχείας*, *λεῦκος ἐν νόμοις*, *ταῖς δραχμαῖς*, *λεπτάς καὶ τῶν δολοῦν*, *παχείας ὅ* *ταῖς πλεόν ἐχούσας*. Eadem habet Favorinus: ubi *λεῦκον* in nummis dici observat, idemque esse quod *λεπτόν*, deinde drachmam esse, cui opponitur *παχέην*, quæ Achæis *δίδραχμον* sonat, ut alibi observat. Notum porro Græcos *ἄσπρον* pro *λευκῷ* etiam in colore usurpare. Sed & inde nostri forte minutiores monetas suas argenteas *blancs* vocavere, nisi ii a nostris hauserint, ab argentei metalli scilicet colore. Quod vero ejusmodi minutioribus monetis majores permutarentur, *aspraturam*, *κόλυβον* reddunt Glossæ veteres; est enim collybus, quod pro pecuniæ permutatione datur, ut collybistæ, qui majores pecunias minoribus vendunt ac distrahunt. De his *aspris*, præ cæteris Vincentius Belvacensis: *Etiam suum habet tributum (super tributarios terræ Anaph) ad minus quindecim drachmas seu asperos, qui bene valent triginta sterlingos. Ubi aspri drachmis æquiparantur, ut in laudato Hesychii loco. Præterea Alexius Comnenus in rationali peræquatorum: Τὸ τοῦ ἄσπερος ἡ βασιλεία μετὰ τὸ κατὰ νόμισμα ἀπὸ τῶν παχέων ἄσπερων νομισμάτων ἀπαγείρεται, καὶ δὲ λεπτὰ φησὶα διὰ νεμίων χαλκῶν, κατὰ λογίζεσθαι τὰ νεμία ἐπὶ τῶν πεντάρων μυριαρησίων τῷ νομισματι, &c. Ubi ἄσπρα παχέα sunt aspri asperi recens cusi, non usu detriti: ut asperi nummi efferuntur a Suetonio, Persio, & aliis: unde etiam ejusmodi aspris datam nomenclaturam plerique censent. Ita in eodem rationali: Νομισματα παχέα habentur: ἐπὶ ὅ ἀπαγίσει τῶ νομισμάτων ὃ παχὺ πωλαρὸν ἢ ἀπαγείρεται, βαρεῖαν ἐλογίζοντο τὴν ἀπαγίτην.* De asprorum duplici apud Turcos specie egit alicubi Leunclavius.

Chr. Alex.

p. 724. 760.
781. 886 The-
phan. p. 144:
Const. de adm.
Imper. p. 117.
&c.Vide Gloss. Vin-
cent. Belv. l. 30.
c. 75.Sueton. in Ner.
Pers. sat. 3.
Leuncl. Pand.
Turc. n. 18:

§. XCVII.

§. XCVII.

CENTENIONALES MAJORINÆ PECUNIÆ.

L. Cod. Th.
si quis pec.
confi.
L. 2. eod. tit.
Lampr. in
Elagab.
L. 6. de falsa
moneta.
L. 2. si quis
pec. confi.

ATque ista quidem, quæ hætenus diximus, minutiores inferioris ævi potissimum monetas fere spectant: verum sub Constantino, vel etiam decessoribus, aliæ fuere, atque in iis, quas *centenionales* appellabant, quod centum æreos seu stipēs conficerent, quarum usum, ut & *majorinarum*, a Constantio interdictum legere est in Codice Theodosiano, *centenionales* quidem propter nimiam sui exiguitatem, *majorinas* vero propter nimium pondus; tametsi centenionalium postmodum usus permissus fuerit ab Arcadio & Honorio. Eorum enim prorsus repudianda videtur sententia, qui centenionales cum centenariis aureis, quorum meminit Lampridius, qui centum aureos conficiebant, confundunt; quum revera centenionales *minutula*, ut loquitur Valerianus in epistola ad Aurelianus, moneta fuerit, sicque nuncupata, quasi *centenio*, qui centum, ut *binio*, qui binis nummis constabat. Majorinæ vero pecuniæ mentio præterea occurrit in lege sexta de falsa moneta eod. Cod. quæ ex argento & ære conflata fuisse arguit. Pœna enim ibi indicitur in flaturarios, qui majorinam pecuniam *separato argento ab ære purgant*. Alibi *major moneta* dicitur, cujus quidem species fuit *decargyrus*, nisi eadem sit. Ita porro appellatum volunt, aut quod decima tantum ejus pars argentum esset, siquidem majorina pecunia ex argento & ære conflata, vel potius quod decem argenteis æstimaretur, quemadmodum denarium dixerunt Latini, qui decem argenteis valeret: Græci vero δεκάχαλκον, quod decem æreis æstimaretur, ita ut decargyrus species fuerit majoris pecuniæ, decem minutis argenteis æstimata.

Jac. Gotofic?

§. XCVIII.

MONETÆ CAUCII QUADRATÆ &c.
D I C T Æ.

MInutioris ac pretii vilioris monetæ species quatuor recenset præterea Novella Justiniani, qua ne Consules in processibus publicis aureos nummos aut argenteos in populum deinceps spargere vetantur, ita tamen, ut ὑπάλλα, seu missilia sua facere iis liceat, ἐν μυριαρηνοῖς τὲ καὶ μυλοῖς, καὶ καυκίῳς

Nov. 105. c. 2.
§. 3.

ἡ περὶ ἀγῶνις συμμετρίαις, καὶ τοῖς τοιούτοις. Idem autem statuit Justinianus, quod sua ætate consules, perinde ac ipsi Augusti aureos & argenteos nummos missilium vice in populum spargere attentassent, contra quam jus eis erat, quum æs tantum spargere fas esset, quod exerte docet Marcellinus Comes :

Marcianus Augustus suis statuit edictis, ut hi, qui Consules fieri cupiebant, nihil æris in populum spargerent, sed statutam pecuniam ad reparandum urbis aquæductum dependeretur. Igitur monetæ in novella Justiniani memoratæ æræ fuere, quod tamen de miliarensisibus dici non potest, quum eæ argenteæ fuerint, adeo ut Justinianus minutiores monetas sive argenteas, sive æreas spargere Consulibus concesserit. Quid vero per *μῆλον* intelligatur,

Jos. Scaliger
epist. 204.

non constat; quidam, ut Haleander & Scaliger, ita nuncupatam monetam istam putant; quod *ovem*, quam Græci *μῆλον* vocant, vel *malum* expressum haberet. At quum nulla hætenus ovis, vel *mali* effigie signata Imperatorum visa fuerit, jure ea exploditur sententia. Nec scio an probabilior videatur Cujacii & aliorum conjectura, scribentium ita dictam, quod rotunditate sua *malum*, seu pomum referret, respectu alterius, quam *τετράγωνον*, seu *quadratam* vocat Justinianus, cujusmodi, inquit Scaliger, nummulos Turcicos videre est, quos *aspros* appellant, aut *tartarones*, quos quadratos fuisse scribit Ordericus Vitalis. *Caucios* vero ita dictos putat Cujacius, quod *cauci*, seu caliculi ac scyphi instar concavi sint, jure explosa Halondri, quam temere secutus est Meursius, sententia, existimantis ita nuncupatas, quod in iis cauci, seu calicis figura repræsentaretur. Nummos concavos aureos, argenteos, & æreos Imperatorum Constantinopolitanorum passim videre est, in quibus antica pars ea est, quæ est convexa. De cauco vero & recepta ista apud Græcos Byzantinos & Latinos recentioris ævi nomenclatura, plura congeessimus ad Alexiadem, & in Glossario.

Ord. Vit. l. 16
p. 791.

§. XCIX.

SCYPHATI.

INcertum autem an ad hanc monetæ Byzantinæ speciem referri debeant nummi, quos *scyphatos* vocavit ætas inferior: quod a vero haud procul abesse binæ potissimum suadent conjecturæ. Primo quidem quod *scyphati* nummi videantur fuisse Imperatorum Constantinopolitanorum; deinde quod ita appel-

T

latos

latos par sit credere, quod *scyphi*, seu *cauci* formam referrent: ita ut Itali, apud quos hæc potissimum obtinuit appellatio, quos Græci *caucios* a *cauco*, ii *scyphatos* a *scypho*, quod idem est quum *cauco*, nuncuparint, quum *cauci* vox apud illos insolens ac minus usitata tum esset. Jam vero ut *scyphati* Imperatorum Byzantinorum nummi fuisse censeantur, facit charta exarata imperantibus Constantino & Basilio fratribus anno mundi 6532. (Chr. 1024.) ind. 7. apud Ughellum, ex qua hæc excerpimus:

Ughell. tom. 7. p. 1361. *Ut quia consuetudo est, ut fideles recognoscant dominum suum, & honorent de suis bonis, per unumquemque annum scyphatos imperiali curiæ persolvant.* Ex quibus saltem colligitur ejusmodi nummos in thesauros Imperatoris illatos. In Italia vero ita postea nuncupatos Siculorum ex gente Normanica principum aureos, docet Chronicon Casinense, in quo *scyphati*, seu, ut habet editio Angeli a Nuce, *shcyphati* vocantur, ut & bulla Anacleti antipapæ, & altera Innocentii II. pro erectione regni Siciliæ apud Baronium: a quo profertur præterea charta alia Guillelmi Regis Siciliæ an. 1156. quæ ejusmodi *scyphatos* aureos in Apulia præsertim & Calabria usum habuisse innuit, cum ibi *schifati de Apulia & Calabria* nominentur.

§. C.

X A' P A Γ M A, Σ T A T H P.

U T porro *pecuniam* Latini, sic Græci recentiores quasvis monetas signatas *χαράγματα* appellarunt: ita usurpant Theophanes, Anna Comnena, Rationale peræquatorum, Nicetas Choniates, Ducas, Codinus, Achmes, & alii. Sed & interdum *σατῆρας* vocant, quod nomen Atheniensium, Macedonum, aliorumq. monetis aureis vulgo tribuitur. Στατῆρα χρυσῆ dixit Joannes Cinnamus, ἀργυρῆς σατῆρας Nicetas. Et Propcopius ait, staterem aureum confecisse decem atque ducentos obolos. Theophylactus Simocatta *σατῆρας* μυριασιῶν habet. Denique scribit Zonaras, Nicephorum Phocam, quum invaluisset *σατῆρα* πάντῃ βασιλικὸν ἐκλύπωμα φέροντα ἰσότημον ἑῷ τῷ ἄρτι κοπιωδῶς, sua νομισματῖα aliorum præferri jussisse: & Alexium Imperatorem, cum pecuniæ inopia laboraret, τινὰ τῶν δημοσίων ἔργων τῇ χαλχεργνημάτων destruxisse, & ex iis *σατῆρας* cudisse.

§. CI.

§. C I.

M E D A L L I A.

AT cur nostri non Augustorum duntaxat, sed veteres etiam quosvis nummos omnes, quorum in commerciis nullus amplius usus, *medallas* appellent, inter eruditos controvertitur. Scaliger ad Euseb. lac. Gotofr. ad Cod. Th. Christianorum monetas, quæ caput alicujus Principis, aut imaginem aliam præferunt, *methalias* nuncupent. Sic ille ad Eusebium: *Προσολω* nos vulgo *medaliā* vocamus, Arabes etiam *methalia*: quod nescio quo commercio ab Arabibus ad Italos & Gallos delatum. Ita enim vocant numismata Christianorum, quæ expressum caput humanum præferunt. Sed non advertit vir doctissimus, non ab Arabibus ad Christianos, sed a Christianis seu Europæis ad Arabes traductum fuisse id vocabuli: quum in Italia & Gallia monetæ quævis *medalliæ* indigitarentur, communi & ab omnibus recepta quadam nomenclatura. Habetur etiam diploma

Guillelmi D. Montispeffulani an. 1103. in quo hæc leguntur: *Sextailaricum dono vobis ----- & tertium denarium in arquintali, & medallas, quas donant homines Montispeffulani & Longobardi pro arquintali.* Joffredus in historia episcoporum Nicæensium Joffred. de Nicæ. aliud descripsit anni 1136. in hæc conceptum verba: *Reddunt enim supradicti homines annuatim decem & octo denarios mergolien-*

ses, & medallam, & quatuor sextarios avenæ. Aliud præterea lingua Vasconica exaratum apud Marcam in historia Benehar- Hist. Benehara l. 5. c. 13. n. 3. nensi vocem hanc monetis aureis adscribi ostendit, quas *medailhes d' aur* vocat. Denique Willelmus Brito Ordinis Fratrum Joan. de janua VV. Brit. MS. Minorum in vocabulario MS. scribit *obolum* dici *medaliā*, *idest medietatem nummi*. A *medalia* efficta deinde vox *medaliata*, ut a solido *solidata*, a denario *denariata*, ad designandum *medalliæ* unius proventum, de qua voce diximus in Glossario. Neque porro omnino difficile est hujus appellationis rationem explicari, quum ipsa semet offerat probabilis admodum conjectura; monetas nempe ita vocitatas a *metal*lo, quod *metail* nostri dicunt, e quo conflatae sunt. Nemo enim ignorat, antequam cuderentur monetæ, æs & argentum magnitudine & certo pondere perpensum pro nummo datum esse, neque impressam metallo figuram, nisi ut ponderis quantitatem indicaret, ut ait Salmasius. Sed ut Paulus Venetus testatur sua etiamnum ætate in aliquot Indiæ provinciis, levioribus metalli laminis per-

acta commercia. Atque inde Manilius *factum metallum*, quod Græci ἐπίσημον dicitur, monetas signatas vocat, ad *infecti*, seu ἀσήμους discrimen:

*Et facti mercator erit per utrinque metalli,
Alterum & alterius semper mutabit in usus.*

Maxime vero posterioribus sæculis *metallum* appellarunt quasvis monetas, quod omnis pecunia signata tunc temporis, tam aurea quam argentea appenderetur, non numeraretur tantum, præsertim si usu esset detrita, adeo ut pro solo metallo, seu pro sola nummi materia acciperetur. Hinc quod *monetam usualem* alii, *metallum usuale* vocat Senator: *Ut figura vultus nostri metallis usualibus imprimatur, monetamque facis de nostris temporibus futura sæcula commonere.* Quinetiam ipsis interdum nummis inscripta vox *metallum* legitur. Servat enim gazophylacium regium bina numismata ærea, quæ olim fuerunt Petri Seguini viri de re nummaria benemeriti, in quorum uno, METAL DELM. idest *metallum Delmaticum*: in altero quod est Trajani, in corona laurea, MET. NOR. idest, *metallum Noricum*, exaratum conspicitur. Utriusque ectypon describit Buteroüs in libro de nummis Francicis. Sed & habentur alia, in quibus præterea vox eadem reperitur: complures enim prostant nummuli argentei Caroli M. in quorum parte altera Crux effingitur cum hac inscriptione: CARLVS REX: in altera, in ipso nummo medio, MET. Habetur alius cum Cruce, & hac inscriptione in circulo: ALLO. METVLLO, & in averso medio, META. Alii etiam ejusmodi nummuli Ludovici Pii præferunt in LLVM. medio, LVDO in altera parte crucem cum inscriptione in circulo: ME VVIC. TALLVM. Alius ejusdem Ludovici nummulus argenteus vocem hanc exhibet in media parte aversa: in altera autem crucem cum hisce characteribus in circulo: † HLVDVVICVS IMP. Prostant denique duo alii ejusdem Imperatoris, qui in aversa sui parte monetarios typos, seu, uti vocamus, *cuneos* binos & totidem marculos habent, cum hac voce in circulo: METALLVM. Alter horum nummulorum in antica medio, LVDO alter Imperatoris caput, cum hac inscriptione: HLVDVVI VVIC. CVS IMP AVG habent. Quum igitur monetæ istæ *metalli* præferrent vocabulum, inde forte accidit, ut *metalli* nomine quævis monetæ a vulgo donarentur: ita ut quemadmodum in suis nummis, MONETA, vocem inscribebant Romani, ita ejusce ævi Franci vocem METALLVM describerent. Quæ quidem quibusvis monetis eo magis videtur fuisse communis, quo non æris duntaxat, sed argenteis tribuitur

Senator l. 7.
ep. 6.

Buteroüs p. 103
Paul. Petav. in
Gnosism.

tur in hisce nummis, atque adeo aureis, siquidem extitere etiam *medaliæ* aureæ, uti supra observatum.

§. CII.

MALLIÆ NOSTRATES.

Quinetiam admodum vero proximum est, a *medalliis* effictum a nostris vocabulum *maille*, quod pro monetis ex quovis conflatis metallo usurpatum constat. Neque enim, quod plerique perperam opinantur, *malliæ* fuere semper monetæ minores, ac vilioris pretii, quomodo vocem hanc hodie usurpamus: quum ex antiquis tabulis & monumentis certum sit argenteis & aureis perinde attributam. In veteri quippe regesto Communis Ambianensis a Joanne Bargulio ejusdem civitatis clerico descripto anno 1453. complures recensentur monetæ aureæ, quæ *malis* nomenclatura donantur, cum earum pretio: scilicet *malliæ Ultrajectenses*, *malliæ Ernoldi*, *malliæ Moguntinæ* (de Mens) & *Bethunienses*, *malliæ Rheni*, *malliæ postulas*, *malliæ cum stellulis* (maillles a estoilletes) *malliæ Treverenses* (maillles au bon Trievron) & *malliæ au bon & mauvais T.* idest, bono vel malo T. signatæ. Alias *mallias* recenset Robertus Cenalis ævo suo notas, *mallias au chat*, *mallias au chien*, & *mallias de Horne*, seu Hornenses. *Malliarum vero Florentinarum* nondum omnino exolevit appellatio. In regesto curiæ monetariorum, quod inter duos *asseres* vulgo indigitant, fit mentio *malliarum Laudunensium*, quæ *mailles Lovisiennes* ibidem appellantur. Denique in regesto parlamenti, statuta Ludovici XI. continente, ejusdem Regis diploma describitur anni 1463. pro nobilitatione loci *Cauda vacce* dicti, ad Rupellam, in Caroli Cenomanensis Comitis gratiam, tenendi a Rege in quavis vassalli mutatione ad *malliam auream* pretii duorum denariorum aureorum. Hanc porro de malliarum nostratum appellatione sententiam attigit etiam supra laudatus Cenalis: *Illud*, inquit, *dici potest*, quod *hi aurei nummi*, quos Gallice appellamus *mailles*, non ab obolari traxere originem: imo potius ab alia idiomatis nostri nomenclatura, quam dicimus *medailles*, eo quod Principis nonnunquam alicujus nomen præferant. Quibus postremis verbis satis etiam innuit sua ætate hanc obtinuisse sententiam de *medalliis*, quam ut suam protulit Scaliger. Scio quosdam existimasse *mallias* dictas a loricarum ferrearum maculis, quas *mailles* etiamnum dicimus, quod *malliæ* monetariæ, perinde ac loriciaræ, quadratæ fuerint: quod

Rob. Cenalis.
de mens. &
ponder.

Vide Gloss. v.
moneta.

quod quidem quam procul absit a vero, cuiusvis sani ingenii licet advertere.

§. CIII.

M A S C U L I.

Gof. Vind. lib.
1. ep. 20. Tab.
Anger. f. 47.

A Lii præterea *mallias* putavere esse id genus nummos, quos *masculos* vocant Scriptores, ac chartæ veteres aliquot, ita ut propriæ fuerint Comitum Pictavensium, ex hoc Goffridi Vindocinensis loco: *Quod si trecentos solidos Pictavensium masculorum vobis daret &c.* Horum etiam mentio occurrit in tabulario Angeriensi, & in tabulario s. Stephani Lemovicensis in charta anni 1081. *Solidi ejusdem monetæ masculinæ.* Et paulo ante: *Solidi nummorum Pictavinorum.* Unde percipere licet *masculinam & Pictavinam* monetam eandem fuisse. Quæ quidem vox *masculina* in monetis, admonet me, ut viri pereruditi lapsum detegam, qui *generis diversi pecuniam* in concilio Dusiacensi primo, & apud Hincmarum, de monetis aurea & argentea intelligendam existimavit, ita ut aurea mascula, argentea vero feminina moneta fuerit, quod ex s. Augustino stabilire nititur: quasi hæc verba de pecudibus utriusque sexus non essent capienda, & apud recentiores perinde ac veteres *pecunia* non id sonet. Porro *masculi* dicuntur nummi Pictavenses, non quod ii Pictavensium Comitum proprii fuerint: sed quod ejusmodi nummi ita denominati, ejus essent monetæ speciei, quam *mallias* vocant, vel quod universim quasvis monetæ *mallias* vocarent. Quocirca si quis ejusce ævi verba Goffridi Gallico reddidisset idiomate, indubie dixisset, *trois cens sols de mailles Poitevines*: quum horum temporum Scriptores ac commentarienses, qui Latine chartas exarare solebant, efferre se debere voce alia quam *masculus* non arbitrarentur, quod ea proprius accederet ad nostratam *masle*, quæ *masculum* sonat. Verum si quis *mallias* Pictavensium fuisse proprias obstinatius contenderet, nescio an hoc casu nomenclaturæ istius non esset arcessenda origo ab oppido in Pictonibus, quod *Meille* vocant: quum ex iis fuerit, in quibus stante secunda Regum nostrorum stirpe monetæ cuderentur, uti docent capitula Caroli Calvi, ubi *metulum & metullum* appellatur: quod etiam firmant monetæ ipsæ Caroli M. in quibus vox *METVILLO* exarata legitur, uti annotatum supra. In aliis præterea ejusdem Imperatoris nummis, quorum cætypon exhibuit Paulus Petavius senator Parisiensis, in anticæ, CAROLVS,

in

Cap. Carol. C.
tit. 31. n. 12.

in posticæ vero medio, MEDOLVS, characteribus barbaris ac Gothicis voces descriptæ leguntur. Verum de postrema hac conjectura statuatur quisque, quod lubet. Id certe in confesso esse debet, quod *malliarum* nomenclaturam minutioribus monetis attribuant vulgo nostri, id inde fluxisse, quod *malliæ* Pictavinæ fere semper minutissimæ fuerint: sed & anno 1329. cudi cœpisse *mallias* minutiores 18. *granorum legis argenti regii ad marcam*, ut est in veteri regeſto cameræ Computorum Parisiensis; ex quo necesse est monetas istas, minutissimas ac vilis admodum pretii fuisse. Sed longe videtur probabilius, *mallias* minutiores, seu *masculos* Pictavenſes esse id genus monetæ, quam *malliam pitam* dicimus, idest, *malliam Pictavinam*. Nam *pita* (*les pites*) dicuntur minutiores monetæ Pictonum, quæ *picta*, *pictavina*, & *pictavenſes*, Gallice autem *poitevins*, passim in chartis appellantur: unde vox *pitanica*, & *pictanica* deducta postmodum, quæ *picta*, seu *pictavina* unius valoris rem significat: nam toto cælo aberrant, qui a pittaciis etymon deducunt, quod in Glossario plenius probavimus. Hæ porro *pita*, seu *picta*, adeo minutæ erant, ut Willelmus Nangius verba faciens de quadam ad oculi *caudam* seu angulum macula, eadem dixerit fuisse *ad modum puncturæ pulicis rubeam, & latam sicut una pictavina*.

Paul. Petav. in
Gnorism.

Reg. noster f.
204. 205.

Vide Gloss.

VV. Nang. in
S. Lud. p. 394.



CONSTANTINI IMP. BYZANTINI

NUMISMATIS ARGENTEÆ EXPOSITIO

Vide Tabel. 4.

JOSEPHI SCALIGERI JUL. CÆS. F.

Ex literis Ill. V. Josephi Scaligeri ad Marquardum Freherum.

TUI nummi stemma omne ἐξωνυχισμένον. Judicium de eo meum seorsim habes. Dixi quod sentio, non quod fortasse tibi probabo. Non potui tamen hanc operam denegare, magis quia exegisti a me, quam quod aliquid sententiæ de eo tuæ adjiciendum a me existimarem. Vale. Lugduni Batavor. XIV. Kal. Martii Juliani. CIO IO CII.

Ex aliis. Scis, mi Frehere, quid de tua diatriba judicem in Aprum Xiphian? Nihil potuisse verius dici, nihil exquisitius, plane persuastisti mihi. De illo autem grandi nummo tuo Constantini non possum satis mirari, qui factum sit, ut ex uno latere recentissimi sæculi vestigia in eo extent, ex altero vetustissimi moris Ecclesiæ. Sed quando prodibunt monumenta illa tua de Lupoduno & Mosella Ausonii? avide expecto, eoque magis quod nihil nisi eximium a te sperare possumus. Vale IX. Kal. Martii Juliani. GIO IO CIII.

JOSEPHI SCALIGERI

COMMENTATIO.

NUmmus ingens argenteus clarissimi viri Marquardi Freheri, quam recens sit, argumento sunt characteres arithmetici 234. 235. qui ante trecentos, aut paulo plures annos ab Arabibus ad nos transferunt, ac primo quidem dissimiles his nostris hodiernis, postea memoria proavorum hac forma interpolati, quæ hodie nobis in usu est. Itaque nummus hic cusus, aut conflatus est non illo sæculo, quo ii a Christianis recepti sunt, sed illo, quo interpolati: hoc est, memoria proavorum. Præterea, an unquam a Græcis usurpati sint, merito ut dubitem, faciunt libri multi astronomici, logistici, & computorum ecclesiasticorum paulo ante, aut post everisionem Imperii Con-

stanti-

Constantinopolitani conscripti, quorum omnium numeri non his peregrinis characteribus concepti sunt, sed literis Græcis. Denique illos characteres primi omnium Christianorum Hispani a Mauris, ab Hispanis reliqui Latini Christiani, ab illis Græci acceperunt. Et quidem concedamus accepisse, ii tamen apud Græcos nunquam vulgo noti fuerunt: ut non opus fuerit eos in hoc nummo cudere, ut a paucis tantum intelligerentur: nobis igitur constat recentissimam quidem nummi conflaturam esse, formas autem incusas, & veteres esse, & ex aliquo vetusto libro aut pictura alicujus Ecclesiæ desumptas: cujusmodi multas hodie videmus in gemmis novitiæ quidem cælaturæ, sed vetustissimi argumenti. Nunc de formis ipsis agamus. Non audio clarissimum virum Abrahamum Ortelium, qui partem Imperatoris equitantis laudabat, tanquam non recentem, averfæ *νοθεύσεως* suspectam habebat. Nos contra sentimus: averfæ partis argumentum longe vetustius judicamus, quam illud Imperatoris equitantis, cujus pedibus subjectæ stapedæ, & omnis ornatus equi quam novitiæ res sit, satis produnt. Averfæ partis stemmata non uno verbo explicari possunt. Priusquam igitur ad explicationem aggrediamur, sciendum apud veteres Christianos symbola *μνημεῖον* alia atque alia fuisse, pro ratione temporum ac diversitate nationum. Ratio temporum, primum nullam formam humani vultus, sed aliarum rerum admittebat: postea etiam humanæ formæ admiffæ. Nationes Orientales alia habuerunt, alia Occidentis Ecclesiæ, in quibus nullum symbolum fuit sine Cruce, ut neque Orientalibus. Sed in Occidentali Ecclesia Crux statuebatur minio lita, ut Christi fufum sanguinem designaret. Cacumen Crucis corona cingebat cum purpureis lemniscis, adjuncta etiam palma, utrunque *νικηθεὶς* erat debellati hujus sæculi, & mundi triumphati, aut martyrii acquisiti. Hoc simplex ab initio erat stemma Crucis. Adjectum postea Trinitatis mysterium, post debellatum impium Arrii dogma. Patrem Deum designabant verba ex rutila nube erumpentia: HIC EST FILIVS MEVS DILECTVS. Filius Deus agni, Spiritus Sanctus Deus columbæ specie significabatur. Alii etiam alia parerga apponebant; XII. columbas, quibus Apostolos volebant intelligi, quatuor flumina ex rupe mantantia. Rupes, seu petra est Christus, fluentia quatuor Euangelistæ, aut Evangelia ipsa. Hæc erant symbola simplicissima illorum temporum, quum formas rerum, aut animalium, non autem humanas auderent pingere. Nam anchoram, navem, piscem, columbam

sculpebant, aut pingebant: hominem non item: & ῥῷ, inquit Clemens, εἰδῶλων ποσειδῶνα εἰναπολυπωλίῃον, οἷς καὶ τὸ ποσειδέχαι ἀπαίρη). In averſa autem parte nummi propoſiti duæ mulieres ſunt, ex quo apparet ſymbolum non eſſe vetuſtiſſimorum temporum. Argumentum tamen oſtendit non eſſe infimæ vetuſtatis. Primum igitur ingens ſolium, aut inſtar folii conceptaculum nihil aliud eſt, quam hortus ille concludus & fons ſignatus in Cantico Canticorum, per quem ſacrum regenerationis lavacrum designatur. Ambroſius: *His igitur ſacramentis paſcit Eccleſiam ſuam Chriſtus, quibus animæ firmatur ſubſtantia. Meritoque videns profeſſum ejus gratiæ concinentem dicit ad eam: Quam decora, &c. Hortus concludus, ſoror mea, hortus concludus, fons ſignatus.* In medio hujus κολυμβῶνθρας extat minus labrum, quod verius dixeris hortum concludum. Nam ex eo enaſcitur lilium convallium juxta illud: *Ego ſum flos campi, & lilium convallium*, de quo loco Hieronymus ad Demetriadem. Decem germina aut fruſtus emittit. Origenes homilia xvi. in Geſenim: *At vero Iſraeliticus honorat decadem perfeſſionis numerum. Decem enim verba legis accepit & decalogi virtute inſtructus ignota mundo huic ſacramenta divina largitione ſuſcepit. Sed & in novo teſtamento ſimiliter venerabilis eſt decas, ſicut & fruſtus Spiritus denis exponitur germinare virtutibus.* Non potuimus dare magis idoneum interpretem. Inter lilium erecta eſt Crux inſtar ligni vitæ, e cujus cacumine quatuor columbæ totidem fluentia eructant. Ea ſunt quatuor Euangelia: quemadmodum in Eccleſia Occidentali quatuor fluentia e petra manantia idem ſignificabant. Columbæ ſunt quatuor Euangeliftæ. Et hoc quoque cum Occidentali Eccleſia facit, quæ per columbas coronam Crucis circumflantes Apoſtolos intelligebat. Paulinus:

Cui coronæ ſunt corona Apoſtoli,

Quorum figura eſt in columbarum choro.

Atqui duo ex Euangeliftis ſunt Apoſtoli, duo Apoſtolorum adminiſtri. Aqua illa, quæ inſtar ſilanonum ex columbis fluens ſolium complet, eſt aqua Baptiſmi, & denique omnia reliqua ſunt ſequela Baptiſmi. Primum duæ columbæ ſunt in lateri folii, interjeſto ſerpente, ſuperincumbente leone. Sed columbæ cum ſerpente per ſe conſiderandæ ſunt, poſtea ſerpens ſimul cum leone. Columbæ cum ſerpente eſt id, quod Dominus a regeneratis exigit: *Eſtote prudentes ut ſerpentes, ſimplices ut columbæ.* Hoc enim baptizatis occinebatur. Ambroſius libro de iis, qui initiantur myſteriis, capite iv. poſt alia: *Simul & eo-*

rum,

rum, qui baptizantur, non in specie esse debet, sed vera simplicitas, unde & Dominus ait: Estote astuti sicut serpentes, & simplices sicut columbae. Unde manavit illud in vetere Ecclesia proverbium: Μίσθύνει τῇ περὶ τὸν ὄφιν. Clemens Stromate septimo: Οὐκ ἄρα ἐπιθυπήσῃ τινὸς ἑτέρου ὁ ἔχων ἀναπαυόμενος τὸ Θεόν. αὐτίκα πάντα τὰ ἐμποδὼν καὶ ἀλκιπῶν καὶ πᾶσαν περὶ αὐτὸν ὕλιν ὑπερηφανήσας τέμνει. Ἀλλὰ τὴν ἐπιστήμης τὸν ἔρανον, καὶ διελθὼν τὰς πνευματικὰς εὐσείας, καὶ πᾶσαν ἀρχὴν, καὶ ὅξυσιν, ἀπλεταί τῶν θρόνων τῶν ἀκρῶν, ἐπὶ ἐκείνῳ μόνον ἰέμενος, ἐφ' ὃ ἔγνω μόνον. μίξας ἔν τῇ περὶ τὸν ὄφιν, τελείως ἅμα καὶ εὐσωειδήτως βιοῖ, πιστὴν ἐλπίδι κραύσσας περὶ τὸν τῷ μέλλοντι ἀπεκδοχὴν. Ait hominem, qui habet ἀναπαυόμενος τὸ Θεόν, & omni impedimento mundanarum rerum renunciantem (quis est ille, nisi ὁ φωτισθεὶς & Baptismo regeneratus) miscere columbam serpenti, quod & loco Ambrosii adducto convenit, & rationem tacite reddit columbarum cum serpente subter limbum colymbithrae positarum. Leonis vero cum serpente consideratio, pertinet ad victoriam de Orco, & diabolo. Chrysostomus in Psalmum xciii. *Quis est iste leo, qui de tribu Juda vicit leonem & draconem, qui significatus est in psalmo?* Item: *Diabolus, qui delectatus est in primo homine captivato, exinde captivatus est, Christo resurgente glorificato, qui conculcavit leonem & draconem.* Quare non possumus ignorare, cur draco serpenti subiectus est. Assident folio utrinque oppositæ invicem feminae duæ in sellis, anus stolata, & puella nuda, nisi qua velat ea, quæ pudor celare jubet. Anus est Fides, puella Spes. Anus fingitur, quia antiquior Lege. Abraham prima credendum via, ut canit Prudentius, longe antiquior Mose. Unde & fides Tertulliano in Marcionem victrix vetustatis dicitur. Manu apprehendit, quia fide apprehendimus, quæ oculis subijci non possunt. Stolata est, quia Baptismus vocabatur fidei vestimentum: ut Tertullianus scribit cap. xiii. libri de Baptismo. Et capite xii. *induere Baptismum* dicit. Contra Spes & puellari specie est, quia semper viget; & nuda, quia omnibus terrenis renunciando expedita tendit ad cælum, πᾶσαν τὴν περὶ αὐτὴν ὕλιν, ut loquitur Clemens ὑπερηφανήσασα. Ideo averfantis habitu est, & canem tanquam omnes blanditias sæculi calcantis, aut omnes adlatriationes hostium Christianæ pietatis. Ideo quemadmodum canem calcat, sic colludit cum columba, quam manu dextra prehen-

dit, simplicitatem unicam sibi cordi esse significans. Merito autem conjunguntur ambæ, quia altera sine altera non est. Chrysostomus in caput XIII. prioris ad Corinthios, commate ultimo, in editione Latina: *Quæ duo, idest, fides & spes, ita certa sibi mutua vice conjuncta sunt, ut altera sine altera stare non possit. Quicquid enim fides credendo acquirit, hoc spes sustinendo præsumit.* Quid quod veteres novum Testamentum fidei symbolum esse dicebant, vetus autem spei? Paulinus:

Lex antiqua novam firmat, veterem nova complet.

In veteri spes est, in novitate fides.

Denique quid a catechumeno exigebatur? Fides. Credo in Deum Patrem, Deum Filium, Deum Spiritum Sanctum, &c. Spes: Spero resurrectionem. Inde illa in vetustissimis monumentis Christianorum: CREDO VIVERE. SPERO RESVRGERE. DEPOSITVS IN SPEM RESVRRECTIONIS. Quin etiam non solum has duas conjungebant Poëtæ Gentium, sed etiam & Fidem vestitam, & anum inducebant. *Quam Spes & albo nuda Fides colit velato panno --- Cana Fides, & Vesta ---* Cana igitur Fides & velata panno, ut hic, & conjuncta Spei. Inde Clemens *παροιμιακῶς*, dixit *πιστὶν ἐλπίδι κεράσαι*, quemadmodum dixerat *μυγνῶν τῇ περικερατῇ τῷ ὄφιν*, alludens nimirum ad hæc vetusta symbola. Pone fellas utriusque astant singulæ aquilæ, renovationem hominis per Baptismum significantes, quod percepto Baptismo dicerentur instar aquilæ renovati. Ambrosius de Initiandis capite VIII. *His abluta plebs dives insignibus &c. depositis autem inveterati erroris exuviis, renovata in aquila juventutem, &c.* ut nihil sit in hac nummi parte averfa, quod non ad sacramentum Baptismi, & catechumenos pertineat. Postremo totus apparatus istius præstantissimi symboli clausulam habet felicitatis regni Christi, sub quo securitas ab omni nocumento promittitur capite XI. Isaïæ, commate 8. ubi dicitur puerum cum aspide collusurum. Ideo in labri, quod extat supra aquam, latere visitur puer cauda serpentes duos apprehendens, & secure tractans sine noxa. Quam eleganter Tertullianus in Hermogenem capite XI. *Quum restituta innocentia, & integritate conditionis pecora condixerint bestiis, & parvuli de serpentibus inserint, &c.* IV. in Marcionem, cap. XXIV. *Sed bene, quod Creator hanc potestatem etiam parvulis per Esaïam repromisit, conicere manum in cavernam aspidum, &c.* Et utique scimus salva simplicitate Scripturæ, nam nec ipsa bestia nocere poterunt, ubi fides fuerit &c. Infra: *Jam tunc eadem via, idest, fidei, hanc evacuationem, & subjectionem bestiarum*

rum pollicetur. Propter fidem igitur hoc symbolum pueri & serpentum appositum. Quare vides omnia inter se apta, ut aliud ex alio pendeat: Quam vetusta hæc sint, & quam falsus fuerit doctissimus vir, qui averſam partem hujus numismatis ſuſpectam habebat, ex iis, quæ diſputavimus, & ex aliis, quæ longe plura afferri poterant, colligi poteſt. Nobis ſatis hæc erunt, dum doctiora judicia aliquid melius in medium afferant. Itaque hæcenus.

S A P P H I R U S
C O N S T A N T I
I M P. A U G.

Vide Tabel. 2

E X P O S I T A.

N. V. MARCO VELSERO, IIVIRO PRÆF. AUG. VIND.

Marquardus Freherus S.

Verum dico. Nemo est; ad quem mittere mea tantum gestiam simul & trepidem. Ita mihi & candor humanitasque tua, illicio est, & judicium formidini. Neque satis pudorem solvit ista scriptiuncula, utut argumenti non vulgaris fiducia se attollens. Sed nimirum quem alium petebat nobilissimum antiquitatis pignus, quam omnis elegantia & eruditionis arbitrum? Et ut palmam artis serat, qui cestro gemnam scalpsit; ita qui vel plumbo inclusam, commodius tractandam visendamque exhibeat, nihil peccaverit. Tu quid opelle, non equis minus quam catus æstimator accipies; neque nescius, pravis tabellis grandium summarum obligationes contineri, & festuca levi agros ingentes tradi solere, magni in te affectus & cultus certum pignus habebis. Vale V. C.

JANUS GRUTERUS.

Nomine quum magnus magnos Constantius inter
 Induperatores Induperator ovet;
 Atque idem morti det aprum nimis undique magnum;
 Gemmaque item hoc graphice nonnisi magna notet;
 Fure tuæ illa modo famæ, VELSERE, dicantur;
 Teutona quo majus non habet ora decus.
 Sed neque magna, FREHERE, tot inter agis minor. imo,
 Imo ipso tete nunc quoque major ades.

Styleut, I.

Gregorius Nazianzenus in ea Oratione, qua Juliani Imperatoris (quem Constantius hic noster Cæsarem fecit, successoremque habuit) impietatem & vanitatem pro merito exagitat, ubi ad imaginum illam & statuarum ambitionem venit, in quibus ipsi principes adorari gauderent, ait: Imaginibus illis alios aliud quid Imperatorum appingere solere: hos quidem civitates clariores dona ferentes: alios autem Victorias capitiserta imponentes: nonnullos militiæ præfectos eos adorantes: quosdam Barbarorum devictorum, & pedibus provolutorum, seu casorum figuras: oī dē (addit denique) *ὑποφονίας καὶ εὐετυχίας* Utramque gloriolam exprimens, quam belluarum isti confectores affectabant; & audaciæ roboris in adgrediendis depugnandisque feris, & solertiæ dexteritatisque in excipiendis, figendis, collocandis; Herculis nimirum pariter Phæbique imitatores. Obvia in historiis exempla, non otiosorum tantum & væcordium, quibus ista cura & ostentatio fuit, Neroni, Commodi, Domitiano; sed & laudatorum principum, quibus remissio, ut Trajano, Hadriano, Antonino, Alexandro, & huic Constantio. Nec remissio tantum, sed vero utilis labor habitus, & principe dignus, liberare noxiis feris regionem. Plinius ad Trajanum: *Quæ remissio tibi, nisi lustrare saltus, excutere cubilibus ferās, superare immensa montium juga, & horrentibus scopulis gradum inferre, nullius manu, nullius vestigio adjutum: atque inter hæc pia mente adire lucos, & occurfare numinibus. Olim hæc experientia juventutis, hæc voluptas erat: his artibus futuri duces imbuebantur; certare cum fugacibus feris cursu, cum audacibus robore, cum callidis astu: nec mediocre pacis decus habebatur, submotæ campis irruptio ferarum, & obsidione quadam liberatus agrestium labor. Usurpabant gloriam istam illi quoque principes, qui obire non poterant: usurpabant autem,*

ut domitas fractasque claustris feras, ac deinde in ipsorum quidem ludibrium emissas, mentita sagacitate colligerent. Sed præsertim in apris, ferocissima & violentissima ferarum, virtutis venatoriæ palmam posuerunt: ut de fatali Diocletiani apro legimus, & multa in numismatis ejus rei memoria. Et Valentiniani junioris Imperatoris de leone confecto signum marmoreum, Aufonii epigramate celebratum videmus.

Neque satis ex ære nummos, marmore statuas, monumenta talium facinorum principibus fecisse, sed ad gemmas etiam hoc argumento nobilitandas assentatio laborem protulit: quæ & pretio suo monimenti gratiam apud illos augerent, & durabilitate immortalem apud posteros memoriam promitterent. Hinc elegans Panegyristes æternandorum Theodosii gestorum curam pictoribus pariter cum poetis demandat: *Huc totas pii vates doctarum noctium conferte curas: hoc omnibus linguis literisque celebrate: nec sitis de operum vestrorum perennitate solliciti: illa quam præstare historiis solebatis, ab historia veniet æternitas. Vos quoque, quibus secunda sors cessit dare famam rebus, artifices, vulgata illa veterum fabularum argumenta despiciite: Herculeos labores, & modicos Liberi triumphos, & anguipedum bella monstrorum. Hæc potius, hæc gesta solertes manus ducant: his fora, his templa decorentur: hæc ebore reddantur, hæc marmore, hæc in coloribus vivant, hæc in ære moveantur, hæc gemmis augeant pretium.*

Hoc ex genere sapphirus ista fuit, quæ ut in se vulgaris non erat (ipsa enim vel pura absque cælaturæ æstimo, tam rara magnitudine, quam coloris vere cærulea serenitate, non parem, non secundum admittit) ita nominatim honori Cæsaris delectam, ipsique a provincia aut procerum aliquo oblatam, verisimile est. Quum hanc gemmam præ aliis gratam principibus etiam Epiphanius scribat: *Εἰς θαυμαστὸς ὁ λίθος καὶ εὐειδέστατος καὶ χαλερότατος. διὸ καὶ ἐν ταῖς χλιδόσι καὶ ὀρμίσκοις καλὰνθεύσει τῷ τῶν, μάλιστα οἱ βασιλεῖς.* Et quis scit, an non vel ipsa, vel simile ejus quid aliud sub magni illius Nazianzes antistitis oculos venerit: qui quidem in eadem provincia & natus fuit, & episcopatum obtinuit, in qua memorabili ista *ἡεροφονία* cum laude defunctum Constantinum Augustum videmus, etsi alibi non legimus? Nec ad rem tamen parum facit, quod Ammianus Marcellinus scribit: *Nec minore studio sequuti legati hæc secum ferentes, intenti ad viandum, morasque per Italiam & Illyricum perpeSSI diuturnas & graves, tandem transfretati Bosphorum, itineribusque*

Latin. Paccatus.

De XII. Gem.

Libr. 20.

busque lentis progressi, apud Cæsaream Cappadociæ etiam tum degentem invenere Constantinum, Mazacam antehac nominatam, oportunitam urbem & celebrem, sub Argei montis pedibus sitam. Et postea: Equitandi & jaculandi, maximeque perite dirigendi sagittas, artiumque armaturæ pedestris perquam scientissimus. Et infra: Brevis- sime cruribus & incurvis, unde saltu valebat & cursu. Et Sextus Aurelius Victor de eodem: Placidus clemensque pro negotio, literarum ad elegantiam prudens, atque orandi genere levi jucundoque, laboris patiens, ac destinandi sagittas mire promptus. Idem in Epitoma: Mirus artifex in sagittis, a cibo vinoque & somno multum temperans, patiens laboris, facundia cupidus. Habemus enim, quod volumus, venationis proprias artes dotesque habuisse, apud Cæsaream Cappadociæ diutule moratum, ubi specimen se dignum illius εὐστοχίας, in exitiabili apro regionem infestante tollendo, applaudente illa edidisse, spectatissimus lapillus hic fidem facit.

Sed quid vetat Romani, neque per omnia illaudati principis venationem heroicam considerare exactius? cum ignoti juvenis σφοδρῆαν tam accurato stylo depingat, penicillo describat nobis Philostratus? Belluam ante omnia mihi inspicite: quam vasto corpore, quibus fetis, quo rostro, quo dente metuenda, plane digna, quæ non plebeja manu caderet. Nec Erimantheo aut Calydonio minorem aut mitiorem cernis:

..... aprum, quanto majores herbida tauros
Non habet Epirus, sed habent Sicula arva minores.
Sanguine & igne micant oculi, riget horrida cervix,
Stantque velut vallum, velut alta hastilia setæ;
Fervida cum rauco latos stridore per armos
Spuma fluit: dentes æquantur dentibus Indis:
Fulmen ab ore venit, frondes afflatibus ardent.

Hesiodicam illa descriptionem implet:

Οἷος ἂν ἐν βίῳ τῆς ὄρεος χαλεπὸς παρὶ δῆλας
Κάπρος χαυλιόδων φρονέει θυμῷ μαχέσασθαι
Ἀνδράσι θηρευτῆς, θῆνη δὲ τε λευκὸν ὀδόντα
Δοχμωθεὶς, ἀφρὸς δὲ παρὶ σῶμα μασιχῶντα
Λαβέτα ὅσπερ οἱ οἰπυεὶ λαμπεῖόν τε εἴητιν,
Ὅρθεα δὲ ἐν λοφίῃ φρίσσει βίχας ἀμφοτέρωθεν.

In scuto Herc.

Nihil hic de aprorum ira & ferocia ex Aristotele aut Aliano referemus, nihil de ignito & fulmineo eorum dente ex Oppiano. Utut Plinio fides constet, qui apros Indicos dentium flexus

Libr. 8. c. 52.

flexus cubitales habere scribit; hunc quidem Cappadocem iis telis, quæ Græci χαλιδόνας vocant, insigniter armatum fuisse, quibus ceu falce, aut machæra obvia quæque meteret, ster-neret, confecaret, notabile nomen arguit: quod a populari-^{ΣΙΜΑΣ}bus sævitiam expertis ei inditum existimare licet, marini nec ignoti piscis, cui natura:

. ὑπὲρ ῥήϊν ἐτήλξεν

Ὁρδιον ἀντὶ ῥήϊον, ἀκαχιδῶν, ἔλ' αἰσδ' ἥρ' α

Φάσγανον, ἀλλ' ἀδάμαντος ἰσοσθενὲς ὄμβριμον αὐρ.

Oppian. 2.
Halieut.

Οὐκ εἴς κρυόεσσαν ἐπιβρισάντος ἀκωκῶ,

Οὐδὲ μάλα σερρὴν πᾶν λίθος ἐπιθεῖσα.

Τοίη οἱ ζαλμῆς τε πέλ' αἰ πυρόεσσα τ' ἐρωή.

Hunc talem quantum provinciæ in fegetibus, vineis, olivetis, (unde prorumpentem videmus) imo & armentis, damni & pauperiei dedisse putamus? Καὶ ὅρῳ τὰ ἔργα τῷ θηέει. καὶ πᾶς ἐλάϊας ὁρῶ ῥυχε, πᾶς ἀμπέλ' ας ἐκτέτμηκε, καὶ ὅδ' α συκῶ καλαλέοιπεν, ὅδ' α μήλον, ὅδ' α μηλάνθην πᾶντα ὅ ὁρῶ κεν ἐν τῷ γῆς. τὰ μὲν ἀνορύττων, πᾶς ὅ ἐμπίπλων, πᾶς ὅ ὁρῶ κεν ὁρῶ.

Et modo crescentes segetes proculcat in herba:

Nunc matura metit fleturi vota coloni:

Et Cererem in spicis intercipit. area frustra,

Et frustra expectant promissas horrea messes.

Sternuntur gravidæ longo cum palmitæ foetus,

Baccaeque cum ramis semper frondentis olivæ,

Sævit & in pecudes. non has pastorve canisve,

Non armenta truces possunt defendere tauri.

Diffugiunt populi, nec sese in mœnibus urbis

Esse putant tutos, donec CONSTANTIUS ipse, &

Lectæ manus juvenum caluere cupidine laudis.

Ὁρῶ ὅ αὐτὸν καὶ τῶ καὶ τῶ φείθονται, καὶ πῦρ ἐμβλέποντα, καὶ οἱ ὁδόνες αὐτῶ παλαγῶσιν ἐφ' ὕμᾶς, ὡ ἄνθρωποι.

Tamque aper excitus medios violentus in hostes

Fertur, ut excussis elisus nubibus ignis.

Sternitur incursum nemo, & propulsa fragorem

Silva dat, exclamant juvenes, portentaque forti

Teta tenent dextra lato vibrantia ferro.

Ille ruit spargitque canes, ut quisque furenti

Obstat, & obliquo latrantes dissipat ictu.

Et progressum quidem certaminis suo jam quilibet sibi fingat arbitrio, aut a similibus exemplis. De Severo Imperatore scribit e Dione Xiphilinus, quum Nisibin venisset, aprum reperisse maximum, qui magno impetu equitem dejecerat, atque interfecerat, dum his viribus confusus conaretur ipsum: tandem vero triginta militum opera captum casumque, ad Severum fuisse perlatum. Venationem suam Pisanam ita eleganter describit Cl. Rutilius:

*Otia vicinis terimus navalia silvis,
 Sectandisque juvat membra movere feris.
 Instrumenta parat venandi villicus hospes,
 Atque olidum doctas nosse cubile canes.
 Funditur insidiis & rara fraude plagarum,
 Terribilisque cadit fulmine dentis aper:
 Quem Meleagrei vereantur adire lacerti,
 Qui laxet nodos Amphitryoniade.
 Tum responsuros persultat buccina colles
 Fitque reportanti carmine prada levvis.*

Telorum quoque ad hanc rem non unum genus, jacula, hastæ, hastilia, conti, enses, cultri, venabula: quorum alia jactu mittuntur & vibrantur, alia manu inferuntur, & designantur. Nimirum tutior ratio, primo hastis missilibus præladere aut experiri, quæ vulnere saltem debilitent feram, si non sternant. Neque aliter Meleager ipse, de quo ita Nalò:

*At manus Oeneida variat, missisque duabus,
 Hasta prior terra, medio stetit altera tergo.*

Neque ille apud Philostratum, eques licet: Ἀπονεῦσαν ἔῃπερ τὸ μισγάριον, & ἐς τὰ δεξιὰ κλῖναν, ἀφίπτοι τῇ χειρὶ πάσῃ, καὶ βάλλει τὸ σὺν κατ' αὐτὸ μάλιστα τὸ σὺν ἀπὸ τοῦ πλάγιου τῇ δέξι. Idem insigni quadam in gemma apparet, cujus ectypon ad me Patavio misit eruditissimus vir Nicolaus Fabricius: nimirum eques astam intentans apro irritato, jam alteram in tergo fixam habenti, non sine literis, APR. Et in denario Getæ III viri una parte Diana pharetrata conspicitur, altera aper a cane exagitatus, hastile tergo impactum ierens. Noster quidem Constantius, neque militibus, & multa comitum manu cinctus, neque equo sublimis hic conspicitur: & ut canes, retia, tela ei non defuisse credimus, ita manus potissimum lacertorumque fiducia ferum comminus adgressus apparet,

*..... hostemque irritat ad iram,
 Splendidaque adversos venabula condit in armos.*

Gratius Cy-
 nget.

Apud Choul.
 p. 89.

Idem in Nerone, Tito, Commodo subinde representant nummi. Idem de Anthemio prædicat Sidonius, cui puero ludus fuerit :

Apud Æn. V.
co Erizzo.

*Inventas agitare feras, & fronde latentes
Querere, deprehenſas modo claudere caſſibus artis
Nunc toto penetrare veru: tum ſepe fragore
Laudari comitum, frendens quum bellua ferrum
Ferret, & iratos exirent arma per armos.*

Atque en Constantium, ne quid artis venatoriæ in isto discrimine abesset, eo ipso statu nixuque corporis, quem peritissimus magister præscribit; læva telum dirigente, dextra urgente, & pede utroque brachium suum juvante. Sed quin verba adscribimus artis a magno Imperatore olim traditæ a magno hic præstitæ: *Εἴτα ὅς τις ἀν' ἡ τῶν παρόντων ἐμπειρό-*

Xenoph. in
Cyneget.

παῖος καὶ ἐγκρατεῖς αἰὼς, πρὸς ἐλδιδόντα ἐν τῷ πρῶτῳ τῷ πρῶτῳ
 λίαν πάειν. εἰάν τῷ μὴ βέλῃ τῷ ἀκοντιζόμενος καὶ βαλλόμενος κα-
 ταίειναι τῷ περὶ δρόμον, ἀλλ' ἐπαινεῖς ἔχει πρὸς τῷ πρῶτῳ
 περὶ δρόμον, ποιῶντος, ἀνάγκη, ὅταν ἔτιως ἔχει, λαβόντα τὸ
 πρῶτον πρῶτον, ἔχει δ' αὖτε, τῷ μὴ χειρὶ τῷ ἀκοντιζόμε-
 νῳ, τῷ δ' ἐπὶ τῷ ὅπῳ. κατὰ τῷ γὰρ ἡ μὴ ἀκοντιζόμε-
 νῳ, ἡ τῷ δεξιᾷ ἐπεμύδαται. ἔμπροσθεν τῷ ὅπῳ ὁ μὴ ἀκον-
 τιστὴς ἀπὸ τῷ τῷ χειρὶ τῷ ὁμῶντος, ὁ τῷ δεξιᾷ τῷ ἐπὶ τῷ
 πρῶτῳ τῷ περὶ δρόμον τὸ περὶ δρόμον μὴ πολλῷ μείζω δια-
 βαίνει ἢ ἔμπροσθεν ἐπιστρέφοντα πρὸς πρῶτον πρὸς ἐνῶντος,
 ἐπὶ τῷ χεῖρα τῷ ἐνῶντος, εἴτα εἰς βλέποντα εἰς τὸ ὅπῳ
 τῷ τῷ, ἐν τῷ μὴ τῷ τῷ κίνησιν τῷ ἀπὸ τῷ κεφαλῇ τῷ
 ἐκείνῳ. Denique quod supremam εὐστοχίας laudem implet,
 non temerarium fortuitumque infert ictum, sed vulnere cate-
 locum deligit, delectum valide penetrat, ex eadem disciplina:
 Προσφέρειν τῷ πάλιν τῷ αὐτὸν τῷ πρῶτον καὶ πρῶτον ὅπως τῷ
 ὁμοπλάτης ἢ ἐσφάγη. καὶ ἀντρεῖσθαι ἔχει ἐρρωμένως, ὁ
 τῷ ἀπὸ τῷ μὴ πρῶτον, καὶ εἰ μὴ κωλύοιεν οἱ κινῶντες τῷ
 λόγῳ, ἀφίκοιτ' αὖτε ἀπὸ τῷ πρῶτον αὐτὸν πρὸς τῷ
 τὸ περὶ δρόμον ἔχοντα. Hoc est, quod Philostratus signanter
 dixerat, μέγιστα τὸ σωτήριον τῷ πάλιν τῷ δέξῃ.
 Et Homerus de Ulyssē:

Τὸν δ' Οδυσσεὺς ἔτισσε τυχῶν καὶ δεξιὸν ὤμειν.

Odyss. τ.

Maeste igitur virtute Constanti! qui (ut Epigrammaticarii verbis utamur)

Marzial.

.... tam certo venabula dirigit iſtu:

Et tua Cappadocem collocat haſta ſuem.

Choul. p. 82.

Utique non ſine præſenti ope Dianæ, quæ cælatoris ingenio pone aſtat, telum & ipſa gerens, nescio quid ſatagens. Illam enim venatricem & ἀγορεύουſιν noſcere videor ex habitu: quam

* Libr. 2. tab.

20. 22.

ita ſuccinctam in nummis videmus, & ſtatuis. * Minutius Felix Octavio: *Diana interim eſt alte ſuccincta venatrix, & Ephesia mammis multis & verrucis extructa.* Si modo paganum numen religioſo principi apponerè conveniebat, & non potius aliquem comitum ſociorumque (quod doctiſſimo itidem viro, Laurentio Pignorio placuiſſe video) interpretamur, præ terrore refugientem, nec congreſſum horribilis monſtri ſuſtinentem. Quod ad extollendam Cæſaris virtutem artiſex addiderit, qui comites ipſe ſuos turbatos & timentes præſenti periculo liberaverit; fortior & felicior in venatione iſta Cappadocia rege illo Artaxerſe, de quo e Ploybio refert Conſtantine Porphyrogenneta Imperator, quum in eadem regione inter venandum leo ei occuſſiſſet, ejuſque equum invaſiſſet; oblatum caſu Perſam quendam ſtriſto acinace regem de vita periclitantem liberaſſe, leone interfecto; proque tali merito, altiſſimo monte conſenſo, omnem regionem quam inde circumſpicere potuerit, dono a rege accepiſſe, Cappadociæ nomine Perſico indito.

De Themæt.
cap. 2.

Quas ergo grates publico hoſte ſublato liberatori ſuo provincia retulit; magnas proculdubio, & plauium triumphalem, & hoc ipſum forſan donariolum, utut mole exiguum, elegantia & raritate conſpicuum, artiſice manu ſcalptum, honoris ergo ipſi conſecravit. Et ipſa quidem ſpectatrix accubat, dextra feram demonſtrans, ſiniſtra cornu Amaltheæ tenens; quo

Strabo libr. 12.

ſymbolo fertilitatem regionis, frugumque abundantiam geographis notam denotari palam eſt. Quo habitu & alias provincias in Notitia Imperii, atque etiam nummis depictas videmus, & nominatim Cæſaream in nummo uno atque altero a Cæſarienfibus in honorem Antonii III. viri cuſo, apud Goltzium; in quibus mulier caput turrita, palmæ ramum cum cornucopiæ læva gerens, dextram gubernaculo admovent. Quos tamen ad hanc Mazacam nihil pertinere, evidenti palmæ Idumææ argumento, acute idem vir ille elegantiffimi ingenii Fabricius obſervavit; ſed apud aliam Cæſaream Idumææ ab Herode rege

Tabula 55.

Libr. 9. c. 13.

cuſos. Antonius namque (Appiano teſte) Herodem Samariæ & Idumææ præfecit, Cæſareamque ejus gentis oppidum recenſet

Plinius

Plinius, quam & ipse, & Strabo prius Stratonis turrim vocatam scribunt; Vespasianus postea colonia eo deducta Primam Flaviam appellavit, & in nummo quodam Aurelii Cæs. legitur: COL. PRIMA. FL. AVG. CAESAREA. Sed & Mazacæ nomen Antonii tempore nondum in Cæsaream mutatum, quod sub Tiberio Cappadocia in provinciam contigisse Eutropius & Eusebius; sub Claudio Sozomenus, & Nicephorus, & alii aliter prodidere. Eam porro jacentem cælator fecit, sive quod non aliter gemmæ spaciique ratio ferret, sive studiose, ut in nummis subinde Provincias afflictas, & bellis aliisque calamitatibus oppressas & prostratas, salutari demum Principum manu erectas surgere observamus (a). Et hæc hæctenus.

Gemmæ memorata



Apud D. March. Alexandr. Rinuccinum Florent. V. pag. 165

INDEX

(a) Hæc auro contra æstimanda gemma postquam plurimum foras Imperatorum gazophilacia exornavit, in potestatem tandem venit Regis Galliarum, qui eam dono dedit cuidam nobili, invictoque suorum exercituum duci, in grati animi testimonium, præmiumque, & remunerationem pro parta victoria. Nunc autem post varios casus, atque permutationes ad manus pervenit Marchionis Alexandri Rinuccini Patritii Florentini omnium elegantiarum amantissimi, qui

magno eam redemit, & mihi ejus estypam ceram perquamlibentissime, ultroque communicavit. Pendet autem 53: ut vulgo dicunt, caratos, & colore nitidissimo splendet, & magnitudini omnino respondet typi illius, quem dederat Du-Fresnius; verum magis adfabre, & elegantius excusa est, quapropter illam iterum delineandam, & ære incidendam curavi, forma tamen majore, ut distinctius percipiat, ut his videre est.

I N D E X

Rerum notabilium, quæ in Dissertatione
 DE INFERIORIS ÆVI
 NUMISMATIBUS
 CONTINENTUR.

A

A & Ω 34. 44. 45. 49. quid significant 49.
 Acacia quid sit 24.
Acclamatio 72. hujus formula ex
 Augustino Leone III. aliisque 73.
 Alemannia a Constantino debellata 88.
 Alemannus Nicolaus laudatus 23. 59. nota-
 tus 74. 112.
 Alveus inferior cum inscriptione 51.
 Amalthææ cornu in gemma quid significet 164.
 Anastataeos templum in numo Heraclii 100.
 a B. Elena extractum ibid. a Modesto Pa-
 triarcha reedificatum 101.
 Anni Imperii quibus in numis, & quomodo
 descripti 74.
 Anthemius venationis arte præstans a Sidonio
 laudatus 163.
 Aper irritatus a Philostrato mire descri-
 ptus 160. in eo occidendo maxima ven-
 ationis laus 159. Aper Cappadox exitiabilis
 a Constantio occisus 160. quibus telis ar-
 matus 161. Aper maximus apud Nisibin
 162. Aprorum occidendorum tutior ra-
 tio 162.
 Apostoli per duodecim columbas exprimun-
 tur 153.
 Aquila Imperii symbolum 15. unde de-
 sumpta 15. in numis 18. super sceptrum,
 & in coronis 15. 16. biceps 15. 18. 19. 21
 ejus origo 15. 16. 17. in columna Traja-
 ni 16. aurea 15. 20. Regis Persarum ve-
 xillum 16. Jovi cur dicata 15. & 16. a
 quibus mutuaverint Romani 16. & quan-
 do 16. cur biceps 17. Byzantinorum Au-
 gustorum insigne 18. quando nigro colo-
 re spicta 19. 20. 21. symbolum regene-
 rationis per baptismum 156.
 Arcus Avenoniensis Martii 37. Remis nuper
 detectus 37. 38.
 Artabazus Consul 30.
 Artaxerxes Rex quomodo vita a Persa solu-
 tus 164.
 As minimus æris numus 141.
 Asprum moneta argentea 143. drachmæ

æquiparatur ibid. asprorum duplex spe-
 cies apud Turcas ibid.
 Asarium quid 141. quanti appensus 142.
 Ataulphus Gortus a Bonifacio vulneratus 93.
 Augusta *Matres castrorum* dictæ 90.
 Augustæ ramum aureum gemmis distin-
 ctum deferre solite 112.
 Augusti volebant sancti appellari 27.
 Auri pretium a Valentiniano augmentum 111.
 Auroclavatæ vestes 7.

B

B Anni significatio 9.
 Barbarici characteres in numis 119. a
 quibus inducti ibid. a quibus usurpati 119.
 Barbaries quando maxime cepit 111. 120.
 Barbati & imberbes Imperatores Con-
 stantinopolitani 102.
 Basilii Macedonis propria numismata 75.
 Belisarius triumphans a Justiniano exce-
 ptus 96. ejus numus ibid.
 Bellarminus Cardinalis notatus 17.
 Blancs unde sic dictæ monetæ minutiores
 argenteæ a Gallis 143.
 Bonifacii numus 92. ejus in bello præcla-
 re gesta 93.
 ab Aëtio calumniatur ibid. ab hoc vul-
 neratus occiditur 94. magister militum
 dictus ibid. ejus triumphus 92.
 Bononia ad Oceanum 91.
 Bracile quid 8.
 de Byzantinis familiis opus nondum vul-
 gatum 2.
 Bulialdus Ismael notatus 18.
 Byzantium quando sic appellari desierit 127.
 Byzantius aurea monetae genus 127. nec
 non argenteæ apud Principes Mantus 128.
 Byfantii Saraceni quare ita dicti 128.
 Byfantii quare appellentur globuli aureis &
 argentei in armorum insignibus ibid. By-
 fantii solidi etiam Constantinop. dicti ibid.
 Byzantini Scriptores lumen mutantur a nu-
 mis 2.

Cæsarea provincia quomodo in numis expressa 164.
 Cæsarea Idumæ olim Stratonis turris vocata 165. illam Vespasianus postea Priam Flaviam appellavit ibid.
 Cæsarea Cappadociæ olim Mazaca dicta 166. 167. quo tempore istud nomen immutatum 165.
 Calyptra quid 32.
 Camelaucium quid sit 114.
 Cappadociæ quare nomen Persicū inditū 164.
 Carthago quo anno a Saracenis capta 113.
 Causabonus notatus 8. 61.
 Cauci nummorum species 55. quare ita dicti 145.
 Cedreni sententia explosa 76. 134.
 Centenionales monete quæ 144. earum usus interdictus, & postea restitutus ibid. non confundendæ cum centenariis aureis ibid. dictæ etiam minutulæ centenionales ibid.
 Ceratium quid 136. idem ac drachma ibid. sumptum pro ponderis specie 137.
 Cervi palmati 95.
 Characteres arithmetici unde ad nos venerint 153. apud Græcos nunquam noti ibid. barbarici 119.
 Χερσύνη moneta quævis apud Græcos recentiores 146.
 Χερσύνη telorum genus 161.
 Chiffletius notatus 109.
 Chalcæneus notatus 19.
 Christi monogramma 44. V. *Monogramma* effigies 45. in nummis quando primum expressa 47. in monetis etiam expressa 140. quo modo 48. 49. nomen antiquitus brevium 49.
 Christus quo modo depictus 50. per petram, vel rupem designatur 153. cum codice Evangelii 51.
 Christiani orabant pro Imperatoribus 45.
 Χρυσάβαντος vestis auroclavæ 7.
 Circensium symbolum 23. in votorum occupatione 25.
 Clamides floribus lucentes 33.
 Clavus latus quid sit 5. 6. 7. 9.
 Codex de arte venandi num. Frederici II. 13.
 Vaticanus anni 699. pag. 22.
 Codicilli consulares 24.
 Colobium quid 7. 8.
 Colombæ quare cum serpente in numo expressæ 154.
Conob, seu *Konob* quid significet 76. quare ejusmodi nota ab aliquot Imperatoribus, vel tyrannis Occidentis usurpata fuerit 77.
 A Regibus Franciis 78.
 Constantinus in cunis diademate donatus 115.
 a populo Constantinus dictus ibid. quot annis regnavit ibid. quo tempore natus, &

Imperator dictus 116. Tres illius filii 115. ex his Constantinus cognomento Pogonatus 116. quo anno Imperii hic obierit ibid. in Britanniam transmittens 90.
 Constantini M. tres natales 70. in quod tempus inciderint ibid.
 Constantini novi appellatio 64.
 Constantinus M. lorum s. Silvestro dat 9.
 Constantinus Victoris appellationem quando usurpare cepit 68.
 Constantinus Heraclius quo anno dictus Imperator 115. quoto tempore imperaverit ibid.
 Constantinus Pogonatus V. *Pogonatus*.
 Constantinopolis effigies 34.
 Constantini Copronymi numus 72. quo tempore cusus ibid. qua occasione ibid.
 Constantii Imp. gemma a Marquardo Frehero interpretata 90. alia de apro occiso a Scaligero enarrata 158. & seq. illius in sagittando virtus 160.
 Constantis Imp. in Britanniam trajectio 91.
 Constantinati numi 129.
 Consulares stola V. *Stola*. ornatus 26. 27. 30. numi 3. 4. 5. 26. habitus 5. 6. 7. 8.
 Consularia dyptica 5. 6. feminae 12. codicilli 24.
 Consulatum ambierunt Imperatores 3.
 Consulatus perpetuus 27. Basilii 28.
 Consulatus quomodo numerati 29. 30.
 Consules post Justinianum non describebantur in Fastis 3. eorum symbola 15. 22. circenses dabant 23. as tantum spargere populo poterant 146.
 Consulum tunicae 5. toga pictæ 5. mappa 6. clavus V. *Clavus*.
 Contornii nummi 97.
 Corona radiata 3. 31. V. *Diadema*.
 Cratia moneta Florentina 136. ejus etymon 137.
 Crucis vivificæ ab Heraclio adeptæ historia enarrata 99. & 100.
 Crucigeri numi ad collum appendi soliti 110.
 Crux pro sceptro 15. 112. in nummis 42. etiam ichonomacorum Imperatorum 43. cum duplici stipite transverso 43. triplici figura 43. recurvata qualis 43. gradibus insitens 114. inter lilium erecta 144. minio lita quid designet 153. in omnibus symbolis adhibita 153. simplex ejus stemma ibid. cum Trinitatis mysterio ibid. cum quatuor columbis 154.
 Crypinus quid 125.
 Currus instar turris rotundæ 93. a cervis tractus 95.

D

Decargytus species maioris monete 144.
 Decas numerus venerabilis 154.
 Deipara maxime culta ab Imperatoribus Byzantinis 53. ab Andronico Palæologo 105.

105. in nummis ejus effigies 53. 56. 57.
104. & in gemmis 54. qualis apud Græcos
54. a s. Luca depicta 54.
Despotæ titulus Imp. 59.
Dextrarii qui 25.
Diaconi quomodo stolam deferant 14.
Diadematis significatio posterior ætate 13.
Imperatoris ornatus diadema 31. gemma-
tum 31. 33. ex margaritis 31. Cruce de-
coratum 32.
Dianæ habitus qualis 164.
Δισκος purpura fatura 9.
Dinumum vestigal 141.
Diocletiani fatalis aper 159.
Dionysii Ateopagite codex 106.
Dioscoridis codex ms. 12.
Domini, & Domine titulus 59.
Draco pannus oblongior 20.
Dyptica varia 5. 6. 11. 15. 23. 25. 26. 52. 61.

E

E Qui Imperatorum 25. in numis quid 25.
Evangelistæ, seu Evangelia quatuor flu-
minibus designabantur 153. Nec non qua-
tor columbis totidem fluentia eructanti-
bus 154.
Evangelii codicem deferrebant Imperatores
41. quamvis id juris non haberent 42.
manu Christus tenet 51.
Euphemia uxor Justiniani senioris 112.
Eutymus insignis pugil 97. in Honori
Trajani & Neronis numis expressus ibid.
Εὐαγγέλιον, male interpretatum 137.
Exagium quid 121. pro quavis pensatione
sumptum ibid. pro solido usurpatum 122.
Exagella, & exagellarius titulus quid sit 121.
Exarchi Ravennæ quando potissimum flo-
ruerint 119. eorum numi descripti ibid.

F

F Abricius Nicolaus laudatus 162. 164.
Fascia consularis descripta 5. 7. 8. 9. 12.
Pontificia 11. pectoralis 12.
Feminarum consularium ornatus 12.
Feculam gestat Imperator, & cur 40.
Fides per anum stolata expressa 155. Spei
conjuncta 156. ejus symbolum novum Te-
stamentum 156.
Flavii prænomen Imp. 60. 61. Jovianus
primus post Constantinum hoc sumpsit 61.
& Rex Longobardorum 61.
Floreat, vel *flureas* adprecationis formula 72.
Follis monetæ genus 137. duplex æreus,
& argenteus ibid. ejus usus antiquissimus
ibid. hujus vocis etymon 138. follis æreus
quanti æstimatus ibid.
Folluz monetæ Hispanica 139.
Follis majoris pretii 139. erat census Sena-
torum ibid. quanti appensus 140.
Francia a quo primum sic dicta 88. a Co-
stantino debellata ibid.

Francorum in Syria expeditio 124.
Francus, & Germanus olim non distin-
guebantur 88.
Fridericus I. Imperator suggillavit Isaacum
Angelum 17.
Fundatus quid significet 9.

G

G Emma Constantii Imp. ob aprum occi-
sum 158. sapphirus cum venatione 91.
Geneva Regum Burgundie sedes 119. Ge-
nuensis monetæ quæ ibid.
S. Georgii imago 56. 57. Græci eum
μυρομήντωρ vocant 57.
Globus cruciger Imperatorum gestamen 33.
34. 35. 36. quid significet 33. in manu Jo-
vis 33. cum Victoriola 34. cum A & Ω 34.
Gothici Reges qua conditione Italiam pos-
sederint 118.
Gregorii Nazianzeni Oratio adversus Ju-
lianum 158. Imperatorum vanitatem exa-
gitat ibid.
S. Gregorii pallium, & imago 10. & 11.
a Grezero dissentit auctor 43.
Gruteri Jani epigramma 158.
Gyllius notatus 75.

H

H Aleander notatus 145.
Hardis monetæ genus 135. 136.
Helene Augustæ plures 107.
Helena Constantini mater quomodo in nu-
mis expressa 108. 109. Julæ prænomine
donata 109. illius cura Ariana hæresis
damnata ibid. quo tempore a filio Au-
gusta renuntiata 110. Ejus numi plures
Romæ reperti 107. Crux vivifica ab illa
inventæ 99.
Heraclii numus 74. quo tempore ipse regna-
verit ibid. ejusdem numus adulterinus 98.
sanctæ Crucis ab eo recuperatæ historia
narratur 99. & seqq.
Homophorium episcoporum 14.
Hortus conclusus Canticorum baptismæ de-
signat. 154.
Hyperpyrum quid 123. hujus diversæ ap-
pellationes ibid. quando primum illius no-
men auditum 124. varie depravatum 124.
125. ejus pretium 125. 126. Hyperpyri
nota 126. aureum fuit 125. Hyperpera
Cypria argentea 126.

I

I JESUS CHRISTUS *ΙΧΘΥΣ* inscriptio ubi
sculpta 46.
Imperatores, ejus vestis 13. 40. Sancti appel-
lari volebant 27. diademate utebantur 1.
32. Mundi domini sese appellabant 33.
Imperator captivum proculcat 114. feru-
lam gerit 40. spiculum tenet 114. Evange-
lia deservit 41. Impe-

Imperatores ante Heraclium barbam radebant 102. Exinde nutrire cœperunt ibid. in honorem magnorum virorum numos cudebant 92. a Deo coronati 52. *Domini nostri* appellati 58.
 Imperatoribus laudi dabatur feras occidere 158. & 159.
 Imperatoris titulus omiffus 58.
 Imperatorum natales dies celebrati 70.
 Indictio in numis appofita 74.
 Inſcriptio vetus illuſtrata 87.
 Inſcriptio in alveo luſorio 51.
 Inſcriptiones Græcæ characteribus Latinis ſcriptæ 75. in numis 70. 74.
 Inſignum uſus quando cœperit apud Byzantinos 19.
 Joanni Baptiſtæ templum Alexandriæ factum 79.
 Iſidorus notatus 130.
 Iſis in Helenæ Juliani uxoris numis expreſſa 109.
 IC. XC. NIKA formula Chriſtianorum Græcorum unde fluxerit 98.
 Julianus Imperator Conſtantii ſucceſſor 158. ejus numus ibid.
 Julius Silvanus a Legionibus peremptus 92. ejus impietas a Nazianzeno exagitata ibid.
 Juſtinianus quo anno Cæſar dictus 113.
 Juſtinus Junior vulgo Curopalata dictus 111. quo tempore extinctus ibid. de hac re controverſia 118.

K

K *Επίσιον* monetæ, & ponderis genus 137.

L

L Abati deſcriptio, inventio, uſus &c. 37.
 Labarum in numis 37. 39. vexillum barbaricum 39. honoratum 39.
 Latina lingua barbara appellata 120.
 Leo cum ſerpente quid designet 155.
 Leo Conſtantini Copronymi filius quando corona donatus 72. quare dictus *Minor*. ibid. in ſubſcriptione Bullæ Stephani III. PP. *Majus* appellatur. ibid. de hac error notatus 73.
 Leptum quadrans numus 140.
Lei hardis moneta Gallica 135. 136.
 Literæ in numis quid designent 76. & ſeqq.
 Lori ſpinæ quid 13.
 Lorum quid ſit 9. 10. 11. s. Silveſtro conſeſſum 9. cur differat a pallio 11. feminarum 11.
 s. Lucas B. Virginem pinxit 54.
 Lumen. V. *Nimbus*.

M

M Ajoranæ monetæ quæ 144. illarura uſus interdictus. ibid. vocis etymon. ibid.

Malliæ quæ 149. unde ſic appellatæ ibid.
 Malliæ Piſtavinae 151. quando cudi cœperint ibid.

Malliarum genera plura ibid.

Μαυδία quid 11. 12. 13.

Manipulus ſacerdotalis pars ſtolæ 14.

Manus e nube erumpens 53.

Mappa conſularis 6. 7. 22. 24. laticlavaria 7. ſymbolum ludorum 23.

Marcellus Chriſtophorus auctor Cereemonialium Romani 10.

Maria Virgo. V. *Deipara*.

Muſculi monetarum genus 150. iidem ac nummi Piſtavini ibid.

Mauricius interfectus a Phoca 74.

Medalia pro quovis nummo uſurpata 147.

Arabes id vocabuli a Chriſtianiſ acceptere ibid. a medalia quare efficta vox medalia-ta ibid. ſpuria Joannis Palæologi 106. A

Jovio commendata 107. item Conſtantini Palæologi ibid. plurima de hac Scaliger & Gretzerus ibid.

Μηλον moneta quare ſic nuncupata 145.

Metallum pro quavis moneta uſurpatum 148. numis inſcribatur ibid. interdum cum monetariis typis ibid.

Michalati, & Manuclati numi 129.

Miliarenſis porticus Romæ in hortis Saluſtianiſ 135.

Miliarenſis quid 132. duobus conſtabat cerasiis 133. illius mentio quo primum facta 134. utrum a militia ſit deducendus ibid.

iſtius monetæ uſus in Italia 135.

Miliariſion moneta 105.

Miramontius vellicatur 19.

Monetæ publicæ, & ſiſcales 75. harum definitus numerus ibid. omnium præcipua Conſtantinopolitana ibid.

Monetariæ officinæ 74. quæ fuerint in Oriente 79. quæ in Occidente 80. aliæ recentæ 80. 81. harum officinarum nomina numis adſcribi ſolita 81. earundem notæ ſecundum ordinem literarum interpretatæ 81. & ſeqq.

Monetæ olim appendebantur, non vero numerabantur 148.

Monetarum diviſio 120.

Moneta dicta a metallo 147.

Molineus Carolus notatus 21.

Monogramma Chriſti 4. 44. variis locis, & modis expreſſum 44. 45.

Monolores veſtes 10.

N

N Arthex idem ac labarum 40. in quo tamē differunt 40.

Natales Imperatorum celebrati 70.

Natales dies qui ibid.

Natalis felix adprecatuſ 70.

NIKA acclamationis genus 90.

Y

Nim.

Nimbus capitis ornamentum 4: 26. appellatur *lumen* 26.
 Nomina urbium in nummis 73:
 Numisma quid 122. ejus variae notiones a Scaligero expensae ibid. pro forma, characterē, ac typo numi usurpatum ibid. necnon pro aureo 122. 123. illius nota 126
Nymphae quid 141
 Numi Valentiniiani idem ac Romani 119.
 Numorum sigla 81.
 Numi adulterini 97. 98.
 Numi Helenae nomen praeferentes 107. cui adscripti ibid. & seqq. utriusque Theodosii 111. utriusque Iuliani ibid. Constantini, & Constantis ex Heracliana familia 113. cui potius in maximis difficultatibus adscribendi 116. Regum Gothorum Italiae 118. Exarchorum Ravennatum 119
 Numi inferioris ævi neglecti 1. Zimiscliani 47. lumen adferunt scriptoribus Byzantinis 2. nihil frustra in eis caelatum 2. votivi 65. Consulares qui 3. Crispi 3. 25. Michaelis Palaeologi 18. Claudii 25. Tiberii Constantini 3. Iuliani 23. Mauricii Tiberii 3. Valentiniiani 3. 4. 23. 34. 63. Theodosii aurei 4. 14. 23. 34. Numeriani 25. Maximiani 7. Commodi 22. Licinii 15. Theodosii Lascaris 18. Faustinae 22. Antonini philosophi 22. Veri 22. Lascaricae, & Palaeologicae gentis, quare vix occurrant 103. & seq. revocati, & contornati qui 97. Constantini M. 70. 88. ejusdem numus explicatus 86. Justiniani 79. Magnentii 81.
 Numi Ducum Venetorum 49. 50.
 Numisma V. *Numisma*.
 Numismata *τρίκισσα*.
 Numus Constantis 32. Augusti 37. Alexii 54. Caracallae 33. Didii Iuliani 33. Iuliani 34. Vitellii 37. 38. Domitiani 37. Antonini 37. 38. Hadriani 38. Basilii 41. Theophili 41. Irenes 43. Constantii 44. Decentii 44. Maxentii 45. Heraclii 51. Romani. Diogenis aureus 53. Isacii Angeli 54. 56. Manuelis 54. 57. Joannis Comneni 55. 57. Constantini Copronymi 72. Constantis in Britanniam transmittentis 90. Placidii Valentiniiani Justiniani in quo expressus Belisarius 95. Stilichonis ab Honorio cufus 69.

O

O Bolus idem cum folle æreo 140.
 Obryzum quid 76. 124.
 Occidua libera quæ 121.
 Oceanus per figuram in aquam immersam representatus 91.
 Odo de Diogilo notatus 142.
 Officina monetaria Orientis 79. eadem Occidentis 80.
ὀνομαστί quid 133.

Olympionice fere omnes pro Diis habitæ 97.
ὀνομαστί quid 8. 10. 11.
 Ortelius Abraham notatus 153.

P

P Alæologæ gentis imagines nonnullæ descriptæ 105. & seq.
 Palli usus ante Constantinum 10. s. Gregorii 11. idem ac lorum 10. materia & forma 11. 13. idem ac stola 14.
 Panegyrici quid 69. non modo Imperatoribus, sed & Episcopis dicti ibid.
 Patriarchis in Ecclesia acclamationes fiebant 73.
Pavesade quid sit 19.
 Pentilores vestes 10.
 Perpera monetæ genus 125. unde dicta 126.
 Perpetuitatis titulus 62.
 Perpyrtarii unde dicti 126.
 Persa quidam Leone occiso Artaxersem a morte liberat 164. quo præmio donatus ib.
 Petra quid 108.
 Petronius Maximus bis Consul 95. expressus in numo Valentiniiani ibid.
 SS. Petrus, & Paulus cum voluminibus 23.
 Philostrati mira de apro descriptio 160.
 Phoca Nicephorus monetæ pondere immittit 131.
 Pictavenfes masculi 151.
 Pictavina monetæ 150.
 Pignorius Laurentius laudatus 164.
 Pisanus Victor Sculptor egregius 106.
 Pita quæ 151.
 Pomum aureum regis insigne 36.
 Pontificia potestas assumitur a Christianis Imp. 63.
 Prætexta 7.
 Profundus quid designet 8. 9.
 Provinciae in numis, ac gemmis depictæ 164. interdum prostrate, atque afflicte 165.
 Purpura Maura quid significet 8. saturata 9.
 Purpurati idem ac hyperperi 124.
 Pycta quid significet 97.

Q

Q Uadrans numus 140.
 Quadrata monetæ 144.

R

R Aesium quid 136.
 Reges Gallorum nudi cum globo efficti 36.
 Regium indumentum 13.
 Rochetus episcopalis unde derivatus 11.
 Rogæ usus 117.
 Rogalii qui 117.
 Roma quando a Gothis subacta 118. a Belisario ad Romanum imperium revocata ibid.
 Romæ effigies 34.
 Roma.

Romanati numi 129.
Ρομαιν, quale indumentum 11. 13.
 Rutilius venationem suam Pisanam describit 162.

S

S Agum militare 125.
 Sancti appellari volebant Augusti 27.
 Pontifici Maximo titulus sancti negatus 27.
 Sanctorum imagines in nummis 55.
 Sapphirus grata Principibus 159.
 Scaligero dissertit 147.
 Scripulus, vel Scriptulus, quare sic dictus 137. idem ac grammata ibid.
 Scyphati nummorum species 145. quare ita appellati 146.
 Scyphati aurei in Italia usum habuere ibid.
 Strada Octavius notatus 41. 62.
 Sceptus aquiligerus 3. 15. eburneus 15. Consulium gestamen 15.
 Securitatis symbolum 156.
 Segvinus Petrus laudatus 78.
 Semissis dimidii solidi 130. pro parte etiam dimidia cuiusvis monete fumitur ibid.
 Senatores follem pendebant 139.
 Sigismundi Imperatoris sigillum 21.
 Siglae numorum 81.
 Siliqua ponderis genus 137.
 s. Silvester lorum a Constantino obtinet 9.
 Solidus quid 120. qua significatione a Latinis usurpatus 120. 121. & 122. Solidi Constantiniani pretium 121. Constantinopolitanus 128. quare dictus solidus Constantiniani 129.
 Spes quare per puellam nudam canem calicantem columbam prehendentem exprimitur 155. Fidei quare conjuncta 156. ejus symbolum vetus Testamentum ibid.
 Spinæ pallii quid 13.
 Sponii Jacobi libellus de Diis ignotis 87.
 Stagnei numi 142. eorum origo nominis 142.
Stuprum pro minuitore moneta usurpata 142. de illius etymo controversia ibid.
 Stapedæ recens inventæ 153.
Stuprum nomen moneti aurei tributum 146.
 Stilichonis numus 56.
 Stola consularis 3. nostratis origo 11. 14.
 Subarmalis vestis 8. 9.
 Succinctorium quid 8.
 Superhumeralis quid 10.
 Symbola varia ad baptismum spectantia 153. 154. 155. 156.
 Symbola *υποσημα* apud veteres Christianos plurima 153. diversa habuere Orientales, & Occidentales ibid. in omnibus erat Crux ibid.

T

T Alentum varie usurpatum 127.
 Telorum ad occidendas feras plurima genera. 162.

Tetarteron quarta pars solidi 131. a quo inventum ibid. ex quo monetarum genere esset 132. illius appellatio adhuc apud Tartaros viget ibid. quibusvis minutoribus monetis interdum tributa ibid.

Theodeberti Austrasie numus præclarus 64.
 Theodosius Senior quo anno obierit 111.

Theophile Augusti in nikai. inscriptio in numo Theophili 71.

Tituli Imp. 57. 58. 59. 62. 63. 64.

Toga picta, & palmata 5. 27.

Trabea vestis consularis 5.

Trabes sacrarum ædium 100. & seq.

Tremissis tertia pars solidi 130. Scriptores mediæ ætatis illius tantum meminere ibid. aureus a quo primum usus ibid. quot denariis constat ibid.

Tribunalia quæ 87.

Tribunicia potestas ab Imp. absumta 63.

Τρισημια numismata quid significant 117.

Triens idem ac semissis 131.

Trilores vestes 10.

Trinitatis mysterium Crucis stemmati adjecitum 153.

Tunica pectoralis 7. palmata 27.

Turcarum moneta 143.

Turchifari quid 125.

Tzimisken Imperator Christi imaginem monetis insculpsit. 140.

V

V Alla laudatus, & notatus 9.
 Vallum quid, & unde dictum 89. in quibus numis descriptum ibid. ejus dispositio ibid.

Valentiniani de leone occiso signum 159. ab Ausonio celebratum ibid.

Vandali sub Justiniano ex Africa exacti 94. Bonifacium superant ibid.

Velferus notatus 22.

Venationi dediti Imperatores 158.

Venatio in sapphiro 82.

Veringodumnus numen Gallorum 87.

Vicennalia 25. 67.

Victoriolæ signum super globum 34.

Villanius Jo. historicus Florentinus notatus 19.

Vincitioni an monete genus 105.

Virtutes effigiate 6. 12.

Volumen consulare 22. Sanctorum Petri, & Pauli 22. & 23.

Vota quinquennialia 4. tricennialia 32. decennialia 65. horum celebritates, & ritus 66. & seqq.

Votorum pro salute Principis origo 65.

Vota multa 71.

Votorum concipiendorum formula singularis in Constantii, & Constan. fratris numis 71.

Vota numis quando adscribi desinere ibid.

Votivi numi qui sint 65.

Urbium nomina numis adscripta 75. figuræ expressæ 104. 105.

The first of these is the fact that the
 system is not a simple one, and that it
 is not a simple one, and that it is not a simple one.

The second of these is the fact that the
 system is not a simple one, and that it is not a simple one.
 The third of these is the fact that the
 system is not a simple one, and that it is not a simple one.


The fourth of these is the fact that the
 system is not a simple one, and that it is not a simple one.
 The fifth of these is the fact that the
 system is not a simple one, and that it is not a simple one.


The sixth of these is the fact that the
 system is not a simple one, and that it is not a simple one.
 The seventh of these is the fact that the
 system is not a simple one, and that it is not a simple one.

The eighth of these is the fact that the
 system is not a simple one, and that it is not a simple one.

The ninth of these is the fact that the
 system is not a simple one, and that it is not a simple one.
 The tenth of these is the fact that the
 system is not a simple one, and that it is not a simple one.

The eleventh of these is the fact that the
 system is not a simple one, and that it is not a simple one.
 The twelfth of these is the fact that the
 system is not a simple one, and that it is not a simple one.





Special 82-B
3113

